



ИСЛОМ КАРИМОВ

**ОНА ЮРТИМИЗ
БАХТУ ИҚБОЛИ ВА БУЮК
КЕЛАЖАГИ ЙЎЛИДА
ХИЗМАТ ҚИЛИШ –
ЭНГ ОЛИЙ САОДАТДИР**

ТОШКЕНТ – «ЎЗБЕКИСТОН» – 2015

УЎЎК: 323(575.1)

КБК 66.3(5Ў)

K25

ISBN 978-9943-28-344-2

© «ЎЗБЕКИСТОН» НМИУ, 2015

СЎЗБОШИ ЎРНИДА

Хурматли китобхон!

Маълумки, 2015 йил 29 март куни юртимизда улкан сиёсий воқеа – Ўзбекистон Республикаси Президентлигига сайлов бўлиб ўтди. Бу ҳақда сўз юритганда, аввало, ҳар томонлама юқори савияда, муқобиллик асосида ўтган бу сайлов мамлакатимизни демократик ривожлантириш йўлида яна бир муҳим, ҳал қилувчи босқич бўлиб, ҳалқимизнинг ўз кучи ва салоҳиятига бўлган ишончи нақадар мустаҳкам экани, унинг сиёсий-хуқуқий онги, ижтимоий фаоллиги, Ватанимизнинг бугунги ва эртанги тақдирни учун дахлдорлик ҳисси тобора ортиб бораётганини амалда яққол намоён этганини таъкидлаш лозим.

Конституциямиз, миллий ва халқаро ҳуқук нормалари, демократик тамойиллар асосида, очиқлик ва ошкоралик, тенглик ва холислик принципларига тўла мувофиқ равишда ўtkазилган ушбу сайловда сайловчиларнинг 90,39 фоизи Тадбиркорлар ва ишбилиармонлар ҳаракати – Ўзбекистон либерал-демократик партиясидан Президентликка номзод Ислом Абдуғаниевич Каримовга овоз берди.

Бундай ёрқин ғалаба, ҳеч шубҳасиз, Ислом Каримовнинг давлат раҳбари сифатида Ўзбекистоннинг мустақиллигини таъминлаш, уни ижтимоий-иктисодий ривожлантиришнинг стратегик мақсад ва вазифаларини ҳал этиш борасидаги бекиёс хизмат-

лари, юртимизда амалга оширилаётган кенг қўламли ислоҳотларнинг халқимиз томонидан юксак эътироф этилгани ва яқдиллик билан қўллаб-қувватланганидан далолат беради.

Бу ҳақиқатни сайлов жараёнида кузатувчи сифатида иштирок этган нуфузли халқаро ташкилотлар, қўплаб хорижий давлатларнинг вакиллари ҳам кенг эътироф этганини алоҳида қайд этиш зарур.

Ҳақиқатан ҳам, мамлакатимизни янгилаш ва модернизация қилиш, демократик ислоҳотларни чуқурлаштириш, фуқаролик жамиятини ривожлантириш жараёнлари изчил давом эттирилаётган, энг муҳими, халқимиз, айниқса, ёш авлодимиз мутлақо янгича инсоний сифат кўрсаткичлари билан майдонга чиқаётган, юксак марраларга интилиб яшаш унинг ҳаёт мазмуни, фуқаролик позициясига айланиб бораётган бир пайтда, бугунги XXI аср – глобаллашув даври олдимизга тобора ўткир ва долзарб вазифалар қўяётган бир шароитда ўтган бу сайлов Ўзбекистоннинг кейинги йиллардаги тараққиёт натижаларини чуқур сарҳисоб қилиб, истиқбол режаларини белгилаб олиш имконини берди.

Ўзбекистон Республикаси Президентлигига ўтказилган сайловда Ислом Каримов томонидан, бошқа номзодлар сингари, кенг миқёсдаги тарғибот-ташвиқот ишлари олиб борилгани жамоатчилигимизга яхши маълум.

Давлатимиз раҳбарининг нисбатан қисқа вақт – 2–3 ой давомида йигирмадан зиёд учрашув ва анжуманларда, жумладан, Олий Мажлис Конунчилик палатаси депутатлари ва Сенати аъзолари билан учрашувларда, иккала палатанинг қўшма мажлисида,

Вазирлар Маҳкамасининг мамлакатимизни 2014 йилда ижтимоий-иктисодий ривожлантириш якунлари ва 2015 йилга мўлжалланган иктисодий дастурнинг энг муҳим устувор йўналишларига бағишлиланган мажлисида, Болалар спортини ривожлантириш жамғармаси Ҳомийлик кенгашининг йигилишида, Тадбиркорлар ва ишбилармонлар ҳаракати – Ўзбекистон либерал-демократик партиясининг VII съездидаги, Қорақалпоғистон Республикаси, вилоятлар ва Тошкент шаҳар сайловчилари вакиллари билан учрашувларда, Ўзбекистон Республикаси Президенти лавозимига киришиш тантанали маросимидағи нутқ ва маъruzalariда, шунингдек, 9 май – Хотира ва қадрлаш куни муносабати билан оммавий ахборот воситалари ходимлари билан учрашувда мустақиллик йилларида босиб ўтган тарақкиёт йўлимизни теран таҳлил қилиб, яқин ва олис келгусида олдимизда турган вазифаларни ҳам стратегик, ҳам тактик жиҳатдан атрофлича асослаб берганини таъкидлаш зарур.

Шу ўринда бир фикрни айтиб ўтиш жоиз. Энг муҳим сиёсий, хуқукий, иктисодий-ижтимоий, маънавий масалаларни ўзига қамраб олган бу қадар йирик ҳажмдаги аналитик материаллар ва маълумотларни қисқа вақт мобайнида ишлаб, умумлаштириб, уларнинг ҳар бирини юракдан ўтказган ҳолда, чукур таҳлил қилиш, таъсирчан шаклда тингловчиларга, сайловчиларга етказиш, табиийки, жуда катта ғайратшижоат, билим ва тажриба, кенг миқёсдаги тафаккур ва интеллектуал салоҳиятни талаб этади.

Ана шу нутқ ва маъruzalар билан батафсил танишар эканмиз, биз ўз олдимизга қўйган юксак ва-

зифалар, яъни замонавий ривожланган демократик давлатлар қаторига кириш, иқтисодиётимизнинг барқарор ўсишини таъминлаш, аҳолимизнинг ҳаёт даражаси ва сифатини ошириш, Ўзбекистоннинг жаҳон ҳамжамиятида муносиб ўрин эгаллашига қаратилган узоқ ва давомли мақсадларимиз, уларни амалга ошириш йўллари буғунги ва эртанги кун нуктаи назаридан теран таҳлил қилингани ва яқин келажакдаги устувор, дастурий йўналишлар аниқ ва равshan белгилаб берилганига амин бўламиз.

Бунга ишонч ҳосил қилиш учун давлатимиз раҳбарининг ушбу китобдан ўрин олган Тадбиркорлар ва ишбилармонлар харакати – Ўзбекистон либерал-демократик партиясининг VII съездидаги маъruzаси билан танишиш кифоя деб ўйлаймиз.

Президентимизнинг айрим учрашув ва мажлислардаги нутқлари матбуотда эълон қилинганидан ва рисола шаклида чоп этилганидан хурматли ўкувчилар хабардор, албатта. Айни пайтда Қорақалпоғистон Республикаси, вилоятлар ва Тошкент шаҳар сайловчилари вакиллари билан бўлиб ўтган учрашувлардаги маъruzалар нашр этилмасдан, улар ҳақида оммавий ахборот воситаларида қисқача ахборотлар берилди, холос.

Давлатимиз ва жамиятимизнинг ҳозирги ва келгуси ҳаётига бевосита дахлдор бўлган мухим концептуал фикрлар, ғоя ва қараашлар илгари сурилган, биз учун янги тарихимизнинг ажralмас бир қисми бўлиб қоладиган ана шу нутқ ва маъruzаларни атрофлича ўрганиш, таҳлил қилиш, кенг жамоатчиликка, авваламбор, ёшлиаримизга етказиш долзарб аҳамиятга

эгадир. Шу боис, уларнинг катта ижтимоий моҳияти, илмий-назарий қиммати ва аҳамиятини инобатга олган ҳолда, нашриётимиз томонидан улардаги энг муҳим, дастурий ғоялар алоҳида тўплам сифатида тайёрланниб, эътиборингизга ҳавола этилмоқда.

Ушбу китобда давлатимиз раҳбарининг мамлақатимизни сиёсий ва иқтисодий ривожлантириш, жумладан, ижтимоий соҳалар – таълим-тарбия, илму фан, соғлиқни сақлаш, маданият ва санъат, спорт тизимини ривожлантиришга қаратилган ислоҳотлар, жамиятимизда аёллар, кексалар ва ёшларнинг ўрни, уларга янада қулай шароит ва имкониятлар яратиш билан боғлиқ масалалар; ҳар бир ҳудуд ва минтақа бўйича яқин ва ўрта истиқболга мўлжалланган режалар, устувор лойиҳалар; қадимий ва янги тарихимиз ҳақида, собиқ советлар тузуми моҳиятини фош этадиган мисоллар, бугунги кунда дунёning айрим ҳудудларида бу тузумни тиклашга бўлаётган ҳаракатлар ҳақидаги фикрмуроҳазалари, Ўзбекистоннинг ташқи сиёsat концепцияси тўғрисидаги қараашлари ҳар томонлама пухта асосланган ҳолда баён қилинган.

Мазкур тўпламнинг бош ғоясини қуйидаги сўзларда мужассам бўлган энг муҳим ўзак фикр ташкил этади: «**Биз ўтган даврда амалга оширган ишларимизга баҳо берар эканмиз, «Кечаким эдигу бугун ким бўлдик?»** деган савол асосида уларнинг моҳияти ва аҳамиятини ўзимизга чуқур тасаввур этамиз. Айни вақтда **«Эртага ким бўлишимиз, қандай янги мэрраларни эгаллашимиз керак?»** деган савол устида ўйлашимиз, нафақат ўйлашимиз, балки

амалий ишларимиз билан бунга жавоб беришимииз лозим».

Ана шундай ёндашув асосида мамлакатимизнинг мустақиллик йилларида босиб ўтган тарихий йўли теран таҳлил қилиниб, бу ҳаётий саволларга чуқур ва ҳаққоний жавоблар берилгани китобнинг қимматини янада оширади.

Давлатимиз раҳбарининг сайловолди учрашувларидаги маъruzаларида кейинги 7 йил давомида Қорақалпоғистон Республикаси, вилоятлар ва Тошкент шаҳрида амалга оширилган туб ўзгаришлар ва уларнинг мамлакатимизда олиб борилаётган кенг кўламли ислоҳотлар билан узвий боғлиқ ҳолда қилинган қиёсий таҳлили, ҳар қайси ҳудуднинг келгуси ривожини белгилаб берадиган асосий истиқбол режалари аниқ факт ва рақамларда акс эттирилади.

Мисолларга мурожаат қиласиган бўлсак, ҳозирги вақтда юртимизнинг турли ҳудудларида амалга оширилган ва амалга оширилаётган улкан лойиҳалар – бу Сурғил кони негизида Устюрт газ-кимё мажмуасини барпо этиш бўладими, «Шўртангазкимё» комплекси ёки Дехқонобод калийли ўғитлар заводи, «Самавто» корхонаси, «Ангрен», «Навоий», «Жиззах» маҳсус индустрисал зоналари бўладими, Бухоро ёки Фарғона нефтни қайта ишлаш заводлари, «Женерал моторс – Ўзбекистон» ёки МДХ ҳудудида ноёб бўлган Тошкент вилоятидаги автомобиль двигателлари ишлаб чиқарадиган замонавий заводлар бўладими, Питнак шаҳрида барпо этилган замонавий енгил автомобиллар ишлаб чиқарадиган корхона бўладими, Сирдарё иссиқлиқ электр станцияси, «Ангрен – Поп»

электрлаштирилган темир йўли ёки пойтахтимиздағи янги-янги ишлаб чиқариш қувватлари бўладими – буларнинг барчаси нафақат бир худуд, балки бутун мамлакатимиз миқёсидағи йирик лойиҳалар эканига алоҳида ургу берилади.

Шу ўринда Президентимизнинг нутқ ва маъruzала-рида зикр этилган айrim характерли рақамларни келтириб ўтиш мақсадга мувофиқдир.

Масалан, Қашқадарё вилоятида воҳанинг мавжуд индустрiali салоҳиятини янада юксалтириш мақсадида ҳозирги вақтда фақат нефть-газ, нефть-кимё саноатининг ўзида қиймати салкам 10 миллиард долларга teng бўлган 17 та лойиҳа амалга оширилмоқда. 2020 йилгача вилоятда айни шу соҳада яна 11 миллиард долларлик 31 та янги лойиҳа жорий этилади. Қорақалпоғистон Республикасида эса келгуси беш йилда фақат саноат соҳасининг ўзида 500 га яқин йирик лойиҳани амалга ошириш режалаштирилмоқда.

Бир вақтлар – ўтган асрнинг 90-йилларида юртимизда саноатнинг ялпи ички маҳсулотдаги улуши 14,1 фоизни ташкил қилган бўлса, мана шундай кенг кўламли амалий ишларимиз ҳисобидан бугунги кунда бу кўрсаткич 25 фоизни ташкил этмоқда.

Мамлакатимиз бўйича келгуси беш йилда ризқ-рўзимиз манбаи бўлган ерларнинг мелиоратив ҳолатини яхшилашга 1 триллион 860 миллиард сўм, ирригация тармоқларини модернизация қилиш учун эса 3 триллион 144 миллиард сўм ва 584 миллион долларлик хорижий инвестицияларни йўналтириш кўзда тутилмоқда.

Ёки шаҳарларимизни комплекс қайта қуриш бўйича қабул қилинган дастурларнинг ижросини оладиган бўлсак, бугунги кунда Тошкент, Самарқанд, Фарғона, Кўкон, Марғилон, Андижон, Наманганд, Урганч, Нукус, Қарши, Шаҳрисабз, Термиз, Жиззах, Гулистан ва бошқа кўплаб шаҳарларимизнинг қиёфаси тубдан ўзгариб бораётганига маъruzаларда алоҳида эътибор қаратилади.

Мустақиллик даврида Ўзбекистон иқтисодиёти 5 каррадан зиёд ўсгани, мамлакатимиз аҳолиси 10,5 миллионга кўпайгани ҳолда, унинг даромадлари қарийб 9 баробар ошгани, одамларимизнинг ўртача ёши 67 ёшдан 73,5 ёшга, аёллар ўртасида эса 75,8 ёшга узайгани сингари беқиёс ютуқ ва натижаларимиз билан ҳар қанча фахрлансан, фурурлансан арзиди, албатта.

Айниска, кейинги ўн йил давомида жаҳондаги саноқли давлатлар қаторида ялпи ички маҳсулотимиз 8 фоиздан кам бўлмаган суръатларда ўсаётгани ва 2015 йилда ҳам шундай натижа кутилаётгани чиндан ҳам халқаро жамоатчиликнинг, яқин ва узоқ ён-атрофимиздаги қўшни мамлакатларнинг ҳайрати ва ҳавасини уйғотмоқда.

Шу ўринда нуфузли халқаро эксперт ташкилотлари ва рейтинг компаниялари томонидан ўtkазилаётган айrim тадқиқотлар ҳақидаги баъзи бир маълумотларни келтириб ўтиш жоиз, деб ўйлаймиз.

Яқинда Швейцарияда Жаҳон иқтисодий форуми – «World Economic Forum» иқтисодиёти энг тез ривожланаётган мамлакатлар рейтингини эълон қилди. Жаҳон банкининг «Глобал иқтисодий тараққиёт»

прогнози асосида тайёрланган мазкур маълумотда 2014 йилдан 2017 йилгача бўлган даврда йиллик ўсиш даражаси энг юқори бўлган давлатлар орасида Ўзбекистон 5-уринда қайд этилгани албатта кўп нарсадан далолат беради.

Мамлакатимизда таълим соҳасини ривожлантириш ва ислоҳ этишга йўналтирилаётган йиллик харажатлар ялпи ички маҳсулотнинг 10–12 фоизини ташкил этаётгани ва бу соҳанинг давлат бюджети харажатларидағи улуши 35 фоиздан зиёд экани, бундай кўрсаткичларни дунёning бошқа давлатларида камдан-кам учратиш мумкинлиги бугунги кунда Бирлашган Миллатлар Ташкилоти, ЮНИСЕФ, ЮНЕСКО ва бошқа нуфузли халқаро ташкилотлар томонидан эътироф этилмоқда.

Сўнгги йилларда «Moody's», «Standard & Poor's» ҳамда «Fitch Rating's» халқаро рейтинг агентликлари юртимизнинг барча тижорат банкларига уларнинг барқарор ўсиш суръатларига эришаётганини тасдиқлайдиган рейтинг баҳоларини тақдим этмоқда.

Маълумки, аҳолининг турмуш шароитини яхшилаш, ҳаётдан рози бўлиб яшашига эришиш бугунги замонавий давлатчилик тараққиётидаги муҳим кўрсаткич ҳисобланади. Яқинда айни шу кўрсаткичлар бўйича Бирлашган Миллатлар Ташкилоти кўмагида АҚШнинг Колумбия университети социологлари томонидан ижтимоий сўров ва тадқиқотлар ўtkазилиб, шу асосда «Бутунжаҳон баҳт индекси»нинг («World Happiness Index») янги рейтинги эълон қилинди. Диққатга сазовор жиҳати шундай

ки, ушбу рўйхатда Ўзбекистон 158 мамлакат орасида 44-поғонада, Мустақил Давлатлар Ҳамдўстлигига аъзо мамлакатлар орасида эса биринчи ўринда кайд этилди. Айтиш жоизки, бундан икки йил аввал мазкур рўйхатда мамлакатимиз 60-ўринни банд этган эди.

Буюк Британиянинг нуфузли «Экономист» журналининг эътироф этишича, Ватанимиз пойтахти – азим Тошкент шаҳри ободлиги ва яшаш учун қулайлиги жиҳатидан дунё рейтингида 140 та шаҳар орасида 58-ўринни эгаллади.

АҚШнинг «The Huffington Post» нашри томонидан Самарқанд шаҳри «Дунёнинг албатта бориб кўриш керак бўлган 50 шаҳри» рўйхатига киритилгани ва бундай эътирофга эришишда ҳам МДҲ мамлакатлари ўртасида Ўзбекистон ягона экани эътиборга сазовордир.

Албатта, халқаро миқёсда юксак эътироф этилаётган бундай ютуқ ва натижаларга халқимиз ўз-ўзидан, осонликча эришаётгани йўқ. Буларнинг барчаси замирида, аввало, ўз вактида тўғри танланган, «ўзбек модели» деб ном олган, халқимиз манфаатларига тўла жавоб берадиган миллий тараққиёт стратегияси, эл-юртимизнинг фидокорона меҳнати ҳал қилувчи омил ва мустаҳкам пойdevor бўлиб хизмат қилаётгани ҳеч кимга сир эмас.

Қорақалпоғистон Республикаси, вилоятлар ва Тошкент шаҳри сайловчилари вакиллари билан учрашувларда Ўзбекистоннинг тараққиёт йўли, мамлакатимизда узоқни кўзлаб олиб борилаётган халқчил сиёсатнинг мазмун-моҳияти давлатимиз раҳбари томонидан ҳаётий мисоллар асосида яна бир бор теран таҳлил қилиб берилди.

Шу ўринда, мустақиллик йилларида биз босиб ўтган ғоят оғир ва мураккаб йўлнинг туб маъномазмуни, бугун биз эришаётган ютуқларнинг ҳаётий замини ҳақида яққол тасаввур берадиган қўйидаги бир мисолга эътибор қаратишни зарур деб биламиз.

«Бир пайтлар баъзи вилоят ва туман раҳбарларимиз, биз – аграр республика, деб мақтаниб юрарди, – дея таъкидлайди Ислом Каримов Бухоро вилояти сайловчилари вакиллари билан учрашувда. – Улар нимани ўйлаган – мен билмадим. Умрбод СССР таркибида бўламиз, деб ўйлаганми?»

Бу одамлар озгина фикрлаб кўрса бўлардики, сув, ер етишмаса, халқимиз кўпайиб бораётган бўлса, фақат ғалла, пахта, сабзавот етиштириш билан мамлакатимизнинг тараққиётини таъминлаш мумкинмиди?

Мана, сизларга яна битта рақам: 1991 йилда мамлакатимиз аҳолиси 20 миллион 500 минг киши эди. Мустақиллик йилларида халқимиз 1,5 карра ўси – 31 миллионга етди.

Айтинглар, 1,5 баробар кўпайган аҳолини эски шароитда оладиган ҳосил – пахта, ғалла ҳисобидан боқиб бўлармиди? Ўша пайтда биз тахминан 5–6 миллион тонна буғдойни четдан олиб келар эдик. Шундай вақтлар бўлганки, бир ҳафта-ўн кунлик унимиз қолган эди.

Бир тасаввур қиласи, қайси давлат, қайси халқ буни ўз бошидан ўтказган? Ана шундай муаммолар қаршисида ёлғиз қолган пайтимизда ким бизни қутқарди? Биринчи навбатда, ўзимиз. Чидадик, лекин ҳеч кимдан қарз бўлмадик.

Бугунги кунда Ўзбекистоннинг чет мамлакатлардан қарзи ялпи ички маҳсулотга нисбатан 15 фоиздан ошмайди. Ваҳоланки, баъзи давлатларда бу кўрсаткич 150 фоиздан ҳам ортиқни ташкил қиласди, улар бўйнидаги қарзидан қандай кутулишни ҳам билмай юрибди».

Мамлакатимиз раҳбари сайловолди учрашувларидағи ҳар бир чиқишида бугун, дунё миқёсида глобаллашув ва рақобат тобора кучайиб, зиддият ва қарама-қаршиликлар кескинлашиб бораётган бир вазиятда биз фақат эришган ютуқларимизга маҳлиё бўлмасдан, дунёда юз бераётган туб ўзгаришлар жараёнида эгаллаб турган ўрнимизни холисона ва танқидий баҳолашимиз, кундан-кунга ошиб бораётган ҳаёт талабларига жавоб беришимиз, давр билан ҳамқадам бўлишимиз зарур ва шарт эканини қайта-қайта уқтиради.

«Биз ҳаёт ҳеч қачон бир жойда тўхтаб турмаслигини, албатта, яхши англаймиз, – дейди Ислом Каримов. – Агарки биз XXI асрда, тобора авж олаётган глобаллашув жараёнлари, Интернет ва интеллектуал тараққиёт ҳал қилувчи роль ўйнаётган бир даврда яшаётганимизни ҳисобга оладиган бўлсақ, ҳаётимиз нақадар шиддатли суръатлар билан ўзгариб бораётганини, айниқса, чукур ҳис қиласмиз.

Ана шундай шароитда эришган натижаларимизга маҳлиё бўлмасдан, ҳаволаниш кайфиятига берилмасдан, шу пайтга қадар босиб ўтган йўлимиз – бу олдимизда турган мураккаб ва оғир йўлнинг фақат бир қисми эканини ўзимизга аниқ тасаввур этишимиз керак.

Бугунги кунда бизни ўраб турган дунё қанчалик тез ўзгариб бораётгани, яқин ва узоқ атрофимизда турли можаро ва қон тўкишлар давом этаётгани, терроризм, экстремизм ва наркотрафик хавфи ортиб, молиявий-иқтисодий инқироз ва унинг оқнбатлари янада чуқурлашиб бораётгани хақида ортиқча гапиришнинг ҳожати йўқ, деб ўйлайман. Албатта, буларнинг барчаси ҳар биримизни ташвишга солмасдан қўймайди ва биздан жаҳонда юзага келаётган вазиятни сергаклик билан баҳолашни талаб қиласди».

Сайловолди учрашувларида мамлакатимизда олиб борилаётган туб ислоҳот ва модернизация жараёнлари доирасида барча минтақаларимизни замон талаблари асосида, мутаносиб ҳолда тарақкий эттириш, аҳоли фаровошлигини янада ошириш, одамларимиз учун муносиб турмуш шароитини яратиш масалаларига алоҳида эътибор қаратилди. Ҳар қайси худуднинг ўзига хос шароити ва имкониятларидан келиб чиқиб, барча соҳалар бўйича яқин ва узоқ келажакка мўлжалланган устувор вазифалар, уларни амалга ошириш йўллари аниқ-равшан белгилаб берилди.

Бўлиб ўтган самимий мuloқot ва учрашувларнинг асосий мавзуси бўлган муҳим масала – сайлов ва демократия бўйича давлатимиз раҳбари томонидан билдирилган фикрлар, айниқса, диққатга сазовордир.

Маълумки, мазкур тушунчалар дунё тафаккур тарихидаги энг қадимий ва энг кўп муҳокама қилинадиган масалалар бўлиб, бир қарашда бу мавзуда айтилмаган гап, ёритилмаган муаммонинг ўзи қолмагандек тую-

лиши мумкин. Лекин, халқимиз кўп йиллар давомида мустамлакачилик зулми остида, оғир иқтисодий муаммолар гирдобида қолиб кетгани учун бу тушунчалар бизнинг миллий қадриятларимиз, тафаккур ва тасаввурларимиз билан бевосита боғлиқ ҳолда таҳлил қилинмай келгани ҳам айни ҳақиқат.

Ислом Каримов сайлов ва демократия ҳақида сўз юритар экан, миллий-ижтимоий тафаккурдаги ана шу бўшлиқни тўлдириб, бу борадаги кўпгина масалаларнинг ҳам илмий-назарий, ҳам услубий-амалий ечи мини баён қиласди. Айни шу аснода илгари сурилган баъзи теран фикрларни мазкур тушунчаларнинг аниқ таърифи, таъбир жоиз бўлса, халқона ифодаси сифатида қабул қилиш мумкин.

«Сайлов – бу биз қураётган хуқуқий демократик давлатнинг узвий бир қисми, фуқароларнинг ўз хоҳиши-иродасини эркин билдириши, давлат ва жамият бошқарувида фаол иштирок этишининг асосий шаклидир».

«Содда қилиб айтганда, сайлов – бу, аввало, эркин танлаш хуқуқи демакдир».

«Сайлов – бу демократия дегани, демократия – бу сайлов деганидир. Ҳақиқатан ҳам, демократиянинг ҳаётда устувор бўлиши учун қачон энг қулай имконият пайдо бўлади? Айнан холис, муқобил сайлов ўтказишда».

«Демократиянинг ўзига хос кўплаб ижобий жиҳатлари бор, албатта. Лекин уни ўйинга айлантириб, катта минбарлардан туриб, «демократия, демократия» деб кўксига уриб гапириш, аслини олганда, халқ манфаатларини никоб қилиб, ўз

манфаатларини кўзлашдан бошқа нарса эмаслигини ҳам кўп кўрганмиз.

Демократияни қандайдир дормага, қотиб қолган ягона бир мезонга айлантириш, уни бошқа давлатларга, уларнинг миллий шароити ва ўзига хослигини ҳисобга олмасдан, умумий қоида сифатида тиқишириш – мутлақо нотўғри.

Биз шуни яхши англашимиз керакки, демократия ҳеч қачон бир хил шакл ёки мазмунда бўлмайди. Демократия дегани – бу ҳамиша ўзгариб турадиган ҳаёт тарзи, жамият тизимининг ривожи билан узвий боғлиқ.

Демократия – инсон, жамият, давлат деган уч субъект ўзаро бир-бирини тўлдирадиган, бир-бирини бойитиб, керак бўлса, назорат қилиб турадиган тизим демакдир. Бу ҳар қайси инсоннинг жамият билан, жамиятнинг эса давлат билан муносабатини, улар ўртасидаги мувозанатни англатади».

Бундай фикр ва қарашлар халқаро миқёсда XXI асрнинг энг кучли сиёсий лидерларидан бири сифатида эътироф этилган давлат арбоби томонидан айтилаётганини инобатга оладиган бўлсак, ўйлаймизки, уларнинг аҳамияти янада ошади.

Таъкидлаш жоизки, Президентимизнинг сайловолди учрашувларидаги чиқишлари яна бир ўта муҳим масала – Ватанимиз мустақиллиги биз учун энг буюк неъмат, улкан имкониятлар манбаи эканини чукур англаб, уни бундан буён ҳам ҳар томонлама мустаҳкамлаш, халқимизнинг тинч-осойишта ҳаёти, сарҳадларимиз дахлсизлигига таҳдид солини мумкин

бўлган ҳар қандай хавф-хатардан огоҳ бўлиб яшашга, дунёга очиқ кўз билан қараб, оқни қорадан, яхшини ёмондан ажрата олишга даъват этиши билан алоҳида эътиборга сазовордир.

Айниқса, китоб муаллифи томонидан баён қилинган, яқин тарихимиз ҳақидаги бевосита ўзи гувоҳ бўлган, қалбидан, юрагидан ўтказган ҳаяжон ва изтиробга тўла воқеалар, собиқ совет тузумини ич-ичидан чукур биладиган инсон сифатида бу зўравон тузумнинг соҳта ва ғайриинсоний ғоялари, ёвуз кирдикорларини фош этишга қаратилган, аниқ фактларга асосланган ҳаққоний фикрлари ниҳоятда аҳамиятлидир. Бугунги кунда постсовет ҳудудидаги айрим мамлакатларда кўзга ташланаётган, СССРни қайта тиклаш борасидаги турли уринишлар таги пуч даъволардан иборат экани, халқимиз энди ҳеч қачон эски, мустабид даврга қайтмаслигини тушуниш, англашда улар ғоят долзарб мазмун касб этади.

Шу ўринда ана шундай фикрлардан айрим мисоллар келтириб ўтиш мақсадга мувофиқ, деб ўйлаймиз.

«Илгари ҳам, ҳозир ҳам СССРни ёқлаб чиқаётганларнинг бирорта гапига ишониб бўлмайди, – деб таъкидлайди Президентимиз Қашқадарё вилояти сайловчилари вакиллари билан учрашувда. – Биз бир пайтлар кўкларга кўтариб, мук тушиб сиғинган Ленин бобо, Сталин бобо ва бошқа «бобо»ларимиз аслида ҳаммаси қаллоб ва жаллод бўлиб чиқди. Мана, сизга ҳақиқат. Масалан, Ленинни дунё халқларининг доҳийси, халоскори деб пионерлик, комсомоллик пайтимизда ашуналар айтган-

миз. Мен ҳозирги ёш ўғил-қизларимизни кўриб хурсанд бўламанки, улар бундай ёлғон гаплардан мутлақо узоқ бўлиб вояга етмоқда. Ўша замонда энди мактабга борган бола аввал «октябрят» нишонини тақарди. Ўзингиз ўйланг, 6–7 ёшга кирган бола нимани билади? Бу ёшда бола фақат офтобни, очилган гулларни, умуман, атрофидаги оламини кўриб хурсанд бўлади. Онасини кўрса, байрам бўлса, қувонади.

У пайтлар шундай вазиятлар ҳам бўлардики, бир марта тўйиб овқатланишининг ўзи баҳт ҳисобланарди. Мен ёшлигимда буларнинг барчасини бошимдан ўтказганман. Ҳатто, шундай бўлганки, мактабда бир неча бор дарс пайти очликдан ҳолсизланиб ухлаб қолганман. Бундай ҳолатлар ўша замонларни кўрган одамларнинг кўпчилигига бегона бўлмаса керак. Мен аниқ биламан, сизлар ҳам ёшлигинизда айни шундай қийинчиликларни бошингиздан ўтказгансиз. Яъни, ҳаммамизнинг тақдиримиз ўхшаш бўлган. Ўша даврларда эрталаб оч-наҳор туриб, дарсга чопардик, куч-қувват ҳам шунга яраша бўларди.

Бир сўз билан айтганда, биз шундай оғир замонларда яшаганмиз, кўпгина ноҳақликларни ўз кўзимиз билан кўрганмиз. Сиёsat бошқа-ю, ҳаёт бошқа эди. Турли қалин китобларни чиқариб, шиорлар, ашулаларни тўқиб, ҳаммани сохта гояларга ишонтириш оддий ҳол эди. Комсомол бўлмасанг, партияга кирмайсан, партияга кирмасанг, ҳеч қандай вазифада ишлай олмайсан, деган қараш хукмрон эди.

Яна бир мудхиш нарса шуки, 30-йилларда қулоқлаштириш сиёсати олиб борилиб, минг-минглаб одамларнинг молу мулки, уй-жойлари тортиб олинган, ўзлари эса узоқ ва совук ўлкаларга сургун қилинган, бу тузумдан норози бўлган одамларнинг болаларига «халқ душманининг фарзанди» деган тамға босилган. Умуман, совет тузуми ва мафкураси миллионлаб одамларни майиб қилган, уларнинг қанча-қанчаси адолатни, ёруғ кунларни кўрмасдан, бу дунёдан ўтиб кетган.

Мана, энди СССР деган давлат йўқ бўлиб кетди. Кимдир бундан хурсанд бўлса, яна кимдир, афсуски, ўша даврларни қўмсаб яшаяпти. Аслида, империялар, зўравонлик билан тузилган давлатлар хеч қачон узоқ яшамайди. Бу – тарих ҳақиқати».

Ҳақиқатан ҳам, бу фикрларнинг нақадар ҳақконий ва чуқур илмий, тарихий асосга эга эканини бугун ҳаммамиз дунёда юз бераётган воқеа ва ҳодисалар мисолида кўриб, кузатмоқдамиз.

Файласуфлар «тарих қайтарилмайди», дейдилар. Лекин, афсуски, тарих баъзан қайтарилганида фарс – майнавозчилик кўринишида ёки фожиа тарзида тақрорланиши мумкин эканини бугун жаҳоннинг айрим ҳудудларида содир бўлаётган аянчли ва қонли воқеалар яққол кўрсатиб турибди.

Сиёсатшунослар фуқароларнинг ҳаётга муносабати, кайфиятини давлат бошқарувининг самарадорлигини кўрсатадиган энг муҳим барометр сифатида таърифлашлари бежиз эмас. Шу нуқтаи назардан қараганда, бир савол туғилади.

Хўш, бугунги кунда совет даврини қўмсашиб қандай мамлакатларда кузатилмоқда? Аввало, давлат ва жамият бошқарувини тўғри йўлга қўя олмаган, давлат халқ манфаатлари, унинг орзу-интилишиларидан узоқ бўлиб яшайдиган, ислоҳотлар шунчаки ислоҳот учун, номигагина, чалакам-чатти олиб борилаётган ва самара бермаётган мамлакатларда эмасми?

Яқин ўтмишда, мустабид тузум даврида бошимиздан кечирган оғир кунлар ҳақида Юргимиздинг яна бир фикрига эътибор берайлик:

«Юргимизда 90-йилларда юзага келган муаммонинг илдизи собиқ тузум даврига, пахта яккаҳоқимлиги ҳалокатли тус олган, пахта етишириш энг катта мақсад саналиб, ҳатто, одамларнинг ҳаёти ва саломатлигидан устун турган ўша мустабид замонга бориб тақалади.

Халқимиз ўша пайтда чидаб бўлмайдиган шундай азоб ва уқубатларга гирифтор этилган эдики, буни сўз билан ифодалашнинг ўзи қийин. Далада ишлаб юрган одамларнинг устидан самолётдан захарли дорилар сепилгани, қанча-қанча болалар сариқ касаллиги ва бошқа дардларга йўлиқканни бу залда ўтирганларнинг ҳали эсидан чиққани йўқ.

Ҳақиқат, тарих ҳақиқати болаларимиз учун сув ва ҳаводек зарур. Тарих ҳақиқатини тўлалигича кейинги авлодга етказиш ҳар бир инсоннинг келажак олдидаги муқаддас бурчи хисобланади.

Ўша машъум кунларни қўрган кишилар, фахрийларимиз ҳаёт эканидан фойдаланиб, бу борада кўпроқ маълумот тўплаш, уларни тизимлаштириш

Устида ишлайдиган олим ва мутахассислар бўлса, мен бундай ташаббускор одамларни шу муқаддас заминни севган ватанинвар, юртпарварлар деб қабул қиласман ва уларни қўллаб-қувватлашга доим тайёрман.

Инсоннинг табиати шундайки, вақт ўтиши билан ёмон воқеалар унинг эсидан чиқади. Бир томондан қараганда, бу – тўғри. Чунки инсон бошидан кечирган баҳтсизликларни, эзилган кунларини эслашни хоҳламайди. Лекин яхши кунлар, обод ва фаровон ҳаётнинг қадрига этиш учун инсон баъзи-баъзида ортга назар ташлаб туриши ҳам керак. Тарихдан сабоқ чиқариб яшаши лозим.

Мен, авваламбор, ёшларимизга қарата айтмоқчиман: ўқинг, тарихни ўрганинг, тарихини, ўтмишини билган одам келажакда адашмайди».

Давлатимиз раҳбари бу ҳақда куюниб гапирав экан, нафақат яқин тарихимиз, балки ўтмишимизнинг бошқа даврлари ҳақида ҳам ҳаққоний фикрларни билдиради, тарихимизда рўй берган аччиқ ҳакиқатлардан барчамизни яна бир бор огоҳ этади:

«Тарихимиздаги оғриқли даврлардан ҳам хулоса чиқариб яшашимиз керак. Эртага бизнинг ўрнимизга келадиган ёшлар ана шу тарих ҳақиқати билан қуролланиши лозим. Чунки ҳеч бир соҳада ҳеч кимдан кам бўлмайдиган авлодгина буюк давлат барпо этиши мумкин. Нега деганда, буюк давлатни қуриш учун маърифатли, тарихни биладиган, ундан сабоқ чиқара оладиган одамлар керак.

Авваламбор, Ватанини жонидан азиз кўрган Амир Темур бобомизнинг бизга қолдирган насиҳатларини юрагимизга, қон-қонимизга, суяқ-суягимизга мустаҳкам жо қилишимиз лозим ва болаларимизни ҳам шу руҳда тарбиялашимиз даркор».

Чиндан ҳам, бир ҳақиқатни барчамиз тан олишимиз керак. Бугунги кунда нафақат ёшларимиз, айни пайтда, ёши улуғ юртдошларимизнинг ҳам аксарияти яқин тарихимиз ҳақида тўлақонли тасаввурга эга эмас.

Шу нуқтаи назардан қараганда, сайловолди учрашувларида ўтган асрнинг 80-йиллари охирида собик Марказнинг Ўзбекистонда «пахта иши», «ўзбеклар иши» деган тухмат ва бўхтонлар билан амалга оширган оммавий қатағонлари ҳақида Ислом Каримов томонидан билдирилган ҳаққоний фикрлар ҳар бир юртдошимизни ҳаяжонга солмасдан қўймайди.

Андижон вилоятидаги йиғилишда баён қилинган мана бу хотираларга эътибор беринг:

«Собиқ СССР даврида Ўзбекистонга нисбатан Марказ томонидан олиб борилган зўравонлик сиёсати, халқимизни камситиш, унинг эҳтиёжларини менсимаслик, юртимизда пахта яккаҳокимлиги авжиға чиқиб, иқтисодий ҳолатимиз ва ҳаётимиз жар ёқасига келиб қолгани, норозилик ловуллаб ёниб кетадиган даражада кескинлашиб боргани ҳеч кимга сир эмас.

Фараз қилишнинг ўзи ҳам қийин бўлган 6 миллион тонна пахта етиштириш планини бўйнимизга бўйинтуруқдек осиб қўйиб, уни бажариш учун фақатгина томларимизга пахта экиш қолганини айтмайсизми?

Ҳақиқатан ҳам, пахта яккаҳоқимлиги шу қадар авжга чиққан эдики, мана шу Андижон вилоятидек аҳоли зич яшайдиган худудда экин майдонларининг 88 фойизини ғўза эгаллаб олган эди. Ўша машъум кунларни сизларнинг кўпчилигингиз яхши эслайсиз, албатта.

Бундай сиёsat совет давлатининг ўзи қандай ноҳақ, зулмга асосланган ва мустабид тузум бўлганини яна бир бор кўрсатди. Мен ўша даврни нафақат оддий одам, балки раҳбар сифатида ўз бoshимдан ўтказганман. Шунинг учун бу тузумнинг барча иллатларини яхши биламан.

Бу давр юртимиз учун ниҳоятда оғир, Марказдан ташланган «десантчи»лар, турли соҳта мафкурачилар – уларнинг ичида, афсуски, ўзимиздан чиққанлари ҳам бор эди – кўп зиён етказиб, ўзбек халқини пораҳўрликда, кўшиб ёзишда айблаб, ҳар хил тухмат ва бўхтонлар ёгдираётган бир давр эди.

Албатта, ўша пайтда жазога тортилган одамлар орасида мансабга, бойликка берилиб, нопок ишларга йўл қўйган шахслар ҳам бўлган. Гуруч курмаксиз бўлмайди, деганларидек, ҳаёт бор экан, ҳалол, инсофли, диёнатли одамлар билан бир қаторда, баъзи қўли эгри, иши қинғир, фақат ўз роҳатини ўйлаб яшайдиган кимсалар, афсуски, ҳамма халқларда ҳам учраб туради. Буни ҳеч ким инкор этолмайди. Лекин ана шундай нобоп одамларни деб бутун бир халқни қоралаш, унинг шаънини, ғурурини оёқости қилиш, энг оддий инсоний ҳақ-хуқуқларини топташ, ўзингиз айтинг,

қайси қонун-қоидага түгри келади? Айниқса, туну кун умрини далада ўтказиб, меҳнатдан бошқа нарсани билмаган, шу заминни замин қилган оддий деҳқонлар, бригадир ва звеночилар, сувчи ва механизаторларни пахтани қўшиб ёзиш, кимгадир пора бериш ёки пора олиш деган, одамнинг ақлига сифмайдиган гуноҳларда айблаб, уларни судсиз-сўроқсиз бола-чақаси, оиласидан ажратиб, қамаб қўйса, бундай ноҳақликка чидаб бўладими ўзи?

Биз «пахта иши» деганда, унинг мудхиш оқибатлари ҳақида гапирганда, аввало, ана шундай минг-минглаб оддий, бегуноҳ одамларни, уларнинг бошига тушган фожиаларни тушунамиз ва сунъий равишда ўйлаб топилган бу кампанияни халқимизга, юртимизга нисбатан олиб борилган оммавий қатағоннинг бир кўриниши деб баҳолаймиз.

Бундай зулм ва хўрликни андижонликлар ҳам кўп тортган. Чунки ўша пайтда Андижон вилояти Ўзбекистонда энг кўп пахта етиштирадиган вилоят ҳисобланар эди. Табиийки, «десантчи»лар шуни баҳона қилиб, вилоятнинг бошига ҳам кўп ташвишлар солганини сизлар яхши биласиз, албатта.

... Ўзингиз айтинг, азизларим, 1989 йилнинг май ойида Фарғонада, Қувасойда бўлиб ўтган қонли воқеаларга нима сабаб бўлган эди? Ана шундай адолатсиз сиёsat эмасми?

Буни қарангки, ўша пайтдаги республика раҳбари бўлган одам бу воқеаларга катта минбардан туриб баҳо берар экан, бу бир тарелка қулупнай

устида бўлиб ўтган жанжал, безовта бўлишга ҳам арзимайди, хотиржам бўлинглар, ҳаммаси жойида, деган ёлғон гаплар билан ҳақиқатни яшириб, бутун дунёга шарманда бўлган эди.

Аслида эса юртимизда вазият жар ёқасига келиб қолган, одамларнинг сабр косаси тўлган, уларнинг турмуш шароити жуда оғир эди. Буни яшаш даражаси бўйича Ўзбекистон ўн бешта республика ичида энг пастки ўринларга тушиб қолгани, учтўртталаб оила каталакдек ҳовлиларда тиқилиб яшагани, ишсизлик, оналар ва болалар ўлимни кескин ошиб кетгани ҳам тасдиқлайди.

Ана шундай адолатсиз шароитда азалдан чидамли халқнимизнинг ҳам тоқати тоқ бўлдики, энди уни ушлаб, тўхтатиб турадиган кучнинг ўзи йўқ эди. Шундай ўта мураккаб, таҳликали, такрор айтаман, кичик бир учқун чиқса, ҳаммаёқ ловуллаб ёниб кетадиган бир вазиятда мен Ўзбекистон раҳбари сифатида иш бошлишимга тўғри келган эди.

Ўзимнинг ҳаёт тажрибамдан келиб чиқиб айтаманки, бу дунёда ёмонликни кўрмаган одам яхшиликнинг қадрини билмайди. Қийналмаган одам ҳақиқий баҳт нима эканини тўлиқ англааб етмайди».

Маърузаларда халқимиз бошидан кечирган яқин тарихимиздан яна шундай қўплаб мисоллар келтириладики, улар билан танишган одам бу воқеаларни худдики кино лентаси каби кўз олдидан ўтказгандек, шу оғир ҳаётни қайтадан кечиргандек бўлади.

Муҳтарам Юртбошимиз билдирган бу фикрлар, аввало, факт сифатида ноёблиги, яъни бошқа манбалар-

да учрамаслиги билан ғоят муҳим бўлса, иккинчидан, улар мустакиллигимиз ва миллий давлатчилигимизнинг асосчиси, ҳаётнинг жуда кўп машаққатли синовларини бошидан ўтказган, шу синовларда тобланган, Ватанимиз озодлиги ва ободлиги учун ҳаётини бағишилаган инсон, улкан давлат арбоби томонидан айтилгани билан янада бекиёс аҳамият касб этади.

Президентимизнинг мамлакатимиз ўз давлат мустакиллигини қўлга киритиши арафасида ва ундан кейинги дастлабки ойларда олиб борган жўшқин ва серқирра сиёсий-ижтимоий фаолияти «Ўзбекистон мустакилликка эришиш остонасида» китобида атрофлича акс эттирилган. Бу китоб билан танишган ҳар бир одам муаллифнинг Ўзбекистоннинг такдiri ва келажагини ҳал этадиган энг муҳим масалаларни миридан-сиригача пухта ўргангани ва ўта оғир муаммоларнинг ечимиға улкан донишмандлик ва жасорат билан ёндашганига гувоҳ бўламиз.

Бўлиб ўтган сайловолди учрашувларида давлатимиз раҳбарининг кўп йиллар давомида ечилмасдан, ҳаётимиз ривожига ғов-тўсик бўлиб келган турли муаммолар ва уларни ҳал этишга алоҳида эътибор берганини кузатиш мумкин. Бунинг тасдиғи Президентимизнинг Тошкент шаҳар сайловчилари вакиллари билан ўтказилган учрашувда билдирган фикрларида яққол намоён бўлганини кўрамиз.

«Эски шаҳар бундан 15–20 йил илгари қай аҳволда бўлганини ҳаммамиз яхши эслаймиз. Ёзда чанг-тупроқ, қишида лой-ботқоқ бўлиб ётадиган тор кўчалар, табиий газ, тоза ичимлик сувидан, канализация каби қулайликлардан маҳрум, пастқам

үйлар Тошкентнинг қоқ марказида эски мустабид шўро тузуми сиёсатининг асорати сифатида, шаҳримиз хуснидаги доғ бўлиб турар эди.

Йиллар давомида қанча-қанча раҳбарлар ўзгарди, авлодлар алмашди, лекин Эски шаҳарда истиқомат қилган халқимизга нисбатан менси-масдан қараш ўзгармай, барчамиз учун «қиёмат қарзимиз» бўлиб қолаверди.

Мустақилликка қадар Эски шаҳар аҳолиси-нинг 17 фоизи табиий газ, қарийб 18 фоизи эса тоза ичимлик сувидан, деярли барчаси канализация, телефон сингари замонавий қулайликлардан бебаҳра эди.

Совет даврида ҳамма Тошкентни «Шарқ дарвозаси» дер эди-ю, лекин, афсуски, бу дарвозанинг калити бошқа қўлларда эди. Очиғини айтганда, шаҳар бедарвоза бўлиб қолганди. Шунинг учун мустақилликнинг биринчи йилларидан бошлаб бу мураккаб муаммони ечиш, одамларнинг оғирини енгил қилиш масаласини устувор вазифа сифатида қун тартибига қўйдик ва улкан ишларни амалга оширидик».

Президентимиз ўз халқини севиш, унинг тарихи, маданияти билан фаҳрланиб, ғуурланиб яшаш хақида фикр юритар экан, айни пайтда ўтмишда эл-юртимиизга нисбатан уюштирилган зулм ва зўравонлик, қатағон ва тазайиклар учун бирон-бир халқ ёки миллат эмас, аксинча, факат зўравон тузум айбдор эканини унутмасликни таъкидлаб, бу борада бирёқлама қараш ва ақидаларга, шовинизм, миллатчилик каби хавфли иллатларга берилиб кетиш номақбул эканидан огоҳлантиради:

«Биз аламзада эмасмиз, кечаги ҳаётдан норози бўлиб, кимгадир қандайдир талаб қўйишдан ҳам йироқмиз. Кимлардир бир вақтлар юртимиздан улкан бойликларни олиб кетган бўлса, майли, бойлик топилади. Аммо шуни билиб қўйинглар, бизнинг энг катта бойлигимиз – бу халқимиз, ёшларимиздир».

Ўзбекистонда Президент Ислом Каримов раҳбарлигида олиб борилаётган давлат сиёсатининг устувор йўналиши сифатида белгиланган соғлом ва баркамол авлодни вояга етказиш масаласида амалга оширилаётган кенг кўламли ишлар барчамизга яхши маълум. Ана шу ишларнинг узвий давоми сифатида олдимиизда турган долзарб мақсад-вазифалар сайловолди тадбирларида кенг ёритилиб, таҳлил этиб берилган.

Энг муҳими, бу вазифаларнинг барчаси мамлакатимизни янги босқичда тараққий эттиришга қаратилган стратегик дастурнинг ажralmas бир қисми ҳисобланиб, уларнинг бирини бажармасдан туриб, иккинчисини адо этиб бўлмайди.

Айни шундай қарааш ёш авлод тарбиясида марказий ўринда туриши, энг асосийси, ҳаётга кириб келаётган фарзандларимизга нафақат шароит ва имкониятлар яратиб бериш, айни пайтда уларни шу азиз Ватанга муносиб фарзанд бўлишга даъват этиш, «менинг даврим келади, деб эмас, аксинча, ўз даврим, ўз келажагимни ўзим яратаман», деб яшашга ўргатиш ҳаёт талашиб эканига ушбу маърузаларда алоҳида эътибор қаратилди.

«Бугунги учрашувимизда мен ёшларимизга қараб айтмоқчиман: агарки қачон биз хоҳлаган

замон келса, ана ўшанда муродимизга етамиз, деган фикр билан бемалол юрадиган бўлсак, билиб қўйинглар, бундай замон ҳеч қачон ўз-ўзидан келмайди, – дейди Юртбошимиз ёшларга мурожаат қилиб. – Ўзимиз истаган замон учун курашиш, керак бўлса, ўзимизни, бутун борлиғимизни беришимиш лозим. Шундай интилиш билан яласак, нафақат ўз ҳаётимиз, балки келажак авлодларимиз ҳаётини, уларнинг эртанги ёруғ кунини ўзимиз, ўз қўлимиз билан барпо этган бўламиш».

Таъкидлаш жоизки, мамлакатимизда айни шу борада амалга оширилаётган тарихий ишлар туфайли ҳаётимизнинг маъно-мазмуни, онгимиз, дунё-карашимиз тубдан ўзгармоқда. Ёшларимиз билан бирга барчамиз ҳам ўсиб-улғайиб, мутлақо янги одамларга – мустақил юрт эгаларига айланмоқдамиз. Бундай туб ўзгаришлар моҳиятини англаш учун кечаги ва бугунги кунимизни қиёслаш, таққослаш кифоя.

«Ҳозирги кунда юртимизнинг қайси шахар ёки қишлоғига борманг, энг муҳташам, энг кўркам бинолар бу мактаблар, лицей ва коллежлар, маданият, санъат ва спорт масканлари эмасми?

Илгари бундай иморатлар қаерда эди? Биз, айтайлик, кимнидир ҳайратда қолдирмоқчи бўлсак, меҳмонларни қаерга олиб борар эдик? Қорамоллар боқиласидиган фермага. Шунча сигиримиз бор ва улардан йилига бунча сут олинади, деб мақтанар эдик. Бугун биз нима билан мақтаняпмиз, мақтаниш обьекти ва субъекти ким бўлди? Бизнинг таълим-тарбия масканларимиз ва уларда ўқиётган болаларимиз эмасми?

Айни шу йўлни танлаганимиз энг тўғри, тарихий қадам бўлди. Чунки бизнинг эртанги кунимизни ким қуради – болаларимиз қуради, индинги кунимизни ким қуради – невараларимиз қуради.

Шу нуқтаи назардан қараганда, энг тўғри йўл – таълим-тарбия тизимини янада ривожлантириш, янада мустаҳкамлаш йўлидир. Биз бу йўлдан ҳеч қачон қайтмаймиз. Янги-янги мактаблар қуриш, замонавий ўқув лабораторияларини ташкил этиш, коллежларни битириб чиқаётган болаларимизни тўлиқ иш билан таъминлаш масалалари доимо эътиборимиз марказида туради».

Яна бир диққатга сазовор жиҳати шундаки, Ислом Каримов ҳар қайси вилоят ёшлиарининг ютуқларини айни улар яшаётган худуд ютуқларига, уларнинг олдидаги турган вазифаларни эса улар туғилиб вояга етган воҳа, шаҳар ва албаттага, мамлакат тараққиётига оид вазифаларга боғлиқ ҳолда таҳлил қиласиди. Бундай диалектик қараш, ҳеч шубҳасиз, ёш авлодни ўз туғилиб ўсган юрти билан бирга, бутун Ўзбекистоннинг тақдири ва келажагини ўз тақдири ва келажаги деб билишга ундаши, уларнинг қалбида она Ватанга фарзандлик меҳри ва садоқатини кучайтиришга хизмат килиши табиийдир.

Бу фикрни куйидаги мисол ҳам тасдиқлайди:

«Ёшлиар ҳақида мен бошқа вилоятларда ҳам кўп гапираман. Бугун Тошкент вилоятининг ёшлиарига қаратса, болаларим, сиз шундай бир замонда яша-япсизки, ўзингизни кўрсатишингиз, бор имконият ва салоҳиятингизни ишга солишингиз мумкин,

деб айтмоқчиман. Ўзингиз қаранг, сизларнинг бугун ҳар қадамда ташаббус кўрсатишингиз учун қандай имкониятлар яратилган. Яъни, сизнинг қалбингизда ўз юртнни севиш, шу юрт учун ёниб яшаш туйғуси бошқача бўлиб, бу – сизларнинг баҳтингиз, десак, тўғри бўлади».

Мухтарам Президентимизнинг сайловолди дастуридан ўрин олган яна бир устувор вазифа – Ўзбекистоннинг ташқи сиёсати билан bogliq масалалар хусусида жойларда бўлиб ўтган очик мuloқot ва учрашувларда халқимизнинг юрагида, кўнглида бўлган, унинг тинчлик ва омонликда кечираётган кундалик турмуши, эзгу орзу-ниятларига тўла жавоб берадиган муҳим фикр ва ғоялар билдирилди.

«Биз узоқ ва яқин атрофимиздаги барча давлатлар, биринчи навбатда, қўшни мамлакатлар билан дўстона муносабатлар ва ўзаро манфаатли ҳамкорликни янада мустаҳкамлашни ўзимизнинг биринчи даражали вазифамиз деб биламиз. Энг муҳими, ҳеч қандай ҳарбий блокка қўшилмаймиз, Ўзбекистон худудида чет эл ҳарбий базаларининг жойлашувига, ҳарбий хизматчиларимизнинг мамлакатимиз ташқарисида бўлишига йўл қўймаслигимиз зарур, деб ҳисоблаймиз.

Узоқ ва яқин атрофимизда вужудга келаётган бугунги мураккаб вазиятда айнан шундай йўлни, шундай сиёсатни биз учун энг тўғри ва энг маъқул деб биламиз».

Табиийки, бу сўзлар юртимизда яшаётган барча инсонлар, авваламбор ота-оналарнинг қалbidаги ўй-

фикрларни ифода қилиб, уларнинг юрагида фарзандлари тақдири, Ватанимиз келажаги учун ишонч ва ғуур туйғуларини уйғотади.

Президентимизнинг сайловолди учрашувларидағи нутқ ва маъruzаларида баён қилинган устувор йўналишлар, долзарб фикр ва гоялар ҳақида, уларнинг бугунги ва эртанги тараққиётимиз учун накадар улкан аҳамиятга эга экани хусусида, албатта, узок сўз юритиш мумкин. Энг муҳими, уларнинг барчаси халқимиз, Ватанимиз тақдири ва истиқболига бевосита дахлдор экани, тараққиётимизнинг янги уфқларини белгилаб бериши билан эътиборимизни тортади, қалбимиз ва онгимизга муҳрланиб қолади.

Яна бир муҳим томони шундаки, ушбу китобда чуқур маъноли, теран ҳаётий фалсафа билан йўғрилган шундай ёрқин, таъсирчан фикр-мулоҳазалар борки, уларни ҳеч иккиланмасдан ҳикматли иборалар, афоризм сифатида қабул қилиш мумкин.

Хурматли китобхон, қўйида келтирилаётган бაъзи мисоллар билан танишиб, ўзингиз ҳам бу фикрга ишонч ҳосил қиласиз, деб ўйлаймиз:

«Биз учун ягона мафкура – бу Ўзбекистоннинг тараққиёти, Ўзбекистоннинг равнақи, Ўзбекистоннинг дунёда ҳеч кимдан кам бўлмаслигидир».

«Мустақилликка, сиёсий мустақилликка эришиш учун, авваламбор, иқтисодий мустақилликка эришиш керак. Ўзини бошқа бирорларга ипсиз боғлаб бермаслик керак».

«Бирорнинг кўлига ва юзига қараб яшайдиган инсон ва давлатнинг озодлиги бутун бўлмайди, мустақиллиги тўлик бўлмайди. Ҳаётнинг шаф-

қатсиз қонуни шу: фақат ўз куч-қудратига ишонгандан халқгина ўз мурод-мақсадига етади».

«Бу дунёда қуруқ гапга эмас, аввало, ҳар томонлама ишончли, синалган, ҳаётнинг ҳақиқий синовидан ўтган одамларга ишониш керак».

«Ҳаётда мақсадга эришиш ҳеч қачон осон бўлмаган. Эй, бизга шу ҳам бўлаверади, деган фикр билан яшайдиган одам, билиб қўйинглар, ҳаммамизнинг душманимиздир».

«Эзгу мақсадларимизга етиш учун бугун белни қаттиқ боғлаб меҳнат қилмасак, ўзимизни қийнамасак, эртага ҳаёт бизни қийнайди. Бу бешафқат ҳақиқатни ҳеч қачон унутмаслик зарур».

Албатта, муҳтарам Президентимизнинг сайловолди учрашувларида сўзлаган нутқ ва маъruzalariдан олинган бундай иқтибосларни яна кўплаб келтириш мумкин.

Жойларда бўлиб ўтган бу учрашувлар фақат тайёр маъруза матнлари билан чекланмагани, фақат монолог бўлиб қолмасдан, жонли ва самимий мулоқотлар шаклида икки-уч соатлаб давом этгани, халқ билан, жамоатчилик билан чинакам маърифий сухбатларга айланиб кетгани айниқса эътиборлидир.

Ушбу китобни мутолаа қиласар эканмиз, Ислом Каримовнинг мустақил ўзбек давлатининг асосчиси, дунё миқёсида тан олинган йирик давлат ва сиёsat арбоби бўлиб шаклланиши ва майдонга чиқишида унинг сиёсий тафаккури, нотиклик маҳорати накадар катта аҳамият касб этганига ишонч ҳосил қиласиз. Ҳар бир масалага миллий манфаат ва яна бир бор миллий манфаат нуқтаи на-

заридан, конструктив ва креатив асосда ёндашиш, қиёсий-таҳлилий, фактик ва аналитик фикрлаш, тарих, замон ва келажакни ўзаро боғлик бир бутун диалектик ҳодиса сифатида кўриш, идрок эта олиш, ҳар қандай масалада жўшқин баҳс ва мулоқотга тайёрлик – буларнинг барчаси китоб муаллифининг сиёсий услубига хос бўлган ёрқин хусусиятлардир. Мамлакатимиз раҳбари ёши, миллати, эътиқоди ва касбу коридан қатъи назар, турли кишилар билан мулоқотда бўлар экан, уларнинг барчаси учун тушунарли бўлган оддий ва содда сўз ва ибораларни ишлатади. Аммо мушоҳада миқёсининг кенглиги, мақсаднинг аниқлиги, мантиқнинг кучлилиги, нутқнинг ҳароратли ва таъсирчанлиги, юртимиздаги ҳар бир инсоннинг ҳаёти ва тақдирига бевосита дахлдор экани билан бу чиқишлиар минг-минглаб одамлар юрагида, қалбида акс садо беради.

Мазкур тўплам билан танишган китобхон ундан ўрин олган барча фикр-мулоҳазаларни ўзаро узвий боғлаб турадиган асосий фазилат – бу Ватанимиз истиқтолига фидойилик, шу замин, шу ҳалқнинг фаровонлиги ва бахту иқболи, ёруғ келажаги учун ҳар қандай синов ва машаққатларга тайёр туриш, шу улуғ мақсадларга эришишни олий саодат, ўз ҳаётининг мазмуни деб биладиган инсоннинг – бетакрор шахс, улкан давлат арбобининг безовта ва бедор қалби, юрак ҳарорати, кенг тафаккури, мустаҳкам иродада ва эътиқоди эканига амин бўлади.

Ишонамизки, миллий тафаккуримиз хазинасига бебаҳо ҳисса бўлиб қўшиладиган, бугунги ва эртанги ҳаётимизнинг энг муҳим устувор йўналишларини

Ўзида мужассам этган ушбу китоб биз учун нафақат янги ва яқин тарихимизнинг ҳали биз тўла англаб етмаган кўплаб қирраларини яна бир бор кашф этишга асос бўлади, айни пайтда, жамиятимизнинг тараққиёт фалсафасини, мамлакатимиз ва халқимиз келажаги, унинг равнақини белгилаб берадиган муҳим дастуриламал бўлиб хизмат қиласди.

**БИЗНИНГ МАҚСАДИМИЗ –
ЭРКИН ВА ФАРОВОН, ДЕМОКРАТИК
ХАЁТ ҚУРИШ**

*(Тадбиркорлар ва ишбилиармонлар
ҳаракати – Ўзбекистон либерал-
демократик партиясининг
VII съездидаги маъруза)*

Хурматли съезд қатнашчилари!

Мухтарам ватандошлар!

Авваламбор, бугун Ўзбекистон либерал-демократик партияси съездининг делегатлари ва фаоллари билан учрашиб, сиз, азизларни соғ-омон, яхши кайфиятда кўришдан, барчангизга ўзимнинг чукур хурматим ва самимий тилакларимни билдиришдан хурсандман.

Ўзбекистон Республикаси Президентлигига мени номзод этиб қўрсатганингиз учун сиз, азизларимга, Ўзбекистон либерал-демократик партияси аъзоларига, бу ташаббусни қўллаб-қувватлаган барча юртдошларимга чин қалбимдан миннатдорлик билдириш мен учун катта баҳтдир.

Менга билдирилган бундай юксак ишонч ва масъулият, ҳеч шубҳасиз, катта шарафдир.

2003 йилда ташкил этилган бу партия ўзининг олдига қўйган мақсад ва дастурлари, амалий ташаббус ва ҳаракатлари билан, доимо халқимиз ғамташвишларини, муаммоларини ечишда, эл-юртимиз фаровонлигини янада ошириш йўлида ўзига тобора катта обрў-эътибор қозонмокда.

Бу ҳақиқатни 2014 йил 21 декабрда Олий Мажлис Конунчилик палатаси ва халқ депутатлари маҳаллий кенгашларига бўлиб ўтган сайлов натижалари ҳам яққол тасдиқлади. Сайловда партия номзодларидан 52 нафари Олий Мажлис Конунчилик палатаси депутатлигига сайланиб, мазкур конун чиқарувчи органда энг кўп ўринни қўлга киритганинг ўзи, ҳеч шубҳасиз,

ушбу партия эришган марраларнинг амалий намоёни, десам, ҳар томонлама тўғри бўлади.

Ҳозирги вақтда партиянинг 240 мингдан зиёд аъзоси бўлиб, улар, асосан, кичик бизнес, хусусий тадбиркорлик ва фермерлик ҳаракати вакиллари, яъни ўрта синф сифатида Ватанимиз куч-кудратига, юртимиз тинчлиги ва осойишталигига, ҳалқимиз фаровонлигига катта ҳисса қўшиб, Ўзбекистоннинг ҳал қилувчи кучига айланмоқда, десак, янглишмаган бўламиз.

Бугунги кунда дунёдаги кўпгина тарақкий топган, барқарор ва бадавлат яшаётган давлатлар тажрибаси шуни кўрсатмоқдаки, аввало, ўзининг хусусий мулкига эга бўлган шахс ва бундай шахслардан иборат тоифа қўлга киритган бойликни янада кўпайтиришга интилади. Шу аснода ўзининг, оиласининг турмуш фаровонлигини ошириб бориш билан бирга, давлат ва жамият зиммасидаги кўплаб вазифаларни бажаришда ҳам фаол иштирок этади. Керак бўлса, кўпгина масалаларда бошқаларга ўrnak ва намуна кўрсатади.

Энг муҳими – буни ҳам такрор ва такрор айтишга тўғри келади – мулкдорлар синфи ўз юртида тинчлик ва осойишталик, эркин фаолият юритиш муҳитини сақлаш ва мустаҳкамлаш учун астойдил жон куйдидари. Чунки ҳаммамизга яхши маълум – фақатгина осуда ҳаёт, тинч ва осойишта вазиятдагина ўз ишини бошлиш, тадбиркорлик, хусусий бизнесни ривожлантириб, эркин яшаш ва даромад, бойлик топиш мумкин.

Яна бир муҳим масала – ҳалқимизнинг тарихий-маънавий ўзига хослиги, азалий қадрият ва анъаналаримиз, эл-юртимиз ҳаётида асрлар давомида шаклланиб келаётган ижтимоий адолат тамойилларининг

ўзи биз қураётган янги жамиятда ўта бойлар ҳам, ўта камбағаллар ҳам бўлмаслигини тақозо этади.

Бугунги кунда бу талаб миллий давлатчилик барпо этиш борасидаги сиёсатимизнинг муҳим пойдеворига айланганини кўп-кўп мисолларда кўриш мумкин.

Биз ўрта синф деганда, ён-атрофимиздаги айрим давлатлардаги каби турли нопок, коррупция йўллари билан беҳисоб мол-дунё орттирган ўта бойларни эмас, балки ўзининг ҳалол меҳнати, ақл-заковати, куч-ғайрати билан даромад топаётган миллион-миллион тадбиркор ва ишбилармонларни тасаввур қиласиз.

Биз ўрта синф деганда, ўзининг, фарзандларининг тақдири ва келажагини шу замин билан узвий боғлаган, шу юртда озод, эркин ва фаровон ҳаёт кечириш, шу юртни равнак топтириш мақсадида тер тўкиб меҳнат қилаётган инсонларни кўз олдимизга келтирамиз.

Бу инсонлар, аввало, эл-юртимизнинг куч-қудрати ва бойликларини бунёд этаётган тадбиркор ва ишбилармонлар, фермерлик ҳаракати ва кичик бизнес, хизмат қўрсатиш соҳаси вакиллари, бир сўз билан айтганда, моддий ва интеллектуал мулк эгаларидир.

Ўзбекистон либерал-демократик партиясининг ташкил қилиниши ва сиёsat майдонида пайдо бўлишидан кўзда тутилган максад ҳам, биринчи навбатда, тез ўзгариб бораётган замон талабларини хисобга олган ҳолда, ана шундай мулқдорлар, яъни нима учун ва ким учун меҳнат қилаётганини чукур англайдиган инсонларни ягона эзгу мақсадни амалга ошириш йўлида бирлаштиришдан иборат эди.

Бу ҳақиқатни ҳеч қачон эсимиздан, ҳаёлимиздан чиқармасдан, мулкдорлар ўртасида шаклланган муносабатларни янада мустаҳкамлаш ва янги босқичга кўтариш – партиянинг кундалик устувор вазифасига айланиши даркор.

Азиз дўстлар!

Биз бугун мустақил давлат ва жамият қуриш, халқимиз учун ҳеч кимдан кам бўлмаган фаровон ҳаёт барпо этиш йўлида тарихан қисқа даврда ҳақиқатан ҳам ўн йилларга, балки асрларга teng келадиган йўлни – масофани босиб ўтдик, десак, асло муболаға бўлмайди.

Ўз вақтида, бизнинг тақдиrimiz ҳал бўлаётган ўта оғир ва хатарли бир замонда, турли хомхаёллардан воз кечиб, бизга кўрсатилган тазийқ ва зўравонликларга қарамасдан, бугунги кунда дунёда тараққиётнинг «ўзбек модели» деб тан олинган, демократик давлат, эркин бозор иқтисодиётини шакллантириш, халқимизнинг ҳаёт даражасини муносиб босқичга кўтариш бўйича чуқур ўйланган ривожланиш йўлимиизни қатъий белгилаб олганимиз, ҳеч шубҳасиз, **том маънода тарихий ютуғимиз бўлди.**

Ислоҳотларнинг машҳур беш тамойилига асосланган бу тараққиёт модели, аввало, биз танлаган тадрижий – эволюцион йўл нақадар тўғри ва самарали эканини бугун ҳаётимизнинг ўзи амалда исботлаб бермоқда.

Ўзбекистон тарихан қисқа муддатда бир вақтлар иқтисодиёти бирёқлама ривожланган, асосан, пахта хомашёси етказиб беришга мослашган, пахта

яккаҳокимлиги ҳалокатли тус олган, собиқ СССР таркибида аҳолининг ҳаёт даражасини ифодалайдиган кўрсаткичлар бўйича энг орқа ўринда, жар ёқасида турган қашшоқ ўлкадан бугунги кунда тез ва барқарор суръатлар билан, аввало, замонавий тармоқлар ҳисобидан ривож топаётган, ҳалқаро майдонда ўзига муносиб ўрин эгаллаётган мамлакатга айланиб бораётгани қўпгина яқин ва узоқ қўшниларимизни ҳайратда қолдирмоқда.

Ҳакиқатан ҳам, бир ўйлаб кўрганда – биз кечаким эдигу, бугун ким бўлдиқ, деган саволни ўзимизга бериб, кечаги ҳаётимизни бугунги ҳаётимиз билан қиёслаганда, содир бўлаётган туб ўзгаришларнинг асл маъно-мазмунига етиб боргандагина қўп нарса бизга яққол аён бўлади.

Ўзлигимизни англаб, юртимизнинг, тақдиримизнинг том маънода эгаси бўлиб, эркин ва озод ҳаёт кечиришнинг ҳақиқий аҳамияти ва моҳиятини чуқур тушуниб олган заҳматкаш, мард ва матонатли ҳалқимизнинг фидокорона меҳнати билан амалга оширилаётган оламшумул ишлар, мамлакатимиз, шаҳар ва қишлоқларимизнинг қиёфаси тубдан ўзгаргани, ҳаётимиз тобора фаровон бўлиб бораётганини сезмаслик, кўрмаслик ва кузатмасликнинг ўзи қийин, деб ўйлайман.

Бундай улкан ютуқ ва мэрраларнинг асосий омили ва мезонини биз, аввало, одамларимизнинг онгу тафаккури, дунёқараши тобора ўзгариб, уларнинг сиёсий фаоллиги, ҳуқуқий маданияти, фуқаролик савияси ва бурчи юксалиб бораётганида қўрамиз. Энг муҳими, эски, ўзини оқламаган тизимнинг қолип ва

ақидаларидан холи бўлган, мустақил фикрлайдиган, чет мамлакатлардаги тенгдошлари билан беллашувга тайёр, Ватанимизнинг эртанги куни учун масъулиятни ўз зиммасига олишга қодир бўлган куч – ёшларимиз майдонга чиқаётганида бу ҳақиқатни яққол англамоқдамиз.

Айни шулар ҳисобидан биз дуч келган оғир синов ва муаммоларга, жаҳон миқёсидаги глобал иқтисодий инқироз давом этаётганига қарамасдан, дунёнинг саноқли давлатлари қаторида Ўзбекистонда ялпи ички маҳсулотнинг йиллик ўсиш суръатлари сўнгги 10 йил давомида 8 фоиздан зиёд бўлиб келмоқда. Жорий йилимизда ҳам, иншооло, бундан кам бўлмайди.

Мустақил тараққиёт йилларида Ўзбекистонимизнинг иқтисодиёти 5 каррадан кўпроқ, аҳоли даромадлари жон бошига ўртacha 8,7 баробар ўстанини, мамлакатимиз аҳолиси шу даврда 1,5 марта кўпайиб, 2015 йилнинг бошида 31 миллион 500 минг кишини ташкил этганини инобатга оладиган бўлсак, очиғини айтганда, биз эришган ютуқларни баъзан одамлар тасаввур қилиши ҳам қийин бўлмоқда.

Мамлакатимизнинг ташки қарзи ялпи ички маҳсулотга нисбатан 15 фоиздан ошмаслиги, ички қарзимиз, яъни аҳолимиз олдида қарзимиз умуман йўқлиги, экспорт ҳажми, олтин-валюта захираларимиз барқарор суръатлар билан кўпайиб бораётгани барчамизни, албатта, кувонтиради.

Ҳурматли дўстлар!

Биз ҳаёт ҳеч қачон бир жойда тўхтаб турмаслигини, албатта, яхши англаймиз. Агарки биз XXI асрда, тобо-

ра авж олаётган глобаллашув жараёнлари, интернет ва интеллектуал тараққиёт ҳал қилувчи роль ўйнаётган бир даврда яшаётганимизни ҳисобга оладиган бўлсак, ҳаётимиз нақадар шиддатли суръатлар билан ўзгариб бораётганини, айниқса, чуқур ҳис қиласиз.

Ана шундай шароитда эришган натижаларимизга маҳлиё бўлмасдан, ҳаволаниш кайфиятига берилмасдан, шу пайтга қадар босиб ўтган йўлимиз – бу олдимизда турган мураккаб ва оғир йўлнинг фақат бир қисми эканини ўзимизга аниқ тасаввур этишимиз керак.

Бугунги кунда бизни ўраб турган дунё қанчалик тез ўзгариб бораётгани, яқин ва узок атрофимизда турли можаро ва қон тўкишлар давом этайдан, терроризм, экстремизм ва наркотрафик хавфи ортиб, молиявий-иқтисодий инқироз ва унинг оқибатлари янада чуқурлашиб бораётгани ҳақида ортиқча гапиришнинг ҳожати йўқ, деб ўйлайман. Албатта, буларнинг барчаси бизнинг ҳар биримизни ташвишга солмасдан қўймайди ва биздан жаҳонда юзага келётган вазиятни сергаклик билан баҳолашни талаб қиласди.

Бу ўринда гап, биринчи навбатда, юртимизда амалга оширилаётган ислоҳотларни, мамлакатимизни янгилаш ва модернизация қилишни давом эттириш ва чуқурлаштиришга қаратилган эътибор ва саъй-ҳаракатларимизни асло камайтирмаслик ҳақида бормоқда.

Айни шу вазият ва ҳолатларни инобатга олиб, олдимизда турган энг долзарб ва устувор вазифалар ҳақида гапирганда: **аввало, биз учун 2015 йилда ва ундан**

кейинги даврда энг устувор вазифа – бу таркибий ўзгаришлар сиёсатини олиб бориш, саноатни диверсификация қилиш, ишлаб чиқаришни техник ва технологик модернизация қилиш, ахборот-коммуникация тизимларини кенг жорий этиш ҳисобидан иқтисодиётимизнинг рақобатдошлигини оширишни таъминлашдан иборатдир.

Ўз олдимизга қўйган бу мақсадга эришиш учун ишлаб чиқариш харажатларини қисқартириш, иқтисодиётимизнинг реал секторида эскирган асбоб-ускуналар ва технологик қолоқликка барҳам бериш каби принципиал масалаларни ҳал қилиш, шунингдек, очиқ айтиш керак, ислоҳотларни амалга оширишда, биринчи навбатда, мулкдорлик масаласида чала-яrim ишларга йўл қўймаслик, иқтисодиётни бошқаришда маъмурий буйруқбозлик усулларининг қолдиқларини бутунлай бартараф этиш зарур.

Барчамиз бир ҳақиқатни яхши тушуниб олишимиз шарт. Яъни, таркибий ўзгаришларни амалга оширмасдан, ишлаб чиқаришни диверсификация қилмасдан туриб, маҳсулотларимизни ташқи бозорларга олиб чиқиши бўйича экспорт дастурини жадал ривожлантириш, валюта даромадлари тушумини таъминлаш ва мамлакатимизда юқори технологияларга асосланган янги ишлаб чиқариш қувватлари ва иш ўринларини яратиш ҳақида гапиришнинг ўзи мумкин эмас.

Биринчи навбатда, жаҳон бозорида юқори даражадаги рақобатга дош бера оладиган ва келгуси даврда мамлакатимизда иқтисодий ўсишнинг, иқтисодиётни янада модернизация ва диверсификация қилишининг

локомотивига айланиши мумкин бўлган тармоқларни жадал ривожлантириш ва аниқ йўналтирилган ҳолда қўллаб-куватлашни таъминлаш лозим.

Иқтисодиёти, аввало, хомашё ва яримтайёр маҳсулотлар ишлаб чиқаришга асосланган давлатнинг эртанги куни гумон бўлиши барчамизга маълум.

Ўзбекистон жаҳон бозорида хомашё ресурслари, масалан, пахта ва бошқа хомашё турларининг баҳоси кескин тушиб кетган вазиятларни ўз мисолида кўп бор кўрган, бошидан кечирган.

Шу билан бирга, агар ана шу пахта хомашёсининг ўзини тўқимачилик ва енгил саноатнинг бошқа тармоқларида янада чукур қайта ишлашни таъминлаб, четга бўялган ип-калава, трикотаж полотно ва матолар сотадиган бўлсак, кейинчалик тайёр тўқимачилик маҳсулотлари ишлаб чиқариш бўйича замонавий технологиилар ва дизайнни ўзлаштириб олсак, катта санарадорликка эришишимиз мумкин.

Ана шу биргина мисол асосида бизда ҳали-бери ишга солинмаган қанча-қанча имкониятлар борлигига ишонч ҳосил қилиш қийин эмас, деб ўйлайман.

Бу ўринда, **авваламбор**, дастлабки хомашё ва яримтайёр маҳсулотларни янада чукур қайта ишлаш бўйича замонавий технологииларни жорий қилиш ҳакида сўз бормоқда. Бунинг учун нефть-газ, нефть кимёси ва кимё, енгил ва электротехника саноати каби тармоқларда ва, шунингдек, жаҳон бозорида, ички ва минтақавий бозорларда талаб катта бўлган тайёр маҳсулотлар ишлаб чиқарадиган тўқимачилик, чармпойабзал, озиқ-овқат, фармацевтика саноати, электроника ва майший электр техникаси, майший кимё то-

варлари, қурилиш ва пардозлаш маҳсулотлари ишлаб чиқариш соҳаларида янги мажмуалар, ишлаб чиқариш корхоналари барпо этиш долзарб вазифаларимиз қаторига киради.

Иккинчидан. Мамлакатимизнинг барқарор иқтисадий ўсиши ва истиқболи, аҳолининг ҳаёт даражаси ва сифатини белгилаб беришга қўп жиҳатдан боғлиқ бўлган энг муҳим устувор вазифа – бу хусусий мулк ва хусусий тадбиркорлик ривожи йўлидаги барча ғов ва тўсиқларни олиб ташлаш ва бу соҳага тўлиқ эркинлик беришдан иборат.

Таъкидлаш керакки, мустақиллик йилларида мамлакатимизда хусусий мулк ва инвестицияларнинг меъёрий-ҳукуқий асосини яратиш ва уларнинг дахлизилигини ҳимоя қилиш, хусусий мулкдорлар учун зарур шарт-шароит ва кафолатлар туғдириб бериш бўйича қўп иш қилинди.

Кишлоқ хўжалиги, қурилиш, савдо-сотик, хизмат кўрсатиши соҳаси каби қўпгина тармоқлар ва уй-жой фонди, истеъмол товарлари ишлаб чиқарадиган соҳалар деярли тўлиқ хусусий мулк шаклига ўтказилди.

Бугунги кунда ҳаётнинг ўзи, мамлакатимизда хусусий мулк ва хусусий тадбиркорлик фаолиятининг амалиёти айнан мана шундай мулк шаклининг давлат мулкига нисбатан ҳар томонлама устунлигини ишончли тарзда исботлаб бермоқда. Хусусий корхоналарда сидқидилдан меҳнат қилишга ундейдиган омиллар ва шахсий манфаатдорлик даражаси ва энг асосийси, ўзининг ишлаб чиқариш ва молиявий фаолиятининг якуний натижаси учун масъулият ҳисси бутунлай бошқача экани, айниқса, эътиборлидир.

Хусусий секторда маблағлардан тобора самарали фойдаланилмоқда. Бу соҳада юқори сифатли маҳсулотлар тайёрлаш, ишлаб чиқариш харажатларини камайтириш ва меҳнат унумдорлигини оширишни таъминлашга бўлган қизиқиши ва интилиш анча кучли бўлиб, ишлаб чиқаришнинг имкон қадар кўпроқ даромад олиш каби пировард молиявий натижалари ҳам сезиларли равишда юқоридир.

Айнан кичик бизнес, хусусий тадбиркорликка хос бўлган ана шундай туб ва устун жиҳатлар, шунингдек, мустақиллик йилларида яратилган рафбатлантирувчи омиллар, имтиёз ва преференциялар ушбу соҳанинг Ўзбекистондаги жадал тараққиётини белгилаб бермоқда.

Бугунги кунда мамлакатимиз ялпи ички маҳсулотининг 56 фоизи ана шу соҳага тўғри келаётгани ва иш билан банд ахолининг 75 фоизи мазкур тармоқда меҳнат қилаётгани бу фикрни яққол тасдиқлаб турибди.

Минг афсуски, хусусий мулк ва хусусий тадбиркорликни ривожлантириш йўлида ҳали-ҳамон турли маъмурий ғов ва тўсиқлар сакланиб қолмоқда. Энг ёмони, мансабдорлар томонидан бу соҳа вакилларининг қонуний манфаат ва ҳуқуқлари бузилаётгани билан боғлиқ кўплаб мисолларни келтириш мумкин.

Бундай ҳолатларни таг-туги билан бартараф этиш, мулк ҳуқуқининг кучли юридик норма ва кафолатлари тизимини шакллантиришимиз ва шу асосда давлатимизнинг иқтисодий ва ижтимоий таянчига айланадиган хусусий мулкдорларнинг кенг қатламини яратишга эришмоғимиз зарур.

Хусусий тадбиркорлар учун ресурсларни очик биржা ва ярмарка савдоларида сотиш ҳажмини кенгайтириш ҳисобидан хомашё ресурсларидан фойдаланиш механизмини тубдан қайта кўриб чиқиш, уни янада соддалаштириш, очик-ошкора бўлишини таъминлаш лозим.

Бу борада хусусий мулкдорларнинг қонуний хукук ва манфаатларини ҳимоя қилишда **суд органлари** ролини ошириш, давлат, хукуқни муҳофаза қилиш ва назорат килувчи органлар мансабдор шахсларининг тадбиркорлик субъектларининг хўжалик ва молиявий фаолиятларига ноқонуний аралашуви учун жавобгарлигини кучайтириш биринчи даражали аҳамиятга эга бўлиши лозим.

Кичик бизнес ва хусусий тадбиркорлик соҳасида амалда ҳанузгача сақланиб қолаётган муаммоларни қайд этган ҳолда, айни вақтда, кейинги йилларда тадбиркорларимизни ҳар томонлама рафбатлантириш учун етарли даражада кўп иш килинганини таъкидлаш лозим. Ана шу ишларнинг давоми сифатида мамлакатимизда бизнеснинг муваффакиятли фаолият кўрсатиши учун солик юкини камайтириш, имкон даражасида барча зарур шароит ва кафолатларни яратиш керак.

Ташқи иқтисодий фаолият миллий банки ҳузурида кичик бизнес ва хусусий тадбиркорлик субъектларининг экспорт фаолиятини кўллаб-қувватлаш бўйича маҳсус жамғарма ташкил этилганидан хабарингиз бор, албатта.

Ушбу жамғарма ёрдамида экспортга маҳсулот етказиб бериш бўйича хорижий шериклар билан

1 миллиард 250 миллион доллардан зиёд ҳажмдаги шартномалар имзоланган бўлиб, ўтган йили, биринчи навбатда, кичик бизнес, хусусий тадбиркорлик ва фермер хўжаликлари соҳасида 840 миллион доллардан зиёд микдордаги товарлар экспорти амалга оширилди.

Бугунги кунда тадбиркорлик субъектларининг 98 фоизи солиқ ва статистика ҳисоботлари топширишни, божхона декларацияларини расмийлаштиришни бевосита электрон шаклда амалга оширмоқда. 2014 йилда тижорат банклари томонидан кичик бизнес ва хусусий тадбиркорлик субъектларига 9 триллион сўмдан ортиқ ёки 2013 йилга нисбатан 1,3 баробар кўп кредитлар ажратилди.

2015 йилнинг 1 январидан бошлаб тадбиркорлар учун даромад солиғи ставкаси 25 фоиздан 15 фоизга, курилиш соҳасидаги корхоналар учун ягона солиқ тўлови ставкаси 6 фоиздан 5 фоизга туширилди.

Имтиёз ва преференцияларнинг ушбу рўйхатини яна давом эттириш мумкин.

Учинчидан. Бугун Ўзбекистонда иқтисодиётда ҳам, фаолиятимизнинг бошқа соҳаларида ҳам давлатнинг иштирокини танқидий қайта кўриб чиқадиган вақт келди.

Давлатнинг иштироки, авваламбор, электр энергетикиси, транспорт ва ишлаб чиқариш инфратузилмаси сингари давлат иштирокидаги корхоналар иқтисодиётнинг барқарор фаолият кўрсатишини таъминлаётган, табиий монополияларга асосланган соҳаларда сақлаб колиниши керак.

Бошқача айтганда, давлатнинг иқтисодиётимиздаги улуши иқтисодий ва стратегик асосланган даражага қадар қисқартирилиши ва бу ҳақиқий рақобат мұхитини таъминлаши ҳамда тәксимотга асосланган маъмурый буйруқбозлик тизимининг ўз умрини ўтаб бўлган иллатларидан халос бўлишга олиб келиши лозим.

Шу муносабат билан хўжалик фаолиятида давлат улушкини тубдан қисқартириш бўйича маҳсус дастурни қабул қилиш мақсадга мувофиқ деб ҳисоблайман. Ушбу дастурда самарасиз давлат корхоналарини тугатиб, уларни, жумладан, очик ва ошкора савдолар орқали тегишли инвестиция мажбуриятлари билан «ноль» қийматида сотиш орқали тўлиқ хусусий мулк шаклига ўтказиш даркор.

Корпоратив ёки акциядорлик бирлашмаларимизнинг фаолияти самарадорлигини танкидий баҳолаш долзарб масала сифатида кун тартибиға қўйилмоқда.

Бу, биринчи навбатда, акция пакетларига давлат эгалик қилаётган акциядорлик жамиятларининг фаолиятига тааллуклидир. Бундай жамиятларда, акциядорлар, айниқса, миноритарийлар, кам ҳажмдаги акцияларга эгалиги ва акциялар пакетларининг тарқоқлиги туфайли бошқарув ва қарор қабул қилиш жараёнидан амалда четда қолмоқда.

Бугун, Ўзбекистонда фаолият кўрсатаётган акциядорлик компанияларининг тажрибасидан фойдаланган ҳолда, маҳаллий сармоядорлар қаторида хорижий акциядорлар ҳам акция эгалари бўладиган вақт келди.

Ишончим комилки, акциядорлик жамиятларини айни шундай асосда ташкил этиш бизнинг манфаатларимизга кўпроқ мос келади.

Тўртингидан. Экологик муаммолар чуқурлашиб бораётган, сув ва ер ресурслари чекланган бизнинг шароитимиизда ирригация ва мелиорация ишларини давом эттириш, ерларнинг унумдорлиги ва ҳосилдорлигини янада ошириш, экин майдонлари таркибини оптималлаштириш, энг янги агротехнологияларни жорий этиш – айнан шу **йўналишлар қишлоқ хўжалигини ислоҳ этишнинг ҳал қилувчи масалалари бўлиб, улар доимо бизнинг эътиборимиз марказида бўлиб келди ва шундай бўлиб қолади.**

Ана шундай долзарб вазифаларнинг барчасини комплекс равишда ҳал этиш учун биз **қишлоқ хўжалигини ривожлантиришнинг келгуси 5 йилга мўлжалланган дастурини ишлаб чиқишига киришдик.** Бу дастур аграр тармоқдаги таркибий ўзгаришларни сифат жиҳатидан янги босқичга кўтариш ва, шунингдек, мамлакатимизнинг озиқовқат хавфсизлигини янада мустаҳкамлашни кўзда тутади.

Шу борада олдимизда миқёси ва кўламига кўра қандай улкан ишлар тургани ва бунинг учун қандай катта маблағлар талаб этилишини биз ўзимизга яхши тасаввур қиласиз. **Бу масалада ҳаётнинг ўзи бир ҳақиқатни тасдиқлаб, исботлаб бермоқдаки, қишлоқ хўжалиги ҳисобидан маблағларни тежаш мутлақо ярамайди ва биз ҳеч қачон бунга йўл қўймаймиз.**

Агарки биз бундан 5 йил олдин ерларнинг мелиоратив ҳолатини, биринчи навбатда, мамлакатимизнинг давлат бюджети ҳисобидан тубдан яхшилашга киришмасак – қани, айтинглар, бугунги кунда қишлоқ хўжалиги қандай ахволга тушиб қолган бўларди?

Ҳаммамизга аёнки, барча қишлоқ хўжалиги тармоқларининг самарадорлиги, бизнинг иқтисодий ва озиқ-овқат хавфсизлигимиз, нафақат қишлоқ аҳли, балки бутун ҳалқимизнинг моддий фаровошлиги, охир-оқибатда эса бозорларимизда нон ва озиқ-овқат маҳсулотларининг нархи қандай бўлиши, авваламбор, бебаҳо бойлигимиз бўлган ерларнинг унумдорлиги, уларнинг ҳолатини доимий равишда яхшилашга бориш билан чамбарчас боғлиқ.

Бугунги кунда амалга оширган чора-тадбирларимиз натижасида 1 миллион 700 минг гектар суғориладиган ерларнинг мелиоратив ҳолатини яхшилашга эришдик.

Сизот сувлари энг оғир даражада, яъни 2 метргача юзада жойлашган ерлар қарийб 500 минг гектарга, кучли шўрланган ерлар эса 100 минг гектарга қискарди.

Мелиорация ишлари амалга оширилган экин майдонларида пахта ҳосилдорлиги гектарига ўртacha 2–3 центнер, бошоқли дон экинлари бўйича эса 3–4 центнерга ошгани бу борада эришган энг муҳим натижамиздир.

Эътиборингизни яна бир муҳим масалага, яъни ҳозирги кунда пахта экиладиган ерларни оптимальлаштириш ва бошоқли дон экинлари, сабзавотчилик, боғдорчилик ва узумчилик учун ажратилган

майдонларни кенгайтириш ҳисобидан экин майдонлари таркибини ўзгартириш билан боғлик бўлган қишлоқ хўжалиги ислоҳотларининг самарадорлигига қаратмоқчиман.

Бу ҳақда гапирганда, Андижон, Косонсой, Чорток, Ўрта Чирчик, Ўзбекистон ва Бувайда туманларида пахта экин майдонлари қисқартирилганини, Асака, Янгийўл ва Жомбой туманларида эса пахта экишдан бутунлай воз кечилганини қайд этиш жоиз.

Пахтадан бўшаган жами 30 минг гектардан ортиқ суғориладиган ерда боғ ва узумзорлар ташкил этилиб, бошоқли дон, сабзавот ва картошкадан мўл ҳосил этиширилмоқда.

Бунинг натижасида 2012–2014 йилларда пахта хомашёси тайёрлашнинг барқарор ҳажми сақланган ҳолда, сабзавот этишириш – 16,3 фоизга, полиз маҳсулотлари – 16,6 фоизга, мева этишириш эса – 21 фоизга кўпайди.

Бешинчидан. Қишлоқ хўжалигимизнинг, ҳеч муболағасиз айтиш мумкинки, бутун мамлакатимизнинг тараққиётига улкан ҳисса бўлиб кирган фермерлик ҳаракати янги тарихимизда ўчмас из бўлиб қолажак десам, айни ҳақиқатни айтган бўламан.

Бугунги кунда умумхалқ бойлиги бўлмиш ерни ижарага олган, бу ерга ўз мулки ва хизматини қўшган, замонавий техникага эга бўлган фермер хўжаликлари – нафақат қишлоқ хўжалигимизнинг асосий маҳсулотини ишлаб чиқарадиган, балки қишлоқнинг келажагини, тараққиётини ўз масъулиятига олган ижтимоий-сиёсий ҳаракатдир.

Шуни таъкидлаш зарурки, ҳозирги шароитда замонавий фермер хўжаликлари қишлоқ хўжалиги маҳсулотларини ишлаб чиқариш билан бирга, уларни чуқур қайта ишлаш, қурилиш ва таъмирлаш ишларини амалга ошириш, қишлоқ аҳолисига хизмат кўрсатиш билан шуғулланадиган, катта вазифалар ва масъулиятни ўз зиммасига олган кўптармоқли хўжаликларга айланиб бормоқда.

Эски дехқон ва фермерлар уюшмаси Ўзбекистон фермерлар кенгашига, жойларда эса вилоят ва туман фермерлар кенгашларига айлантирилди. Бу ҳақда сўз борганда, ҳозирги вақтда фермер хўжаликларининг ривожланиши ва уларнинг фаолиятида юзага келадиган муаммоларга тўғридан-тўғри боғлиқ бўлган бирон-бир масала Фермерлар кенгашининг бевосита иштирокисиз амалда ҳал этилмаслигини қайд этиш лозим.

Фермерлар кенгашлари фермерлик ҳаракати, қишлоқларнинг ривожланиши ва қишлоқ аҳолисининг фаровонлиги ўсиши учун масъулиятни ўз зиммасига олишга қодир бўлган қудратли ижтимоий-сиёсий кучга айланиб бориши муқаррар. Лўнда қилиб айтадиган бўлсак, катта истиқболга эга бўлган, ҳозирги вақтда қишлоқ хўжалиги маҳсулотларининг 90–92 фоизини ишлаб чиқараётган фермер хўжаликлари мамлакатимиз аҳолисининг қарийб ярми истиқомат қилаётган қишлоқларимизнинг бугунги ва эртанги фаровонлигини янада оширишни ўз назоратига олиши зарур, деб ўйлайман.

Халқимизнинг ҳаёт сифати ва даражасини ошириш, жумладан, энг муҳим ижтимоий дастурлар до-

ирасида давлатимиз томонидан олиб борилаётган ишлар, олдимиизда турган кенг кўламли вазифалар ҳақида барчамиз яхши хабардормиз.

Фақат жорий йилнинг ўзида 353 та умумтаълим мактабини қуриш, реконструкция қилиш ва капитал таъмирлаш, шунингдек, 147 та касб-хунар коллежи ва академик лицейда қарийб 400 миллиард сўм ҳажмидаги капитал таъмирлаш ишларини амалга ошириш кўзда тутилмоқда.

2020 йилгача эса 500 та умумтаълим мактабини қуриш, реконструкция қилиш ва капитал таъмирлаш, жумладан, 101 та янги мактаб барпо этиш ва 810 та касб-хунар коллежи ва академик лицейларни капитал таъмирлаш режалаштирилмоқда.

Тиббиёт соҳасида 2015 йилда 98 миллион доллар ҳажмидаги маблағ ҳисобидан 83 та тиббиёт муассасасини, 2020 йилгача эса – 180 миллион доллардан зиёд маблағ эвазига 230 та тиббиёт муассасасини қуриш, реконструкция қилиш ва капитал таъмирлаш назарда тутилмоқда.

Кишлоқ жойларда намунавий лойиҳалар асосида уй-жой қуриш ишларини давом эттиришга алоҳида эътибор қаратилади, 2015–2016 йилларда 2 миллиард 100 миллион доллар қийматидаги 25 мингта уй-жой бунёд этиш мўлжалланмоқда. Бунинг учун Осиё тараққиёт банки ҳамда Ислом тараққиёт банкининг маблағлари жалб қилиниши белгиланмоқда.

Кишлоқ инфратузилмасини янада ривожлантириш мақсадида фақат табиий газ ва электр тармоқларини қуриш ва реконструкция қилиш учун 2020 йилгача 530 миллион доллар, телекоммуникациялар тармоғини

кенгайтириш учун эса – 136 миллион доллар миқдорида маблағ йўналтириш масаласи қўриб чиқилмоқда.

Олтинчидан. Маҳаллийлаштириш ва импорт ўрнини босадиган маҳсулотлар ишлаб чиқариш дастурини амалга ошириш – ҳозирги босқичда энг устувор вазифаларимиз қаторида алоҳида аҳамият касб этмоқда.

Ушбу дастурни амалга оширишнинг нақадар улкан самара келтиришига биргина факт мисолида ишонч ҳосил қилиш мумкин. Яъни, биз бу дастурни жорий қилишга киришган 2000 йилнинг ўзидаёқ илгари четдан олиб келинадиган маҳсулотларни Ўзбекистонда ишлаб чиқаришни бошлаган эдик.

2000 йилдан буён мамлакатимизда импорт ўрнини босадиган маҳсулотлар ишлаб чиқариш ҳажми 220 баробардан зиёд ошгани ҳам маҳаллийлаштириш ва импорт ўрнини босишга қаратилган ишларимизнинг қандай катта самара бераётганини кўрсатади.

Маҳаллийлаштириш ва импорт ўрнини босадиган маҳсулотлар ишлаб чиқаришда кичик бизнес ва хусусий тадбиркорлик улкан имкониятларга эга эканини барчамиз яхши биламиз.

Ҳозирги пайтда маҳаллийлаштирилган корхоналар нафақат ички бозорни тўлдирмоқда, балки улар экспорт бозорига ҳам чиқмоқда. 2014 йилда умумий қиймати 1 миллиард доллардан ортиқ ҳажмда 550 турдаги маҳаллийлаштирилган маҳсулот экспорт қилинди.

Юртимизда биз учун бутунлай янги бўлган автомобиль саноатининг ташкил этилгани импорт ўрнини

босиши бўйича олиб борилган оқилона сиёсатнинг ёрқин далили ҳисобланади.

Бугунги кунда Ўзбекистонда 27 та русумдаги юк ва енгил автомобиллар, автобуслар, минивэнлар ҳамда 15 турдаги замонавий қишлоқ хўжалик техникалари ишлаб чиқарилмоқда.

Ана шу тармоқларнинг барчасида ишлаб чиқарилаётган маҳсулотлар ҳар йили 4 миллиард доллардан зиёд ҳажмдаги импорт товарлар ўрнини босиши имконини бермоқда.

Ушбу стратегияни янада ривожлантириш мақсадида 2015–2019 йилларга мўлжалланган янги Маҳаллийлаштириш дастури ишлаб чиқилди. Мазкур дастурда умумий қиймати 5 миллиард доллардан зиёд 600 дан ортиқ лойиҳани амалга ошириш кўзда тутилган.

Еттинчидан. Бугунги кунда тараққиёт, туб таркибий ўзгаришлар, ишлаб чиқарилаётган маҳсулотлар рақобатдошлигини таъминлашнинг муҳим шарти инвестиция жараёнлари билан боғлиқ экани ҳақида ортиқча гапириб ўтиришнинг ҳожати йўқ, деб ўйлайман.

Фақат иқтисодиётга инвестиция киритиш жараёни узлуксиз давом этаётган соҳалардагина барқарор иқтисодий юксалиш, иқтисодиётнинг диверсификация қилиниши ва технологик салоҳиятнинг ўсиши кузатилмоқда. Ва аксинча, инвестиция ҳажми камайганда иқтисодий ўсишнинг барча кўрсаткичлари пасайиб, саноат ва бошқа тармоқларда орқага кетиши бошланади.

Мустақиллик йилларида Ўзбекистон тараққиёти учун йўналтирилган инвестициялар ҳажми **190 миллиард доллар**ни ташкил этилди.

лиард доллардан ошди ва бу маблағнинг 65 миллиард доллардан зиёдини хорижий инвестициялар ташкил этди.

Иқтисодиётни таркибий ўзгартириш доирасида кенг кўламли замонавий, юқори технологияларга асосланган лойиҳалар амалга оширилди. Бухоро нефти қайта ишлаш заводи, Шўртан газ-кимё мажмуаси, Кўнғирот сода заводи, Дехқонобод калийли ўғитлар заводи, ўнлаб замонавий тўқимачилик комплекслари, мева-сабзавот ва гўшт-сут маҳсулотларини қайта ишлайдиган ва озиқ-овқат маҳсулотлари тайёрлайдиган юзлаб корхоналар, энг илғор буғ-газ ва газ турбинали технологияларни жорий этган ҳолда ишлаб чиқариш қувватлари модернизация қилингани ана шундай йирик лойиҳалар қаторига киради.

Биргина 2014 йилда Инвестиция дастурини амалга ошириш доирасида 14 миллиард 600 миллион доллар миқдоридаги капитал қўйилмалар ўзлаштирилди ва бу борадаги кўрсаткич 2013 йилга нисбатан 11 фоизга ўсди. Ушбу маблағларнинг 3 миллиард доллардан ортиғи хорижий инвестициялардир.

Бугун курилаётган замонавий корхоналар қаторида Сурғил кони базасида Жанубий Кореянинг етакчи компаниялари билан ҳамкорликда умумий қиймати 4 миллиард 200 миллион долларга teng бўлган Устюрт газ-кимё мажмуасининг барпо этилаётгани хорижий шериклар билан ўзаро манфаатли ҳамкорликнинг ёркин намунасиdir.

Тўғридан-тўғри хорижий инвестициялар асосида амалга оширилаётган ушбу лойиҳа технологик дара-

жаси, жалб қилинган хорижий инвестициялар ҳажми ва қурилиш кўлами бўйича ўта ноёб ҳисобланади ва жаҳон газ-кимё тармоғидаги энг яхши лойиҳа сифатида ҳақли равишда кўплаб мукофотларга сазовор бўлди.

Туб таркибий ўзгаришлар, стратегик инвестиция лойиҳаларини амалга оширишда Жаҳон банки, Осиё тараққиёт банки, Ислом тараққиёт банки каби халқаро молия институтлари сезиларли равишда ёрдам кўрсатмоқда. Ўзбекистонда ушбу институтлар томонидан йўналтирилган кредитлар ҳажми бутунги кунда 8 миллиард доллардан зиёдни ташкил этмоқда.

Инвестиция сиёсати ҳакида гапирганда, шуни таъкидлаш лозимки, Ўзбекистон қишлоқ хўжалигини ривожлантиришга ҳам катта миқдорда инвестиция сарфламоқда. Мисол учун, фақат 2000 йилдан 2014 йилгача бўлган даврда ирригация тизимларини ривожлантириш, йирик ва ўта муҳим сув хўжалиги обьектлари фаолияти хавфсизлигини ва улардан ишончли тарзда фойдаланиш кафолатларини ошириш учун қарийб 1 миллиард 300 миллион доллар ҳажмидаги маблағ йўналтирилди. Бу маблағнинг 335 миллион доллари Жаҳон банки, Осиё тараққиёт банки, Ислом тараққиёт банки ва бошқа халқаро молия институтлари ҳисобидан жалб этилди.

2015 йилда ирригация тармоқларини янада ривожлантириш мақсадида 390 миллион 600 минг доллар ҳажмидаги марказлаштирилган капитал қўйилмаларни ўзлаштириш кўзда тутилган. Умуман олганда, 2020 йилгача ирригация тармоқларини янада яхшилашга марказлаштирилган капитал қўйилмалар ҳисобидан 1 миллиард 480 миллион доллар,

жумладан, қиймати 1 миллиард 100 миллион долларга тенг имтиёзли чет эл кредитларини йўналтириш мўлжалланмоқда.

Инвестиция сиёсатини амалга оширишда инфратузилмани ривожлантириш ҳам муҳим аҳамиятга эга. Сўнгги йилларда қарийб 2 минг километр автомобиль йўллари, хусусан, Ўзбекистон миллий автомагистралি таркибига кирадиган 1,5 минг километр узунликдаги йўл тармоқлари қурилди ва реконструкция қилинди.

Темир йўл соҳасида 342 километр узунликдаги янги «Навоий – Учқудук – Нукус – Султонувайстоғ» ва 223 километрлик «Тошгузар – Бойсун – Кумкўргон» тармоқлари барпо этилди, 550 километрдан зиёд темир йўл линиялари электрлаштирилди. Айни пайтда, янги «Ангрен – Поп» электрлаштирилган темир йўли ва тоғли худудлар орқали ўтадиган 19 километрдан зиёд узунликдаги тоннель қурилиши ниҳоясига етказилмоқда.

Саккизинчидан. Аҳоли бандлигини таъминлаш, биринчи навбатда, қасб-хунар коллежлари битирувчиларини ишга жойлаштириш ижтимоий-иқтисодий тараққиётимизнинг энг муҳим устувор йўналиши бўлиб қолмоқда.

Авваламбор, кичик бизнес, хусусий тадбиркорлик, қасаначилик ва хизмат кўрсатиш соҳасини, айниқса, қишлоқ жойларда янада ривожлантириш, ишлаб чиқаришни модернизация қилиш ва янгилаш дастурларини амалга ошириш, транспорт ва муҳандислик-коммуникация инфратузилмасини ривожлантириш ҳисобидан кейинги пайтда Ўзбекистонда йилига қарийб 1 миллионта иш ўрни яратилмоқда. Шунинг 60 фоиздан кўпроғи қишлоқ жойларда ташкил этилаётгани, айниқса, аҳамиятлидир.

Тўққизинчидан. Аҳоли хаёт даражаси ва сифатини янада изчили ошириб бориш масаласи бизнинг доимий эътиборимиз марказида бўлиб келмоқда.

Бу борада шуни қайд этиш лозимки, сўнгги йилларда мамлакатимиз давлат бюджетининг 59–60 фоизга яқини ижтимоий соҳага йўналтирилмоқда. Фақат ўтган 2014 йилнинг ўзида иш ҳақи, пенсия ва стипендиялар ҳажми 23,2 фоиз, аҳолининг реал даромадлари 10,2 фоизга кўпайди.

Аҳоли даромадлари таркибида тадбиркорлик фаолиятидан олинаётган даромадлар улуши тобора ортиб бормоқда.

Бугунги кунда ушбу кўрсаткич мустақил тараққиётимизнинг дастлабки йилларидағи 10,6 фоиздан 52 фоизга ошганини таъкидлаш лозим ва бундай катта ютуқ, албатта, барчамизга мамнунийт бағишилайди.

Энг кўп ва энг кам даромад оладиган аҳоли ўртасидаги фарқ 2000 йилдаги 53,3 баробардан бугунги кунда 7,8 баробарга тушди. Яъни, бошқача қилиб айтганда, жамиятимизнинг ўта бойлар ва ўта камбағалларга кескин табақаланиб кетишига йўл кўймаслик сиёсатини амалга оширганимиз ўз натижасини бермоқда.

Хозирги кунда Ўзбекистондаги ҳар иккинчи оила юртимизда ишлаб чиқарилган шахсий автомобилга эга. Деярли ҳар бир оиласда кундалик заруратга айланган мобиль телефон, ноутбук, сунъий йўлдош орқали кўрсатадиган ва кабелли телевидение, музлатиш камералари ва замонавий ошхона анжомлари каби янги,

юқори технологияларга асосланган жиҳозлар пайдо бўлди.

Мамлакатимизда уй-жой билан таъминланиш даражаси, жон бошига ҳисоблаганд, 12,4 квадрат метрдан 15,4 квадрат метрга ошди. Уй-жой фондининг деярли ҳаммаси хусусий мулк шаклига ўтказилди.

Аҳолининг тўлов қобилияти ва истеъмол талабининг ортиб бораётгани иш ҳақи ва пенсияларнинг истеъмол нархлари ўсишига нисбатан жадал ошишини таъминламоқда.

Масалан, 2000 йилда ўртача иш ҳақига ўртача истеъмол саватининг ярмини, яъни 50 фоизини харид қилиш мумкин бўлган бўлса, 2014 йилда бу кўрсаткич тегишли истеъмол саватининг 4,26 баробарини ташкил қилгани, яъни 2 баробардан кўпроқ ошганининг ўзи кўп нарсадан далолат беради.

Хурматли съезд иштирокчилари!

Бугунги кунда дунёда рўй бераётган кескинлик, геосиёсий қарама-қаршиликлар, ўз таъсир доирасини кенгайтиришга қаратилган курашнинг тобора авж олиб бораётгани, ҳамон давом этаётган молиявий-иқтисодий инқироз ва унинг оқибатлари, радикализм, терроризм ва экстремизмнинг янада фаоллашаётгани, жаҳон бозорларидаги бекарор вазият бизни ташвишга солмасдан қўймайди, албатта.

Ўзбекистоннинг бу борадаги принцип ва позициялари жаҳон ҳамжамиятига яхши маълум. Хавфсизлигимиз асосини ташкил этадиган мазкур принцип ва позициялар 2012 йилда қабул қилинган «Ўзбекистон Республикасининг Ташқи сиёсий фаолияти концеп-

циясини тасдиқлаш тўғрисида»ги конституциявий қонунда мустаҳкамлаб қўйилган.

Фурсатдан фойдаланиб, яна бир бор таъкидлаб айтмоқчиман: биз узоқ ва яқин атрофимиздаги барча давлатлар, биринчи навбатда, кўшни мамлакатлар билан дўстона муносабатлар ва ўзаро манфаатли ҳамкорликни янада мустаҳкамлашни ўзимизнинг биринчи даражали вазифамиз деб биламиз. Энг муҳими, ҳеч қандай ҳарбий блокка қўшилмаймиз, Ўзбекистон ҳудудида чет эл ҳарбий базаларининг жойлашувига, ҳарбий хизматчилаrimизнинг мамлакатимиз ташқарисида бўлишига йўл қўймаслигимиз зарур, деб ҳисоблаймиз.

Узоқ ва яқин атрофимиизда вужудга келаётган буғуни муреккаб вазиятда айнан шундай йўлни, шундай сиёсатни биз учун энг тўғри ва энг маъқул деб биламиз.

Азиз ватандошларим, кадрдонларим!

Биз олдимизга қўйган эзгу мақсадларимиз – демократик ва фуқаролик жамияти, барқарор суръатлар билан тараққий топаётган иқтисодиёт, тинч-осойишта, бадавлат ҳаёт барпо этиш, халқаро майдонда давлатимизга обрў-эътибор ва ҳурмат қозониш – буларнинг барчаси, албатта, қисқа даврда эришадиган, етиб борадиган қоялар – марралар эмас.

Буни ҳаммамиз чуқур тушунамиз.

Лекин шу ҳақиқатни тан олган ҳолда, шу билан бирга, таъкидлаш керакки, эл-юргимизга инъом этган шундай омил ва мезонлар борки, улар ўз таъсири, куч-кувватини мустақиллик йилларида мамлакатимиз

кўлга киритган, бошқалар асрлар давомида эришадиган, дунё ҳамжамиятини ҳайратда қолдираётган ютуқ ва мэрраларда яққол намоён этмоқда, десам, айни ҳақиқатни айтган бўламан.

Яна бир муҳим фикрни билдиришни зарур, деб ҳисоблайман.

Бугун Ўзбекистон деб аталмиш қўрғонимиз тарихан қисқа даврда пойдевори мустаҳкам, давр тала-бига жавоб берадиган замонавий давлатга айланиб бораётгани, энг асосийси, аввало, одамларимизнинг дунёқараши, фикри-зикри, сиёсий ва хуқукий маданияти тобора юксалиб бораётгани бу борада ҳал қилувчи омиллардан бири эканини ҳаммамиз яхши англамоқдамиз.

Такрор-такрор айтишга тўғри келади – фақатгина ҳалқимизнинг мардлиги ва матонати, жонкуярлиги ва қатъияти, энг муҳими, келажагимизни куришда эртанги кунга бўлган юксак ишончи олдимизга қўйган мақсадларга эришишда улкан ва қудратли замин бўлишига аминман.

Мана шундай олижаноб, бағрикенг ҳалқимизга фарзандлик меҳри ва садоқати билан, фидойилик билан хизмат қилиш – барчамиз учун энг юксак шараф, олий саодатдир.

Муҳтарам дўстлар!

Сизларга яна бир бор ўзимнинг юксак ҳурмат ва эҳтиромимни, самимий тилакларимни изҳор этиб, барчангизга соғлик-омонлик, баҳт ва омад, оиласа-рингизга тинчлик-хотиржамлик, қут-барака тилайман.

**МУСТАҚИЛЛИК – ТОҒДЕК
ТАЯНЧИМИЗ, ҚУДРАТЛИ
ЗАМИНИМИЗДИР**

Биз ўтган асрнинг 90-йилларида, энг оғир ва таҳликали бир шароитда ортиқча ҳиссиётларга берилмасдан, четдан бўлган турли тазииклар ва сохта ваъдаларга учмасдан, Ўзбекистонимиз учун яккаю ягона тўғри, яъни тадрижий, босқичма-босқич ривожланиш йўлини танлаб олганимиз, узоқни кўзлаб, етти ўлчаб, бир кесган ҳолда, пухта ўйланган вазмин сиёsat олиб борганимизни бугун ҳаётнинг ўзи қайта-қайта исботлаб бермоқда.

Айнан ана шундай тўғри йўлни танлаганимиз туфайли мустақилликни мустаҳкамлаш, Ватанимизни ҳар томонлама тарақкий эттириш, ривожланган демократик давлатлар сафидан муносиб ўрин эгаллаш, ҳалқимиз ва келгуси авлодларимиз учун ҳеч кимдан кам бўлмаган ҳаёт шароитларини яратиш, Ўзбекистонимизнинг ҳалқаро майдондаги обрӯэътиборини янада юксалтириш бўйича улкан, айтиш мумкинки, асрларга teng бўлган йўлни босиб ўтдик.

Янги ҳаёт, янги жамият қуриш йўлида биз илгари ҳеч қачон дуч келмаган, тажрибамизда учрамаган ўта оғир ва машакқатли йўлни босиб ўтишимизга тўғри келди.

Ҳеч шубҳасиз, бу борада қандай муаммо ва синовларни, кийинчилик ва тўсикларни енгишга тўғри келган бўлмасин, қандай суронли ва тўфонли кунларни бошимиздан кечирган бўлмайлик, ҳалқимизнинг хоҳиш-иродаси билан танлаган ва дадил қадамлар билан бораётган йўлимидан, ўз олдимишга кўйган

буюк мақсадларимиздан қайтмадик ва ҳеч қачон қайтмаймиз, десам, ўйлайманки, барчангиз бу фикрга күшиласиз.

Мана шундай ўта таҳликали вазиятда барчамиз бир ёқадан бош чиқариб, белни маҳкам боғлаб, қандай оғир бўлмасин, ўз йўлимизда қатъият билан давом этганимиз, чет мамлакатлардан таклиф қилинаётган сармояларни эл-юртимиз манфаатини кўзда тутиб, чукур ўйлаб ишлатганимиз, такрор айтишим керак, биз учун энг тўғри йўл бўлди. Шу тариқа биз нафақат сиёсий, аввало, иқтисодий мустақиллигимизни саклашга ва мустаҳкамлашга эришдик.

* * *

Йиллар, асрлар синовида тобланган, кўпни кўрган, бугун эркинлик ҳавосидан нафас олиб яшаётган, ўз қадр-кимматини, инсоний шаънини, не-не улуғ зотларнинг ворислари эканини, ўзлигини англаган, миллий ғуурор ва ифтихорини тиклаган, халқаро майдонда ўзига муносиб ўрин эгаллаб бораётган, ўз кучи ва эртанги кунига ишонган, ўз юрти, ўз фарзандларининг келажаги фаровон бўлишига интилаётган бизнинг халқимизни ҳеч қандай куч тўхтатолмайди.

* * *

Албатта, собиқ совет даврида бизни ўзгартиришга турли ҳаракатлар ҳам бўлган. Лекин халқ қачон халқ бўлади – агарки ўзининг тарихини билса. Халқ қачон халқ бўлади – агарки бир-бирига меҳрли, меҳр-оқибатли бўлса. Ана шунда бу эл ҳақиқий халқ бўлади. Энг муҳими, эртанги қураётган тизим, эртан-

ги қураётган ҳаёт барчани қизиқтирадиган бўлса. Шу юртда яшайдиган барча инсонлар бир мушт бўлиб, ўз олдига қўйган мақсадларга эришиш учун бир тану бир жон бўлиб ҳаракат қилса, буни ҳалқ дейди. Ўз-ўзича тарқоқ бўлиб, бизга барибир, деб юрганлар ҳеч қачон ҳалқни ифода қилолмайди.

* * *

Ютуқларимиз ҳақида гапирилганда, биринчи навбатда, катта-катта рақамлар келтирилади. Кўпчилик, айниқса, иқтисодчилар шунга ўрганиб қолган. Лекин рақам ва кўрсаткичлар, қанчалик салмоқли бўлмасин, биз эришган мэрраларнинг моҳияти ва аҳамиятини тўла очиб бера олмайди.

Кимки мустақиллик йилларида Ўзбекистон қўлга киритган муваффақиятларни қўрмоқчи бўлса, аввало одамларнинг, ҳалқимизнинг юзига, кўзига қарасин. Мактаб, лицей ва коллежларда таълим-тарбия олаётган болаларнинг чехрасига боқсин.

* * *

Мустақиллик биз учун аввало ўзлигимизни англаш, инсоний қадримизни, урф-одат ва қадриятларимизни, муқаддас ислом динимизни, буюк аждодларимиз, азиз-авлиё ва алломаларимизнинг табаррук номлари ва меросини, ғуур ва ифтихоримизни тиклаш, ёш авлодимизни миллий ва умумбашарий қадриятлар руҳида тарбиялаш каби бекиёс имкониятлар очиб берганини алоҳида таъкидлаш зарур.

Айнан мустақиллик иқтисодий ҳаётимизда собиқ Марказдан туриб режалаштирилган эскича

маъмурий-буйруқбозлик тизимидан, бирёқлама ривожланган ночор иқтисодиётдан воз кечиб, эркин бозор иқтисодиётига ўтиш, мамлакатимизни янгилаш ва модернизация қилиш, хусусий мулкни ҳар томонлама ривожлантиришга қаратилган қатъий ислоҳотларни амалга ошириш учун мустаҳкам замин яратиб берди.

* * *

Мустақил Ўзбекистонни ким ҳимоя қиласди – фақат ўзимиз, энг ишончли ҳимоячимиз – бу ўзимизнинг халқимиз.

* * *

Бир пайтлар ўта қолок, бирёқлама ривожланган, пахта яккаҳокимлиги хавфли даражага кўтарилиган, ижтимоий-иқтисодий нуқтаи назардан жар ёқасига келиб қолган республикалардан бири бўлган Ўзбекистонимиз тарихан қисқа даврда замонавий ривожланган мустақил давлатлар қаторига кўтарилаётгани бугун барча-барчани ҳайратда қолдирмоқда.

* * *

Мустақиллик йилларида мақсад қилиб қўйган марраларни, аввало, энг тарақкий топган демократик давлатлар қаторига кўтарилиш, фаровон ва бадавлат ҳаёт кечириш, халқаро майдонда ўзимизга муносиб ўрин эгаллаш йўлида кўлга киритган ютуқларни сархисоб қилиш учун «Кеча ким эдигу бугун ким бўлдик?» деган саволга холисона жавоб бергандагина кўп нарса биз учун аён бўлади.

* * *

Халқимизда «Етти ўлчаб, бир кес» деган мақол бор. Бу – бир ишга қўл уришдан аввал оқибатини яхшилаб ўйлаб кўриш керак, дегани. Агарки 90-йилларда биз ҳам шошма-шошарлик билан иш тутганимизда ҳозир нима бўларди? Ҳолбуки, ўша вактларда бор-йўғи бир хафта-ўн кунлик унимиз қолган эди. Йигирма ярим миллионлик халқни боқиши энг катта муаммога айланган эди. Агар ўша пайтда биз ҳам кимларнингдир соҳта ваъдаларига учиб, ер ости ва ер усти бойликлари мизни гаровга қўйиб, қарз кўтараверганимизда бугун ҳолимиз не кечарди?

Ҳавойи гаплар билан «Биз мустақил бўлдик», деб қўкрагини кериб, иқтисодий жиҳатдан мустақил бўлиш учун ҳаракат қилиш ўрнига бошқа давлатларнинг пинжига кирган баъзи мамлакатлар бугун қандай аҳволга тушиб қолганини ўзингиз кўряпсиз. Айримлари қарзга ботиб қолгани ва ундан қутулишга ҳеч қачон куч-куввати етмаслигини ҳам яхши биласиз.

* * *

Биз мустақиллик даврида нималарга эришганимизни, ҳаётимиз нақадар ўзгариб, юксалиб бораётганини ўзимизга аниқ тасаввур қиласдан туриб, бугунги кунда барча жабҳаларда қўлга киритаётган улкан натижаларимизнинг моҳияти ва аҳамиятини, уларнинг қадрқимматини тушуниш, англаб этишнинг ўзи қийин, деб ўйлайман.

Биз ўз олдимизга кўйган буюк мақсадлар йўлида ўтган йиллар мобайнида эришган ва жаҳон тан олган ютуқ ва марралар – ўзлигимизни англаш, инсоний

шънимиз, ғуур-ифтихоримиз, тарихимиз, муқаддас дину диёнатимизни тиклаш, миллий демократик давлат қуриш, иқтисодиётимизни янги асосда ташкил этиш, аҳолининг ҳаёт даражаси ва сифатини ошириш борасидаги кенг кўламли ишларимизни, бутун мамлакатимизнинг қиёфаси тобора очилиб, обод бўлиб бораётганини кўз ўнгимиздан ўтказадиган бўлсак, қанн, айтинг, истиқлолга эришмасдан туриб, бундай юксак натижаларга етиб боришимиз мумкинми?»

Бунга жавоб битта: йўқ ва асло йўқ.

* * *

Мустақилликка, сиёсий мустақилликка эришиш учун, авваламбор, иқтисодий мустақилликка эришиш керак. Ўзини бошқа бирорларга ипсиз боғлаб бермаслик керак.

* * *

Собир СССР парчаланиб кетганидан кейин, мана, орадан ўн йиллар ўтди. Замоннинг ўзи ҳаммасини жой-жойига қўйди. Яъни, ҳаётнинг ўзи ҳақиқатга кўзимизни кенг очиб қарашга мажбур қилди. Мустақил бўлиш учун баъзи давлатлар каби фақат уни эълон қилишнинг ўзи етарли эмаслиги исботланди.

* * *

Бирорга боғланиб қолиб, фақат бошқаларнинг буйруғини бажариб юрадиган бўлса, қулоғигача қарзга ботган бўлса, айтинглар, буни мустақиллик деб бўладими?

Ҳеч ким дунёда бекордан-бекорга қарз бермайди. Ўзининг сиёсий ёки бошқа талабларини қўяди. Бирорвнинг қўлига ва юзига қараб яшайдиган инсон ва давлатнинг озодлиги бутун бўлмайди, мустақиллиги тўлиқ бўлмайди. Ҳаётнинг шафқатсиз қонуни шу: фақат ўз куч-кудратига ишонган халқгина ўз мурод-мақсадига етади.

* * *

Ватанпарварлик – бу шундай нозик, теран бир туйгуки, у фақат она сути билан кириши ва жон билан чиқиши мумкин.

* * *

Ўзбекистон – мустақил давлат. Энди халқимиз ҳеч қачон кимгадир қул бўлишга рози бўлмайди ва кимнингдир буйруғини бажариб юрадиган замонга ҳеч қачон қайтмайди. Озодлик, эркинлик ҳавосидан бир бор тўйиб нафас олган одам ҳеч қачон қулликка кўнмайди, қулликка қайтмайди.

* * *

Бу дунёда ҳар бир инсон, ҳар бир оила ўзининг муқаддас орзу ва ниятларига етиш учун яшайди. Агар ҳар бир оила ўз нияти йўлида бир ёқадан бош чиқариб ҳаракат қилса, албатта, унга эришади. Бугун халқимиз ана шундай эзгу ниятлар билан яшаяпти. Биз шу йўлда доимо курашишимиз, қолаверса, бу курашнинг амалий томондан янада фойдали бўлишига ҳаракат қилишимиз керак.

* * *

Ўзбекистон мустақилликка эришганига яқинда 24 йил бўлади. Мустақиллик куни – Ватанимиз тарихида, халқимиз ҳаётида абадий муҳрланиб қолган кутлуғ сана. Юртимизда туғилган, энди 5 ёшга тўлган болалар ҳам «Мен – Ўзбекистон фуқаросиман!» деб, фахрланиб, ғуурланиб гапиради. Кимки мамлакатимизга келса, бу ҳақиқатнинг тасдигини ҳар қадамда кўриши мумкин. Лекин бундай даражага эришиш ҳар қайси халқнинг ўзига, унинг ҳаракатига боғлиқ. Буни тушуниш керак. Тушуниш учун эса одам шундай ғоя билан, яъни мустақиллик ғояси билан, ғуур-ифтихор билан яшаши керак.

* * *

Ўзбекистон – келажаги буюк давлат. Бу замин оддий юрт эмас, Оллоҳнинг назари тушган юрт. Фақат барчамиз эрталаб пок бўлиб, Яратганимиздан сўрашимиз керак. Эл-юртимизни ўз паноҳида қандай асрарб келаётган бўлса, бундан кейин ҳам марҳаматини биздан дариф тутмасин, энг муҳими, йўлимизни доимо очиб берсин, барча ютуқларимизда ўзи мададкор бўлсин!

**КИМ ЭДИГУ КИМ БҮЛДИК?
ЭРТАГА КИМ БҮЛИШИМИЗ,
ҚАНДАЙ ЯНГИ МАРРАЛАРНИ
ЭГАЛЛАШИМИЗ КЕРАК?**

Мамлакатимиз эришган ютуқларнинг туб моҳиятига етиб бориш учун бугунги ҳаётни кечаги ҳаёт билан солиштириб кўриш керак. Шундан кейин одам бугунги ҳаётнинг қадрига етади. Юртимиздаги мислсиз ўзгаришларни ўз ҳаёти, оиласи, қишлоғи, мактаби, ишхонаси мисолида қўрган кишига ўтган кунлар билан бугунги куннинг фарқи ҳамда афзалликлари тўғрисида ташвиқот юргизишга ҳожат қолмайди.

Ўйлайманки, «Яшасин совет давлати, яшасин коммунистик партия» деган гаплар қуруқ сафсата бўлганини онгли яшайдиган халқимиз бутун яхши билади. Совет даврида бизга худдики иккинчи сорт одамлар сифатида қаралгани бу залда ўтирганларнинг эсидан чиқмаган бўлса керак. Марказдан бир гурӯҳ «десантчи»лар юборилиб, адолатсиз тузум туфайли ўзи шундок ҳам ночор яшаётган халқимиз порахўрга, «припискачи»га чиқарилганини унутиб ҳам, кечириб ҳам бўлмайди.

* * *

Қорақалпоғистон ёки Хоразмда битта болалар боғчаси қуриш учун ҳам Марказдан рухсат олиш керак эди. Москвадаги катта-катта идораларнинг эшигига сарғайиб, уларнинг қош-қовоғига қараб яшашга маҳкум этилган эдик. Бизнинг юртимиздан олиб чиқиб кетилаётган ер ости ва ер усти бойликларимизни ҳисобланглар, биздан олаётганларинг қанча-ю, бизга бераётганларинг нега бунча кам, десангиз, сизни миллатчига чиқаришар эди.

* * *

Собиқ СССР даврида Ўзбекистонга нисбатан Марказ томонидан олиб борилган зўравонлик сиёсати, халқимизни камситиш, унинг эҳтиёжларини менсимаслик, юртимизда пахта яккаҳокимлиги авжига чиқиб, иқтисодий ҳолатимиз ва ҳаётимиз жар ёқасига келиб қолгани, норозилик ловуллаб ёниб кетадиган даражада кескинлашиб боргани ҳеч кимга сир эмас.

Фараз қилишнинг ўзи ҳам қийин бўлган 6 миллион тонна пахта етишириш планини бўйнимизга бўйинтуруқдек осиб қўйиб, уни бажариш учун фақатгина томларимизга пахта экиш қолганини айтмайсизми?

Ҳақиқатан ҳам, пахта яккаҳокимлиги шу қадар авжга чиққан эдики, мана шу Андижон вилоятидек аҳоли зич яшайдиган худудда экин майдонларининг 88 фоизини ғўза эгаллаб олган эди. Ўша машъум кунларни сизларнинг кўпчилигингиз яхши эслайсиз, албатта.

Бундай сиёsat совет давлатининг ўзи қандай ноҳақ, зулмга асосланган ва мустабид бўлганини яна бир бор кўрсатди. Мен ўша даврни нафақат оддий одам, балки раҳбар сифатида ўз бошимдан ўтказганман. Шунинг учун бу тузумнинг барча иллатларини яхши биламан.

Бу давр юртимиз учун ниҳоятда оғир, Марказдан ташланган «десантчи»лар, турли сохта мафкурачилар – уларнинг ичida, афсуски, ўзимиздан чиққанлари ҳам бор эди – кўп зиён етказиб, ўзбек халқини порахўрликда, қўшиб ёзишда айблаб, ҳар хил тухмат ва бўхтонлар ёғдираётган бир давр эди.

Албатта, ўша пайтда жазога тортилган одамлар орасида мансабга, бойликка берилиб, нопок ишлар-

га йўл кўйган шахслар ҳам бўлган. Гуруч курмаксиз бўлмайди, деганлариdek, ҳаёт бор экан, ҳалол, инсофли, диёнатли одамлар билан бир қаторда, баъзи қўли эгри, иши қинғир, фақат ўзроҳатини ўйлаб яшайдиган кимсалар, афсуски, ҳамма халқларда ҳам учраб турди. Буни ҳеч ким инкор этолмайди. Лекин ана шундай нобоп одамларни деб бутун бир халқни қоралаш, унинг шаънини, гурурини оёқости қилиш, энг оддий инсоний ҳақ-хукуқларини топташ, ўзингиз айтинг, қайси қонун-қоидага тўғри келади? Айниқса, туну кун умрини далада ўтказиб, меҳнатдан бошқа нарсани билмаган, шу заминни замин қилган оддий дехқонлар, бригадир ва звеночилар, сувчи ва механизаторларни пахтани қўшиб ёзиш, кимгадир пора бериш ёки пора олиш деган, одамнинг ақлига сифмайдиган гуноҳларда айблаб, уларни судсиз-сўроқсиз бола-чақаси, оиласидан ажратиб, қамаб қўйса, бундай ноҳақликка чидаб бўладими ўзи?

Биз «пахта иши» деганда, унинг мудҳиш оқибатлари ҳақида гапирганда, аввало, ана шундай минг-минглаб оддий, бегуноҳ одамларни, уларнинг бошига тушган фожиаларни тушунамиз ва сунъий равишда ўйлаб топилган бу кампанияни халқимизга, юртимизга нисбатан олиб борилган оммавий қатағоннинг бир кўриниши деб баҳолаймиз.

Бундай зулм ва хўрликни андижонликлар ҳам кўп тортган. Чунки ўша пайтда Андижон вилояти Ўзбекистонда энг кўп пахта етиштирадиган вилоят ҳисобланар эди. Табиийки, «десантчи»лар шуни баҳона қилиб, вилоятнинг бошига ҳам кўп ташвишлар солганини сизлар яхши биласиз, албатта.

Ана шундай ўта қалтис вазиятда менга Қашқадарёни бошқариш вазифаси топширилди. Аслида мени бу вазифага юборишдан мақсад бошқача бўлган. Яъни, бу одам ишни эплолмайди, барибир бу оғир вилоятни бошқариш, вазиятни ўнглашга унинг кучи етмайди. Шундан кейин унинг ўзини айбдор қилиб, ишдан оламиз, керак бўлса, Сибирга жўнатамиз, деган ёвуз ният бўлган. Чунки Қашқадарё вилоятида бу лавозимда мен келгунимча ҳам бирорта одам кўп ишламаган ва ҳеч ким яхшилик билан ишдан кетмаган.

Ўша пайтда Қашқадарё бўйича уч мингга яқин одам жиноий жавобгарликка тортилган эди. Уларнинг оиласи, бола-чақаси, ҳар бирининг камида 10 тадан яқин қариндоши борлигини ҳисобга оладиган бўлсак, вилоятда 300 минг киши «десантчи»лардан зулм кўргани аён бўлади. Демак, шунча одам ҳаётдан, расмий ҳокимиётдан норози эди. Ана шундай аянчли шароитда вилоятга биринчи раҳбар бўлиб келган инсон, аввало, нима ҳақида ўйлаши керак эди?

Ўзингиз айтинг, азизларим, 1989 йилнинг май ойида Фарғонада, Қувасойда бўлиб ўтган қонли воқеаларга нима сабаб бўлган эди? Ана шундай адолатсиз сиёsat эмасми?

Буни қарангки, ўша пайтдаги республика раҳбари бўлган одам бу воқеаларга катта минбардан туриб баҳо берар экан, бу бир тарелка қулупнай устида бўлиб ўтган жанжал, безовта бўлишга ҳам арзимайди, хотиржам бўлинглар, ҳаммаси жойида, деган ёлғон гаплар билан ҳақиқатни яшириб, бутун дунёга шарманда бўлган эди.

Аслида эса юртимизда вазият жар ёқасига келиб қолган, одамларнинг сабр косаси тўлган, уларнинг

турмуш шароити жуда оғир эди. Буни яшаш даражаси бўйича Ўзбекистон ўн бешта республика ичидага энг пастки ўринларга тушиб қолгани, уч-тўртталаб оила каталақдек ҳовлиларда тиқилиб яшагани, ишсизлик, оналар ва болалар ўлими кескин ошиб кетгани ҳам тасдиклайди.

Ана шундай адолатсиз шароитда азалдан чидами халқимизнинг ҳам тоқати тоқ бўлдики, энди уни ушлаб, тўхтатиб турадиган қучнинг ўзи йўқ эди. Шундай ўта мураккаб, таҳликали, такрор айтаман, кичик бир учкун чикса, ҳаммаёқ ловуллаб ёниб кетадиган бир вазиятда мен Ўзбекистон раҳбари сифатида иш бошлишимга тўғри келган эди.

Ўзимнинг ҳаёт тажрибамдан келиб чиқиб айтаманки, бу дунёда ёмонликни кўрмаган одам яхшиликнинг қадрини билмайди. Қийналмаган одам ҳақиқий баҳт нима эканини тўлиқ англаб етмайди.

* * *

Бир пайтлар баъзи вилоят ва туман раҳбарларимиз биз аграр республика, деб мақтаниб юрарди. Улар нимани ўйлаган – мен билмадим. Умрбод СССР таркибida бўламиз, деб ўйлаганми?

Бу одамлар озгина фикрлаб кўрса бўлардики, сув, ер етишмаса, халқимиз қўпайиб бораётган бўлса, фақат ғалла, пахта, сабзавот етиштириш билан мамлакатимизнинг тараққиётини таъминлаш мумкинмиди?

Мана, сизларга яна битта рақам. 1991 йилда мамлакатимиз аҳолиси 20 миллион 500 минг киши эди. Мустақиллик йилларида халқимиз 1,5 карра ўсади – 31 миллионга етди.

Айтинглар, 1,5 баробар кўпайган аҳолини эски шароитда оладиган ҳосил – пахта, ғалла ҳисобидан боқиб бўлармиди? Ўша пайтда биз таҳминан 5–6 миллион тонна буғдойни четдан олиб келар эдик. Шундай вақтлар бўлганки, бир ҳафта-ўн кунлик унимиз қолган эди.

Бир тасаввур қиласлий, қайси давлат, қайси халқ буни ўз бошидан ўтказган? Ана шундай муаммолар қаршисида ёлғиз қолган пайтимизда ким бизни қуткарди? Биринчи навбатда, ўзимиз. Чидадик, лекин ҳеч кимдан қарз бўлмадик.

Бугунги кунда Ўзбекистоннинг чет мамлакатлардан қарзи ялпи ички маҳсулотга нисбатан 15 фоиздан ошмайди. Ваҳоланки, баъзи давлатларда бу кўрсаткич 150 фоиздан ҳам ортиқни ташкил қиласди, улар бўйнидаги қарзидан қандай қутулишни ҳам билмай юрибди.

* * *

Биз эски адолатсиз тузумга бошқа ҳеч қачон қайтмаймиз. Ўзимиз танлаган мустақил тараққиёт йўлидан қатъият билан борамиз. Нега деганда, халқимиз собиқ тузум даврида қанча зулм кўрганини, қанча-қанча одам қатағон қилинганини эсидан чиқаргани йўқ.

* * *

Ҳаётда мақсадга эришиш ҳеч қачон осон бўлмаган. Эй, бизга шу бўлаверади, деган фикр билан яшайдиган одам, билиб қўйинглар, ҳаммамизнинг душманимиздир. Ўзбек халқи ҳамиша ўз олдига буюк мақсадларни қўйиб яшаган ва эзгу орзу-умидларига эришиш йўлида ҳеч қачон ўз йўлидан қайтмаган. Шунинг учун бизнинг

юртимиз цивилизация ўчокларидан бирига айланган, шунинг учун юртимиздан кўплаб улуғ аллома ва мутафаккирлар, хоразмийлар, берунийлар, фарғонийлар, Амир Темур, Мирзо Улугбек, Алишер Навоий сингари буюк сиймолар етишиб чиққан.

2014 йилнинг май ойида Самарқанд шаҳрида ўтказилган «Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожидаги роли ва аҳамияти» мавзусидаги халқаро конференцияга келган иштирокчилар халқимизнинг буюк даҳосига, бемисл илмий, маънавий ва маданий меросига қойил қолиб, бизга ҳавас билан қарашини яшириб ўтирмади. Улар шу пайтга қадар бизнинг юртимизни яхши билмаганидан афсусда эканини билдириди.

Нега деганда, биз илгари собиқ Иттифоқ таркибида эдик, биз дунёга, дунё бизга ёпиқ эди. Ўша даврда Ўзбекистонга меҳмон бўлиб келадиган одамларни қаерга олиб боришни ҳам Марказ ҳал қиласр эди. Меҳмонлар асосан баъзи тарихий обидаларимизни томоша қилиш, заминимизда етиштирилган неъматларни татиб кўриш билан чекланарди, холос. Бой тарихимиз, улуғ мутафаккирларимиз ҳақида лом-мим дейилмас эди. Ўзбекистоннинг совет даврида қандай ютуққа эришганини кўрсатиш учун меҳмонлар мол боқиладиган фермага олиб бориларди.

Бугун хорижлик меҳмонлар, аввало, фарзандларимиз таълим-тарбия олаётган мактаб, лицей ва коллеж, маданият ва спорт масканларига бормокда. Улар ёшларимизга яратиб берилаётган шарт-шароитлар билан яқиндан танишмоқда. Шу ўринда яна бир бор

такрорлашни истардим: ёш авлод – бизнинг келажагимиз, уларга ҳар томонлама пухта таълим-тарбия берсак, Ватанимизнинг келажагини, унинг келгуси тараққиёти ва равнақини таъминлаган бўламиз. Болаларимиз биздан кўра кучли, билимли, доно ва албатта баҳтли бўлса, бизнинг бошқа армонимиз қолмайди.

* * *

Биз ўз мустақил йўлимизни 1991 йилда қатъий танлаб олдик. Энди бизни кечаги мустабид ҳаёт билан боғлайдиган ҳеч қандай кўприк қолмади.

* * *

Мустақилликни қўлга киритиш остонасида турган дамларимизни ўзимизга тасаввур қиласиган бўлсак, бутун Ўзбекистонни, керак бўлса, Ўрта Осиёни портлатибёндириб юбориши мумкин бўлган, собиқ Иттифоқни ларзага солган, «Фарғона фожиаси» деб ном олган машъум воқеаларни хаёлимизга келтирайлик.

Айни шу кунларда Тошкент вилоятининг Бўка, Паркент туманларида ҳам вазият издан чиқиб кетиши даражасига етганини, ўйлайманки, кўпчилик шу залда ўтирганлар яхши билади.

Ўша пайтларда собиқ Марказ томонидан бизга қарши қанча-қанча уйдирмалар, тухмат ва бўхтонлар ёғдирилгани, ҳатто халқимизга миллатчи деб ном беришга уринишлар бўлганини кўпчилик ҳамон яхши эслайди.

Ҳақиқатда эса, ўша вақтда республикамизга нисбатан мутлақо зўравонлик сиёсатининг олиб борилиши, халқимизни камситиш, унинг эҳтиёжларини

менсимаслик, қашшоқлик, бедодлик, юртимизда, жумладан, Тошкент вилоятида пахта яккаҳокимлиги авжига чиқиб, иқтисодий вазият тобора кескинлашиб бораётгани, одамлар ўзининг ижтимоий-иқтисодий аҳволидан норози бўлиб, сабр косасининг тўлиб-тошгани бу воқеаларнинг асосий, асл сабаби бўлган эди.

Тошкент вилоятида ҳам бир ҳовлида бештадан оила яшаганини мен шахсан ўзим кўрганман. Бундай ҳовлиларда яшаш, айниқса қариялар учун жуда азоб эди. Тасаввур қиласизми, улар эрталаб туриб қаерда таҳорат олишни билмасдан қийналарди. Эшигини очса, остонасигача пахта экилган.

Пахта далаларига қандай заҳарли дорилар сепилганини айтмайсизми? Одамларимиз, болаларимиз ва аёлларимизнинг турли касалликларга чалинишига, биринчи навбатда, самолётдан сепилган ана шу дорилар сабаб бўлмаганмиди?

* * *

Хали совет коммунистик тузуми ўз ҳукмронлигини ўtkазиб турган 1989 йилни ўзимизга бир тасаввур қилайлик. Айни ана шу кунларда нафақат Фарғона во-дийси, балки бошқа вилоятларнинг баъзи туманларида ҳам вазият жуда кескин эди.

Ҳеч иккиланмасдан айтиш мумкинки, ана шундай ғоят мураккаб ва таҳликали кунларда тобора кучайиб, аланга олиб бораётган бу фожианинг таг-томирига етиб бормасдан, асл сабабларини очиб, ошкор қилиб бермасдан туриб, бу ўта хавфли воқеаларни асло тўхтатиб бўлмас эди.

Мен 1989 йил 23 июнда Ўзбекистон раҳбари бўлиб сайланган бўлсам, 25 июнда Фарғонага келганим-

ни яхши эслайман. Обком биносига киравериша қарасам, З та ҳарбий десантчи турибди. Уларни кўрган одам қўрқади. Фарғона қўчаларида патруллар юрганини гапирсам, бугунги ёшларга бу балки кинодек туюлади. Лекин буларнинг ҳаммаси ҳақиқат.

Кейин Кўёнга ўтдим. Йўлда райкомга кирсам, унинг биноси бўм-бўш, ҳеч ким йўқ. Масъул одамларни зўрға излаб топдик. Нима бўляпти, деб савол берсак, ҳаммаси жим. Биронта одам ўша пайтда нима бўлаётганини тушунтириб беролмади. Ҳаммада тушкунлик, қўрқув, хавотир.

Шу нарса аёнки, ўшанда барча воқеаларнинг илдизи – Фарғона водийсида яшаётган аҳолининг оғир ижтимоий-иқтисодий аҳволи билан чамбарчас боғлиқ эди. Юзага келган қалтис вазиятни бартараф этиш учун, энг аввало, вилоятда, умуман водий вилоятларидаги янги иш ўринларини яратиш, бир сўз билан айтганда, одамларга таъминот ва даромад манбанин топиб бериш зарур эди. Фарғонада тўпланиб қолган муаммоларни зудлик билан ечиш учун Тошкентда маҳсус гуруҳ тузилди ва унга белгиланган муддатда барча шаҳар ва қишлоқлар, айникса, инқироз ҳолати сезилаётган барча ҳудудларни чукур ўрганиб, жойлардаги аҳволни таҳлил қилиш орқали амалий таклиф ва хулосалар тайёрлаш вазифаси топширилди. 1989 йилнинг июль ойига қадар Фарғона вилояти аҳолисининг ҳаёт даражасини ошириш, меҳнатга яроқли аҳолининг бандлигини таъминлаш бўйича маҳсус дастур ишлаб чиқилди ва босқичма-босқич амалга оширилди.

80-йилларнинг охирида вилоят аҳолисининг даромади қандай паст бўлганини бугун тасаввур ҳам қишлоғмаймиз. Масалан, ўшанда пенсионер ва колхоз-

чилар қўлига ҳар ойда 42 сўм пул олган. Биз ўшанда акл-идрок, виждон ва масъулият билан иш тутдик, деб ўйлайман. Кам таъминланган оиласаларни, даромади паст бўлган ахоли қатламини ҳар томонлама қўллаб-қувватлаш, бошланғич синф ўқувчиларини, хаста, ҳомиладор аёлларни бепул нонушта билан таъминлаш, кексалар, пенсионерларнинг имтиёзи ва пенсиясини ошириш, талабаларга қўшимча стипендия тайинлаш юзасидан шошилинч равишда амалий чора-тадбирлар кўрилди.

Пахта ва бошқа қишлоқ хўжалиги маҳсулотлари нархини қайта кўриб чиқиши, қишлоқ ахолисининг даромадини изчили ошириш бўйича қатъият билан иш олиб борилди. Шуни алоҳида таъкидлаш керакки, 1989 йилнинг ўзида республика пахтакорларига 400 миллион сўмлик қўшимча ҳақ тўланди. Пахта яккаҳокимлигига барҳам бериш, пахта хомашёсини тайёрлашни барқарорлаштириш масаласи ўша даврда биринчи даражали вазифага айланган эди. Бу тадбирларнинг ҳаммаси республика ахолисига, энг аввало, қишлоқ аҳлига жуда маъқул бўлди. Шахсий ёрдамчи хўжаликлар учун ва якка тартибдаги уй-жой қуриш учун берилаётган ерларнинг қўпайтирилиши, шу мақсадлар учун ссудаларнинг ва қурилиш материалларини сотишнинг қўпайиши юзага келган танг вазиятни бартараф этишда муҳим омил бўлди.

Ўша йиллари Ўзбекистон бўйича 2,5 миллион оиласага жами 700 минг гектар суғориладиган ер қўшимча томорқа сифатида берилгани, ҳеч шубҳасиз, қишлоқларимизда ижтимоий муаммоларни ечиш, юртимизда тинчлик ва барқарорликни сақлаб қолишда улкан тарихий қадам бўлган эди.

Киёслаш учун биргина мисолни, яъни совет ҳокимияти 70 йил хукмронлик қилган даврда Ўзбекистонда кишлоп аҳолисига ҳаммаси бўлиб 300 минг гектарга яқин ер томорқа сифатида берилганини келтириш кифоя.

Фарғона фожиасининг сабабларини ўрганиш жараёнида яна шу нарса маълум бўлдики, бу ердаги айрим раҳбарлар халқнинг дардини тинглаш, муаммосини ҳал қилиш ўрнига, соя-салқин кабинетларининг эшикларини маҳкам ёпиб олган эди. Одамлар ўз раҳбарларига муаммоларини айта олмас, раҳбарларнинг ҳам тўпланиб қолган мураккаб масалалар ечими бўйича халққа айтадиган гапи йўқ эди.

Афсуски, кўпгина амалдор шахслар, жумладан, воқеалар ўт-оловдек чақнаб кетган Тошлок районидаги ана шундай мансабдор шахслар қонун-қоидаларни бузиб, очик-ойдин пораҳўрлик қилишган. Улар ўзларига, қариндош-уругларига якка тартибда уй-жой куриш учун ер участкалари ажратиб, катта миқдорда ссудалар олишган. Лекин ер ва қарз олишга муҳтоҷ бўлган 400 нафар оддий меҳнаткашга рад жавоби берилган. Сотиш учун 319 та автомашина ажратилганда, шулардан 236 таси районда яшамайдиган, ҳатто бошқа республикаларда яшайдиган кишиларга ноқонуний тарзда тақсимланган. Газлаштириш, сув таъминоти, ишга жойлаштириш масалаларига йиллар мобайнида умуман эътибор қаратилмаган эди.

Биз йиллар давомида тўпланиб қолган муаммоларга, энг аввало, адолатсизликка барҳам бериш бўйича ҳам таъсирчан амалий чоралар кўрган эдик. Ва ўшандагарча ўткир масалалар жойларда ҳал бўлганини, айниқса Фарғона ахли яхши эслайди, деб ўйлайман.

* * *

Тарих ҳақиқати шуки, империя деган тузум ҳеч қачон кўп яшамайди. Нега деганда, империя ҳамиша зулмга асосланади.

* * *

Эски шаҳар бундан 15–20 йил илгари қай аҳволда бўлганини ҳаммамиз яхши эслаймиз. Ёзда чангтупроқ, қишида лой-ботқоқ бўлиб ётадиган тор кўчалар, табиий газ, тоза ичимлик сувидан, канализация каби қулайликлардан маҳрум, пастқам уйлар Тошкентнинг қоқ марказида эски мустабид шўро тузуми сиёсатининг асорати сифатида, шахримиз ҳуснидаги доғ бўлиб турар эди.

Йиллар давомида қанча-қанча раҳбарлар ўзгарди, авлодлар алмашди, лекин Эски шаҳарда истиқомат қилган халқимизга нисбатан менсимасдан қарааш ўзгармай, барчамиз учун «қиёмат қарзимиз» бўлиб қолаверди.

Мустақилликка қадар Эски шаҳар аҳолисининг 17 фоизи табиий газ, қарийб 18 фоизи эса тоза ичимлик сувидан, деярли барчаси канализация, телефон сингари замонавий қулайликлардан бебаҳра эди.

Совет даврида ҳамма Тошкентни «Шарқ дарвозаси» дер эди-ю, лекин, афсуски, бу дарвозанинг қалити бошқа қўлларда эди. Очигини айтганда, шаҳар бедарвоза бўлиб қолганди. Щунинг учун мустақилликнинг биринчи йилларидан бошлаб бу мураккаб муаммони ечиш, одамларнинг оғирини енгил қилиш масаласини устувор вазифа сифатида кун тартибига қўйдик ва улкан ишларни амалга оширдик.

Аввало, Эски шаҳар ҳудудида янги газ ва сув тармоқлари барпо этилди, эскилари эса капитал таъмирланди.

Бугунги кунда Эски шаҳар ҳудудида бунёд этилган ҳар томонлама обод кўчалар, шинам ва кўркам бинолар, мактаб ва поликлиникалар, маҳалла гузарлари, айниқса, Эски Жўва бозори, Абдулла Қодирийномидаги маданият ва истироҳат боғи, Болалар ижодиётни маркази, Миллий лиbosлар галереяси Эски шаҳар киёфасини таниб бўлмас даражада ўзгартириб юборди.

Эски шаҳардаги кенг кўламли ишлар келгусида ҳам давом эттирилади.

2015 йилда Тошкент шаҳрининг Эски шаҳар қисмида қулай ва шинам, замонавий уй-жойлар барпо этиш бўйича қабул қилинган Президент қарори асосида биргина жорий йилнинг июль ойида Нурафшон кўчаси бўйлаб бешта беш қаватли уй-жой қурилиб, жами 162 та оила янги квартиralар билан таъминланади.

Бундан ташқари, 2015 йилнинг охирига қадар Эски шаҳар ҳудудида яна ўнта кўп қаватли уй қуриб фойдаланишга топширилиши кўзда тутилмоқда.

Умуман олганда, ушбу ҳудудда истиқомат қилиб келлаётган аҳолининг мана шундай янги уйларга қўчиб ўтиши хисобидан бўшаб қолган ер майдонларида келгусида, яъни олти-етти йил давомида 160 та кўп қаватли уй босқичма-босқич барпо этилиб, жами 4 минг 130 та оила алоҳида квартира билан таъминланади, иншоолло.

* * *

1991 йил 18 август куни ўзини Давлат фавқулодда ҳолат қўмитаси – ГКЧП деб атаган бир гурӯҳ сиёсий

авантюристлар давлат тўнтаришини амалга оширишга уринди. Уларнинг асосий мақсади – эски, мустабид, тугаб бораётган совет тузумини асло ўзгартирмасдан сақлаб қолиш эди. СССР вице-президенти Г. Янаев, Министрлар Советининг раиси В. Павлов, КГБ раиси В. Крючков, мудофаа вазири Д. Язов, ички ишлар вазири Б. Пуго ва бошқа юксак лавозимдаги масъул партия ва давлат арбоблари М. Горбачёв бошчилигидаги қонуний ҳокимиятни ағдариб, бутун Иттифоқ худудида ГКЧПнинг фармойиш ва кўрсатмалари амал қилиши ҳақида қарорлар қабул қилиб, барча республикалар, вилоят ва туманларда уларнинг сўзсиз ижро этилишини талаб қилишди.

ГКЧПнинг мурожаати 19 август куни эълон қилинди. Мен ўша пайтда, яъни 1991 йил 17–19 август кунлари Ўзбекистон делегацияси раҳбари бўлиб Хиндистонга борган эдим. Афсуски, ГКЧПнинг номоний қарорларини қўллаб-куватлаган айrim республика раҳбарлари Ўзбекистон ССРнинг барча вилоятлари ва Қорақалпоғистон АССРга Ўзбекистон ССР худудида ГКЧП фаолиятини қўллаб-куватлаш түғрисида кўрсатма юборган экан. Улар ГКЧП аъзолари яна совет тузумини жойига қайтаради, деб ўйлашган.

ГКЧП эълон қилинганини Аграда эшитиб, 19 август куни зудлик билан Тошкентга қайтдим. Тошкент аэропортида мени расмий кишилардан ташқари Туркестон ҳарбий округи бош кўмандони ҳамда Марказдан келган уч нафар генерал кутиб олди. Бу ўша пайтдаги мавжуд расмий протокол қоидаларига зид бўлиб, сиёсий маънога эга эди. Қарасам, барчаси-

нинг ковоқлари уюлган, важоҳати одамни сескантиради. Мен аэропортдан тўғри ҳукумат биносига келиб, кечқурун ҳукумат аъзолари билан учрашдим ва Ўзбекистон ССР ҳудудида ГКЧПнинг қонунга зид қарорларини бекор қилиш ҳақида кўрсатма бердим.

Эртаси куни Ўзбекистон ССР Олий Кенгаши раёсати, Вазирлар Маҳкамаси, Қорақалпогистон Республикаси, вилоятлар ва Тошкент шаҳри раҳбарлари иштирокида қўшма мажлис ўтказдик. Унда мен яна бир бор Ўзбекистон, унинг раҳбарияти ҳеч қачон бирорнинг гапига кириб иш тутмаслигини, Марказдан, бошқа баъзи бир республикалардан қандай қарорлар чиқмасин, ваъдалар берилмасин, ҳар қандай чақириклар, даъватлар, йўл-йўриқлар кўрсатишга ҳаракатлар бўлмасин, биз ўзимиз танлаган йўлимииздан ва белгилаб олган мақсадимиздан қайтмаслигимизни маълум қилдим.

21 август куни маҳсус фармонга имзо чекдим. Унга биноан энди Ўзбекистон ҳудудида ҳокимият ва бошқарув идоралари, корхоналар, ташкилот ва муассасаларнинг қабул қилган барча қарорлари ва уларнинг ижроси Ўзбекистон ССР конституциясига ва қонунларига, Ўзбекистон ССР Президентининг фармонлари ва Ўзбекистон ССР Олий Кенгаши билан Ўзбекистон ССР Президенти ҳузуридаги Вазирлар Маҳкамаси қарор ва фармойишларига сўзсиз мос келиши шартлиги белгиланди ҳамда ГКЧПнинг СССР конституцияси ва қонунларига зид келадиган қонунлари ҳамда фармонлари ҳақиқий эмас, деб ҳисобланди.

Мен ўша пайтдаёқ, Ўзбекистон ўз йўлини қатъий танлаб олган, энди ҳеч ким ҳеч қачон бизни бу йўлдан қайтара олмайди, деб айтганман ва ҳозир ҳам шу принцип асосида ишлаб келмоқдаман.

* * *

Бизнинг ўз ақлими, билим ва тажрибамиз, халқимизнинг хоҳиш-иродаси билан танлаб олган йўлимиз бор. Биз қарамлик ва тутқунликка қайтишга ҳеч қачон рози бўлмаймиз.

Биз эски тузумни тиклашга қаратилган ҳеч қандай иттифокқа ҳеч қачон кирмаймиз, мустабид совет даврига асло қайтмаймиз. Шахсан мен бутун ҳаётимни, бутун умримни халқимизнинг озодлигига, Ватанимиз мустақиллигига бағишладим ва бу йўлдан ҳеч қачон қайтмайман.

* * *

Биз ўтган даврда амалга оширган ишларимизга баҳо берар эканмиз, «Кеча ким эдигу бугун ким бўлдик?» деган савол асосида уларнинг моҳияти ва аҳамиятини ўзимизга чуқур тасаввур этамиз. Айни вақтда «Эртага ким бўлишимиз, қандай янги мараларни эгаллашимиз керак?» деган савол устида ўйлашимиз, нафақат ўйлашимиз, балки амалий ишларимиз билан бунга жавоб беришимиз лозим.

* * *

Биз кечирган ҳаёт осон ўтгани йўқ. Биз олдин ўтмаган катта мактабни ўтдик. Одамларимиз, уларнинг дунёқарashi, онгу тафаккури, сиёсий ва ижтимоий фаоллиги, ҳаётнинг маъносига қарashi ён-атрофимиздаги вазият ўзгариши билан яққол ўзгариб бораётгани бугун ҳар қадамда намоён бўлмоқда.

Халқимизда «Ер билан осмонча фарқ бор» деган гап бор. Ўйлайманки, бу ҳақда гапирганда ана шу

иборани ишлатсак, айни ўринли бўлади. Яъни, бугунги фуқароларимиз, бугунги инсонларни 90-йилларга нисбатан қиёслайдиган бўлсак, улар ўртасида ер билан осмонча фарқ бор, десак, бу ҳам айни ҳақиқат.

Шу ҳақда фикр юритганда, биз, авваламбор, ўтган давр мобайнида қандай қийин, қандай оғир бўлмасин, қандай мashaққатли синовларни бошимиздан кечиришга тўғри келмасин, ўзимизнинг ориятли, ғуур ва ифтихор билан яшайдиган халқ эканимизни, ўз тарихимизни, кимнинг авлодлари эканимизни эсимиздан чиқармадик. Ва узокни кўзлаб олдимизга қўйган мақсадларга эришиш учун ўзимизни аямадик, барча-барча таҳдид ва хавф-хатарлардан эл-юртимизни ҳимоя қилишга доимо тайёр бўлиб турдик.

Айнан шунинг ҳисобидан, ана шундай олижаноб, ўхшashi йўқ халқимиз борлиги учун Ўзбекистонимиз бугунги кунда жаҳондаги камдан-кам давлатлар қаторида юксак, барқарор суръатлар билан ўсиб, одамларнинг кундалик турмуши, ҳаёти ҳар томонлама обод ва фаровон бўлиб бормоқда. Бир сўз билан айтадиган бўлсак, биз барчани ҳайратда қолдирадиган марраларни қўлга киритмоқдамиз ва эртанги кунга катта ишонч билан яшамоқдамиз.

* * *

Ҳеч бир ишда шошилмасдан, айни пайтда сусткашликка йўл қўймасдан, фақат ва фақат ўзимизнинг кучимиизга ишониб, таяниб яшашимиз керак. Ана шунда биз, албатта, ўз мурод-мақсадимизга етамиз.

**САЙЛОВ – ДЕМОКРАТИЯНИНГ
ОЛИЙ ШАКЛИДИР**

Ўзбекистон Республикасида Конституциямиз ва қонунларимизда муҳрлаб қўйилган қоидалар ва умум-эътироф этилган халқаро нормалар асосида яратилган сайлов тизими юксак демократик талабларга жавоб беради. Бунинг яққол тасдифи яқинда мамлакатимиз Парламенти – Олий Мажлис ва маҳаллий кенгашларга ўтказилган сайловларда намоён бўлгани халқаро ташкilotлар ва хорижий мамлакатлар вакиллари томонидан эътироф этилганида кўриш мумкин.

Ўз-ўзидан аёнки, 2015 йил 29 март куни мамлакатимизда бўлиб ўтадиган Президент сайловининг демократик давлатларда қабул килинган, эътироф этилган тизим бўйича, яъни, муқобиллик асосида, холислик, ҳаққонийлик тамойилларига итоат қилган ҳолда ўтказилишига қараб, халқимизнинг сиёсий ва ҳукукий савиясига, жамиятимизнинг демократик тараққиёт йўлидаги ривожига, Ўзбекистонимизнинг обрў-эътибори ва нуфузига баҳо берилади. Буни ҳеч хаёлимиздан, хотирамиздан чиқармаслигимиз зарур.

Кимки бу сайловда қатнашадиган бўлса, уни қуруқ гаплар, ёлғон ташвиқот билан бошқа йўлга буриб бўлмайди. Ўйлайманки, ҳар қайси одам ўзининг ҳоҳиш-иродаси, виждони нимани буюрса, шунга қараб овоз беради. Шу нуқтаи назардан сизларга қаратилган фақат битта илтимосим бор. У ҳам бўлса, сайлов масаласида биз риоя қилишимиз керак бўлган демократик нормаларга баъзан бизга майда бўлиб туюладиган иш

деб карамаслик керак. Сайлов жараённида майда нарсанинг ўзи умуман бўлмайди – шу масалани ўзимизга чукур тасаввур қилишимизни хоҳлардим.

Биз демократик жамият қуриш йўлида Ўзбекистоннинг обрўсини оширишга бел боғлаган эканмиз, кичкина бўлиб туюладиган ишларга ҳам катта эътибор бериб, ҳеч қандай эътиrozга ўрин қолдирмаслигимиз керак. Халқимиз, сайловчиларимиз кимни хоҳласа, барибир шу номзодни сайлайди, бизга ҳеч ким халақит беролмайди.

* * *

Мамлакатимиз парламентига бўлиб ўтган сайловлар юртимизда изчиллик билан олиб борилаётган, демократик давлат ва кучли фуқаролик жамияти қуриш, бозор ислоҳотларини чуқурлаштиришга қаратилган, Конституциямизда энг олий қадрият сифатида муҳрлаб қўйилган инсон ҳукуқ ва эркинликлари ҳамда манфаатларини ҳимоя қилиш мақсадида амалга оширилаётган демократик ўзгаришлар жамиятимизда кенг қўллаб-куватланаётганини кўрсатди. Сайловлар мамлакатимизни демократик янгилаш ва модернизация қилиш йўлида яна бир муҳим марра бўлди, миллий сайлов тизимимизнинг ноёблиги ва демократик жиҳатдан юксалганини намойиш этди.

* * *

Биз эски адолатсиз тузумга бошқа ҳеч қачон қайтмаслик, ўзимиз танлаган мустақил тараққиёт йўлидан қатъият билан бориш ҳақида гапиргандা, бунинг асосий шарти ва гаровини аввало ҳаётимизда

демократик принципларни янада мустаҳкамлашда, эркин, очиқ-ошкора сайлов тизимини жорий қилишда кўрамиз.

Мустақиллик йилларида шаклланган, Конституциямиз ва қонунларимиз талабларига, умумэътироф этилган халқаро стандартларга тўла мос бўлган бизнинг миллий сайлов тизимимиз бунга тўла имкон беради. Олий Мажлис ва маҳаллий кенгашларга яқинда ўтказилган сайлов пайтида бунинг яққол исботини ўзимиз кўрдик. Ва буни дунёдаги тегишли халқаро ташкилотлар вакиллари – кузатувчилар ҳам тан олиб, юксак эътироф этди.

Шуни таъкидлашимиз керакки, сайлов, эркин, демократик сайлов принциплари биз учун фуқаролар хукуқ ва манфаатларини таъминлаш, уларнинг хошириодасини ифодалашнинг энг ишончли ва самарали усули бўлиб қолади ва биз унинг тамойилларига ҳамиша содиқмиз.

* * *

Сайлов дегани – танлаш деганидир. Биз совет давридаги каби сайловлар умуман қайтмаслигини хоҳлаймиз. Шунинг учун биз сайловни ўтказишга тайёргарлик кўрар эканмиз, овоз беришга онгли ёндашишимиз, уни ҳаққонийлик, эркинлик, очиқлик, холислик тамойиллари асосида ўтказишимиш керак. Одамларга танлаш имкониятини, номзодларнинг дастурларини солишириб кўриш имкониятини яратиб беришимиз керак. Қолганини уларнинг ўзи ҳал қиласи.

* * *

Биз сайлов куни вижданан келиб овоз берамиз. Бугунги кунда одамларимиз шундай эркин, ўз мустақил фикрига эгаки, энди уларни ўз фикри, ўз хоҳиш-иродасидан қайтариб бўлмайди. Қанча гап, қанча ташвиқот бўлмасин, сайловга борган одамнинг фикрини ўзгартиришга уриниш – бу мутлақо беҳуда иш.

Сайловчи кимга овоз беради? Менимча, у, аввалио, ўзи билан ёнма-ён ўтириб гаплашишга, дардини, қувончини баҳам кўришга тайёр бўлган одамга, номзодга овоз беради. Бир сўз билан айтганда, сайловчи унинг шаънига ҳар хил қўпол сўзлар билан қаттиқ тегмайдиган, аксинча, унинг қадрини, ғурурини ҳурмат киласидиган одамга овоз беради.

Иккинчидан, сайловчи ҳаётда ҳам, сиёсатда ҳам бошқалардан кўра узокроқни кўрадиган, чукурроқ ўйладиган одамни сайлайди. Чунки, калтабин, яъни бурнидан нарини кўролмайдиган, манманликка берилган одам раҳбар бўлса, ўзини ҳам, бошқаларни ҳам қийнайди. Охир-оқибатда бундан ўзи зарар кўради. Бундай одамни алмаштириш ҳам азоб бўлади.

Учинчидан, сайловчи кўпни кўрган, ҳаётнинг пасту баландини тушунадиган одамни сайлайди.

Бу сайловнинг ўта муҳим аҳамияти шундаки, уни холисона ўтказишимизга қараб, барчамизнинг сиёсий ва хуқуқий савиямизга, жамиятимизнинг демократик тараққиёт йўлидаги ривожланишига, Ўзбекистоннинг обрў-эътиборига баҳо берилади. Айни шундай муҳим масалани эсимиздан чиқармаслигимизни истардим.

* * *

Демократиянинг ўзига хос кўплаб ижобий жиҳатлари бор, албатта. Лекин уни ўйинга айлантириб, катта минбарлардан туриб, «демократия, демократия» деб кўксига уриб гапириш, аслини олганда, халқ манфаатларини ниқоб қилиб, ўз манфаатларини кўзлашдан бошқа нарса эмаслигини ҳам кўп кўрганмиз. Демократияни қандайдир дормага, қотиб қолган ягона бир мезонга айлантириш, уни бошқа давлатларга, уларнинг миллий шароити ва ўзига хослигини ҳисобга олмасдан, умумий қоида сифатида тиқишириш – мутлақо нотўғри.

Биз шуни яхши англашимиз керакки, демократия ҳеч қачон бир хил шакл ёки мазмунда бўлмайди. Демократия дегани – бу ҳамиша ўзгариб турадиган ҳаёт тарзи, жамият тизимининг ривожи билан узвий боғлик.

Демократия – инсон, жамият, давлат деган уч субъект ўзаро бир-бирини тўлдирадиган, бир-бирини бойитиб, керак бўлса, назорат қилиб турадиган тизим демакдир. Бу ҳар қайси инсоннинг жамият билан, жамиятнинг эса давлат билан муносабатини, улар ўртасидаги мувозанатни англатади.

* * *

Бир вақтлар шундай бўлганки – афсуски, бу камчилик баъзи жойларда ҳали-бери учраб туради – оила бошлиғи ҳамма паспортларни тўплаб, мен сизлар учун ҳам овоз бериб келаман, деб тўрт-беш кишининг хоҳишини бир ўзи ҳал қилган. Мен оиласда энг каттаси бўлсан, чизган чизиғимдан кимдир чиқиши мум-

кинми, деган кайфият билан яшаш ҳозир ҳам айрим эркакларда йўқ эмас.

Барчамиз бир ҳақиқатни яхши англаб олишимиз шарт. Бугунги кунда чет эллардан, халқаро ташкилотлардан кузатувчи бўлиб келган одамлар бу гапларни тушунмайди. Бу борада баҳо беришда улар битта мезонга, яъни, Конституция ва қонунларга таянади. Керак бўлса, сайлов бўйича Бирлашган Миллатлар Ташкилоти томонидан тасдиқланган, умумэътироф этилган халқаро талаб ва меъёрлар борки, уларга қатъий амал қилиш керак. Шу маънода, сайловда майда нарсанинг ўзи йўқ. Бу бизнинг шахсий хоҳишимиз билан бўладиган оддий иш эмас. Бу – давлатнинг, халқнинг қиёфаси, сиёсий хоҳиш-иродасини намоён этадиган умуммиллий тадбир.

Агар биз демократик жамиятда яшамоқчи бўлсак, фақат қонунга, унда белгилаб қўйилган қоида ва меъёрларга итоат қилишимиз керак.

* * *

Хоразмда ёшулли деган жуда гўзал ва қадимий бир сўз бор. Ёшуллини факат ёши улуг бўлгани учун эмас, эл-юрт ўртасида обрў-эътибори баланд бўлгани, бошқаларга нисбатан кўпроқ нарсани билгани, кўпни кўргани, билими ва салоҳияти юқори бўлгани учун шундай хурмат қилишади.

Ёшулли бўлиш жуда яхши, лекин сайловда ёшуллиларимиз бошқалар учун ҳам қарор қабул қиласидан бўлса, четдан қараганда бу одамларга ғалати туюлади. Шунинг учун ҳозир қандай замонда, қандай мамлакатда, қандай юксак мақсадларга интилаётган давлат-

да яшаётганимизни чукур англаб олсак, айни муддао бўлади.

* * *

Эски, ўзини оқламаган, мустабид, коммунистик тоя якка ҳукмрон бўлган замонда сайловлар қандай расмиятчилик билан, номига ўтказилгани, мустамлака тизимидағи ноҳақлик, буйруқбозлиқ шароитида амалга оширилгани ҳақида кўпчилик халқимиз яхши хабардордир.

* * *

Сайлов – бу биз қураётган хуқукий демократик давлатнинг узвий бир қисми, фуқароларнинг ўз хоҳиш-иродасини эркин билдириши, давлат ва жамият бошқарувида фаол иштирок этишининг асосий шаклидир.

Содда қилиб айтганда, сайлов – бу, аввало, эркин танлаш хуқуки демакдир. Агар биз сайловни муқобиллик асосида ўтказмасак, яъни, айтайлик, 2–4 та номзод орасидан биттасини танлаб олиш хуқукига эга бўлмасак, бундай сайловни ўзи ҳақиқий сайлов деб бўладими?

Сайлов – бу демократия дегани, демократия – бу сайлов деганидир. Ҳақиқатан ҳам, демократиянинг ҳаётда устувор бўлиши учун қачон энг қулай имконият пайдо бўлади? Айнан холис, муқобил сайлов ўтказища.

Маълумки, совет даврида сайловлар шунчаки расмиятчилик учун, номига ўтказилар эди. Уларнинг натижаси, яъни, кимлар, қанча ишчи, қанча колхозчи,

қанча зиёли ҳокимият идораларига сайланиши олдиндан маълум эди.

Бу залда ўтирган катта ёшдаги инсонлар, оқсоқолларимиз яхши билади, сайлов бюллетенида факат битта номзоднинг фамилияси бўларди. Ҳолбуки, битта участкадан факат битта номзод кўйилиб, факат унинг ўзи сайланса, ҳеч қандай танлаш имкони, танлаш ҳуқуки бўлмаса, савол туғилади – бунинг нимаси сайлов?

* * *

Афсуски, ҳаётда демократияни турлича талқин қиласидиганлар ҳам, ундан сиёсий мақсадлар йўлида ниқоб сифатида фойдаланадиганлар ҳам учраб турди. Ўзини «демократия доҳийлари» деб даъво қиласидиган, бошқаларни ўз йўриғига юргизишни истайдиганлар ҳам бор.

Биз ривожланган демократик давлатлар тажрибасини ўрганишда давом этамиз, демократик қадриятларга ҳамиша содикмиз. Шунинг учун демократия ҳақида гапиргандা, биз, авваламбор, энг ривожланган давлатлар қаторига кириш, энг муҳими, улар қўлга киритган ютуқларни ўзлаштиришни назарда тутамиз. Инсон ҳуқуқларини таъминлаш, ҳар қайси одам учун эркин, фаровон ҳаёт кечириш имкониятларини яратиш йўлида кимки турли ютуқларга, натижаларга эришган бўлса, биз улардан ўрганишдан чарчамаймиз.

ТАРИХ – БАМИСОЛИ КЎЗГУ

Тарихни унуган халқ, жамият ўз йўлини йўқотади.
Бундай халқ ва жамиятнинг келажаги йўқ.

* * *

Ахборот-коммуникация технологиялари, математика, физика, кимё, саноат, менежмент – буларнинг ҳаммаси керак, албатта. Лекин, авваламбор тарихни билиш – бу ҳаётий зарурат.

Ҳаётни билиш, биз қайси асрда яшаётганимизни англаш – бу ҳаммамизнинг бурчимиз. Яъни, ҳаётдан оёги узилган, реал воқеликдан узоқлашган одам ҳеч қачон ўз мақсадларига эриша олмайди. Ерда яшайдиган одамнинг ҳаёти шу замин, мана шу тупроқ билан боғлиқ бўлиши керак, у шу тупроқни кўзига суреб, унинг эртанги кунини янада обод қилишга ҳаракат қилиб яشاши зарур.

* * *

Бугун юртимизда кечаги қунни эсламайдиган, аждодларини, боболарини ёдга олмайдиган одамнинг ўзи йўқ, десам, адашмаган бўламан. Дунё тарихида қудратли салтанат яратган сохибқирон Амир Темур бомиз, ўз ақл-заковати, улкан илмий салоҳияти билан жаҳон тамаддунига бекиёс ҳисса қўшган буюк алломаларимиз, азиз-авлиёларимиз билан ким фаҳрланмайди дейсиз? Ўтган йили Самарқандда бўлиб ўтган «Ўрта асрлар Шарқ алломалари ва мутафаккирларининг та-

рихий мероси, унинг замонавий цивилизация ривожидаги роли ва аҳамияти» мавзусидаги халқаро конференцияда дунёнинг 50 мамлакатидан келган атоқли олимлар бу тарихий меросни бутун инсоният манфати йўлида биргаликда ўрганиш, уни тарғибу ташвиқ қилиш, амалий ҳаётда янада кенг қўллаш кераклигини алоҳида таъкидлагани, айтинглар, ҳаммамизга ғурур ва ифтихор бағишламайдими?

Биз кўпинча бу борада ҳам камтарлик қиласиз. Лекин менинг тилагим, истагим шуки, бу ҳақда кўпроқ гапириш, меросимизни кўпроқ ва чуқурроқ ўрганиш керак. Буюк аждодларимизни, ота-боболаримизни эслаш дегани – бу ўзимизга тан бериш деганидир. Мен ана шундай фикрдаман. Ўзимизга тан берадиган бўлсак, авваламбор, биздан олдин ўтган аждодларимизга тан берайлик. Улар қандай инсонлар эди, қандай ҳаёт кечирган, ўзидан қандай ном қолдирган эди, деган саволлар ҳақида ўйлаш лозим. Шу ўринда доғистонлик машҳур шоир Расул Ҳамзатовнинг, агар сен ўзингдан олдин ўтганларни милтиқ билан отадиган бўлсанг, авлодларинг сени замбаракдан ўққа туради, деган мазмундаги фикри ёдимга тушди. Бу гапда ҳақиқатан ҳам чукур маъно бор.

Шу борада яна бир фикрга эътибор беришингизни истардим. Фашизмга қарши жангга кирган бизнинг ота-боболаримиз қандайдир бир тепалик ёки қайсиdir бир «улуғ доҳий» учун жон бермаган. Ўзбек ўғлонлари, авваламбор, ўзи туғилган шаҳар ва қишлоқни, ўз она юртини, ўз яқинларини, меҳрибон отаси ва онаси, севикли ёри, жондан азиз фарзандларини кўз олдига келтирган ҳолда беомон жангга

кирган, шу мұқаддас Ватанимиз учун жонини фидо қилган.

* * *

Мен Иккинчи жағон урушида ёвуз душман билан рүбарў бўлиб, даҳшатли жангга кирган аскарларимиз ўша лаҳзаларда нимани ўйлаган, уларнинг хаёлидан қандай фикрлар, кечинмалар ўтган экан, деб ўзимга кўп савол бераман, оғир бўлса-да, уларнинг руҳий ҳолатини, ўй-хаёлларини ўзимга тасаввур этишга ҳаракат қиласман. Ана шунда «Қани энди, юртимни, ўзимнинг азизларимни яна бир бор кўрсам, уларни бағримга боссам», деб ўйлаган ўғлонлар кўз ўнгимда гавдаланади. Мен аминманки, улар айнан шундай ўйлаган, авваламбор, ўз юртини эслаб, азиз инсонларини яна бир марта кўрсам, деб жон берган.

* * *

Илгари мактабларда Ўзбекистоннинг ҳақиқий тарихи ўргатилмас эди. Ўтган асрнинг 17-йилидан бошлаб ёзилган тарих китоблари ёлғон гоялар асосида яратилгани сир эмас.

Тошкент шаҳрида Қатагон қурбонлари хотираси музейини очганимиздан хабарингиз бор. Мақсад – одамлар ҳақиқий тарихни билсин. Лекин мана шу яқин ва узоқ тарих ҳақидаги ҳақиқатни ёзишга, уни фарзандларимизга етказишга интиладиган фидойи одамлар, афсуски, жуда кам. Совет давридаги зулм ва қўрқувга асосланган мафкура, сиёсатнинг таъсири бизнинг қон-қонимизгача сингиб кетган, ичимиздаги

кўрқоқлик ҳали ҳам, таассуфки, тўлиқ барҳам топгани йўқ.

Кечаги тарих биз учун ҳаёт мактаби, бамисоли тиник бир кўзгу. Унга караб сабоқ оламиз, хулоса чиқарамиз, келажак йўлини белгилаймиз.

* * *

Мен ҳар доим мустабид совет тузуми, ўша замонда ҳалқимиз бошидан кечирган кунлар ҳақида кўпроқ ёзинглар, деб, тарихчи ва ёзувчиларимиздан илтимос қиласман. Ўша даврда яшаган, унинг барча кирдикорларини ич-ичидан билган зиёлиларимизнинг қанчаси отиб ташланди, қанчаси қамоқда ўлиб кетди. Аммо ўша замонни ёшларимиз билиши учун бизга кўпроқ китоблар, дарсликлар зарур.

Тарихдан ибрат олиб яшащ, тарих ҳақиқатларини билиш кишига қувват беради, уни ҳаёт ҳақиқати билан қуроллантиради.

Тарихни ёзишда хеч қачон ўнг томонга ҳам, чап томонга ҳам оғмасдан, фақат ҳақиқат ва адолат нуқтаи назаридан йўл тутилиши керак. Сохта тарих бамисоли оғу каби инсонни заҳарлайди, унинг онгу дунёқарашини чалғитади.

* * *

Эски тузум даврида биз ўз тарихимизни билмас эдик. Кўзимиз бамисоли кўр эди. Бутун олам юксак ҳурмат ва эҳтиром билан тилга оладиган буюк аждодларимизни танимас эдигу, сохта «дохий»лар ҳаётини – қачон, қаерда туғилган, нима кароматлар кўрсатган – билар эдик, тўғрироғи, ёдлаб олган эдик. Уларни бо-

бомиз, отамиз, деб сиғинар эдик. Бу, айнаң истибдод ва қуллик даври эди. Нафакат моддий жиҳатдан ночор эдик, энг ёмони, ор-номусимиз топталган, қадрият ва анъаналаримиз оёқости қилинганды эди. Бир сўз билан айтганда, қорнимизга эмас, қадримизга йифлайдиган бир давр эди.

Алгоритм, алгебрага асос солган Хоразмий бобомизни билмас эдигу, Пётр Биринчини ҳаммамиз билишмиз шарт эди.

Мен Қашқадарёда обком секретари бўлиб ишлаганда ўзбек халқига нисбатан қандай адолатсизлик қилингани, қанча-қанча одамлар бундан жабр кўрганига ўзим гувоҳ бўлганман. Жиззахда ҳам худди шундай воқеалар бўлган. Ўша даврнинг ҳақиқий киёфасини болаларимизга албатта етказишимиз керак, уларнинг кўзини ҳақиқатга очиб беришимиз керак. Токи улар яхшини ёмондан, оқни корадан ажратадиган, ҳамиша огоҳ ва сергак яшайдиган бўлсин. Бу бизнинг энг катта бурчимиш.

Ҳозирги тўкинлик, серобчилик осмондан тушмаганини ҳам болаларимизга тушунтиришимиз лозим.

* * *

Ўзликни англаш дегани – бу ўз тарихимизни, мингминг йиллик анъаналаримизни билиш дегани. Агарки ҳар қайси одам кечаги кунни яхши биладиган бўлса, ҳеч қачон аввалги хатосини яна такрорламайди.

Ўзингиз эсланг, бир вақтлар, коммунистик мафкура замонида миллий урф-одатлар, анъаналарни ривожлантириш у ёқда турсин, ҳатто жанозага бориш мумкин эмас эди. Қаранг, қандай оғир замон эди!

Бу ҳақиқатни болаларимизга тўғри тушунтириб берсак, тарих билан, ҳақиқат билан қуролланиб олсан, ҳаётимизни шундай тўғри йўлга қўямизки, унинг аниқ манзиллари барчага аён бўлади, бутун халқимизга куч-ғайрат бағишлаб туради. Бу – эркин, озод, тинч ва барқарор, обод ва фаровон ҳаёт демакдир.

* * *

Инсон ҳар қандай шароитда ҳам ўзининг ўтмишини билмаса, хато қиласди.

Биз кечаги тарихимизда рўй берган мудҳиш кунлар ҳақидаги маълумотларни ёш авлодга ўз вақтида етказсак, уларнинг онгида ҳеч қачон бўшлиқ пайдо бўлмайди. Бўшлиқ дегани шуки, кимлардир доим унинг ўрнини бир нарса билан тўлдириш пайида бўлади ва қўйиб берсангиз, бундай «чаққон»лар истаганча топилади. Ўзининг эгри ниятига эришиш учун, керак бўлса, катта пул ишлатади, энг ёмони, муқаддас ислом динини бузиб кўрсатишга уриниб, ёшларимизни тўғри йўлдан чалғитищдан ҳам тоймайди.

* * *

Буюк аллома ва мутафаккирлар, азиз-авлиёлар етисишиб чиқадиган жойда, аввало, илму маърифат, маданият ва маънавият ўчоклари ривожланган бўлиши керак. Бўм-бўш жойда ҳеч қачон буюк цивилизация пайдо бўлмайди. Жаҳон тарихи буни кўп-кўп мисолларда исботлаб беради.

* * *

«Ўрта асрлар Шарқ алломалари ва мутафаккирларининг тарихий мероси, унинг замонавий циви-

лизация ривожидаги роли ва аҳамияти» мавзусидаги халқаро конференцияни айнан Самарқанд шаҳрида ўтказганимиз бежиз эмас. Халқимизнинг буюк тарихи, бой маданияти, ноёб маънавий мероси ана шу анжуманда Америка, Европа қитъалари, Япония, Хитой каби дунёнинг 50 мамлакатидан келган атоқли олимлар томонидан яна бир бор эътироф этилиб, юксак баҳоланди. Конференция иштирокчилари томонидан бу тарихий меросни бутун инсоният манфаати йўлида биргаликда ўрганиш, уни тарғибу ташвиқ қилиш, амалий ҳаётда янада кенгроқ қўллаш кераклиги алоҳида таъкидланганидан барчангиз, албатта, хабардорсиз.

Ҳақиқатан ҳам, бу мерос бутун дунёнинг мероси, яъни, Ватанимиз заминида яратилган бундай илмий, маданий бойликлар наинки Ўзбекистоннинг, балки бутун инсониятнинг бойлигидир. Чет эллик меҳмонларимизнинг, «Инсон дунёнинг қаерида яшамасин, бу бойликларни, бу алломаларни билиши керак. Шундай мутафаккирларни вояга етказган халқ ҳар қандай юксак таҳсинга сазовор ва биз бу халқдан ана шундай кащфиётларни яна кутишга ҳақлимиз», деган гаплари, айтинглар, ҳаммамизга ғуурур ва ифтихор бағишламайдими?

* * *

Мен ғуурур ҳақида кўп гапираман. Негаки, ғуурур ва ифтихор билан яшаш ўзликни асраш, бу дунёда ҳеч кимдан кам бўлмасдан барчага teng муносабатда бўлиш деганидир. Бундай ҳаёт тарзига ҳамма ҳам эришавермайди. Ўзбек халқининг бағрикенглик, меҳр-оқибат, саховатпешалик каби кўплаб чин инсо-

ний фазилатлари қаторида яна шундай улуг хусусияти борки, у ҳеч қачон, ҳеч кимнинг олдида бош эгман. Буюк аждодларимизни, Амир Темур бобомизни эсланг, уларнинг ўғитларига қулоқ тутиңг. Ҳар қайси одам – у қандай ёшда бўлмасин, қаерда ва қайси лавозимда ишламасин – бошига қандайдир оғир иш ёки ташвиш тушганида, мен кимман, қандай буюк зотларнинг авлодиман, деган саволни ўзига берса, тўғри йўлни албатта топади. Бу саволга жавоб тариқасида қалбида беихтиёр ғурур ва ифтихор туйғулари пайдо бўлади. Албатта, биз бой тарихимиз, улуг аждодларимиз билан ҳар қанча фахрлансак арзийди. Тарихимиз – битмас-туганмас хазина, биз учун чексиз ғурур манбаи.

* * *

Юртимизда 90-йилларда юзага келган муаммонинг илдизи собиқ тузум даврига, пахта яккаҳокимлиги ҳалокатли тус олган, пахта етишириш энг катта мақсад саналиб, ҳатто одамларнинг ҳаёти ва саломатлигидан устун турган ўша мустабид замонга бориб тақалади.

Халқимиз ўша пайтда чидаб бўлмайдиган шундай азоб ва укубатларга гирифтор этилган эдик, буни сўз билан ифодалашнинг ўзи қийин. Далада ишлаб юрган одамларнинг устидан самолётдан заҳарли дорилар сепилгани, қанча-қанча болалар сариқ касаллиги ва бошқа дардларга йўлиққани бу залда ўтирганларнинг ҳали эсидан чиққани йўқ.

Ҳақиқат, тарих ҳақиқати болаларимиз учун сув ва ҳаводек зарур. Тарих ҳақиқатини тўлалигича кейинги

авлодга етказиши ҳар бир инсоннинг келажак олдидаги муқаддас бурчи ҳисобланади.

Ўша машъум кунларни кўрган кишилар, фахрийларимиз ҳаёт эканидан фойдаланиб, бу борада кўпроқ маълумот тўплаш, уларни тизимлаштириш устида ишлайдиган олим ва мутахассислар бўлса, мен бундай ташаббускор одамларни шу муқаддас заминни севган ватанпарвар, юртпарварлар деб қабул қиласман ва уларни қўллаб-қувватлашга доим тайёрман.

Инсоннинг табиати шундайки, вакт ўтиши билан ёмон воқеалар эсидан чиқади. Бир томондан қараганда, бу – тўғри. Чунки инсон бошидан кечирган баҳтсизликларни, эзилган кунларини эслашни хоҳламайди. Лекин яхши кунлар, обод ва фаровон ҳаётнинг қадрига етиш учун инсон баъзи-баъзида ортга назар ташлаб туриши ҳам керак. Тарихдан сабоқ чиқариб яшashi лозим.

Мен, авваламбор, ёшларимизга қаратага айтмоқчиман: ўқинг, тарихни ўрганинг, тарихини, ўтмишини билган одам келажакда адашмайди.

* * *

Тарихимиздаги оғрикли даврлардан ҳам хулоса чиқариб яшашимиз керак. Эртага бизнинг ўрнимизга келадиган ёшлар ана шу тарих ҳақиқати билан қуролланиши лозим. Чунки ҳеч бир соҳада ҳеч кимдан кам бўлмайдиган авлодгина буюк давлат барпо этиши мумкин. Нега деганда, буюк давлат куриш учун маърифатли, тарихни, ҳаётни чуқур биладиган, ундан сабоқ чиқара оладиган одамлар керак.

* * *

Авваламбор, Ватанини жонидан азиз кўрган Амир Темур бобомизнинг бизга колдирган насиҳатларини юрагимизга, қон-конимизга, суяқ-суягимизга мустаҳкам жо қилишимиз керак ва болаларимизни ҳам шу рухда тарбиялашимиз даркор.

* * *

Дунёда ҳеч нарса тасодифан пайдо бўлмайди. Ҳаммасининг илдизи, томирида албатта қандайdir бир асос, замин бўлади.

Ҳеч қачон бўм-бўш жойда улуғ зотлар пайдо бўлмайди. Агарки қайсиdir мамлакатда бир янги кашфиёт қилинибди, ноёб мутафаккир пайдо бўлибди, деб айтса, билиб қўйинглар, ўша ерда қадимиј анъана, илмиј мактаб бор. Илмнинг, ижоднинг замини бор жой албатта вақти келиб улуғ олимларни етишириб беради. Бу, ўз навбатида, одамда миллий ғурур хиссини уйғотади. Минг афсуски, биз буюк инсонларни вақт ўтганидан кейин, улар ҳаётдан қўз юмганидан кейин тан оламиз. Ҳолбуки, уларни тириклигида қадрлашимиз керак.

* * *

Ўтган асрнинг 90-йилларида биз янги ҳаёт сари қандай қадам қўйдик? Қандай тузумдан воз кечдик? Бу тузум нима учун ўзини оқламасдан, ҳалокатга учради? Бу ҳақиқатни ёшларимизга ҳар томонлама чукур очиб бериш лозим. Нега деганда, тарихий воқеаларнинг негизида нима борлигини, уларнинг моҳиятини тушунириш учун уни яхши билиш керак. Ҳар қандай

империя вақти келиб албатта йўқ бўлади. СССР ҳам, эртами-кечми, бир куни йўқ бўлиши аниқ эди. Бундай тузумнинг ҳеч қандай келажаги йўқ эди.

Мен кўпгина чиқишлиаримда тарихчиларга қаратса, сизлар олим бўлсангиз, тарихни, тарихий воқеаларнинг асл моҳиятини тушунтириб беринг, деб айтаман. Болаларимиз албатта, ҳақиқатни билиши керак. Вақт ўтади, замон ўтади, лекин ҳақиқат барибир қолади.

* * *

Тарихни унуглан, ундан тўғри сабоқ чиқариб яшамайдиган халқ доимо йўлидан адашади. Тарихий хотирасиз келажак йўқ, деган гапнинг маъноси шунда. Шу нуктаи назардан қараганда, яқин ўтмишимизда рўй берган воқеаларни одамларнинг, айниқса, ёшларнинг эсига солиб туриш керак, деб ўйлайман.

* * *

Бу ерда ўтирганларнинг кўпчилиги яхши билади, бир вақтлар, яъни совет тузуми даврида яшаганимизда, қайси халқнинг тарихи узоқ, қайси халқ энди-энди пайдо бўляпти, деган турли масалаларда тортишувлар бўларди. Бу борада тарихий ҳақиқатга мутлақо тўғри келмайдиган, илмий жиҳатдан холис асосланмаган, миллатчилик, буюк давлатчилик шовинизмининг хиди келиб турадиган қарашиб ва ёндашувлар зўр бериб одамларнинг қулогига қўйилар эди. Эмишки, ўзбек халқи Октябрь инқилобига қадар саводсиз, маданиятсиз бир халқ бўлган. Факат совет ҳукуматигина унга илм ўргатган, маданиятини кўтарган эмиш. Бунинг учун биз коммунистик мафкурадан умрбод миннатдор

бўлиб яшашимиз керак экан. Шу борада ортга қараб, яъни тарихга холис назар билан боқиб, бу борада бир хulosани айтмоқчи бўлсак, бизни камситиб ерга урмоқчи бўлганларга қаратга атоқли шоиримиз Гафур Ғулом айтган сўзларни яна такрорлашни ўринли деб биламан. Яъни, сизларнинг аждодларингиз, ота-бо- боларингиз ҳали дарахтга осилиб юрганида бизнинг ҳалқимиз, аждодларимиз инсоният тараққиётига бе- мисл ҳисса қўшган цивилизацияларни юзага келтирганлар, оламшумул қашфиётлар қилганлар. Хоразмий- лар, фарғонийлар, берунийлар, ибн синолар илм-фан ривожини белгилаб берган. Бу ҳақиқатни ҳеч ким ин- кор эта олмайди.

Биргина Хоразм тарихини олиб қарайдиган бўлсак, шу мисолнинг ўзи ҳам кифоя қиласди. Хоразм Маъмун академияси кўп нарсадан далолат беради. Уни бутун дунё тан олган, у ерда не-не буюк олим ва мутафаккир- лар илм-фан билан машғул бўлган. Биз мустақиллик йилларида шу академияни янги асосда қайта тиклаганимиз, ЮНЕСКО билан ҳамкорликда унинг 1000 йил- лигини ҳалқаро миқёсда кенг нишонлаганимиз Вата- нимизнинг янги тарихидаги унutilмас воқеалардан бири бўлди. Буларнинг ҳаммасини инобатга оладиган бўлсак, қани, айтинглар, бизнинг буюк миллат, улуғ ҳалқ эканимизни исботлаш учун яна қандай далил ке- рак?

Бу билан ғуурланишга, фахрланишга барчамиз ҳақлими, албатта. Айни пайтда аждодларимизга му- носиб бўлиш, бу ҳаётда ҳеч қачон бир жойда тўхтаб қолмасдан, олдимизга катта мақсадларни қўйиб, ғуур билан яшашимиз лозим.

* * *

Илгари ҳам, ҳозир ҳам собиқ мустабид тузумни ёқлаб чиқаётганларнинг бирорта гапига ишониб бўлмайди. Биз бир пайтлар кўкларга кўтариб, мук тушиб сифинган Ленин бобо, Сталин бобо ва бошқа «бобо»ларимиз ҳақиқатда ҳаммаси қаллоб ва жаллод бўлиб чиқди. Мана, сизга ҳақиқат. Масалан, Ленинни дунё ҳалқларининг доҳийси, ҳалоскори деб пионерлик, комсомоллик пайтимизда ашулалар айтганмиз. Мен ҳозирги ёш ўғил-қизларимизни кўриб хурсанд бўламанки, улар бундай ёлғон гаплардан мутлақо узоқ бўлиб вояга етмоқда. Ўша замонда энди мактабга борган бола аввал «октябрят» нишонини тақарди. Ўзингиз ўйланг, 6–7 ёшта кирган бола нимани билади? Бу ёшда бола фақат офтобни, очилган гулларни, умуман, атрофидаги оламни кўриб хурсанд бўлади. Онасини кўрса, байрам бўлса, қувонади.

У пайтлар шундай вазиятлар ҳам бўлардики, бир марта тўйиб овқатланишнинг ўзи баҳт ҳисобланарди. Мен ёшлигимда буларнинг барчасини бошимдан ўтказганман. Ҳатто, шундай бўлганки, мактабда бир неча бор дарс пайти очликдан ҳолсизланиб, ухлаб қолганман. Бундай ҳолатлар ўша замонларни кўрган одамларнинг қўпчилигига бегона бўлмаса керак. Мен аниқ биламан, сизлар ҳам ёшлигиниздан ўтказгансиз. Яъни, ҳаммамизнинг тақдиримиз ўхшаш бўлган. Ўша даврларда эрталаб оч-нахор дарсга чопардик, куч-куват ҳам шунга яраша бўларди.

Бир сўз билан айтганда, биз шундай оғир замонларда яшаганмиз, кўпгина ноҳақликларни ўз кўзимиз

билин кўрганмиз. Сиёсат бошқа-ю, ҳаёт бошқа эди. Турли қалин китобларни чиқариб, шиорлар, ашула-ларни тўқиб, ҳаммани сохта ғояларга ишонтириш оддий ҳол эди. Комсомол бўлмасанг партияга кирмайсан, партияга кирмасанг ҳеч қандай вазифада ишлай олмайсан, деган қарашиб хукмон эди.

Яна бир мудҳиш нарса шуки, 30-йилларда қу-лоқлаштириш сиёсати олиб борилиб, минг-минглаб одамларнинг молу мулки, уй-жойлари тортиб олинган, ўзлари эса узоқ ва совуқ ўлкаларга сургун қилинган, бу тузумдан норози бўлган одамларнинг болаларига «халқ душманининг фарзанди» деган тамға босилган. Умуман, совет тузуми ва мафкураси миллионлаб одамларни майиб қилган, уларнинг тақдирида аянчли из қолдирган. Уларнинг қанча-қанчаси адолатни, ёруғ кунларни кўрмасдан бу дунёдан ўтиб кетган.

Мана, энди СССР деган давлат йўқ бўлиб кетди. Кимдир бундан хурсанд бўлса, яна кимдир, афсуски, ўша даврларни қўмсаб яшаяпти. Аслида, империялар, зўравонлик билан тузилган давлатлар ҳеч қачон узоқ яшамайди. Бу – тарих ҳақиқати.

**«ЎЗБЕК МОДЕЛИ» – АМАЛДА
ЎЗИНИ ОҚЛАГАН, ЁРУҒ
ИСТИҚБОЛИМИЗНИ
БЕЛГИЛАБ БЕРГАН
ТАРАҚҚИЁТ ЙЎЛИ**

Биз мустақилликнинг илк кунларидан бошлаб ўз умрини ўтаб бўлган эски мустабид совет тузумидан воз кечиб, жаҳон тажрибасини ҳар томонлама пухта ўрганиш, умуминсоний қадриятларни чукур англаш, миллий урф-одат ва анъаналаримизни асрлаб-авайлаш ва янада мустаҳкамлаш асосида ижтимоий йўналтирилган бозор иқтисодиётига асосланган очик демократик давлат барпо этишга азму қарор қилдик.

* * *

Ўтган даврда амалга оширган барча ишларимизни баҳолар эканмиз, бугунги Ўзбекистоннинг шаклланишидаги икки босқични алоҳида ажратиб кўрсатиш учун барча асосларимиз бор: 1991 йилдан 2000 йилгача бўлган муддатни ўз ичига оладиган биринчи босқич – ўтиш даври ва миллий давлатчилик асосларини шакллантириш билан боғлиқ биринчи галдаги ислоҳот ва ўзгаришлар даври.

Иқтисодиётимизни баркарор ривожлантириш, сиёсий ҳаётимизни, қонунчилик, суд-хуқуқ тизими ва ижтимоий-гуманитар соҳаларни изчил ислоҳ қилиш, аҳоли турмуш даражасини мунтазам ошириб боришини таъминлашда 2001 йилдан 2010 йилгача бўлган муддатни ўз ичига олган иккинчи босқич – мамлакатимизни фаол демократик янгилаш, ислоҳ этиш ва модернизация қилиш даври ғоят муҳим аҳамият касб этди. Ўзбекистон иқтисодиётини

ислоҳ этиш, либераллаштириш ва модернизация этиш, унинг таркибий тузилишини диверсификация қилиш бўйича ҳар томонлама чукур ўйланган, узоқ истиқболга мўлжалланган сиёsatнинг амалга оширилиши ана шу йилларнинг барчасини ўзаро боғлайдиган ҳал қилувчи асос, ўзак – бўғин бўлиб хизмат қилди.

* * *

Ўзбекистонда қабул қилинган, «ўзбек модели» деб ном олган, ижтимоий йўналтирилган эркин бозор иқтисодиётiga ўтишнинг иқтисодиётни мафкурадан холи этиш, унинг сиёsatдан устунлигини таъминлаш, давлатнинг бош ислоҳотчи вазифасини бажариши, қонун устуворлигига эришиш, кучли ижтимоий сиёsat юритиш, ислоҳотларни босқичмабосқич ва изчил амалга ошириш каби машҳур беш тамойилга асосланган ўзига хос йўли – буларнинг барчаси, айниқса 2008 йилда бошланган ва ҳануз давом этадиган жаҳон молиявий-иқтисодий инқирози даврида ўзининг нечоглик тўғри ва ҳаётий эканини исботлади.

* * *

Фақатгина биз танлаган босқичма-босқич, тадрижий ривожланиш йўли халқимиз қўзлаган эзгу ниятларга эришишга, замонавий демократик талабларга жавоб берадиган давлат, инсон манфаатлари, ҳуқуқ ва эркинликлари энг олий қадрият бўлган, қонун устуворлигини таъминлайдиган жамият барпо этишга олиб келиши муқаррар.

* * *

Демократик жараёнларни сунъий равища тезлаштириш, шошма-шошарлик, турли инқилобий түнтаришлар йўли қандай аянчли оқибатларга олиб келиши мумкинлигини бугун ҳаётнинг ўзи исботлаб бермоқда.

* * *

Ўз-ўзидан аёнки, тобора чукурлашиб бораётган ислоҳотлар натижасида эришиладиган ўта муҳим ўзгаришлар ҳеч қачон бир кунда, кимнингдир буйруғи ёки хоҳиши ҳисобидан бўлмайди. Бунинг учун албатта вақт керак, энг асосийси – бу ислоҳотларнинг мазмуни ва мақсадларини жамиятимиз, халқимиз чукур англаб олиши ва қўллаб-қувватлаши ҳал қилувчи аҳамиятга эга.

* * *

Агар биз шунча вақт, куч-қувват сарфлаб амалга ошираётган ислоҳотларимизнинг мақсади ва мазмунини халқимиз тушунмаса, жамоатчилигимиз қўллаб-қувватламаса, бундай ислоҳотлар қуруқ гапга айланиб қолиши ҳеч гап эмас.

* * *

Биз бугунги кунда ҳаётимизнинг бирор-бир соҳасини ислоҳ қиласидиган бўлсак, авваламбор бундан кўзланган мақсад нимадан иборат эканини, нима учун бу ўзгаришни эртага эмас, айнан бугун амалга оширишимиз зарурлигини одамларимизга содда ва аниқ қилиб тушунтириб беришимиз лозим.

* * *

Биз истиклолимизнинг биринчи кунлариданоқ четдан туриб тиқиширилган «шок терапияси» усулларидан, бозор иқтисодиёти ўзини ўзи тартибга солади, деган сохта тасаввурлардан воз кечдик, маъмурий-буйруқбозлик тизимидан бошқарувнинг бозор тизимиға ўтиш жараёнида «Янги уй қурмай туриб, эскиси ни бузманг» ва «Ислоҳот – ислоҳот учун эмас, аввало инсон учун» каби машҳур тамойилларга амал қилиб, тадрижий ёндашувни, ислоҳотларни босқичма-босқич амалга ошириш йўлини танладик.

* * *

Ўзбекистонда қабул қилинган иқтисодий тараққиёт моделининг энг муҳим хусусияти четдан қарз олиш сиёсатининг чуқур ўйланганида, мамлакатимизни ташқи омилларга боғлаб қўйиши мумкин бўлган қисқа муддатли спекулятив кредитлардан воз кечиша намоён бўлди.

* * *

Давлатимиз мустақил тараққиётнинг дастлабки кунларидан бошлаб мамлакатимизга узок муддатли хорижий сармояларни жалб этиш учун амалда қиёси бўлмаган шарт-шароит ва кафолатлар яратишга алоҳида эътибор қаратди, тўлов қобилиятига эга бўлган ишончли шерик сифатида ўзини кўрсатди.

* * *

Мустақил тараққиётимиз давомида амалга оширган ишларимизни таҳлил қилас эканмиз, биз танлаган

модель, чуқур ўйланган ва изчил амалга оширилаётган сиёсий, иқтисодий ва ижтимоий ўзгаришларнинг устувор йўналишлари юртимиздаги сиёсий тизим, фуқаролик жамияти, миллий иқтисодиётимизнинг барқарор ва жадал ривожланиши, аҳолининг ҳаёт даражаси изчил ошиб бориши учун мустаҳкам ва ишончли пойдевор яратди, деб таъкидлашга барча асосларимиз бор.

* * *

Юртимизда туб маъмурий ислоҳотлар амалга оширилди, давлат бошқарувининг тармоқлар ва ҳудудлар бўйича принципиал жиҳатдан мутлақо янги тузилмаси шакллантирилди, жойларда ҳокимлик институтини жорий этиш орқали маҳаллий ҳокимият органлари қайта ташкил этилди, маҳаллий ўзини ўзи бошқаришнинг ноёб тизими – маҳалла институти ривожлантирилди ва мустаҳкамланди.

* * *

Мамлакатимизда бозор инфратузилмаси институтлари яратилиб, бозор иқтисодиёти талабларига жавоб берадиган мутлақо янги молия ва икки босқичли замонавий банк тизими шакллантирилди, иқтисодиётнинг барча тармоқ ва соҳаларида чуқур ислоҳотлар ўтказилди.

* * *

Истиқлол йилларида мулкчиликнинг тузилишида туб ўзгаришлар рўй берди, кўпукладли иқтисодиёт амалда шаклланиб, унинг таркибида хусусий мулк

устувор ривожланди. Кичик бизнес ва хусусий тад-биркорлик мамлакатимиз иқтисодиётида нафақат ҳал қилувчи ўрин эгаллади, айни вактда бозорни зарур товар ва хизматлар билан тўлдириш, одамларнинг даромадлари ва фаровонлиги ошиб боришининг асосий манбаига, ахоли бандлиги ўсишининг энг муҳим омилига айланди.

* * *

Юртимизда ёқилғи-энергетика ва ғалла мустақиллигига эришилди. Бой минерал хомашё ва қишлоқ хўжалиги ресурсларини тубдан қайта ишлашга асосланган замонавий технологияларни жалб этган ҳолда корхоналарни модернизация қилиш, техник ва технологик янгилашнинг кенг кўламли дастурларини изчил амалга ошириш таъминланмоқда. Энергетика, нефть ва газ кимёси, рангли металлургия, кимё ва тўқимачилик саноати, машинасозлик ва автомобилсозлик, фармацевтика ва микробиология, қишлоқ хўжалиги маҳсулотларини сифатли ва чуқур қайта ишлаш, қурилиш материаллари ишлаб чиқариш каби иқтисодиётимиз тараққиётининг локомотиви ҳисобланган, юксак технологияларга асосланган ишлаб чиқариш тармоқлари жадал суръатлар билан ривожланмоқда.

* * *

Биз шуни доимо ёдда тутишимиз керакки, ҳаёт ҳеч қачон бир жойда тўхтаб турмайди ва эришган натижалари билан кифояланмасдан, дунёда кечаётган туб ўзгаришлар жараёнидаги ўз ўрнига ҳаққоний ва танқидий баҳо берадиган, даврнинг тобора ортиб бо-

раётган талаблари ва жаҳон бозорида кучайиб бораётган рақобат курашига мос ҳолда қадам ташлайдиган давлатгина биринчи навбатда муваффақият қозона олади.

* * *

Мана шу ўтган қарийб 24 йиллик даврда, мустақил яшаётган йилларимизда бизнинг тарихий қадамларимиз, танлаган йўлимииз ҳар томонлама тан олиниб, Ўзбекистоннинг халқаро майдондаги ўрни мустаҳкамланмоқда. Иқтисодиёт нуқтаи назаридан қараганда, айниқса кейинги 10 йилга яқин вақт мобайнида, дунёда турли-турли инқирозлар давом этаётган бир пайтда, Ўзбекистон ялпи ички маҳсулотининг ўсиш суръати 8 фоиздан паст бўлаётгани йўқ. Агарки бошқа рақамларни олиб келмасдан, айни шу рақамни айтадиган бўлсак ҳам, кўп нарса аён бўлади.

* * *

Собиқ Иттифоқ ҳудудидаги бошқа мамлакатлардан фарқли равища, Ўзбекистонда даромадлар даражаси бўйича ахолининг кескин табақаланиш ҳолати мавжуд эмаслигини алоҳида таъкидлаш лозим.

Жаҳон тажрибасида жамиятда ижтимоий табақаланиш ва хавфсизлик даражасини баҳолашнинг асосий мезони сифатида Жини индексидан кенг фойдаланилади. Мисол учун, Ўзбекистонда мустақиллик йилларида Жини индекси кўрсаткичи 0,40 дан 0,296 га пасайди. Бу натижа, Бирлашган Миллатлар Ташкилоти тавсияларига биноан 0,35–0,37 миқдорида белгиланган халқаро стандартлар нуқтаи назаридан қараганда,

аҳолимизнинг ижтимоий фаровонлиги муттасил ўсиб бораётганидан далолат беради.

* * *

Биз давлатнинг бош ислоҳотчилик ролини мустаҳкамлаш йўлидан борамиз. Ўзбекистонда даромадлар даражаси бўйича аҳолининг кескин табақаланишинг йўқлиги ҳам ана шу сиёsatнинг натижасидир. Одамларнинг ҳаёт даражаси ўртасида ана шундай мувозанатнинг бўлиши – халқнинг ўз ҳаётидан рози бўлиб яшashi, мамлакат барқарорлигининг муҳим омили ҳисобланади.

Халқ қачон норози бўлади, жамиятда қачон тўполонлар пайдо бўлади? Агар ўта бойлар қўпайиб, уларнинг бойлиги ортаверса ва камбағалларнинг ҳаёти борган сари ночорлашиб кетса. Бу борада Ўзбекистондаги вазият мўътадил эканини одамлар кўриб-билиб турибди. Жамиятда адолат бузилса, бойлар ўртacha яшаётган одамларни ёки камбағалларни ўзига тенг кўрмаса, бундай давлатнинг умри узоқ бўлмайди. Кескин норозилик одамларни кўчага чиқиб, ўз талабини ҳокимият идоралари олдига қўйишга мажбур қиласди. Нега деганда, бугун одамларнинг онги ўзгаряпти, энди ҳеч ким кул бўлиб, қарам бўлиб яшашга рози бўлмайди.

Шу маънода, юртимизда ўрта синф бўлмиш мулкдорлар синфини шакллантириш эл-юртимиз барқарорлиги ва тараққиётининг муҳим шарти ва кафолати, десак, айни ҳақиқатни айтган бўламиз. Кичик бизнес ва хусусий тадбиркорлик соҳаси вакиллари, ўқитувчи ва шифокорлар, илм-фан намояндалари,

зиёлилар ўрта синфга мансуб табақа ҳисобланади. Дунёнинг энг курдатли давлати бўлмиш АҚШда ҳам ўрта синф давлатнинг асосий суюнчи ва таянчидир. Япония, Жанубий Корея ва бошқа давлатларда ҳам таҳминан 60–70 фоиз аҳоли ўрта синфга мансуб. Жамиятда ўрта синф катта ўрин тутадиган бўлса, одамлар ҳаётдан рози бўлиб яшайди, уларнинг ўртасида ўзаро ҳамжиҳатлик, меҳр-оқибат муҳити ҳукм суради. Агар жамиятдаги синфлар орасида тафовут катта бўлиб, улар бир-биридан норози бўлса, зиддият ва тўқнашув юз беради. Бу масаланинг ана шундай нозик томонларини ҳамиша эътиборимиз марказида тутишимиз лозим.

* * *

Одамларнинг даромадлари ортиши билан оиласарнинг моддий аҳволи ҳам сифат жиҳатдан ўзгариб бормоқда. Мустақиллик йилларида аҳолининг телевизорлар билан, айниқса, мутлақо янги авлод телевизорлари – плазма экранли рангли телевизорлар билан таъминланиши 1,6 баробар, енгил автомобиллар билан таъминланиши 3,5 марта ошгани ҳам оиласаримизнинг фаровонлиги юксалиб бораётганинг яққол тасдиғидир.

Кисқа вақт ичида ҳаётимизга, деярли ҳар бир оиласага энг замонавий мобиъл телефонларнинг бир неча янги авлоди, ноутбуклар, тюнерлар, DVD приставкалари, сунъий йўлдош орқали фаолият кўрсатадиган ва кабелли телевидение, духовкали электр печлар, музлаткич камералар, сув иситиш бойлерлари ва бошқа мутлақо янги, юқори технологиялар асосида ишлаб чиқарилган маҳсулотлар кириб келди. Бугун биз бу

нарсаларга унчалик эътибор ҳам бермаймиз ва уларни одатдаги буюмлар сифатида қабул қиласиз. Ҳолбуки, йигирма йил аввал бундай ашёлар ҳақида ҳеч нарса билмасдик, ҳозирги кунда эса уларсиз ҳаётимизни тасаввур ҳам килолмаймиз. Энг муҳими, ушбу маҳсулотларнинг аксариятини мамлакатимиз корхоналарида ўзимиз ишлаб чиқаряпмиз.

* * *

Ўзбекистоннинг бешта устувор йўналиш – таомойилдан иборат бўлган, дунёда тараққиётнинг «ўзбек модели» деб тан олинган ривожланиш йўли ҳар томонлама тўғри йўл эканини ўтган 24 йиллик истиқлол тарихимиз исботлади. Биз катта йўлга чиқиб олдик ва унинг амалий натижаларидан барчамиз ҳар куни баҳраманд бўлмоқдамиз. Шунинг учун ишончим комил: юртимизда ҳеч ким эски даврга қайтишни хоҳламайди. Биз халқимизни қийнайдиган, турли ижтимоий қатламларни ҳаётнинг табиий тўлқинига ташлаб, бозор ўзини ўзи бошқаради, деган, «шок терапияси» каби бемаъни усуллардан воз кечдик. Мана, кўриб турибсиз, биз танлаган йўл кескин ижтимоий портлашларсиз, аҳоли ўртасида табақаланишларсиз халқимизга фаровон ва обод турмуш олиб келмоқда. Кечагина бизга ақл ўргатаётганлар энди биздан ўрганмоқда.

Биз эришган ютукларимизни янада мустаҳкамлаш учун эртанги кунимиз, ёруғ келажагимиз, ўз олдимизга мақсад қилиб кўйган юксак мэрраларга етиш йўлида чукур ўйланган тараққиёт стратегиямизнинг устувор йўналишларини амалга ошироғимиз зарур.

* * *

Биз собиқ СССР барбод бўлиб, тарқалиб кетганида эски тузумдан, унинг қолдиқларидан бутунлай возкечиб, ўта оғир ва машаққатли синовлардан ўтиб, аввало, ўз куч-кудратимизга, «ўзбек модели» деб ном олган, бугунги кунда бутун дунё тан олган стратегия ва узоқни кўзлаган дастуримизга суюниб, ўзимизга хос ва ўзимизга мос йўлни танлаб олганимиз, чиндан ҳам, ўзини тўлиқ оқлаган тарихий йўл бўлди, десак, бу ҳақиқатни, ўйлайманки, кимдир инкор этиши қийин.

* * *

Биз ўзимизга хос, ўзимизга мос бўлган, «ўзбек модели» деган ном билан дунёда эътироф этилган ривожланиш йўлимизни танлаб олганимиз, ҳақиқатан ҳам, тарихий бир қадам бўлди, десам, ҳеч қандай хато бўлмайди.

Биз танлаб олган, машҳур беш принципга асосланган тадрижий, эволюцион тараққиёт модели нақадар ҳаққоний ва самарали эканини биз барпо этаётган янги демократик тизим мисолида, иқтисодиётимиз 5 баробардан зиёд ошиб, аҳолимизнинг даромадлари қарийб 9 марта ўсгани, қишлоқ ва шаҳарларимиз қиёфаси мутлақо ўзгариб, гуллаб-яшнаб бораётганида, халқимизнинг эртанги кунимизга ишончи тобора ошиб бораётганида қўриш, кузатиш қийин эмас.

* * *

Сурғил кони негизида Жанубий Кореяning етакчи компаниялари иштирокида қиймати 4 миллиард

200 миллион долларга тенг бўлган замонавий Устюрт газ-кимё мажмуасини барпо этиш лойиҳаси 2012 йилда жаҳонда чет эллик шериклар билан ҳамкорликда нефть-газ соҳасида амалга оширилаётган энг яхши лойиҳа деб тан олинди.

Ушбу корхонада йилига 4 миллиард 500 миллион куб метр табиий газ қайта ишланиб, 3 миллиард 700 миллион куб метр газ олиниши, 390 минг тонна полиэтилен, 80 минг тоннадан зиёд полипропилен, 100 минг тоннадан ортиқ пиролиз бензини ва бошқа қимматбаҳо маҳсулотлар ишлаб чиқарилишини назарда тутадиган бўлсак, унинг эл-юртимиз ҳаётида қандай катта аҳамиятга эга экани яққол аён бўлади.

Бундан 25 йил олдин Ўзбекистонда ана шундай ўта замонавий саноат корхонаси қурилади, деса, ўзингиз айтинг, ким ишонарди? Бу корхона олдимиизда янги-янги уфқларни очиб беришига шак-шубҳа йўқ.

* * *

Қорақалпоқ диёрида келгуси беш йилда фақат саноат соҳасининг ўзида яна 500 га яқин йирик лойиҳани амалга ошириш режалаштирилмоқда. Бунинг натижасида ўн мингга яқин одамни иш билан таъминлаш имкони пайдо бўлади.

Энергетика саноати ҳақида гапирадиган бўлсак, Тахиатош иссиқлик электр станциясида 742 миллион доллар ҳажмидаги иккита буғ-газ қурилмасини ўрнатиш бўйича ишлар бошланганини қайд этиш лозим.

Қорақалпоғистон аграр республикадан мамлакатимизнинг энг замонавий технологияларга эга бўлган,

саноати ривожланган миңтақасига айланяпти, десам, айни ҳақиқат бўлади.

Кейинги йилларда Қоракалпоғистонда енгил саноат тармоғи жадал ривожланиб, янги тўқувчилик кувватларининг ишга туширилиши, мавжуд шундай корхоналарнинг модернизация қилиниши натижасида пахта толасини қайта ишлаш ҳажмини салкам 10 барабар кўпайтиришга эришдик. Энг муҳими, шунинг ҳисобидан беш мингга яқин хотин-қизлар доимий иш билан таъминланди.

* * *

Бугунги кунда дунё бозорига кириб бориш, ўрин эгаллаш ғоят оғир вазифа. Аммо бу қанчалик мураккаб бўлмасин, биз жаҳон бозорида ўзимизга муносиб ўрин эгаллашимиз шарт. Шу борада, авваламбор, юксак технологияларга асосланган қўшма корхоналарни, яъни хорижлик ҳамкорларимиз билан биргаликда янги ишлаб чиқариш корхоналарини ташкил қиляпмиз ва айни шу йўл билан ташки бозорга йўл очилади. Қўшма корхоналарнинг афзал томони шундаки, биз бирор-бир маҳсулотни ишлаб чиқаришни мўлжаллаш билан бирга, уни келгусида қайси бозорда сотишни ҳам аниқлаб оляпмиз. Шу маънода, қўшма корхоналар бизнинг эртанги кунимиз, десак, ҳеч қандай хато бўлмайди.

* * *

Ҳаммамиз яхши тушунамизки, аҳолининг доимий иш ўрни, даромад манбаига эга бўлиши ҳар қандай жамиятда тинчлик ва барқарорлик, фаровонликнинг асосий шарти ва гарови ҳисобланади.

Шуларнинг барчасини эътиборга олган ҳолда, ишга тушириладиган янги корхоналар, кичик бизнес ва хусусий тадбиркорлик, фермерлик ҳаракатини кенг ривожлантириш ҳисобидан замонавий иш ўринларини кўпайтириш вазифаси доимо кун тартибида туриши, бу борада мутасадди раҳбар ва ходимларнинг ташаббус ва изланувчанлигини, масъулиятини оширишимиз шарт.

* * *

Бир вақтлар, Орол денгизининг инқирози оқибатида Қорақалпоғистонда ҳамма нарса қуриб кетяпти, одамлар ўз юртидан кўчиб кетяпти, деган гаплар жуда кўпайиб, бу ерда яшаётган аҳолининг кайфиятини анча тушириб юборган, кўпчиликнинг қўли ишдан совиган эди. Шу боис мен бу ердаги оғир вазият, Орол денгизи ҳалокатининг салбий таъсири, экологик ҳолатнинг ёмонлашганини баён қилиб, Бирлашган Миллатлар Ташкилоти Бош котибига мурожаат мактубини жўнатган эдим. Ушбу ҳужжат БМТнинг Бош Ассамблеясида кенг муҳокама қилиниб, бу борада маҳсус қарор қабул қилинди. Мазкур ҳалқаро ҳужжатга биноан Орол муаммоси, Қорақалпоғистон муаммоси – умумбашарий муаммо, бутун инсониятнинг муаммоси сифатида тан олинди. Ана шу саъй-ҳаракатлар туфайли ҳозирги кунда бу ерга йўналтирилаётган катта-кatta маблағлар, инвестициялар минтақада яшаётган аҳолининг турмуш шароитини яхшилашга, одамларнинг руҳини кўтаришга хизмат қилмоқда, десам, хато бўлмайди.

* * *

Замон билан доимо ҳамнафас бўлиб, янгиликка интилиб яшайдиган Андижон аҳли барча соҳа ва тармоқларда ибратли натижаларга эришмоқда. Саноат соҳасини модернизация қилиш ҳисобидан вилоятда маҳсулот ишлаб чиқариш ҳажми кейинги етти йилда ўртача уч марта ошгани ҳам шундан далолат беради.

Бу ерда фаолият кўрсатаётган «Женерал моторс – Ўзбекистон», «Андижон кабель», «Ўз авто аустем», «Кўрғон текс» каби йирик корхоналар нафақат вилоят, керак бўлса, мамлакатимиз иқтисодиётининг ҳам таянч устунлари ҳисобланади.

Айниқса, «Женерал моторс – Ўзбекистон» автомобиль заводи Ўзбекистон саноатининг наинки локомотивларидан бири, айни вактда фахри, десак, ҳеч қандай муболага бўлмайди. Ана шу улкан мажмуа мамлакатимиз учун мутлақо янги тармоқ бўлмиш автомобилсозлик саноатининг тамал тошини қўйган йирик замонавий корхона сифатида тарихга кирганини барчамиз яхши биламиз.

Кўпчилик шу залда ўтирганлар эсласа керак. 1992 йили мазкур заводни қуриш ҳаракатини бошлаганимизда, мен Худо хоҳласа, уч йилдан кейин шу корхонада ўзимизнинг автомобилларимиз чиқа бошлайди, деб айтган эдим.

Яширишнинг ҳожати йўқ, ўшанда айрим бизни кўролмайдиган, менсимай қарайдиган кучлар, айниқса, узоқ-яқиндаги муҳолифларимиз бунга ишонмаган, бизга шубҳа билан қараган эди. Бу гапларнинг нақадар асоссиз экани, мустақиллик қўл-оёғи, онгу тафаккуридаги кишанлардан халос этган ўзбек халқи нималар-

га, қандай буюк ишларга қодир эканини, аввало, мана шу мажмуанинг меҳнат жамоаси, Андижоннинг азми қатъий, ғурури баланд одамлари исботлаб берди.

Бугунги кунга қадар бу корхонада 2 миллион 400 минг автомобиль ишлаб чиқарилди. Йилига 250 минг енгил машина тайёрланмоқда. Ҳозирги вақтда юртимизда ҳар икки оиласдан биттаси енгил автомобилга эга экан, буларнинг асосий қисми ўзимизда ишлаб чиқарилган машиналар экани, айниқса, эътиборлидир. Бу ерда ўзимизнинг коллежларимиз, олий ўкув юртларимизни битириб, чет элда малака оширган ёшларимиз илм-фаннынг сўнгти ютукларига асосланган, мураккаб техника ва технологияларни моҳирона бошқармокда.

Улар энг замонавий русумдаги, нафақат ички бозоримизда, балки халқаро бозорда ҳам талаб катта бўлган 8 турдаги енгил машиналарни ишлаб чиқараётгани, ўзингиз айтинг, «Биз ҳеч кимдан кам эмасмиз ва ҳеч қачон кам бўлмаймиз!» деган шиоримизнинг амалдаги яққол ифодаси эмасми?

* * *

Андижон вилоятида бугунги кунда 21 мингга яқин кичик бизнес субъекти фаолият кўрсатмокда. Уларнинг ялпи ҳудудий маҳсулотдаги улуши 59 фоиздан зиёд бўлиб, меҳнат билан банд аҳолининг 84 фоизи, яъни 1 миллион 45 мингдан ортиқ киши айни шу соҳада ишлаб даромад топмоқда.

Бундай ижобий натижаларни эътироф этган ҳолда, хусусий мулк ва хусусий тадбиркорлар фаолиятини қўллаб-қувватлаш, уларга ҳар томонлама ёрдам ва

кўмак бериш ўрнига уларга қандайдир ғаразли кўз билан қараш, уларнинг йўлига турли-туман тўсик ва ғовлар қўйиш каби муаммолар борлигини ҳам афсус билан айтишга тўғри келади.

Албатта, биз бундай нохуш ҳолатларнинг олдини олиш учун қонунларимизга тузатиш ва ўзгартиришлар киритиш, вазифада ўтирган шахсларнинг масъулияти ва жавобгарлигини ошириш бўйича тегишли ишларни олиб бормокдамиз.

Бу ҳақда гапирганда, Соҳибқирон Амир Темур бо-бомиз айтганидек, «Ишбилармон, мардлик ва шижаот соҳиби, азми қатъий, тадбиркор ва ҳушёр бир киши минг-минглаб тадбирсиз, лоқайд кишилардан афзал» эканини, кичик бизнес ва хусусий тадбиркорлик мамлакат иқтисодиётининг нафақат мустаҳкам таянчи, балки келажаги эканини ҳеч қачон унутмаслигимиз зарур.

* * *

Ҳаммамиз яхши тушунамизки, соғлиқни сақлаш соҳасидаги кенг кўламли ишларимизнинг амалий на-тижасини кўрсатадиган катта-катта рақамларни ҳар бир туман, шаҳар ва қишлоқ бўйича кўп-кўп келтириш мумкин. Айни вақтда ҳар бир рақам ортида қанча-қанча юртдошларимизнинг саломатлиги, уларнинг ҳаёти тургани, айнан шундай ишларимиздан минглаб одамлар шифо топиб, оиласи бағрига, жамоасига қайтаётганини ўзимизга тасаввур қиласидиган бўлсак, эл-юртимизни, аҳолимизни рози қилишга қаратилган бу ишларнинг аҳамиятини баҳолаш ўзи қийин.

Шу сабабли биз учун бебаҳо бойлик бўлмиш инсон саломатлигини мустаҳкамлаш йўлидаги ишлари-

мизни ҳеч қачон сусайтирмасдан, янада қатъият билан давом эттирамиз.

* * *

Биз эришган ютуқларимизни мустаҳкамлаб, замон билан ҳамқадам бўлиб яшаш учун янги марралар сари интилишимиз, тараққиёт йўлидан қатъият билан боришимиз зарур.

Агар биз шу йўлдан бормасак, тез суръатлар билан ўзгараётган тараққиётнинг бир чеккасида қолиб кетишимиш ҳам ҳеч гап эмас. Лекин, айтинглар, бу бизга ярашадими? Йўқ, албатта. Юртимиз, халқимиз, мана шу қадимий Бухоро ахли ҳеч қачон, ҳеч кимдан кам бўлмаган ва кам бўлмайди, десам, ўйлайманки, барчангиз бу фикрни қўллаб-қувватлайсиз.

* * *

Иктиисодиёт таркибини тубдан ўзгартиришдек ўта муҳим масалаларни ҳал этиш, Бухоронинг саховатли заминида мавжуд бўлган табиий бойликлардан самарали фойдаланиш мақсадида мустақиллик йилларида вилоятда йирик Газ узатиш компрессор станцияси, «КНАУФ гипс – Бухоро» қўшма корхонаси, Ғиждувон темир-бетон ва Газли нефть қазиб чиқариш корхоналари барпо этилди.

Бу ҳақда гапирганда, Бухоро нефтни қайта ишлаш заводи хусусида алоҳида тўхталиб ўтиш зарур, деб биламан. Ушбу саноат комплексида 3 минг 600 нафардан зиёд юқори малакали ишчи ва муҳандислар томонидан йилига 2 миллион 500 минга нефть қайта иш-

ланиб, катта ҳажмдаги ёқилғи-мойлаш маҳсулотлари тайёрланмоқда.

Агарки биз совет даврида республикамиз эҳтиёжини таъминлаш учун ҳар йили 6–7 миллион тонна нефть ва нефть маҳсулотларини четдан келтириш ва бунинг учун катта миқдордаги валюта маблағларини сарфлашга мажбур бўлганимизни ўзимизга тасаввур қиласиган бўлсак, мана шу йирик саноат комплексини ўз вақтида, узоқни кўзлаб бунёд этганимиз мамлакатимизнинг ёқилғи-энергетика мустақиллигини таъминлашда қандай беқиёс аҳамиятга эга бўлганини англаш қийин эмас.

* * *

Давлатимиз томонидан кичик бизнес ва хусусий тадбиркорлик ривожи учун яратиб берилаётган имкониятлардан самарали фойдаланишда Бухоро вилояти ҳам ижобий натижаларга эришмоқда. Бунинг тасдигини вилоятда ушбу соҳанинг ялпи ҳудудий маҳсулотдаги улуши қарийб 66 фоизга етгани, иш билан банд бўлган ахолининг салкам 78 фоизи айни шу соҳада меҳнат қилаётгани мисолида яққол кўриш мумкин.

Бундай ютуқларни эътироф этган ҳолда, айтиш керакки, ҳозирги вақтда вилоятда ушбу тармоқ, кўп жойларда бўлганидек, асосан савдо-сотиқ, хизмат ва алоқа соҳасида, қишлоқ хўжалиги маҳсулотларини қайта ишлаш бўйича ривож топмоқда.

Айни вақтда биз саноат соҳасида, юқори технологияларни талаб этадиган замонавий ишлаб чиқариш тармоқларини ташкил этишда, фармакология ва фарма-

цевтика, ахборот-коммуникация тизими, биотехнология, мукобил энергетика, туризм каби қўплаб соҳаларда кичик бизнес ва хусусий тадбиркорликни ривожлантиришга янада кенг йўл очиб беришимиз керак.

Бунинг учун Бухоро вилоятида барча шароит ва имкониятлар – хомашё ҳам, ресурслар ҳам, инсоний ва интеллектуал салоҳият ҳам етарлидир.

* * *

Очиғини айтганда, бизда, Ўзбекистонда конкуренция, яъни рақобат деган нарса борми, ўзи? Бўлса ҳам, айрим соҳаларда бор. Бугун биз кичик бизнес ва хусусий тадбиркорликни ниманинг ҳисобидан ривожлантиряпмиз, ҳимояляяпмиз? Аввало, божхона ставкалари ҳисобидан. Умуман, Ўзбекистонда бизнес эгалари бемалол ишлаши мумкин. Нега деганда, улар ишлаб чиқарадиган маҳсулотлар билан рақобатлашадиган товарларни четдан олиб келишга, яъни, teng рақобат шароитини яратишга биз ҳанузгача ўтганимиз йўқ. Шундай шароитни яратиб берсак, Хитойдан, Туркиядан, бошқа мамлакатлардан келтирилган моллар билан бозорларимиз шундай тўлиб кетадики, ўзимизда ишлаб чиқарилаётган маҳсулотлар, тўғриси, рақобатлаша олмай қолади. Шахсан мен бизда рақобат – конкуренция бўлишини хоҳлайман. Шунда бозорларимизда энг харидоргир, энг сифатли маҳсулотлар янада қўпаяди. Лекин, бундай рақобат учун биз ўзимизда сифатли маҳсулотлар ишлаб чиқариш имконини берадиган мустаҳкам техник, технологик пойдевор яратишимиш керак. Ҳозирги кунда биз айнан шунга интиляпмиз. Ўзбекча

айтганда, иқтисодиётимизнинг бели озгина бақувват бўлиб олсин, ундан кейин ҳар қандай рақобатга бардош берадиган бўлади.

* * *

Агар иқтисодиётимизда давлат монополияси кучли бўлган эски даврдаги асоратлар ҳали-ҳамон тўла барҳам топмаганини инобатга оладиган бўлсак, хусусийлаштириш масаласи мамлакатимиз, жумладан, Бухоро вилояти учун ҳам қандай муҳим амалий аҳамиятга эга экани маълум бўлади. Масалан, кейинги беш йилда зарар кўриб ва самарасиз ишлаётган 73 та давлат корхонаси хусусий ёки корпоратив мулк шаклига ўтказилди. Бозор иқтисодиёти механизмларини оқилона қўллаш натижасида бу корхоналарнинг рентабеллиги, яъни самара билан ишлаши таъминланди.

Бошқача айтганда, ҳаётнинг ўзи бу энг тўғри йўл эканини кўрсатмокда. Шунинг учун ҳам келгуси беш йилда яна 72 та шундай корхонани биржа савдолари орқали «ноль» қийматида инвесторларга сотиб, хусусий ёки акциядорлик жамиятлари шаклига ўтказиш мўлжалланмокда.

* * *

Биз Ўзбекистонда инвестиция сиёсатини олиб боришда баъзиларга ўхшаб осон йўлни қидирмадик. Яъни, четдан қарз олишда етти ўлчаб, бир кесдик, ички бозорни турли-туман моллар билан тўлдиришга зўр бериб, олинган кредитларни, валюта маблағларини айрим давлатларга ўхшаб қисқа муддатда еб битирганимиз йўқ.

Биз, аксинча, энг оғир, энг қийин, лекин келажаги бор йўлни танладик. Инвестицияларни, авваламбор, иқтисодиётимизни тубдан ўзгартиришга, юқори технологияларга асосланган янги замонавий саноат корхоналарини барпо этишга йўналтиридик. Ва бугун ана шундай узоқни қўзлаган ишларимиз қандай юксак самара бераётганини ҳаммамиз кўриб турибмиз.

* * *

Бухоро вилояти мисолида оладиган бўлсак, бу ерда кейинги етти йилнинг ўзида 9 миллиард 500 миллион доллар хажмида инвестиция киритилди. Бу рақамларни кимдир билади, кимдир билмайди. Келгуси беш йилда 7 миллиард 800 миллион доллардан ортиқ инвестиция жалб этиш ҳисобидан бир қанча йирик лойиҳаларни амалга ошириш режалаштирилмоқда.

Бугун ҳаёт чиндан ҳам жуда тез ўзгаряпти. Бир фараз қилинг, илгари Бухоро вилояти учун миллион доллар ажратилади, деса, бу рақамларнинг ўзи одамни ҳайратга соларди. Ҳозирги кунда эса, Бухоро вилоятига, айтайлик, келгуси беш йилда қарийб 5 миллион доллар ажратиш ва уни шу ерда янги корхоналар куриш, уларни модернизация қилиш учун сарфлаш ҳақидаги гап бизга оддий ҳол бўлиб туюлади. Сизларга қарасам, мана, сизлар ҳам бу гапдан ҳайратда қолмаяпсиз. Гўё буларнинг ҳаммаси ўз-ўзидан бўлаётгандек. Балки бундай кайфият сизларнинг қадр қимматингиз, ўз кучингизга бўлган ишончингиз ортиб бораётганидан далолат берар, лекин, барibir, мана шундай имкониятларнинг қадрига этиш, кечаги ҳаётни бугунги ҳаёт билан солиштириш керак.

Бухоро вилоятида амалга ошириладиган йирик инвестиция лойиҳалари ҳакида гапирадиган бўлсак, қуидаги мисолларга эътибор беришингизни сўрардим.

Шу йилнинг ўзида Қандим ва Шимолий Шоди конларида йилига 2 миллиард 200 миллион куб метр ҳажмида газ қазиб олиш бўйича амалий ишлар бошланади. Айни вактда биз бу ерда янги замонавий комплекс, яъни Қандим газни қайта ишлаш мажмуасини бунёд этишга киришганимизни сизларга маълум қилмоқчиман.

Шулар қаторида 2018 йилда Қумли конида компрессор станцияси қуриш, Учқир конида газдан пропан-бутан олиш, газни тозалаш асосида олтингугурт ишлаб чиқариш бўйича муҳим лойиҳалар якунига етказилади. 2019–2021 йилларда эса катта ҳаждаги инвестициялар ҳисобидан Бухоро нефтни қайта ишлаш заводи тубдан реконструкция ва модернизация қилинади.

* * *

Бухоро вилоятида ўтган 2014 йилда 74 мингдан зиёд иш ўрни яратилгани, энг муҳими, кейинги йилларда биз жуда жиддий аҳамият бераётган коллеж битирувчиларидан 23 минг 600 нафарини замонавий иш ўринлари билан таъминлаганимиз алоҳида эътиборга лойиқ. Нафақат иқтисодий, авваламбор, сиёсий аҳамиятга эга бўлган бу вазифа, яъни одамларнинг, айниқса, ёшларнинг тақдирини, келажагини ҳал қиладиган, уларни турли номаъқул, хатарли йўллардан асрайдиган бу масалага эътиборни янада кучайтириш,

шу ишга мутасадди бўлган раҳбар ва хизматчиларнинг масъулиятини ошириш, бир сўз билан айтганда, бу масала доимий кун тартибида туриши зарур.

Айни шу муаммонинг тўғри ечимини топиш, ҳар қайси одамнинг куч-имконияти ва қобилиятига яраша иш топиб бериш, шу орқали уларни даромад билан таъминлаш ҳисобидан халқимиз, аввало, қишлоқда яшайдиган аҳолини ҳаётдан рози қилиш, эртанги кунга ишончини мустаҳкамлаш мумкин.

* * *

Барчамиз, авваламбор, катта-кичик раҳбарлар бир нарсани ҳеч қачон эсимиздан чиқармаслигимиз лозим. Ҳар қайси оиласидаги фаровонлик, юртдошларимизнинг ҳаётга бўлган муносабати, пировард натижада бутун жамиятимизнинг барқарорлиги, аввало, одамларимизнинг қандай иш билан таъминлангани, ўз меҳнатига яраша муносиб маош олишига боғлиқдир.

* * *

Азиз дўстлар, ўзингиз яхши тушунасиз, инсон ҳаёти, унинг соғлиғи бебаҳо бойлиқдир. Бир одамни, биргина гўдакни оғир касалликдан асраб, ҳаётини сақлаб қолишининг ўзи шу соҳага сарфланган барча-барча маблағларни тўла оқладиган, аҳамиятини ҳеч нарса билан ўлчаб, баҳолаб бўлмайдиган энг улуғ, энг савобли ишдир.

Биз нафақат марказда, балки вилоят ва туманларимизда ҳам соғлиқни саклаш тизимини мустаҳкамлаш, турли касалликларнинг олдини олиш, оналар ва болалар саломатлигини яхшилаш, инсон умрини узайти-

ришга қаратилған бундай эзгу ишларни давом эттириш учун бундан буён ҳам барча куч ва имкониятларимизни сафарбар этамиз.

* * *

Бугунги кунда демократик, эволюцион тараққиёт йўлидан ривожланиш энг мақбул ва самарали йўл эканини ҳаётнинг ўзи исботламоқда. Ўзбекистон ҳам ана шу йўлдан бормоқда. Бозор иқтисодиётига ўтиш ҳам мана шу демократиянинг муҳим бир шарти бўлиб, демократиянинг иқтисодиётдаги ифодаси – бу бозор иқтисодиёти. Бозор иқтисодиёти – бу эркин бозор демакдир. Яъни, бозор иқтисодиёти шароитида хамма нарсани талаб ва таклиф белгилайди. Бу – бозорнинг асосий тамойили ҳисобланади.

Иқтисодиётда қачон инқироз содир бўлади? Қачонки, таклиф ошиб кетса-ю, эҳтиёж камайса. Ҳозирги глобал инқирознинг илдизи ана шу масала билан боғлиқ. Бундай пайтда баъзи давлатлар қўшимча пул чиқаришга уринади. Бунинг натижасида пулнинг қиймати, қадри пасайиб кетади. У оддий қофозга айланиб қолади.

Биз бу соҳада дунёда, ён-атрофимизда бўлаётган ўзгаришларни, албатта, билишимиз зарур. Ўзбекистоннинг машҳур беш тамойилга асосланган тараққиёт йўлини изчил давом эттиришимиз керак... Биз ички иқтисодий сиёсатимизда ҳам, ташқи иқтисодий алоқаларимизда ҳам иқтисодиётнинг сиёсатдан устунлиги, унинг мағкурадан холилигини таъминлаш принципига бундан буён ҳам амал қиласиз.

* * *

Иқтисодиётни таркибий ўзгартириш ва модернизация жараёнларини чуқурлаштириш юксак технологиялар, инновацияларни талаб қилишини биз ўзимизга яхши тасаввур қиласиз. Жаҳон тажрибаси, юксак даражада тараққий этган мамлакатлар тажрибаси бу ҳақиқатни қайта-қайта исботламоқда. Мисол учун, АҚШ, Хитой, Япония каби давлатлар техник ва технологик янгиликларни ишлаб чиқаришга жорий этиш, янги патентлар бериш бўйича дунёда етакчи ҳисобланади.

Ана шу биргина мисолнинг ўзи ҳам қайси соҳада бўлмасин, ҳамиша янгиликка интилган давлатлар тараққиётнинг энг чўққисида бўлишини тасдиқлади. Бугун биз кимлар, қайси мамлакатлар билан ҳамкорликда қўшма корхоналар ташкил этишга интилмоқдамиз? Биз айнан янгиликка интиладиган, энг ривожланган давлатлар билан бирга ишлашга ҳаракат қиляпмиз.

Бугун шундай замон келдики, фақат битта тармоқ ҳисобидан халқни боқиш, иқтисодиётни ривожлантириш амримаҳол. Фақат бир соҳа ёки тармоққа ишонган давлатнинг келажаги шубҳа остида қолади. Агар, бир вақтлардаги каби, биз – агар мамлакатмиз, деб, фақат пахта, фалла ёки сабзавот этиширишга зўр бериб, яшайдиган бўлсак, бу – калтабинлик бўлади. Бугунги кунда дунё бозоридаги вазият, конъюнктура шундай тез ўзгаряптики, бирон нарсани олдиндан кўриш, айтиш ўзи мураккаб бўлиб боряпти. Мисол учун, кеча пахта толасининг 1 тоннаси 2 минг 100 доллар баҳоланган бўлса, бугун уни 1 минг 200 доллардан сотиш ҳам мушкул бўлиб қолди. Эътибор беринг,

икки йилда пахтанинг нархи 900 долларга тушиб кетди. Агар фақат пахтага ишониб юрадиган бўлсак, бу зарарни ниманинг ҳисобидан қоплаймиз? Бу масала-нинг қандай ечими бор ва уни ким ечади?

Шу маънода, иқтисодиётда бирёқлама сиёsat олиб бориш, дейлик, фақат қишлоқ хўжалигига боғланиб қолиш – хавфли ҳолат.

* * *

Биз бундан икки йил олдин вилоятнинг саноат салоҳиятини ошириш мақсадида «Жиззах» махсус индустриал зонасини ташкил этганимиз нафақат Жиззах вилояти, балки бутун мамлакатимиз иқтисодиётидаги улкан қадам бўлди. Ушбу саноат ҳудудида қисқа муддатда зарур ишлаб чиқариш тармоқлари ва инфратузилмалари барпо этилди. Яқин вақт ичida бу ерда замонавий майший буюмлар, тикув машиналари, қуёш энергияси ускуналари, энергия тежайдиган лампалар, мобиЛЬ телефонлар, телекоммуникация тармоқлари учун бутловчи қисмлар ишлаб чиқариш йўлга кўйилди.

Энг асосийси, бундай лойиҳалар касб-хунар коллежлари ва олий ўқув юртларини битирган 750 нафардан ортиқ ёшларни иш билан таъминлаш имконини беради.

Нафақат иқтисодий, керак бўлса, ижтимоий ҳаётимизнинг ўта муҳим белгиси, қўрсаткичига айланниб бораётган ана шундай лойиҳаларни, авваламбор, вилоят ёшларининг билим ва малакаси, истеъоди ва маҳорати, куч-ғайратига таяниб амалга ошираётганимиз ўғил-қизларимизнинг бугун биз орзу қилган

ҳал қилувчи куч бўлиб майдонга чиқаётганининг яққол тасдиғидир, десак, айни ҳақиқатни айтган бўламиз.

* * *

Жаҳон тажрибаси, мустақиллик йилларидағи ўз тажрибамиз қўрсатмоқдаки, айнан хусусий мулк инсонда изланиш, интилиш ва ташабbus уйғотади, эркин ва бадавлат яшаш, шу тариқа мамлакат ривожига ҳисса қўшиш учун замин туғдиради.

* * *

Айтиш керакки, инвестиция масаласи – бу жуда нозик масала. Бу борада оддий, айни пайтда ечими мураккаб бўлган саволлар устида чуқур ўйлаб иш олиб бориш лозим.

Мустақилликнинг биринчи кунларидан бошлаб бизга маблағ беришга тайёр бўлган мамлакатлар кўп бўлди. Лекин биз бу масалада ҳеч қачон шошилмадик, етти ўлчаб, бир кесдик.

Бу дунё шундайки, бирорта мамлакат бошқа давлатга бекордан-бекорга, беғараз пул, маблағ бермайди. Аввало, ўз манфаатини қўзлайди. Айниқса, бизнес дегани шундай нозик соҳаки, фойда топишига кўзи етмайдиган одам ҳеч қачон бир жойга пул сарфламайди.

Ўзбекистон ер ости ва ер усти бойликларининг улкан захираларига эга экани ҳаммага яхши маълум. Бунга қўз тикиб, харидор бўлганларнинг сони ҳам вақтида жуда кўп эди. Лекин Ўзбекистоннинг бу борадаги сиёсати бошқалардан шу жиҳати билан фарқ қилдики, бизга фақат маблағ эмас, бизга замонавий

технологиялар керак, деган принцип асосида сиёсат олиб бордик. Хорижлик ҳамкорларимиз билан шу йўсинда музокаралар қилдик, отанг яхши, онанг яхши, деб уларни кўндириб, энг замонавий корхоналарни юртимизга олиб келдик.

Мана энди, айни шундай оқилона сиёсат олиб борганимиз учун, ҳеч кимдан қарзимиз йўқ.

Биз хорижий компаниялар билан ҳамкорликдаги лойиҳаларни чертиб-чertiб танлаймиз, шундан кейин биргаликда иш олиб борамиз.

* * *

Ҳаммамиз яхши тушунамиз, керак бўлса, ҳар куни матбуот, телевизор орқали кўряпмиз, бугунги кунда ишсизлик масаласи бутун дунёда энг катта муаммога айланиб бормоқда. Ҳатто энг ривожланган давлатлар, хусусан, Европа мамлакатларида ҳам бунинг таъсири, аломатлари яққол кўзга ташланмоқда. Европадаги етакчи мамлакатларда 8–9 фоиз, баъзиларида эса ҳатто 20 фоизгача одам ишсиз экани кузатилмоқда.

Шундан хулоса қилган ҳолда, биз бу борада мунтазам равишда иш олиб боришимиз, одамлар учун барқарор даромад манбаи, муносиб иш ўринларини яратиб бериш масаласи доимий эътиборимиз марказида туриши зарур.

Бугунги кунда шу йўлда холисона хизмат қилиб – бу ўз хусусий корхонасини очиб ёшларни ишга олаётган тадбиркорлар бўладими, уларга касб-хунар ўргатаётган ишбилармонлар бўладими, бу ишларга бош-кош бўлаётган мутасадди ва ходимлар бўладими – бундай эзгу вазифага муносиб ҳисса қўшаётган бар-

ча инсонларнинг ҳар бирига раҳмат айтишга ва уларга керакли ёрдамни беришга биз бундан буён ҳам тайёрмиз.

* * *

Коллежларни битирган болаларни ишга жойлаштириш мажбуриятини, мана, бугун давлатимиз ўз зиммасига оляпти. Ҳозирги кунда биз вилоят ва туман ҳокимларининг фаолиятига ана шу масалани ўз худудида қандай ҳал қилаётганидан келиб чиқиб баҳо беряпмиз. Ёшларимизнинг барчасини тенг кўриш, уларнинг бой ва камбағалнинг боласига ажралиб қолишига йўл қўймаслик, ўқишни битиргач, ҳар бирини ишга жойлаштириш давлат ва жамиятнинг, отоналар ва ҳаммамизнинг бурчимиз.

* * *

Маълумки, Намангандан замини қадимдан тўқимчилик, пойабзал тикиш, темирчилик, ганчкорлик, дуродгорлик, ўймакорлик билан шуғулланадиган моҳир хунармандлари, устахона ва дўконлари билан бутун минтақамизда машҳур бўлган. Ишбилармонлик, тадбиркорликнинг бундай ноёб анъана ва сирлари Намангандан аҳлининг қон-қонида бўлиб, авлоддан-авлодга ўтиб келаётганини ҳурмат билан таъкидлаш ўринлидир.

* * *

Намангандан вилоятида илгари давлат корхонаси ва обьекти ҳисобланган, кейинги йилларда хусусий ёки корпоратив мулк шаклига ўtkazилган 70 та корхонада рентабеллик ошган. Нега деганда, хусусий корхонадан

на эгаларида моддий манфаатдорлик туйғуси, ўз мулки, ўз меҳнатининг пировард натижаси учун куюниш ҳисси кучли бўлиши ҳаммага маълум. Шунинг учун ҳам яқин беш йилда яна 190 та корхонада давлат улушини камайтириб, уларни хусусий тадбиркорлик субъектларига бериш мўлжалланаётган экан, бу ҳаракатни фақат қўллаб-қувватлаш керак.

* * *

Бугунги кунда ҳар қандай халқ ва давлатнинг ҳаёт ва тараққиёт даражасини кўрсатадиган муҳим омиллардан бири – бу иқтисодиётнинг қон томири бўлган замонавий транспорт-коммуникация тармоқлари экани ҳеч кимга сир эмас.

Бу борада биз учун тарихий аҳамиятга эга бўлган «Ангрен – Поп» йўналиши бўйича янги темир йўл тармоғининг фойдаланишга топширилиши йилига 20 миллион тоннадан ортиқ юк ташиш ва транзит ҳисобидан 140 миллион доллар маблағни тежаш имконини беради.

Албатта, бу йўлнинг стратегик, иқтисодий ва ижтимоий аҳамияти ҳақида яна қўп гапириш мумкин. Лекин энг муҳими, бу йўл Фарғона водийси, жумладан, Наманганд вилоятидаги минг-минглаб юртдошларимизнинг узофини яқин, оғирини енгил қилишга хизмат қиласди.

* * *

Бепоён Қизилкум бағридаги қазилма бойликларни – бу олтин, кумуш, уран, темир ёки табиий газ бўладими, нефть ёки минерал тузлар бўладими – бу-

ларнинг барчасини санайдиган бўлсак, рўйхатнинг охири кўринмайди.

Бугунги кунда мамлакатимизда ишлаб чиқарилаётган рангли металларнинг асосий қисми, цементнинг 45 фоизи, минерал ўғитларнинг 30 фоизи, электр энергиясининг 16 фоизи айнан Навоий вилояти хиссасига тўғри келади.

Иқтисодиётимизнинг локомотиви бўлган Навоий кон-металлургия комбинатининг иқтисодий салоҳиятини сақлаб қолиш, уни эл-юртимиз манфаатлари йўлида ишлатиш учун мустақилликнинг дастлабки йилларида – ўта оғир ва мураккаб даврда сизлар билан бирга қандай катта ишларни амалга оширганимизни, ўйлайманки, кўпчилик яхши билади. Шулар қаторида Навоий азот заводи, цемент корхонаси, Зарафшон ва Учқудуқдаги олтин, уран ва бошқа йирик корхоналар ҳақида ҳам узоқ гапириш мумкин.

Навоий вилоятининг улкан иқтисодий ва транзит имкониятларидан янада самарали фойдаланиш мақсадида хорижлик ҳамкорларимиз билан биргаликда, «Навоий» эркин индустрисал-иктисодий зонаси ва халқаро транспорт логистика марказини ташкил этганимиз, иқтисодиётимизни модернизация ва диверсификация қилишда тўғри ва самарали йўл бўлганини бугунги кунда ҳаётнинг ўзи тасдиқлаб бермоқда.

* * *

Бир пайтлар Ўзбекистонда саноатнинг ялпи ички маҳсулотдаги улуши ҳаммаси бўлиб 14 фоизни ташкил қиласарди. Бугунги кунда ушбу кўрсаткич 25 фоиз-

ни ташкил қилмокда. Яъни, тарихан қисқа даврда биз саноатнинг жадал суръатлар билан барқарор ўсишига эришмоқдамиз.

Ана шу фикрларнинг амалий тасдиғини Самарқанд вилояти мисолида кўрадиган бўлсак, кейинги йилларда бу ерда жаҳондаги нуфузли фирма ва компаниялар билан ҳамкорликда ички бозорда ҳам, ташқи бозорда ҳам рақобатдош маҳсулотлар ишлаб чиқарадиган 100 дан зиёд замонавий корхона ташкил этилганини таъкидлаш лозим.

Айниқса, Германиянинг «МАН авто» компанияси билан ҳамкорликда Жомбой туманида қурилган йирик заводда тайёрланаётган машиналар кўпчиликка яхши маълум. Йилига 4 минг 600 га яқин юк автомобили ва 1 минг 350 дан ортиқ прицеп ишлаб чиқаришга ихтинослашган бу кўшма корхонада бугунги қунда 600 нафарга яқин ёшлар меҳнат қилмокда. Ўзимизнинг болаларимиз мана шундай мураккаб технологияга асосланган корхонани моҳирлик билан бошқариб, юксак сифатли замонавий маҳсулот ишлаб чиқараётгани, шахсан мени жуда қувонтиради.

Самарқанд шаҳридаги яна бир йирик автомобиль заводи – «Самавто» корхонасида кейинги уч йилда модернизация ишлари олиб борилиб, маҳсулот ишлаб чиқариш ҳажми 2008 йилга нисбатан 1,5 баробар оширилди. Ҳозирги қунда 1000 дан зиёд киши меҳнат қилаётган бу заводда беш хил русумдаги автобуслар, 8 турдаги юк автомобиллари, 35 хил кузовлар ишлаб чиқарилмокда.

Вилоятда ана шу ишларни изчил давом эттиришга қаратилган ўнлаб лойиҳаларни амалга оши-

риш белгиланмоқда ва табиийки, буларнинг барчаси Самарқанднинг иқтисодий салоҳиятини оширишга, аҳоли турмушини фаровон қилишга хизмат қиласиди.

* * *

Азал-азалдан ҳунармандлик, тадбиркорлик ва уддабуронлик фазилатлари билан ном қозонган, ишнинг негизини биладиган Самарқанд аҳли кичик бизнес ва хусусий тадбиркорлик ривожида эътиборга лойик натижаларга эришмоқда. Бугунги кунда вилоятда 13 мингга яқин кичик бизнес субъекти фаолият кўрсатмоқда. Уларнинг ялпи худудий маҳсулотдаги улуши 77 фоизни ташкил этмоқда. Мехнат билан банд аҳолининг 84 фоизи, яъни 1 миллион 170 мингдан зиёд киши айни шу соҳада меҳнат қилаётганини алоҳида таъкидлаш лозим.

* * *

Инвестиция, четдан қарз олиш борасида бир мақолни олиб келсак, ўринли бўлади: «Бирор жойга киришдан олдин чиқишини ўйлаш керак». Яъни, қарз олишдан олдин қайтаришни ўйлаш зарур.

* * *

Биз Марказий Осиёда биринчи бўлиб Тошкент – Самарқанд йўналишида юқори тезликда ҳаракатланадиган «Тальго» поезди қатновини йўлга қўйдик. Мана шу улкан лойиҳанинг ўзи одамларга қулайлик яратиш, уларнинг вақтини тежаш, узоғини яқин қилиш билан бирга халқимизнинг ҳаёт даражаси қанчалик ошганининг ёрқин намунаси бўлди, десам, ўйлайманки, сизлар ҳам бу фикрга қўшиласиз.

* * *

Сирдарё вилояти саноатидаги йирик корхоналар ҳақида гапирганда, аввало, мамлакатимизда ишлаб чиқарилаётган электр қувватининг қарийб учдан бир қисмини етказиб берәётган Сирдарё иссиқлик электр станциясини тилга олиш ўринлидир. Кейинги йилларда ана шу йирик мажмууда 60 миллион доллар инвестиция ҳисобидан иккита энергия блоки модернизация қилингани унинг ишлаб чиқариш қувватини оширишга катта ҳисса бўлиб қўшилди.

Вилоятда саноат тармоқларини диверсификация ва модернизация қилиш, ишлаб чиқаришга юқори технологияларни жорий этиш ва импорт ўрнини босадиган, экспортбоп маҳсулотлар ишлаб чиқариш ҳажми тобора ортиб бормоқда. Айниқса, Сирдарёда «Жиззах» маҳсус индустрисал зонасининг худудий филиали ташкил этилгани, вилоят иқтисодиётини таркибий жиҳатдан ўзгартиришга янги құдратли туртки берди, десак, муболага бўлмайди.

* * *

Мана, аҳолимиз сони тобора ўсиб боряпти, мингминглаб фарзандларимиз ҳаётга кириб келяпти, уларнинг талаб ва эҳтиёжлари ҳам тобора ортиб бормоқда. Лекин еrimиз, сув ресурсларимиз кўпаяётгани йўқ. Шуларнинг барчасини эътиборга олган ҳолда, янги-янги саноат корхоналари, кичик бизнес ва хусусий тадбиркорлик, фермерлик ҳаракатини кенг ривожлантириш ҳисобидан замонавий иш ўринларини кўпайтириш вазифаси доимо кун тартибида туриши, бу борада мутасадди раҳбар ва ходимларнинг ташаб-

бус ва изланувчанлигини, масъулиятини оширишимиз шарт.

* * *

Кичик бизнес ва хусусий тадбиркорлик субъектлари юртимиздаги тинчлик ва барқарорликнинг мустаҳкам таянчи бўлган ўрта синф сифатида майдонга чиқаётгани, ҳеч шубҳасиз, бизнинг энг катта ютуғимиздир. Лекин шу билан бирга, сир эмаски, баъзан тадбиркорлик фаолиятига ноқонуний аралашиш, уларнинг йўлига турли сунъий тўсиқлар қўйиш билан боғлиқ ҳолатлар, афсуски, ҳали-бери учраб турибди.

Бундай ҳолатларни таг-туби билан йўқотиш, ишбилармонлик ва тадбиркорлик учун янада кенг йўл очиб бериш, давлатимиз томонидан яратиб берилган имконият ва имтиёзларни амалда жорий этиш учун, авваламбор, вазифада ўтирган мансабдорлар, хуқуктартибот ва назорат идораларининг масъулиятини ошириш зарур. Чунки, бу нафақат иқтисодий, керак бўлса, сиёсий масаладир.

* * *

Сурхондарёда амалга ошириладиган йирик лойиҳалар ҳақида гапирганда, халқаро стандартларга жавоб берадиган 336 километрлик автомобиль йўлларини барпо этиш, халқаро аҳамиятга эга бўлган «Қарши – Термиз» автомобиль йўлини реконструкция қилиш белгиланганини айтиш лозим.

2017 йилда яна бир йирик лойиҳа – «Қарши – Термиз» темир йўл тармоғини электрлаштириш ниҳоясига

етказилади ва бунинг натижасида юк ташиш харажатлари ўртача 20 фоизга камайиб, йўловчи ва юк ташиш тезлиги 1,5 баробар ошади.

* * *

Мамлакатимизнинг бошқа минтақалари каби Тошкент вилоятида ҳам мавжуд катта иқтисодий салоҳият, ер ости ва ер усти бойликларидан эл-юртимиз, аввало, шу ерда яшаётган инсонлар манфаати йўлида янада самарали фойдаланиш, ана шу вазифаларни ҳал қилиш учун барча имкониятдан фойдаланиб, замоннинг ўзи талаб қиласиган энг замонавий корхоналарни қуриш, ривож топган давлатларга ўхшаб, аввало, саноат соҳасини тараққий топтириш – бугунги кунда энг долзарб вазифа бўлиб қолмоқда.

Бу ерда ёқилги-энергетика комплекси, кимё ва нефть-кимё, қурилиш индустрияси, қишлоқ хўжалик маҳсулотларини қайта ишлаш бўйича иқтисодиётимизнинг локомотиви бўлган йирик ишлаб чиқариш корхоналарини барпо этишга эътибор берилмоқда.

Бу ҳақда гапирганда, биринчи навбатда, Олмалиқ кон-металлургия комбинати, Бекобод шахридаги Ўзбекистон металлургия комбинати реконструкция қилинганини, 40 дан зиёд турдаги минерал ўғитлар ва бошқа турдаги кимё маҳсулотларини ишлаб чиқаришга мослашган «Максам-Чирчик» корхонаси нафақат мамлакатимизда, балки бутун минтақамизда ўз маҳсулотлари билан маълум ва машҳур эканини айтиш лозим.

Америка Кўшма Штатларининг дунёда кўзга кўринган «Женерал моторс» компанияси билан ҳамкорликда барпо этилган, Мустақил Давлатлар Ҳамдўстлиги ҳудудида ноёб бўлган, автомобиль двигателлари ишлаб чиқарадиган замонавий завод тараққиётимиз йўлида, авваламбор, минглаб ёшлирамиз олдида янги уфқ ва имкониятларни очиб бергани билан ҳурматга сазовордир.

Мамлакатимизда барпо этилган ва барпо этилаётган мана шундай замонавий корхоналарда Ўзбекистоннинг келажаги яратилмоқда. Мана шундай корхоналар, мана шундай ёшлар бизнинг келажакка катта ишонч билан қарашимиз учун мустаҳкам замин туғдирмокда, десам, ҳеч қандай муболага бўлмайди.

Ҳақиқатан ҳам шундай. «Женерал моторс» билан ҳамкорликда қурган заводимизда бўлганда, одам ҳайратда қолади. Институтни битирган ёш йигитлар компьютерлаштирилган автоматик линияларда ишляпти. Бу иш сизларни ҳар томонлама қизиқтирадими, деб сўрасангиз, улар, ҳеч иккиланмасдан, бундай иш қизиқтирмаса, яна қандай иш қизиқтириши мумкин, деб жавоб беради. Биз ёш авлод тарбиясида нималарга эришганимизни шу мисолнинг ўзи яққол кўрсатиб турибди.

* * *

Тошкент вилоятида «Ангрен» маҳсус индустрисал зonasини ташкил этганимиз нафақат воҳа ривожида, балки бутун шарқий минтақаларимиз тараққиётида ҳам муҳим роль ўйнамоқда. Бугунги кунда ушбу

максус индустриал зонада хорижий ҳамкорларимиз билан биргаликда кўпгина йирик лойиҳалар амалга оширилмоқда.

Мен бу ҳақда узоқ гапирмасдан, фақат уларнинг биттаси ҳақида айтиб ўтмоқчиман. Бу енгил автомобиллар ва қишлоқ хўжалиги техникалари учун шиналар ва конвейер лента ишлаб чиқаришга қаратилган, қиймати қарийб 184 миллион долларга тенг бўлган йирик лойиҳа бўлиб, ҳозирги кунда уни амалга ошириш бўйича кенг кўламли ишлар олиб бораётганимиз, айниқса, катта аҳамиятга эга.

* * *

Айнан хусусий мулк инсонда изланиш, интилиш ва ташаббус уйғотади, эркин ва бадавлат яшаш, шу тариқа мамлакат ривожига ҳисса қўшиш учун замин туғдиради. Ҳаётнинг ўзи бу борадаги ишларни янада изчил давом эттиришни талаб этмоқда. Шу маънода, келгуси икки йилда Тошкент вилоятида 254 та корхонада давлат улуши камайтирилиб, хусусий тадбиркорлик субъектларига берилиши қандай катта аҳамиятга эга эканини, албатта, барчамиз яхши тушунамиз.

* * *

Тошкент воҳасининг саховатли заминида топилмайдиган табиий бойликнинг ўзи йўқ, десак, муболаға бўлмайди. Вилоятда ривожланган ишлаб чиқариш, транспорт-коммуникация ва ижтимоий инфратузилмалар мавжуд. Энг муҳими, бу ердаги юксак интеллектуал салоҳият, ҳаёт синовларида тобланган, ишнинг негизини биладиган, меҳнаткаш инсонлар билан

ҳар қандай мураккаб ва улкан лойиҳаларни амалга ошириш мумкин.

Бугунги кунда мамлакатимиз ялпи ички маҳсулотининг қарийб 10 фоизи, ишлаб чиқарилаётган электр энергиянинг 45 фоизи, пўлат ва металл прокатнинг 100 фоизи, рангли металларнинг асосий қисми айнан Тошкент вилоятининг ҳиссасига тўғри келаётгани ҳам бу ерда йирик инвестиция лойиҳаларини амалга ошириш учун қандай қулай муҳит яратилганини тасдиқлайди.

Ўтган даврда вилоят бўйича биргина енгил саноат соҳасида энг замонавий технологиялар билан жиҳозланган 19 та янги кувват ишга туширилгани, 162 тадан зиёд янги корхона ташкил этилиб, 66 та корхона эса модернизация қилингани, энг асосийси, 16 мингта янги иш ўрни яратилгани «Инвестиция – бу тараққиёт гарови» деган ҳақиқатнинг амалий ифодаси, десак, хато бўлмайди.

* * *

Тадбиркорларга яратиб берилаётган имтиёз ва кенг имкониятлар натижасида Тошкент шахри аҳолисига кўрсатилаётган хизмат турлари кенгаймоқда. Айниқса, мобиъ алоқа, юқори тезликда ишлайдиган интернет, кабелли телеалоқа, электрон шаклдаги банк хизматлари каби юқори технологияларга асосланган замонавий хизмат турлари тобора оммалашиб бормоқда.

Нафақат Тошкент шаҳрида, балки бутун Ўзбекистонимизда кичик бизнес ва хусусий тадбиркорликни дунёning ривожланган мамлакатлари, биринчи навбатда, АҚШ, Германия, Буюк Британия, Хитой,

Жанубий Корея каби давлатлар тажрибасидан келиб чиққан ҳолда янада ривожлантириш масаласи бизнинг доимий эътиборимиз марказида бўлади.

* * *

Дунё бозори бугунги кунда тўлиқ бўлиб олинган. Бу бозорнинг эгалари кимлар эканини яхши биласиз. Улар ўз бозорига бегонани киритмайди, киритса ҳам, огир шартларни қўяди. Дунё бозорига чиқишининг энг маъқул йўли чет эллардаги энг йирик ва нуфузли фирма ва компаниялар билан яқиндан ҳамкорлик қилиб, қўшма корхоналар тузиш ҳисобланади. Бизнес оламида энг катта муаммо нимада, деб сўрасангиз, маҳсулот ишлаб чиқариш эмас, балки уни сотиш, сотиш, яна бир бор сотиш, харидор топиш, деб айтган бўлардим. Қўшма корхоналар бизга ташқи бозорга йўл очади ва биз ишлаб чиқарган маҳсулотни сотиша қийналмаймиз.

* * *

Тошкент шахрида сўнгги етти йилда 60 миллиард 500 миллион сўм миқдорида инвестиция жалб қилиниб, 8 та кўптармоқли шифохона ва оиласий поликлиника қурилди, 9 та шифо масканида реконструкция ишлари амалга оширилди.

Пойтахтдаги Кўз микрохирургияси, Урология, Кардиология ва Хирургия каби ихтисослашган тиббий марказлар нафақат шаҳар аҳолиси, балки бутун халқимиз саломатлигини мустаҳкамлашга катта ҳисса қўшмоқда.

Бу марказларда юксак технологиялар асосида ультратовушли, лазер нури билан даволаш, қўкрак

қафасини очмасдан, юрак-қон томирларини даволаш каби мураккаб тиббий операциялар амалга оширила-ётганининг ўзи қанча-қанча юртдошларимизга чет элларга бориб овора бўлмасдан, ўзимизда дардига даво топиш имконини бермоқда.

Шунинг ҳисобидан минглаб одамлар шифо топиб, оиласи бағрига, жамоасига қайтиб келганини ўзимизга тасаввур қиласиган бўлсак, эл-юртимизни, аҳолимизни рози қилиш учун қандай катта савобли ишларни адо этаётганимиз аён бўлади.

Бизнинг мақсадимиз энг ривожланган давлатлардан замонавий асбоб-ускуналарни олиб келиш ва ўзимизда энг мураккаб операцияларни амалга оширишдан иборат экани ҳақида мен илгари ҳам кўп айтганиман. Бундай асбоб-ускуналарни сотиб олиш эмас, ишлатиш мухим. Шифо истаганларни, фарзандларимизни, қарияларимизни Германия ёки Жанубий Кореяга юбормасдан – биласиз бу қанча маблағ ва оворагарчилик дегани – ўзимизда даволаб, оғирини енгил қилишимиз керак. Шунда улар ҳаётдан, биздан рози бўлади, қанча-қанча дуо оламиз. Бу борада ҳам мақсадни, маррани баланд қўйишимиз лозим. Токи Германия ва Жанубий Кореядан шифо истаганлар энди бизга келсин, бизнинг клиникаларимизда ўзларига даво топсин!

Шунинг учун ҳам бу йўлдаги ишларимизни ҳеч қачон сусайтирмасдан, янги босқичда давом эттирамиз.

* * *

Маълумки, «Олтин водий» деб ном олган гўзал минтақанинг юраги бўлган Фарғона вилояти ўзининг

ер ости ва ер усти бойликлари, ривожланган саноат ва коммуникация тармоклари, бой меҳнат ресурслари билан мамлакатимиз тараққиётида алоҳида ўрин тутади. Бутун юртимизда бўлгани каби бу ҳудудда ҳам кейинги йилларда барқарор ўсиш суръатлари таъминланиб, турли соҳаларда салмоқли натижаларга эришилмоқда.

* * *

Бу залда ўтирганларнинг кўпчилиги яхши эслайди, биз янги тарихимизнинг ўта мураккаб бир даврида мамлакатимиз учун муҳим стратегик аҳамиятга эга бўлган Қамчик довонида замонавий автомобиль йўлини бунёд этишга эришдик. Айтиш керакки, бу йўл Фарғона водийси вилоятларини барқарор ижтимоий-иктисодий ривожлантиришда ҳал қилувчи роль ўйнамоқда. Ҳозирги кунда бу йўлдан кунига 20 минг автомобиль қатнамоқда, йилига 103 миллион тонна юк ташилмоқда.

Шу борада яна бир ўта муҳим лойиҳа – 123 километрлик «Ангрен – Поп» электрлаштирилган темир йўл тармоғи қурилиши жадал олиб борилаётганидан барчангиз хабардорсиз. Бу темир йўлнинг 19 километри денгиз сатҳидан 1 минг 465 метр баландликда жойлашган мураккаб тог тизмаларини кесиб ўтадиган тоннелдан иборат. Бу Ўрта Осиёда ва Мустақил Давлатлар Ҳамдўстлигига энг узун замонавий тоннель ҳисобланиб, дунё миқёсида эса 13-ўринда туради.

Ушбу темир йўл Европа билан Осиё қитъаларини ўзаро боғлайдиган трансмиллий транспорт йўлагининг ўта муҳим узвий бўғинига айланади. Шу тариқа

Тошкентдан Фарғона водийси вилоятларига юк ташиш вақти 2 баробар қисқаради, юк ташиш тарифлари, яъни қимматлиги эса салкам тўрт марта камаяди. Яна бир муҳим жиҳати – 1,5 мингдан ортиқ янги иш ўрни яратилади.

* * *

Хоразм вилояти ўзининг иқтисодий салоҳияти, меҳнат ресурслари, интеллектуал ва маънавий имкониятлари билан мамлакатимиз ривожида муҳим ўрин тутишини қайд этиш жоиз.

Вилоятда сўнгги йилларда барқарор ривожланиш суръатлари таъминланиб, ялпи ҳудудий маҳсулотнинг 1,8 баробар, саноат маҳсулотлари ҳажмининг 2,3 марта ўсишига эришилди. Бошқача айтганда, бу борада вилоят мамлакатимизнинг ўсиш суръатлари билан ҳамқадам бўлиб бораётганини таъкидлаш лозим.

* * *

Тадбиркорликни изчил ривожлантириш мақсадида яратилаётган имтиёз ва преференциялар Хоразм вилоятида ҳам ўзининг амалий самараларини бермоқда. Кичик бизнес ва хусусий тадбиркорлик соҳасининг ялпи ҳудудий маҳсулотдаги улуши қарийб 74 фоизни ташкил этмоқда. Иш билан банд аҳолининг 79 фоиздан ортиғи ёки 540 мингга яқин киши ушбу соҳада меҳнат қилмоқда.

Агар бу рақамларни мамлакатимиз кўрсаткичлари билан солиштирадиган бўлсак, Хоразмда бу борада эътиборга лойиқ натижаларга эришилгани аён бўлади.

Бунга тўлиқ баҳо берадиган бўлсак, бунинг ортида минг-минглаб одамларнинг розилиги ва миннатдорлиги ётганини ҳисобга олсак, адолатдан бўлади.

* * *

Ўзингиз фараз қилинг, биз ўз вақтида хусусий мулк ривожига устувор масала деб қарамаганимизда, кичик бизнес ва тадбиркорлик соҳаси учун қулай шароитлар яратиб бермаганимизда, шу асосда минг-минглаб корхоналар ташкил қилмаганимизда, меҳнатга яроқли аҳолининг 75 фоизи, авваламбор, ёшларимизни қандай иш билан банд қиласр эдик? Маълумки, катта-катта заводлар барпо этиш ҳисобидан бу муаммони ҳал этиб бўлмайди. Нега деганда, бундай корхоналарнинг фаолияти автоматлаширилган ва кўпроқ техника кучи билан боғлиқ бўлади. Корхона қанчалик йирик бўлмасин, асосий ишни техника бажаради.

Кичик бизнесда эса ҳаракатлантирадиган, унга кучкувват берадиган омил – бу, биринчи навбатда, инсон, унинг ташаббускорлиги. Ташаббус бўлмаган жойда кичик бизнес ўлади.

Агар ташаббус бўлмаса, янги ташкил этилган корхона бозордаги талаб ва таклиф тез ўзгараётган буғуниги кунда бир йил, ошиб борса, бир ярим йил яшайди, кейин тамом, фаолиятини тўхтатишга мажбур бўлади. Нега деганда, унинг маҳсулотларини бозорнинг ўзи қабул қилмай қўяди.

Шунинг учун кичик бизнес ва хусусий тадбиркорликни замон талаблари асосида тараққий эттириш Ўзбекистон учун доимо ҳал қилувчи ўринда бўлиб қолади.

* * *

Бугун бизнинг демократик давлат, фуқаролик жамияти, замонавий иқтисодиёт тизимини барпо этиш, дунёда ўзимизга муносиб ўрин эгаллаш йўлида эришаётган ютуқларимизни ва барқарор натижаларимизни жаҳон жамоатчилиги тан олаётган экан, бунинг боиси нимада, деган табиий савол туғилади.

Бунинг боиси – аввало, эл-юртимизнинг қандай бой тарих ва маданий-маънавий меросга эга эканида, унинг интеллектуал салоҳияти ва илдизлари нақадар чуқур эканида, халқимизнинг ўз олдига қўйган юксак мақсадларга эришиш йўлида қандай буюк ишларга қодир эканидадир.

Бунинг боиси – биз ҳеч қачон ҳеч кимдан кам бўлмаганмиз ва эзгу мақсад-муддаомиз бўлмиш эркин, озод ва обод ҳаёт бунёд этишда ҳам ҳеч кимдан кам бўлмаймиз.

**ҚИШЛОҚ ТАРАҚҚИЙ ТОПСА,
ЮРТИМИЗ ОБОД, ҲАЁТИМИЗ
ЯНАДА ФАРОВОН БҮЛАДИ**

Барчамизнинг илдизимиз, томиримиз авваламбор қишлоқ заминига бориб тақалади. Она Ватан деган улуғ ва муқаддас тушунча одамзод учун гўёки қишлоқ тимсолидан бошланади.

...Халқимизнинг ризқи рўзи, насибаси аввало далаларимизда заҳматкаш дехқонларимиз томонидан етиштириладиган маҳсулотлар, озиқ-овқат ва нозу неъматлар билан ўлчанади. Лўнда қилиб айтганда, ҳар бир онгли инсон қайси жойда, юртимизнинг қайси чеккасида яшамасин, албатта ўзининг, оиласининг ҳаёти қишлоқ замини билан чамбарчас багланганини сезиши, тушуниши табиий, деб ўйлайман.

* * *

Ватанимиз тараққиётида тутган ўрни ва аҳамияти бекиёс бўлган қишлоқ аҳлининг ҳаётини замонавий мезонларга жавоб берадиган даражага кўтариш ва умуман, қишлоқ хўжалиги соҳаси ривожига ривож қўшиш, унинг самарадорлигини ошириш бугунги қунда энг долзарб, ҳаётнинг ўзи талаб қилаётган муҳим бир вазифага айланмоқда.

* * *

Юртимизнинг янада обод, халқимиз ҳаётининг янада фаровон бўлиши ва олдимизда турган юксак вазифаларнинг бажарилиши, ҳеч шубҳасиз, қишлоқларимизнинг тақдири ва келажаги билан боғлиқ.

* * *

Ерни қанча қадрлаб, қанча эъзозласак, у бизга шунча кўп ризқу насиба ва неъмат бераверади.

* * *

Биз ерга қанчалик меҳрли, саховатли бўлсак, ер ҳам бизга шунчалик саховат кўрсатади. Чунки Шарқда азалдан яхшиликка яхшилик билан, саховатга саховат билан жавоб бериш элнинг ҳам, эрнинг ҳам, ернинг ҳам удуми бўлган.

* * *

Мен ўзбек дехқонининг меҳнати – бу ҳақиқий қаҳрамонликдир, деб айтишдан ҳеч қачон чарчамайман.

Ўзбек дехқонига тенг келадиган заҳматкаш ва миришкор инсонларни дунёда топишнинг ўзи қийин.

* * *

Қишлоқ хўжалигини тубдан ўзгартириш – бутун ҳаётимизни ўзгартириш демакдир.

* * *

Олдимизда турган муҳим вазифалардан бири – бу еримиз, тупроғимиз унумдорлигини доимий равища ошириш билан боғлиқ экани барчамизга яхши аён. Бу мақсадга эришиш учун ернинг мелиоратив ҳолатини яхшилашдек ўта долзарб масалаларга эътиборни яна-да кучайтириш талаб этилади. Яъни, ер дехқонни боқади, дехқон эса элни боқади, деган ҳикмат ҳамиша диққатимиз марказида туриши, қишлоқ хўжалиги соҳасидаги фаолиятимиз мезонига айланиши даркор.

* * *

Бугун ҳеч кимга сир эмас, барчамизнинг ризқу рўзимиз, қишлоқ хўжалигимизнинг ривожи еримиз, тупроғимиз унумдорлигига, авваламбор, унинг шўрланишини пасайтиришга боғлик. Агар 6 йил олдин – 2009 йилда мамлакатимиз миқёсида ерларимизнинг мелиоратив ҳолатини яхшилашга қаратилган, жуда катта маблағни талаб қиласдан, бу ишни ғарбий тарзни бўлди. Агар багишларни мебоштадиганда 6 йилдан кийин мелиоратив ҳолатини яхшилашга қаратилган, жуда катта маблағни талаб қиласдан, бу ишни ғарбий тарзни бўлди.

Буни ўзимизга тасаввур қилиш қийин эмас. Яна бир шартни тушуниб олишимиз даркор. Бундай улкан, жуда катта сармоя ва маҳсус техникани ўзига талаб қиласдан, бу ишни ғарбий тарзни бўлди. Агар багишларни мебоштадиганда 6 йилдан кийин мелиоратив ҳолатини яхшилашга қаратилган, жуда катта маблағни талаб қиласдан, бу ишни ғарбий тарзни бўлди.

* * *

Ўзбекистонда 4 миллион 300 минг гектар суғориладиган ер бор. Унинг катта қисми – 80–85 фоизи шўрланган, 60 фоизи кучли даражада шўрланган. Биз триллион-триллион, миллиард-миллиард сўм маблағларни шу муаммони ечишга сарфламаганимизда, айтинглар, ниманинг ҳисобидан ўзимизни боқар эдик? Энг муҳими, биз бу борада ушбу муаммони хўжаликларнинг ўзи ҳал қиласин, деган номаъқул қарашга мутлақо чек қўйишга ҳаракат қилдик. Ҳақиқатан ҳам, катта-катта маблағларни, энг замонавий техникани талаб қиласдан, бу ишни хўжаликлар ўзича ҳал қила оладими? Албатта, йўқ. Шунинг учун ҳам биз бу борада, аввало, эй, барака топкур, бундай

улкан лойиҳаларни фақатгина давлатнинг кучи, қўл-лаб-қувватлаши билан амалга ошириш мумкин, деб, одамларнинг дунёқарашини ўзгартиришга эришдик.

* * *

Қорақалпоғистон Республикасида кейинги йилларда давлат бюджетидан ажратилган 132 миллиард сўм ҳамда 60 миллион долларлик хорижий инвестициялар ҳисобидан 300 минг гектардан зиёд ернинг, яъни республикадаги қарийб 60 фоиз суғориладиган майдонларнинг мелиоратив ҳолати яхшиланди. Бунинг натижасида ўртача ҳосилдорликни пахта бўйича икки центнерга, ғалла бўйича уч центнерга оширишга эришилди. Агар бу рақамларни минг-минг гектар миқёсида ҳисоблайдиган бўлсак, ана шу ишларимизнинг салмоғи ва самараси яққол аён бўлади...

* * *

Мамлакатимиз бўйича келгуси беш йилда ерларнинг мелиоратив ҳолатини яхшилашга 1 триллион 860 миллиард сўм, ирригация тармоқларини модернизация қилиш учун 3 триллион 144 миллиард сўм ва 584 миллион долларлик хорижий инвестицияларни йўналтириш режалаштирилгани бу масала доимо эътиборимиз марказида бўлиб қолишини кўрсатади.

Бухоро дехқонлари қандай оғир ва мураккаб иқлим шароитида меҳнат қилишини барчамиз яхши биламиз. Экин майдонларининг аксарият қисми кучли шўрлангани, ёзнинг жазирама иссиғи, гармсел ва кум бўронлари – бундай синовларга ҳамма ҳам чидолмайди. Бухоронинг миришкор дехқонлари ана шундай

қийинчиликларни өнгиб, мўл ҳосил етишириб, бозорларимиз, эл-юртимиз дастурхонини тўлдириб келаётгани – ҳакикий меҳнат жасоратининг намунаси-дир.

Керак бўлса, бундай инсонлар бизнинг ҳаёти-мизнинг айни таянч устунлари, десак, ҳеч қандай хато бўлмайди.

* * *

Бу залда ўтирган ҳурматли оқсоқолларимиз яхши билади, бир вақтлар мелиорация ва ирригация масалалари ҳакида ҳар қадамда гапирадик. Ўзбекистонда алоҳида мелиорация вазирлиги ҳам бор эди. Бу идорада ишлайдиган мутасадди раҳбарлар оғзини кўпиртириб мақтанишдан нарига ўтмасди. Демоқчиманки, муаммонинг, масаланинг туб илдизига етиб бориш ва уни ҳал қилиш ўрнига ишга юзаки қарашиб, ҳисоботбозлик устунлик қиласди. Лекин бу соҳадаги ишларни аслида қандай ташкил қилиш, уларнинг Ўзбекистон учун, қишлоқда яшайдиган миллионлаб одамлар учун нақадар ҳал қилувчи аҳамиятга эга эканини ҳеч ким очиқ айтмасди. Ҳаммаси хўжакўрсинга эди. Акс ҳолда, ўзингиз айтинг, юртимиздаги шўрланган ерлардан беш-олти миллион тонна пахта берасан, ҳосилдорликни 28–30 центнерга етказасан, деган талабларни қандай қўйиш мумкин эди?

Москвага бориб, Ўзбекистонда сув масаласини ечмасак, авваламбор, ирригация ва мелиорация соҳаларидаги муаммоларни ҳал килмасак, ҳосилдорликни ошириб бўлмайди, нафақат далаларимизни,

балки ҳаётимизни ҳам шўр босиб кетди, қулоғимизгача тузга ботиб қолганмиз, деган масалани ўргата қўядиган бўлсак, «Сизларга шунча пулни ким топиб беради?» деган гапни эшитардик.

Ўзимизнинг баъзи раҳбарлар нима қиласди? Ирригация ва мелиорация ишларини колхоз ва совхозларнинг елкасига ташлаб қўярди. Ўзингиз айтинг, коллектор ва дренаж тармоқларини, айниқса, горизонталь ва вертикал дренажларни эътиборга оладиган бўлсак, бу ишларни ташкил қилишга хўжаликларнинг кучи ва имконияти етармиди?

Шу боис биз бугун бу масалада тамоман бошқача йўл тутяпмиз. 2009 йилда бу масалани кун тартибига қатъий қилиб қўйиб, амалий ишларга киришдик, қайси вилоятда қачон ва қандай, қанча ҳажмда иш бажаралишини аниқ белгилаб олдик. Нега деганда, бу борада Хоразм вилояти ёки Қорақалпогистондаги аҳвол билан, дейлик, Фарғона водийси вилоятларининг аҳволини солиштирадиган бўлсак, улар ўртасида ер билан осмонча фарқ бор.

Шу маънода, бизнинг бу соҳада қўйган амалий қадамларимиз бутун мамлакатимиз дехқонлари қатори сиз, Хоразм аҳли учун ҳам янги имкониятлар туғдириб берди, керак бўлса, олдингизда янги, ёруғ уфқларни очиб берди, десам, ҳеч қандай муболага бўлмайди.

* * *

Экин майдонларининг асосий қисми кучли дараждада шўрланган, сизот сувлари кўтарилиб кетган ғоят мураккаб шароитда хоразмлик дехқон ва фермерлар қўлга киритаётган ютуқ ва марралар машаққатли,

айтиш мумкинки, қаҳрамонона меҳнат эвазига эри-шилмоқда.

* * *

Ҳаммамизга аёнки, ер ҳам бамисоли тирик жон, унга ҳам қарашиб, парвариш қилиш керак. Ўзингиз айтинг, биз бу масалага катта эътибор бериб, мана шундай улкан ишларни амалга оширмасак, аҳолимизни боқиши, бозор ва дўконларимиздаги тўкинчиликни, нарх-навонинг барқарорлигини таъминлай олармидик? Бугунги кунда озиқ-овқат маҳсулотларининг нархи кўп мамлакатларда қандай ўсиб бораётганини ҳаммамиз матбуот, телевидение орқали кўриб-билиб турибмиз.

* * *

Кишлоқ хўжалигидаги ислоҳотларни чуқурлаштириш, фермерлик ҳаракатини қўллаб-қувватлаш, моддий ва молиявий базасини мустаҳкамлаш, уларга янада кенг йўл очиб бериш, бу борада янги имтиёз ва имкониятларни туғдириш, қисқача айтганда, қишлоқда пайдо бўлаётган мулкий муносабатларни, янги ўрта синф вакиллари – мулкдорлар, тадбиркор ва ишбилармонларнинг манфаатларини ҳимоялаш бугунги кунда энг катта аҳамиятга эга.

* * *

Фермер – бугунги жамиятнинг нафақат энг фаол, керак бўлса, энг ишончли аъзоси. Фермер – фаровон ҳаёт бунёдкори.

* * *

Фермер – бу аввало универсал қобилиятга эга бўлган инсон эканини кўп-кўп мисолларда кўриш мумкин.

Фермер биринчи навбатда ернинг, дехқончилик-нинг сир-асрорини пухта билиши керак. Табиатан дехқончилик илмидан узоқ бўлган, билими ва таж-рибаси етмайдиган одам ўзини ҳам, бошқаларни ҳам қийнайди.

* * *

Бугунги кунда ҳаёт, замоннинг тез ўзгариши билан фермерлик ҳаракати олдида янги-янги вазифалар пайдо бўлаётганини ҳаммамиз яхши биламиз. Айни шу йўлда фермерлик кенгашлари дехқонларимизга энг яқин кўмакчи ва маслаҳатчи бўлиши лозим. Худудларимизнинг табиий иқлим шароитига мос серҳосил, касалликларга чидамли, тезпишар навларни яратиш, сувдан тежаб фойдаланиш, тупроқ унумдорлигини ошириш бўйича замонавий технологияларни жорий этиш, кўптармоқли фермер хўжаликларини ривожлантириш, янги авлод фермерларини тайёрлаш каби долзарб масалаларга алоҳида эътибор қаратиш – буларнинг барчаси асосий вазифамиз бўлиши керак.

Фермерларнинг янги авлоди тўғрисида гапирганда, менинг фикрим шуки, ҳар қайси вилоятнинг эртанги эгаларини биз бугун тарбиялашимиз керак. Гарчи барча ҳудуд ва минтақаларимиз ўзаро яқин масофада жойлашган бўлса ҳам, улар иқлими, об-ҳавоси, тупроқ ва сув шароити билан бир-биридан фарқ қиласи. Шуларнинг барчасини ҳисобга олиб, ҳар қайси вилоятнинг ўзига хос хусусиятларининг сирларини ҳар томонла-

ма чуқур биладиган, юраги, қалби билан шу заминда меҳнат қилишга бел боғлаган ёшларни – замонавий фермерларни тайёрлайдиган бўлсак, ўйлайманки, ҳеч қачон кам бўлмаймиз. Нега деганда, ўз юрти, ўз ерига кўнгил қўйган одам ҳеч қачон ҳеч қаерга кетмайди, ўзи тугилиб ўсган маконни обод ва фаровон қилишга интилиб яшайди.

* * *

Замонавий агротехнологияларни жорий этиш ва фермерларни юқори унум билан ишлайдиган қишлоқ хўжалиги техникаси билан таъминлаш ҳисобидан қишлоқ хўжалиги ишлаб чиқаришида интенсив усулларга ўтиш ушбу соҳани барқарор ва самарали ривожлантиришда энг муҳим йўналиш ҳисобланади.

* * *

Мен юрагимдан, қалбимдан чиқадиган бир фикрни, шу фурсатдан фойдаланиб, яна бир бор таъкидлаб айтмоқчиман. Табиий ва иқлим шароити, экологик ҳолат оғир бўлган Оролбўйи минтақасида қийинчиликларга мардона бардош бериб, пахта, ғалла, чорвачилик соҳасида юқори натижаларни қўлга киритаётган қорақалпоғистонлик дехқон ва фермерларнинг машақватли меҳнатини ҳақиқий жасорат ва қаҳрамонлик намунаси, деб баҳоласак, ўз ери, ўз юртига садоқат билан яшаб, мўл ҳосил етиштираётганингиз учун сиз, азизларга ҳар қанча таҳсин ва ташаккурлар айтсак, арзийди, албатта.

Қорақалпоқ дехқонининг қандай катта матонат ва жасоратга эга эканини тўла англаш учун ҳеч

бўлмаса бир мавсум Қорақалпогистонда яшаш керак. Ўйлайманки, бир мавсум шу ерда яшаган киши сизларга тан бериб, қорақалпоқ дехқонига ўз қалбida бамисоли ҳайкал қўяди, умр бўйи сизларнинг матонатингизни бошқаларга ибрат қилиб қўрсатади.

* * *

Шу ўринда ҳар томонлама эътиборга лойиқ бир мисолга дикқатингизни қаратмоқчиман. Маълумки, яқин-яқингача фермерларимиз факат дехқончилик ёки чорвачилик билан шуғулланиб келарди. Бугунги кунда эса улар замон талабини чуқур ҳис қилиб, давлатимиз томонидан яратиб берилётган кенг имконият ва имтиёзлардан самарали фойдаланиб, кўптармоқли фермер хўжаликларига айланиб бормоқда.

Бундай ютуқларни эътироф этган ҳолда, фермерлик ҳаракатини замон талаблари асосида янада ривожлантириш, фермерлар кенгашларининг фаолият самарадорлигини ошириш, серхосил, эртапишар, касалликларга чидамли, сувни кам истеъмол қиласидиган экин навларини кўпайтириш, қишлоқ хўжалигида замонавий техника, ресурсларни тежайдиган технологиялардан кенг фойдаланиш, фермерларнинг янги авлодини тайёрлаш каби муҳим вазифаларни самарали ҳал этишимиз лозим.

* * *

Андижон аҳли ўзининг асрлар давомида шаклланган бетакрор дехқончилик анъаналарига, шу заминнинг ўзига хос бўлган қишлоқ хўжалик мактабига

эга. Андижонлик дәҳқонларнинг ерга бутун қалбини, меҳрини бериб, ер билан тиллашиб яшashi ҳаммамизга яхши маълум.

* * *

Навоий вилоятида келгусида кўптармокли фермер хўжаликлари тармоғини кенгайтириш, уларнинг самарадорлигини ошириш, замонавий техникалар, ресурс тежайдиган технологиялардан янада унумли фойдаланиш, янги авлод фермерларини тайёрлаш масалалари олдимизда муҳим вазифа бўлиб турганини таъкидлаб ўтмоқчиман. Нега деганда, қишлоқ хўжалигидаги ўзгариш бутун ҳаётимизни ўзгартиради. Мен илгари ҳам кўп бор айтганман – қишлоқ тарақкий топса, мамлакатимиз тарақкий топади, ҳаётимиз янада обод ва фаровон бўлади.

* * *

Бугунги кунда Сирдарё вилоятида 6 мингдан зиёд фермер хўжалиги фаолият кўрсатмоқда. Улар томонидан ўтган йили 580 минг тонна ғалла, 243 минг тоннадан ортиқ пахта, қарийб 346 минг тонна мева ва сабзавот маҳсулотлари етиштирилди. Сирдарёning мураккаб иқлим ва тупроқ шароитида бундай натижаларга эришиш осон эмаслигини, бунинг учун қандай катта меҳнат талаб қилинишини барчамиз яхши тушумамиз.

Фурсатдан фойдаланиб, вилоятнинг фидойи дәҳқон ва фермерларига, сиз, муҳтарам Сирдарё аҳлига мардона меҳнатингиз учун чин қалбимдан миннатдорлик билдириб, ҳеч қачон кам бўлманг, умрингиздан барака

топинг, азизларим, деб барчангизга баҳт ва омад тилайман.

* * *

Мамлакатимиздаги мавжуд боғ майдонларининг бешдан бир қисми айнан Фарғона вилояти ҳиссасига тўғри келаётгани ва улардан йилига ўртача 370 минг тонна ҳосил олинаётгани ҳам бу саховатли замин дехқонларининг миришкорлик фазилатларидан далолат беради.

* * *

Бизнинг устувор йўналишимиз – қишлоқни шаҳар даражасига кўтаришдан иборат бўлиб, биз бу мақсадга албатта етамиз.

* * *

Қишлоқ ҳаётини обод этишда уларнинг қиёфасини ўзгартириш, бугун қишлоқ жойларда яшаётган одамларнинг турмуш шароитини замон талабларига мослаштириш, керак бўлса, уни шаҳар шароитига яқинлаштириш ғоят муҳим ўрин тутади.

...Алоҳида диққатга сазовор томони шундаки, бу борадаги режаларимизда нафақат шинам ва обод уйлар қуриш, айни пайтда болалар боғчалари, умумтаълим ва мусиқа мактаблари, спорт иншоотлари, тиббиёт муассасалари, майший хизмат объектлари, равон йўллар, бир сўз билан айтганда, қишлоқ аҳлининг ҳар томонлама муносиб ва қулай ҳаёт кечириши учун зарур барча шароитларни ўз ичига ола-

диган замонавий тураржой мавзеларини комплекс барпо этиш аниқ белгилаб берилган.

...Қишлоқларимизни ҳар томонлама ривожлантириш борасидаги ишларимиз ўз кўлами, аҳамияти ва моҳияти билан бугунги кунимиз ва эртанги келажагимизнинг нафакат моддий томонларини, айни пайтда, маданий ва маънавий савиямизни ошириш, муҳтасар айтганда, бутун ҳаётимизни юксалтиришга қаратилган бўлиб, ҳеч шубҳасиз, мамлакатимиз тарихида муносаб ўрин эгаллаши муқаррар.

* * *

Ўзбекистонда амалга оширилаётган Қишлоқ жойларда намунавий лойиҳалар асосида якка тартибдаги уй-жойлар қуриш дастури нафакат мамлакатимизда, балки чет элларда ҳам катта қизиқиш ва эътибор уйғотмоқда.

Агарки ҳозирги вақтда мамлакатимиз аҳолисининг 50 фоизга яқини, яъни 16 миллионга яқин одам қишлоқ жойларда истиқомат қилаётганини, қишлоқларимизда ҳар йили 150 мингдан зиёд янги оила вужудга келаётгани ва улар ўз уйига эга бўлишга эҳтиёж сезаётганини инобатга олсак, бу дастурнинг аҳамияти ва моҳияти яққол аён бўлади.

Шахар шароитидан кам бўлмаган бу шинам ҳовли-жойлар аҳолининг турмуш тарзи янада яхшиланиши, қишлоқларимиз қиёфаси, одамларимизнинг дунёқараши ва маданияти тубдан ўзгаришига олиб келмоқда.

Энг асосийси, янги, гўзал уй-жойлар, зарур инфра-тузилмалар барпо этилиши билан бирга, қишлоқдаги

оилаларга энг замонавий компьютерлар, ахборот-коммуникация технологиялари, замонавий ахборот тизими, интернет кириб бормоқда.

Қишлоқ аҳолиси учун деярли янги бўлган бундай турдаги хизматлар одамлар эҳтиёжини таъминлаш билан бирга, касб-хунар коллежларида таълим олган ва касб эгаллаган минглаб, ўн минглаб йигит-қизларни иш билан таъминлаш имконини бермоқда.

* * *

Мен аминман – мана шундай замонавий уй қурган одамларнинг фарзандлари, набиралари эртага отонасига раҳмат айтади. Энг муҳими, бундай шинам уйларда туғилиб, вояга етган болаларнинг соғлиги ҳам, фикри, дунёқараши ҳам, албатта, бошқача бўлади.

* * *

Бугунги кунда аҳолини намунавий лойиҳалар асосида ҳар томонлама шинам ва қулай уй-жойлар билан таъминлаш, янги тураг-жой массивлари атрофида инфратузилмаларни барпо этиш, кўча ва йўлларни обод қилиш юзасидан олиб бораётган улкан ишларимиз одамларнинг кайфияти ва дунёқарашига қандай кучли таъсир кўрсатаётгани ҳақида ортиқча сўз юритишнинг ҳожати йўқ деб йўлайман.

Мен ўтган йили Андижон вилоятида бўлганимда Олтинқўл туманидаги «Далварзин» массивида ана шундай ҳовлилардан бирига кириб, у ердаги шароитлар билан танишиб, хонадон эгалари билан сухбатлашган эдим. Ишонасизми, ана шу самимий уч-

рашувлар, бу хонадонлардаги баҳтли ҳаёт таассуротлари ҳали-бери хаёлимда худди кечагидек сақланиб турибди.

Агар мана шундай шинам ва замонавий уйлардан қуриб берсангиз, мен ҳам Андижонга келиб яшашга тайёрман.

* * *

Ўтган йилларда Жиззах вилоятида жами 3 миллион квадрат метр уй-жой қурилганини қайд этиш ўринлидир. Айниқса, намунавий лойиҳалар асосида қишлоқ жойларда 2 минг 292 та уй-жой қурилиб, ўз эгаларига топширилгани қанча-қанча хонадонларга замонавий қулайлик билан бирга, қувонч ва шодлик олиб келди.

Бу йўналишдаги ишларимиз юртимиз қиёфасини, одамларимизнинг онгу тафаккурини тубдан ўзгартираётганини ўзимизга тасаввур киласиган бўлсак, бу рақамларни янада кўпайтиришга ҳаракат қилишимиз табиий. Бу ҳақда гапирганда, мен шу нарсадан хурсанд бўламанки, бу замонавий уйлар, аввало, аёлларимизнинг оғирини енгил қилиш, одамларимизнинг ҳаётига мазмун киритишга хизмат қилмоқда.

* * *

Қишлоқларда намунавий лойиҳалар асосида қурилаётган уй-жойларнинг лойиҳаларини ишлаб чиқишида, аввало, ҳалқимизнинг табиати, турмуш тарзи, урф-одатларини эътиборга олдик. Бугунги кунда мамлакатимизнинг қайси худудига борсам, албатта ана шундай уйларда яшаётган одамларнинг

хаёти билан танишишга ҳаракат қиласман. Ҳар сафар биз бу ишни бошлаб жуда түғри қилганимизга так-рор ва такрор иқрор бўламан. Бу уйлардаги тозалик ва озодалик, саришталик, хоналарнинг безатилишини кўриб, хурсанд бўламан. Айниқса, деворлардаги суратлар, бир пайтлар биз фақат телевизорда кўрган замонавий пардалар, буларнинг ҳаммасини кўриб, эй, мана, биз ҳам бор эканмизку, фақат ишлаш эмас, яхши яшаш ҳам кўлимиздан келар экан-ку, деб одам ўз-ўзидан тўлқинланиб кетади.

Илгари бундай шароитни ўзимизга тасаввур қила олармидик? Уйимизга меҳмон келса, қаерга ўтқазишни билмасдан, хижолат тортмасмидик? Бугунги уйларимизда оиланинг барча аъзолари, меҳмонларнинг эҳтиёжлари ҳисобга олинган. Биз буларнинг ҳаммасини, аввало, аёлларимизнинг оғирини енгиллаштиришни ўйлаб қилдик. Улар ҳам бу дунёга келган экан, одамдек яшасин, ўз имконият ва салоҳиятини рӯёбга чиқарсин, вақтида ишлаб, вақтида дам олсин.

* * *

Наманган вилоятида ўтган даврда намунавий лойихалар асосида 3 минг 179 та ана шундай уй-жой ва кўплаб ижтимоий инфратузилма обьектлари барпо этилгани одамларимизнинг ўсиб бораётган ҳаёт дараҷасини ўзига хос кўзгуси бўлмоқда, десак, янглишмаган бўламиз.

**ОБОДЛИК КҮНГИЛДАН
БОШЛАНАДИ**

Озод ва обод юртда яшайдиган, янгича фикрлайдиган одамларнинг уйлари ҳам, уларнинг ҳаёти, турмуши ҳам гўзал ва фаровон бўлиши керак.

* * *

Қорақалпогистон Республикасининг маркази бўлмиш Нукус шахри мустақиллик йилларида мамлакатимизнинг жадал ривожланиб бораётган энг гўзал, замонавий шаҳарларидан бирига айлангани барчамизга катта мамнуният бағишлади.

Фақат ўтган йилнинг ўзида 175 та объектда катта ҳажмдаги қурилиш ва ободонлаштириш ишлари ниҳоясига етказилди. «Дўстлик» каналининг шаҳар марказидан оқиб ўтадиган қисми бетонлаштирилиб, унинг атрофи ободонлаштирилди ва кўркам хиёбон барпо этилди.

* * *

Барчамизга маълум, кейинги йилларда Андижон шаҳрининг қиёфаси бутунлай ўзгариб, мамлакатимизнинг энг гўзал ва обод шаҳарларидан бирига айланмоқда.

Бу ҳақда қисқача тўхталадиган бўлсак, биргина Миллий тикланиш ва Истиқлол кўчаларида 96 та объект барпо этилгани, янги қурилган Ўзбекистон кўчасидаги Бобур номидаги вилоят театри олдида-

ги катта майдон тубдан таъмирланганини ва бошка кўпгина ишларни айтиш лозим.

* * *

Кейинги йилларда «Ободлик қўнгилдан бошланади» деган олижаноб даъват халқимиз қалбидан чуқур жой олганига барчамиз гувоҳмиз. Ана шундай ёндашув асосида вилоятларимиз марказларини, барча шаҳар ва қишлоқларимизни замонавий талаблар асосида тубдан қайта қуриш, аҳолининг яшashi, мазмунли дам олиши учун қулай шароитлар яратиш бўйича Бухорда ҳам катта ишлар олиб борилмоқда. Айниқса, Бухоро шаҳрида барпо этилган муҳташам Санъат саройи ва амфитеатр, Ёшлар маркази, «Кўҳна ва боқий Бухоро» ёдгорлик мажмуаси шаҳар ҳуснига замонавий ва бетакрор чирой бахш этди, десам, ўйлайманки, сизлар ҳам бу фикрга қўшиласиз.

* * *

Сўнгти йилларда барча вилоятларимиз марказлари катори Жиззах шаҳрининг марказий қисмини тубдан қайта қуриш, уни ҳар томонлама обод қилиш, ижтимоий инфратузилма ва коммуникация тармоқларини ривожлантириш борасида тасдиқланган режаларимиз асосида амалга оширган ишларимизга қисқача тўхталадиган бўлсак, 10 минг томошабинга мўлжалланган спорт мажмуаси бунёд этилгани, «Эски шаҳар» ва «Кўк бозор» дехқон бозорларининг реконструкция қилингани, Навоий ва Мустақиллик кўчалари, «Жиззах» маҳсус индустрисиал зонасига олиб

борадиган йўллар тўлиқ таъмирланганини таъкидлаш лозим.

Айникса, шаҳарда 14 та болалар хиёбони барпо этилгани ёзда – жазирاما иссиқ шароитида отоналарнинг ўз фарзандлари билан дам олиши, бўш вақтини мазмунли ўтказиши учун кенг имконият яратиб бермоқда.

* * *

Наманган шаҳрини замонавий талаблар асосида тубдан қайта куриш, аҳоли учун ҳар томонлама қулай шароитлар яратиш бўйича катта бунёдкорлик ишлари олиб борилмоқда.

Сўнгти йилларда вилоятда иккита маданият ва истироҳат боғи барпо этилиб, уларнинг сони 14 тага етказилди. Вилоят мусиқали драма ва комедия театри тўлиқ реконструкция қилинди. Наманган шаҳридаги «Ёшли маркази» қайта таъмирланди.

* * *

Кейинги йилларда қадимий Самарқандимизнинг қиёфаси қандай очилиб, чиройига чирой қўшилиб бораётганини сўз билан ифода этишнинг ўзи қийин. Нафақат ўзимизнинг одамларимиз, балки дунёning турли ўлкаларидан келаётган сайёхлар ҳам буни эътироф этмоқда.

Сўнгти йилларда Регистон майдони, Шохи Зинда мажмуаси каби тарихий обидалар, Самарқанд давлат музей-қўриқхонаси, шаҳарнинг марказий кўча ва хиёбонлари, майдонлар тубдан таъмирланди. Ша-

ҳарда 47 та кўп қаватли уй-жой фойдаланишга топширилди. Рудакий, Панжикент, Даҳбед кўчалари таъмирланиб, айланма йўлнинг қўшимча янги қисми фойдаланишга топширилди. Самарқанд халқаро аэропорти, темир йўл вокзали тубдан реконструкция қилиниб, уларнинг ён-атрофидаги ҳудудлар ободонлаштирилди.

Ана шундай кенг кўламли ишларимиз натижасида қадимдан «Ер юзининг сайқали» бўлиб келган Самарқанд шахри яна қайтадан ана шундай юксак мақомга кўтарилаётгани барчамизга ғуур ва ифтихор бағишлайди. Бу ҳақда гапирганда, Америка Кўшма Штатларидаги нуфузли «Зе Ҳаффингтон пост» нашри Самарқандни жаҳондаги инсон ўз умри давомида албатта бориб кўриши зарур бўлган 50 та шаҳарнинг рўйхатига киритганини алоҳида мамнуният билан таъкидлашни истардим.

* * *

Гулистон шахри ҳам исми жисмига мос бўлиб, тобора чирой очиб бораётганини алоҳида айтиб ўтмоқчиман.

Сўнгти вақтда бу ерда 380 миллиард сўмлик қурилиш ва ободонлаштириш ишлари амалга оширилди. Жумладан, 2 миллиард 200 миллион сўм маблағ ҳисобидан 18 та дренаж қудуқлари реконструкция қилингани, 15 километрлик очиқ ва ёпиқ зовурлар тозалангани бу шаҳар учун ўткир муаммо бўлган сизот сувлари сатхини сезиларли даражада, яъни 30 сантиметрга пасайтириш имконини берди.

Шулар қаторида ҳозирги кунда Ўзбекистон, Мустақиллик, Сайхун каби марказий кўчаларда кўп қаватли уй-жойлар ва фавворалар барпо этиш, савдо ва хизмат кўрсатиш масканларининг меъморий қиёфасини ўзгартириш, умуман, шаҳарни ҳар томонлама обод қилиш бўйича катта ҳажмдаги ишлар олиб борилмоқда. «Ёшлар маркази» биносида реконструкция ишлари амалга оширилмоқда.

Энг муҳими, бундай бунёдкорлик ва ободонлаштириш ишлари бошқа шаҳар ва туманларда ҳам фаол олиб борилмоқда ва келгусида ҳам изчил давом эттирилади.

* * *

Вилоятларимиз марказларини замонавий меъморлик талаблари асосида тубдан кайта қуриш бўйича Қарши шаҳрида ҳам улкан ишлар амалга оширилмоқда.

Биргина 2015 йилда шу максадда 100 миллиард 100 миллион сўмлик капитал маблағ йўналтириш кўзда тутилмоқда. Шаҳарда жорий йилда 32 та кўп қаватли уй-жой фойдаланишга топширилади, 56 километрлик тўрт қатновли ҳалқа йўлнинг 30 километрида қурилиш ишлари якунланади.

Бундан ташқари, шаҳар аэропорти, Баҳт уйи, темир йўл вокзали майдони янгича қиёфа касб этади. Келгуси икки йилда Ўзбекистон, Мустақиллик ва Амир Темур кўчаларида реконструкция ишлари туталланади, ана шу кўчалар бўйлаб зарур инфратузилма ва бошқа муҳандислик тармоқлари барпо этилади. Қашқадарё устидаги қадимий кўприкнинг икки томонига тўғон

курилиб, ушбу худудда болалар истироҳат боғи яратилади.

Бу ҳақда гапирганда, сизлар билан бир фикрни маслаҳатлашиб олмокчиман. Қарши шаҳри мамлакатимиздаги энг кўхна шаҳарлардан бири эканини, унинг тарихий қиёфасини сақлаб қолиш зарурлигини ҳаммамиз тан оламиз. Айни вақтда шаҳар марказини замонавий меъморлик талаблари асосида янгилаш масаласи ҳамон долзарб вазифа бўлиб қолаётганини эътироф этишимиз зарур. Қаршининг энг катта муаммоси – бу канализация масаласи. Биз, шахсан ўзим мана шу масалаларнинг ҳаммасини бир неча марта кўриб чиқиб, энг мақбул ечим топишга ҳаракат қилдик. Жумладан, шаҳар атрофида ҳалқа йўл барпо этиш лойиҳасини ишлаб чиқдик. Бу йўлнинг 10 километрлик тармоғи жорий йилда якунига етказилади. Ҳалқа йўл қуриб битказилгач, юк машиналари Қарши шаҳрига кирмасдан, уни айланиб ўтиб, Сурхондарё ва Бухоро томонга ўтиб кетади.

Бир сўз билан айтганда, Қаршини энг замонавий шаҳарга айлантиришга каратилган ишларни ҳаммамиз биргалашив охирига етказамиш.

* * *

Мамлакатимизнинг жанубий дарвозаси бўлмиш Термиз шаҳрида яқин уч йилда 16 километрлик ҳалқа йўлини барпо этиш, темир йўл вокзалини реконструкция қилиш кўзда тутилмоқда.

Бундан ташқари, жорий йилда 16 та кўп қаватли уйжой фойдаланишга топширилади, шаҳар аэропорти,

Бахт уйи, Термиз давлат университети ва темир йўл вокзали майдонлари замонавий архитектура ечимлари асосида янгича киёфа касб этади.

Термиз шаҳрини нафакат мамлакатимиз, балки минтақамиздаги энг гўзал ва обод шаҳарга айлантириш мақсадида бу ерда маданият ва истироҳат боғлари, мактаблар, мусиқа ва санъат мактаблари, 500 кишига мўлжалланган театр ҳамда маданият маркази куриш ҳам режаларимиздан жой олганини сизларга маълум қилмоқчиман.

* * *

Термиз шаҳри бир пайтлар ҳарбий шаҳарча бўлган. Совет даврида шуни кимдир маъқул топган. Бу шаҳар Сурхондарёнинг маркази. Марказ деганда одам ишдан кейин озгина бўлса ҳам дам оладиган, кайфиятини кўтарадиган, фарзандлари билан ҳордиқ чиқарадиган жой бўлиши керак. Совет даврида фақатгина эртangi кун, эртанги кун дейилар эди. Ёруғ кунни нафакат болаларимиз кўриши керак, балки бугун яшаб турган замондошларимиз, яқинларимиз, ота-онамиз, ҳозирги авлод ҳам бундай ҳаётни кўрсинг, турмушимиз кундан-кунга яхши бўлаётганини кўриб, хурсанд яшасинг.

Биз 24 йил давомида қанча иш қилдик. Эски замондан мутлақо воз кечиб, асосий эътиборни янги ҳаёт куришга қаратдик.

Термиз шаҳрининг тарихи 3000 йилга яқин. Ана шу даврда ота-боболаримиз қандай яшаган? Қандай буюк зотлар бизнинг заминимиздан етишиб чиқкан, деган ифтихор билан яшаш бизга ярашади. Эр-

танги кунимизни ўз қўлими билан қурамиз, деган ёшларни кўрганимда, менда худди қанот пайдо бўлгандек бўлади. Биз қураётган ҳаётни эртага кимнинг қўлига топширамиз? Албатта, ҳеч кимдан кам бўлмайдиган ёшларимизнинг, фарзандларимизнинг қўлига. Ўзбекистонда янги авлод пайдо бўлаётганини дунё тан оляпти. Бундай авлод билан эртага албатта мақсадларимизга етамиз.

Ўтган йили Қашкадарёда катта қурилишларни бошлаган эдик. Бу йил энди Термиз шаҳрини ҳеч кимдан, ҳеч қайси шаҳардан кам бўлмайдиган, ҳақиқатан ҳам Амир Темур орденига муносиб шаҳарга айлантиrsак, нима дейсиз?

Албатта, шаҳарни қуриш учун қанча қурувчиilar, турли лойиҳачилар келади. Лекин барибир шаҳарни қурадиган, шаҳарни шаҳар қиласидиган куч – бу мана шаҳарда умрбод яшайдиган халқ бўлади.

Термиз бу – жанубий чегарамиздаги мустаҳкам қалъа-кўрғон. Бундай марказ шаҳарда албатта одамлар маданий дам оладиган театр бўлиши керак. Шунинг учун мен биринчи галда лойиҳачиларга айтдимки, бу ерда чиройли бир театр бўлсин. У факат Термизнинг эмас, балки бутун Ўзбекистоннинг қиёфасини очадиган маданият масканига айлансин. Термиз чекка шаҳар эмас, Ўзбекистоннинг маданий маркази бўлиши керак.

Шуни ҳам унутмаслик керакки, Термизнинг ёнидан азим Амударё ўтади. Бу ерда ер ости сувларининг сатҳи баланд. Шуни ҳисобга оладиган бўлсан, Термиз шаҳри қайси томонга қараб ўсади? Унинг қайси томонга қараб кенгайиши бизнинг истиқболимизга мос

келади? Буларнинг ҳаммасини хисобга олган ҳолда, янги-янги иншоотларни қуришда айни марказни марказ қиласиган жойларни белгилаб олишимиз зарур. Токи биз қурган иншоотлар халқимизга асрлар давомида хизмат қилсин.

* * *

Кейинги икки йилда Тошкент вилоятида туман марказларини замонавий меъморлик талаблари асосида тубдан қайта қуриш бўйича маҳсус дастур асосида улкан ишлар амалга оширилмоқда.

Вилоят бўйича фақат жорий йилнинг ўзида шу мақсадлар учун 650 миллиард сўм маблағ йўналтириш кўзда тутилмоқда. Айниқса, вилоят ҳудудидаги Чирчик, Ангрен, Бекобод, Олмалиқ шаҳарларида ободонлаштириш ва бунёдкорлик ишларига алоҳида аҳамият қаратилади.

* * *

Тошкент шаҳри аҳолисининг яшаш шароитини янада яхшилаш мақсадида кўп қаватли уйлар учун коммунал хизматлар сифатини яхшилаш, бизнинг табиий ва иқлим шароитимизга мос янги турар-жойлар барпо этишга алоҳида эътибор қаратилмоқда.

Сўнгти йилларда Тошкент шаҳрида амалга оширилган улкан бунёдкорлик ишларини санашнинг ўзи анча вақтни олади.

Бу борада кўп тўхталмасдан, охирги беш йилда бунёд этилган – донғи тобора кенгайиб бораётган Тошкентдаги Халқаро анжуманлар саройи, Алишер

Навоий номидаги Миллий кутубхона ва Симпозиумлар саройини ўз ичига олган Маърифат маркази, «Пойтахт» бизнес маркази, Ёшлар ижод саройи, Тасвирий санъат галереяси, «Бунёдкор» спорт-соғломлаштириш мажмуаси, «Минор» масжиди каби ҳар бири миллий ва замонавий меъморчиликнинг ноёб намунаси бўлган ўнлаб биноларни эслашнинг ўзи кифоя, деб ўйлайман.

* * *

Мен Оллоҳнинг ўзи инсонни баҳт учун яратган, деб кўп гапираман. Яратганимиз инсонга ҳаёт ато этибдиими, қолгани кўп жихатдан инсоннинг ўзига боғлиқ.

Мана, эътибор беринг, биз ҳакиқатан ҳам қандай гўзал бир юртда яшаяпмиз. Бугун мамлакатимизнинг барча шаҳар ва қишлокларида, ҳатто, энг чекка жойларида ҳам катта-катта ўзгаришлар бўляпти. Мисол учун, азим пойтахтимизнинг Эски шаҳар қисмida амалга оширилаётган ишларни кўз олдингизга келтиринг. Энди бу ҳудудни Эски шаҳар деган ном билан аташнинг ўзи ҳакиқатга тўғри келмай қолмокда.

* * *

Биз Эски шаҳарнинг меъморий харитаси, яъни бош режасини туздик. Ана шу харитани тузганда аввало бизнинг иклим шароитимизга мос уйлар, инфратузилма обьектларини яратишга эътибор бердик.

Мана, биз Тошкентнинг ўзида қанча фавворалар курдик, ҳавони тозалайдиган, соя берадиган дараҳтлар экяпмиз, яшил майдонларни кўпайтиряпмиз. Мақсад –

озгина бўлса ҳам табиатни ўзгартириш, офтобнинг тафтини пасайтириш.

Маълумки, офтоб Шарқдан кўтарилиб Ғарбга қараб ўтади. Тошкент табиатини инобатга олиб айтадиган бўлсак, бу ердаги иқлимга у қандай таъсир кўрсатади? Офтоб нури – бу эрталаб ёки кечқурун бўладими – аксарият ҳолларда қўп қаватли биноларга кўпроқ тушади, уларни, айтайлик, чидаб бўлмайдиган даражада куйдириб юборади.

Биз шундай қилдикки, янги бош режа бўйича қуриладиган уйларда офтобнинг кўтарилиши, тик келиши, қишида пастрок юриши, ёзда эса баландрок юриши, пастки қаватларга қандай таъсир қилиши – буларнинг ҳаммасини ҳисобга олган ҳолда, уйларнинг макетини ишлаб чиқдик.

Ёзда, тушунасизлар, 9 қаватли уйларда яшаш азоб. Бу – биринчидан. Иккинчидан, офтоб тепадан ёндириб турса, балкон тандирдек қизиб кетса, ётадиган жойда шабада бўлмаса, бу уйдаги бечоралар қаерга чиқади, қаерда дам олади? Кўчага чиқиб ерда ухлайдими? Оналар чақалогини қандай ухлатади? Буни ким ўйлайди?

Шу нуқтаи назардан қараб, офтобни ҳам ҳисобга олиб – албатта, офтобнинг юришини ўзгартириб бўлмайди – унинг доимий юришини аниклаб, биз Эски шаҳарда қуриладиган уйларни қуёшга нисбатан шундай жойлаштиридикки, токи офтоб бу биноларга камроқ таъсир қилсин.

Яна бир нарса. СССР даврида баъзи уйларни шундай қурганки, қилт этган шабада ўтмайди. Хадрани

оладиган бўлсангиз, ҳаммаси аён бўлади. Эски Жўва бозорини олсангиз, унинг тепасида «смог», яъни ердан кўтариладиган буғлар шундай тўпланиб, қотиб қолади. Июль, август ойларида қарасангиз, Эски шаҳарни шундай курум булути босади.

Уни йўқ қилиш учун нима керак – шабада керак. Шабада кириши учун Эски Жўвада очиқ жой борми ўзи? Ҳамма томон ўралиб қолган бўлса, айтинглар, шабада қаердан киради? Шабада бўлмаса агар яшаб бўладими ўзи Ўзбекистонда?

Эски шаҳарда куриладиган янги уйларда шуларнинг барчасини ҳисобга олишга ҳаракат қиляпмиз. Иморат қурганда, бир йил, икки йил эмас, юз йил олдинни ўйлаш керак. Ҳеч кимнинг кейин армони қолмасин, демоқчиман. Ҳаммаси ўз жойида бўлиши керак. Одамлар билан маслаҳат, маслаҳат яна бир бор маслаҳат қилиб, уй қуриш керак.

* * *

Фарғона воҳасидаги Марғилон, Қўқон ва бошқа шаҳарлар қаторида икки оғиз Фарғона шаҳрининг қиёфасини тубдан ўзгартириш, бу ерда яшаётган одамларимиз учун муносиб шароит яратиш бўйича амалга оширган ишларимиз ҳақида тўхталишни зарур, деб биламан. Вилоят маркази бўлмиш Фарғонанинг қиёфаси қисқа муддатда таниб бўлмас даражада ўзгариб бораётгани сўзсиз барчамизни кувонтиради.

Айниқса, шаҳар марказида барпо этилган минг ўринли муҳташам Санъат саройи санъатсевар Фар-

ғона ахли, авваламбор, ёшларимиз учун ҳақиқий маданият ва маънавият кошонасига айланди.

Шулар қаторида шаҳарда ҳалқаро стандартларга жавоб берадиган 20 минг ўринли замонавий стадион барпо этилди, равон йўллар, мухташам кўприклар, янги майдон ва хиёбонлар, фавворалар, туарар-жойлар, таълим ва тиббиёт масканлари қурилди. Буларнинг барчаси Фаргонани ҳақиқий гўзал Фаргона даражасига кўтарганини бугун мамнуният билан таъкидлаш барчамизга хурсандчилик етказади.

* * *

Сўнгги икки йилда Хоразм вилояти маркази бўлмиш Урганч шаҳрида 846 миллиард сўм ҳажмидаги бунёдкорлик ишлари бажарилиб, янги туарар-жой мавзелари, кенг майдон ва хиёбонлар, магистраль йўллар, хизмат кўрсатиш обьектлари барпо этилди. Биргина 2014 йилнинг ўзида Урганч шаҳрида 25 та кўп қаватли туарар-жой, 100 дан ортиқ икки қаватли уй фойдаланишга топширилди.

Айниқса, шаҳар ичидан ўтадиган Шовот каналида 76 миллиард 400 миллион сўм маблағ ҳисобидан кенг миқёсдаги қурилиш ва ободонлаштириш ишлари амалга оширилганини алоҳида таъкидлаш лозим. Канал қирғоғида 14 километр масофа бўйлаб 90 гектар майдон ободонлаштирилиб, яшил ҳудудлар, хушманзара сайилгоҳлар, хизмат кўрсатиш обьектлари, спорт майдончалари ташкил этилди, қайиқлар қатнови йўлга қўйилди.

Шаҳарнинг бутун киёфасини тубдан ўзгартириб юборган бу гўзал маскан эндиликда Хоразм аҳли ва меҳмонларнинг энг севимли маданият ва истироҳат гўшасига айланди, десак, ҳеч қандай муболаға бўлмайди.

Бундай катта ишлар Хива шаҳрида, барча туманлар марказларида ҳам амалга оширилаётгани айниқса эътиборлидир.

Сиз, азизлар, менинг қадрдонларим қаторида бу ишларда қатнашганим учун ўзимни баҳтиёр, деб ҳис қиласман.

**ЗАМОНАВИЙ РАҲБАР ДОИМО
ОЛДИНГА ИНТИЛИБ
ЯШАШИ КЕРАК**

Эл-юрт ишончига муносиб бўлиб, олдимиизда турган буюк мақсадлар учун, Ўзбекистонимизнинг дунёдаги ривожланган демократик давлатлар қаторига кириши, халқимиз фаровонлигини янада ошириш, мамлакатимизнинг жаҳон ҳамжамиятидаги обрўси ва нуфузини юксалтириш йўлида ўзини бахшида қилиш, вақти келганда, Ватанимизни янада равнақ топтиришда менинг ҳам қўшган ҳиссам бор, деб мамнун бўлиб, рози бўлиб яшаш – бу чинакам бахтдир.

* * *

Раҳбарман, етакчиман деган инсон, аввало, ўз олдига, халқим эртага бироннинг қўлига қараб қолмаслиги учун мен ўзим нима иш қилдим, бугун қандай чоратадбирларни амалга оширмоқдаман, деб савол қўйиши ва шу саволга жавоб топиши керак.

* * *

Янги раҳбарни сайламоқчи бўлсак, аввало, унинг қайси хусусият ва фазилатларига эътибор бериш кераклиги ҳақида мен ўз фикримни билдиromoқчиман.

Биринчидан, ўзини бошқалар билан teng олиб гаплашадиган, бошқаларнинг дарду ташвишларини баҳам кўришга тайёр бўлган инсонни ўз номзоди сифатида қабул қилиш керак. Ўзига бино қўйган,

манманликка берилган, кеккайиб юрадиган одамдан қўрқиши керак. Бундай одам ҳозирнинг ўзида ўзига шунча бино қўйса, эртага кўпчилик унга ишонч билдириб, лавозимга ўтирганидан кейин аввал қўрсатмаган қилиқларини дарров қўрсатади.

Халқимизда «Одамнинг кимлигини билмоқчи бўлсанг, амал бериб кўр» деган доно мақол бор. Амал кўрмаган одам тасодифан мансабга ўтириб қолса, ўз вазифасини тушуниб олиш учун унга, биринчидан, вақт керак, иккинчидан, у лавозимни эгаллаганидан сўнг ўзига ўхшаган одамларни атрофига тўплаб олади, кейин уларни алмаштиришнинг ўзи жуда азоб. Шунинг учун раҳбарни сайлаётган пайтда етти марта ўлчаб, бир марта кесиш керак.

Агар раҳбарларнинг оддий вазифада ишлаётган кишилардан нима фарқи бор, деб сўраса, мен, авваламбор, раҳбар одам бошқалардан кўра узоқни кўриши ва чуқурроқ ўйлаб иш олиб бориши керак, деб айтган бўлардим. Яъни, раҳбар эртанги кунимизни бир қадам эмас, икки қадам узоқроқ кўриши лозим.

Раҳбарга хос бўлган иккинчи фазилат шуки, ўзини ўйламасдан, авваламбор, ўзига ишонган халқнинг дарду ғамини, унинг тақдиди, эртанги кунини ўйлаб яшаши лозим.

Учинчи фикр шуки, синовдан ўтган одамларни раҳбар қилиб сайлаш зарур. Нега деганда, бу дунёда катта ақл-заковат билан бирга, кўпни кўрган, узоқни кўзлайдиган, иродаси мустаҳкам, керак бўлса, турли-турли мураккаб синовлардан ўтган одамларни биз ўзимизга раҳбар қилиб танлашимиз керак. Узоқни

кўра олмайдиган одамнинг раҳбар бўлишга мутлақо ҳаққи йўқ.

Синовлардан ўтиш дегани – ўз халқини янги ҳаёт йўлига олиб чиқишида ўзининг ақл-заковати, қатъияти, азму шиҷоатини тўла сафарбар этиш, оғир ва кескин вазиятларда етти марта ўлчаб, бир марта кесиш дегани. Сохта усул билан сиёsat олиб бориш, одамларни алдаб яшаш – бу факат турли ўйинлар билан юрган раҳбарларнинг маънавий қиёфасини кўрсатади.

Замон гардиши шундай бўлдики, СССР парчаланиб кетганидан кейин баъзи давлатларда умрида бирон жиддий синовни қўрмаган одамлар майдонга, керак бўлса, ҳокимият тепасига чиқиб қолди. Агар бундай одамлар раҳбар бўлиб қолса, билиб қўйинглар, бу халқ учун азоб-уқубатдан бошқа нарса эмас. Энг ёмони, бундай одамлар мен шундай ақлли эканман, ахир, мени бежиз раҳбар этиб сайламади-ку, деб кейин ўзиям ишониб қолади. Шундай одамларга ишониб бўладими?

Ақлли одам ҳаётдан тўғри хулоса ва сабоқ чиқарди. Шу маънода, ҳаёт биз учун доимо сабоқ мактаби десак, янглишмаган бўламиз.

* * *

Дунёда қанча одам бўлса, ҳеч бири иккинчисига ўхшамайди. Ҳар бир одамнинг ўзига яраша қадр-қиммати бор. Айни жиҳатни, аввало, раҳбарлар ҳисобга олса, ҳеч қачон кам бўлмайди. Одамни менсимаслик ҳеч қачон яхшиликка олиб келмайди.

* * *

Агар сен одамларни севмасанг, халқингни, сенга ишонч билдирган одамларни юрагингга яқин олмасанг, раҳбар бўлишга умуман ҳаққинг йўқ.

* * *

Халқимиз манфаати, унинг эртанги тақдирига дахлдор бўлган ҳар қандай қарорни қабул қилишда етти ўлчаб, бир кесишимиз зарур.

* * *

Шошма-шошарлик билан, орқа-олдини ўйламасдан, турли шиорларни ўртага ташлаб, ўзини, халқини алдаб гапирган раҳбарларнинг қанчаси ўзгарганини биласиз.

Раҳбар ҳеч қачон олди-қочди, таги пуч, ҳар томонлама чуқур ва пухта ўйланмаган гапларга берилмаслиги керак.

* * *

Раҳбар ким, деб сўрасангиз, унинг энг муҳим хусусияти шуки, раҳбар нафақат ўз ваъдаларини ёдда тутиши, балки, аввало, уларни бажариши шарт. Раҳбар бошқалардан кўра узоқни кўрадиган, бошқалардан чуқурроқ ўйладиган, мулоҳаза қиласидиган, энг муҳими, оёғи ердан узилиб қолмайдиган инсон, халқпарвар шахс бўлиши керак. Раҳбар доимо халқнинг

дарди билан яшаши, унинг келажаги учун ўзини масъул деб билиши талаб қилинади.

* * *

Халқнинг ишончини қозониб, катта ваколатга эга бўлишни истаган одам бошқалардан кўра чуқурроқ ўйлаши, узоқни кўра билиши керак.

Шундай одамлар бўладики, улар билан танишиб, мулоқотда бўлганда, уларни яқиндан таниганда шунга иқрор бўласизки, шу инсоннинг салоҳияти анча баланд, у ўқимишли, ақлли, энг муҳими, тажрибали бўлиб, қўп нарсани чуқурроқ билади, узоқроқни кўради.

* * *

Афсуски, айрим жойларда ҳали-бери эскича фикр-лайдиган раҳбарлар борлигидан кўз юмиб бўлмайди. Лекин улар ишида ўзгариш қилмаса, вақти-соати келиб, албатта, уларнинг жойи ёшларнинг қўлига ўтади. Туман ва шаҳар ҳокимлари, вилоятлар ҳокимлари агар эл-юрт ишига эътиборсиз қараган бўлса, буни ҳар қайси оиласа эътиборсиз қарааш, юртимизга эътиборсиз қарааш, деб қабул қилиш, буни ёшларимизнинг орзу-ниятлари рўёбга чиқишига қарши қаратилган ҳаракат деб тушуниш зарур.

* * *

Бугунги кунда Ўзбекистонни бошқариш, уни химоя қилиш, халқимизнинг эртанги кунини ўйлаб,

мустахкам сиёсат олиб бориш ва энг муҳими, мустакиллик деган, Худонинг ўзи бизга буюрган муқаддас неъматни мана шундай асраб-авайллашда, яқин ва узоқ келажакни барпо этишда бутун борлигини бағишилаб яшайдиган одамларнинг сафи тобора кенгайиб бормоқда. Лекин, афсуски, шулар қаторида, қуруқ гап билан яшайдиган одамлар ҳам учраб туради.

Бу дунёда қуруқ гапга эмас, балки, аввало, ҳар томонлама ишончли, синалган, ҳаёт синовидан ўтган одамларга ишониш керак. Баъзилар жуда чиройли гапириб, одамнинг бошини шундай айлантирадики, ҳатто, эртага ҳаётимиз бутунлай гулу гулзорга айланади, ҳаммамиз жаннатда яшаймиз, деган гапларга ҳам сизни ишонтириб қўйиши мумкин. Ана шундан эҳтиёт бўлиш керак.

* * *

Эски мустабид замоннинг қандай қалтис бўлганини бу ерда ўтирган ёши катта инсонлар яхши билади. Мана шу Қашқадарё вилояти ҳокимлиги биносининг ўзида тўқнашувлар бўларди. Эсингизда бўлса керак, СССР Олий Советига сайлов пайтида Чироқчи туманида норозилик чиқиб, одамлар сайловга борищдан бош тортган.

Ўша вазиятда менга ҳали у идорадан, ҳали бу идорадан телефон бўлаверди. Бир сайлов участкасида 500 ёки 600 нафар одам сайловга чиқмаганини айтиб, нима учун чора кўрмадинг, деган дўқ-пўписалар бўлганини ҳам яхши эслайман. Бу бўйича, ҳатто, Москвадан, Марказкўмдан ҳам телефон қилишган.

Тезда Тошкентдан Марказқўм ходимлари етиб келиб, юринг, энди, уларни кўндирайлик, деб, «РАФ» машинасига ўтириб, ҳаммамиз Чирокчидаги қишлоққа етиб борганимиз.

Тошкентдан келганлар қуруқ расмий гапларни гапиргани учун уларга ҳеч ким ишонмади. Қарасам, норозилик пасайиш ўрнига кучайиб боряпти. Одамларнинг ҳафсаласи пир бўлиб, тарқалиб кетишга чоғланиб тургани шундок сезилиб туради. Вазият шундай давом этса, сайлов барбод бўлиши ҳеч гап эмасди.

Шу пайт Марказқўмдан келган гурухнинг каттаси келиб, сиз буларнинг тилини яхши тушунасиз, ўзингиз бир гаплашиб кўринг, ўзингиз кўрдингиз, бизнинг гапларимиздан бир иш чиқмади, деб, ожизлигини тан олиб, мендан илтимос килди.

Шу нуқтаи назардан қараганда, одамларни ишонтириш – бу осон иш эмас, бу ўйин эмас. Мен Қашқадарёда бундай вазиятларга кейин ҳам дуч келганман. Сизлар билан ҳам бундай ҳолатларда неча бор юзма-юз учрашганмиз.

Ўша пайтда Чироқчидан мен одамларга муаммоларингизни шу ҳафтанинг ўзида ҳал қиласиз, деб ваъда берган эдим. Ўшандада улар ҳам менинг гапимга ишониб, «Бўлди, гап битта, биз ҳам ортиқча жанжал қилиб ўтирмаймиз», деб, сайловга бориб, қонун талабларини бажарган. Жанжалнинг сабабини сўрасангиз, бир совхоз билан бир колхоз одамлари ўртасида тахминан 300 гектар ер талаш бўлган. Биз ўшандада кайвонилар, оқсоқоллар билан фикрлашиб, маслаҳат қилиб, бу масалани айтилган муддатда ҳал қилганимиз.

Шу маънода, раҳбар учун халқ ишончи – бу жуда муҳим нарса.

* * *

Ҳар қайси инсон учун эл-юрт ишончи ва ҳурмат-эътиборига сазовор бўлишдан, энг муҳими, ана шу ишончга ҳар томонлама муносиб бўлиб, уни амалий ишлар билан оқлашдан ортиқ баҳт йўқ, десам, сизлар ҳам бу фикрга қўшиласиз, деган умиддаман.

**КЕКСАЛАР –
ХОНАДОНЛАРИМИЗНИНГ
ФАЙЗУ ФАРИШТАСИ**

2015 йилда кекса авлод вакилларига эътибор ва ғамхўрлик кўрсатиш, уларни моддий ва маънавий қўллаб-кувватлашни кучайтиришга, муҳтарам фахрийларимиз ҳаётига дахлдор муаммоларни ҳал этишга алоҳида аҳамият қаратилади.

Мамлакатимизда жорий йилга «Кексаларни эъзозлаш йили» деб ном берганимиз замираидаги ҳам моҳият эътибори билан ана шундай эзгу мақсадлар мужассам экани, ўйлайманки, барчамизга яхши маълум.

* * *

Ҳаётимизга, хонадонларимизга файз ва барака берадиган фахрийларимизнинг кўнглини кўтариш, уларнинг ҳаётини узайтиришга, умрини мазмунли қилишга қўлимиздан келганча ҳисса кўшиш, уларга ғамхўрлик ва меҳрибонлик кўрсатиш бизнинг инсоний бурчимиз эканини унутмаслигимиз керак, десам, ўйлайманки, барчамизнинг фикримизни билдирган бўламан. Яъни, айтмоқчиманки, уларни ҳақиқатан ҳам қадрлаш, бу ҳаёт ғанимат, деб, уларга энг зарур, ширин сўзларни айтиш, керак бўлса, уларнинг қилган меҳнати, Ватан учун, юрт учун қанча-қанча қийинчиликларни, мусибатларни бошидан кечирганини яна бир бор эслаб, айни ўша оғир кунларда халқимизнинг мана шундай етакчи одамлари жон беришга тайёр бўлиб, урушга отланганини ёдга олиб, уларнинг олдида ҳам таъзим қиласиз.

Бундай табаррук инсонлар билан тез-тез учрашиб туриш, уларнинг ҳолидан хабардор бўлиш бу одамлар учун катта мадад бўлади. Бирон-бир шириналлик бўладими, иккита нон бўладими, уларни нима биландир йўқлаб бориш, худдики улар ҳозир ҳам бизнинг сафимизда бўлиб, биз билан бирга эл-юрга хизмат килаётганини ҳар доим эсимиздан чиқармаслик, кимки бўлмасин, қаерда ишламасин, жуда каттакон вазифада ўтирган бўлса ҳам, бу – унинг бурчи. Нега деганда, кекса одамлар ҳаётдан қачон рози, қачон миннатдор бўлади? Қачонки, турли-турли сохта, баландпарвоз гапларни кўп гапирмасдан, авваламбор, энг керакли пайтда уларнинг ҳолидан хабар олиб турса. Эй отахон, эй онахон, қандай яшаяпсиз ўзи, деб уларга меҳр кўрсатса. Сизга нималар этишмаяпти, нимага муҳтожисиз, қандай ёрдам керак, деб сўраш, кексаларга мана шундай муносабатда бўлиш – бу ҳам бизнинг бурчимиз. Мен истардим – авваламбор раҳбарлар шу борада ибрат бўлсин.

* * *

Бугунги тинч ва обод ҳаётимизни барпо этишга бекиёс хизматлари сингган, хонадонларимизнинг файзи бўлган мўътабар кексаларимизнинг фаровон ва муносиб умр кечиришлари учун кенг кўламли чоратадбирларни амалга ошириш барчамизнинг нафақат вазифамиз, балки инсоний бурчимиз, деб қабул қилишимиз даркор.

Шу борада маҳаллалар ва фуқароларнинг ўзини ўзи бошқариш органларининг кексалар ва ногиронларга

доимий эътибор ва ғамхўрлик қўрсатадиган тузилмаларини мустахкамлашга алоҳида аҳамият қаратиш лозим.

Бунда турли муассаса ва хизматлар, биринчи навбатда, пенсия, ижтимоий таъминот ва тиббий хизмат қўрсатиш муассасалари фаолиятини мувофикаштириш ва зарур даражада назорат қилиш масалалари назарда тутилиши керак.

* * *

Бизнинг қарияларимиз қачон дуога қўл очмасин, Яратганимиздан эл-юртимизга тинчлик ва омонлик, фаровонлик ва равнақ сўрайди. Мана шундай ҳаётий, ҳикматга тўла гапларни такрорлашдан чарчамайдиган қарияларимиз хонадонларимизнинг файзи ва баракаси, десак, ҳар томонлама тўғри бўлади. Агар кимнинг уйида мана шундай қариялар бўлса, улар – баҳтли инсонларди.

Шу ўринда биз бу табаррук зотлар олдида умрбод қарздор эканимизни унутмаслигимизни истардим. Нега деганда, бу ҳаёт, унинг ҳар куни, ҳар дақиқаси ғанимат. Мендан бу сўзнинг замирида қандай маъно бор, деб сўраса агар, келажақда пуштаймон бўлмаслик учун бизни асраб-авайлаб вояга етказган кексаларимиз ҳаёт бўлган пайтида уларнинг олдидаги бурчинги ни бажар, дегани бу, деб жавоб берган бўлардим.

Афсуски, биз кўп ҳолларда ота-оналаримизга, қарияларимизга улар ҳаёт бўлганида қандайдир эътиборсизлик, беписандлик билан қараймиз. Ҳали онамнинг ёнида бўлишга вақт, имконият бўлади, деб ўйлаймиз. Биз хом сут эмган бандалар ана шундай

Фикрда бўлиб, ғанимат дамларни ўтказиб юборамиз. Бошимиз деворга тақ этиб урилганида эса кеч бўлади. Шу маънода, ота-оналаримиз билан кўпроқ сухбатлашиш, уларнинг кўнглини кўтариш, маслаҳатини, дуосини олиш – бу бизнинг нафақат бурчимиз, балки бу биз учун улкан баҳт, десак, тўғри бўлади.

* * *

Қайси уйда кекса инсон бўлса, у ерда ўзгача файз ва барака бўлади. Болаларнинг тарбияси ҳам, одоби ва ахлоқи ҳам умуман бошқача бўлади. Биз бугун қарияларимизни қандай қадрласак, қандай эъзозласак, келгусида болаларимиз ҳам бизни худди шундай эъзозлайди. Кимки шу ҳаёт ҳақиқатини тушунмаса, минг афсуски, келажакда тақдири ҳавас қиласиган дарражада бўлмайди.

Кексаларимизнинг дуосини олиб, бу ҳаётда баҳтли ва фаровон яшайлик, ўз мурод ва мақсадларимизга етайлик, уларнинг розилигини олсак, Яратганимиз ҳам бизга барча ишларимизда мададкор бўлади, иншоолло.

* * *

Ҳаммамиз яхши биламиз, ҳалқимизнинг ўзига хос бетакрор хусусияти ва фазилатлари борки, уларни ҳеч қачон бошқа ўлкаларда топиб бўлмайди. Масалан, ота-онага, катталарга ҳурмат, кичикларга иззат туйғусини ҳамма жойда ҳам учратиш қийин.

Ғарб мамлакатларида бола озгина оёқка туриб, ўзининг ишларини йўлга қўйиб олса бўлди, у дарров ота-онадан алоҳида бўлиб, ўз билганича яшашга

ҳаракат қиласи. Бизда эса ота-она билан қанча кўп бирга яшаса, уларнинг қанча дуосини олса, шунча ўзини баҳтли деб ҳисоблайди.

Бизда оилада фарзанд дунёга келса, бу катта бойлик сифатида қабул қилинади. Бироқ, бу бойликини эъзозлаш, ардоклаш, тарбиялаш керак. Бизнинг момоларимиз, ота-боболаримиз ҳаётий ўгитлари, панд-насиҳатлари, шахсий ибрат билан ўз оилаларига кўрсатаётган ёрдамини нима билан ўлчаб бўлади? Ўз фарзандининг боласига, невараю эварасига улар кўрсатаётган меҳр ва эътиборни нима билан ўлчаб бўлади?

Янги авлодни ўстириш, унинг бугунги авлоддан ҳам кўра ақлли, билимли, кучли ва, албатта, баҳтли бўлиши, аввало, бола тарбиясига боғлик. Биз бу борада жиддий ўйлашимиз керак.

Биз нима учун яшаяпмиз, ким учун яшаяпмиз? Албатта, фақат кимданdir ўзиб кетиш учун эмас. Лекин биз давлат ва жамият барпо этишда ишни, биринчи навбатда, нимадан бошладик, деган савонни ўртага қўядиган бўлсак, биз буни, аввало, оиладан бошладик.

Иймонли, иродали ҳалқ ҳеч қачон ўз тарихи, ўз Ватанига бепарво бўлмайди. Ҳеч қачон ўз ота-онаси, авлод-аждодларидан қолган фазилатларни унутмайди. Шундай олий мақсадларни ўз олдига қўйган ҳар қайси ҳалқ ҳеч кимдан, ҳеч қачон кам бўлмайди.

* * *

Иккинчи жаҳон урушида Ўзбекистондан таҳминан 500 минг одам ҳалок бўлган ва бедарак кетган. Энди эса баъзи давлатларда шундай гаплар, ташвиқотлар

пайдо бўляптики, гўё бу урушда фақат битта катта миллат ғалаба қозонган эмиш. Шу гапларни эшитгандা, одам хижолат тортиб кетади. Агар, ўша пайтда бутун СССРда яшаётган ҳамма ҳалқларнинг фарзандлари қўлига қурол олиб, жангга кирмаганида, бу урушда ким ғалаба қиласди?

Бу урушда СССРдан 27 миллион одам ҳалок бўлган. Ҳадемай ўша урушда қозонилган ғалабанинг 70 йиллиги тантана қилинади. Лекин урушни тантана қилиш тўғрими? Биз бу кунни Хотира ва қадрлаш куни сифатида ўтказамиз. Урушда ҳалок бўлганларни эслаш, бугун орамизда яшаётган фахрийларимизни қадрлаш – инсоний нуқтаи назардан энг тўғри йўл аслида шу эмасми?

Ёши катта одамлар яхши эслайди, бир вақтлар 9 май куни ҳарбий парадлар бўларди, замбараклардан гумбурлатиб ўқлар отиларди. Лекин мустакил бўлганимиздан кейин ҳаёт бизга шуни ўргатдики, бу урушда ҳалок бўлганларни, уларнинг оиласарини эслаш, авваламбор, ҳар бир мусулмон инсон учун ҳам қарз, ҳам фарз.

* * *

Бугун узоқ ва яқиндаги хорижий давлатларни кузатадиган бўлсак, уларда ҳам, мана, аста-секинлик билан «хотира» деган сўз ишлатила бошланди. Лекин улар «қадрлаш» деган сўзни эсидан чиқарганга ўхшайди. Демоқчиманки, бизнинг бу борадаги саъй-ҳаракатимиз, ишларимизни бошқалар ҳам намуна сифатида кўриб, бунинг маъносини англамоқда,

мазмун-мохиятини тушуниб, мағзига, томирига етиб бормоқда.

Йиллар ўтади, замонлар ўтади, лекин хотира ва кадрлаш деган ибора халқимиз ҳаётида абадий қолади.

Ҳар қайси инсон, халқ, миллат ўзининг тириклиги, барҳаётлигини хотира билан ўлчайди. Барчамиз хотира билан яшаймиз, хотира билан тирикмиз. Хотирасини, ўтмишини эсидан чиқарган инсон, қўпол бўлса ҳам айтиш керак, ҳайвонга айланади.

* * *


Биз бугун тирик бўлган, орамизда ҳаёт бўлиб юрган уруш қаҳрамонлари олдида бир умр қарздормиз, уларнинг олдида бош эгиб таъзим қиласмиз. Шу билан бирга, уларнинг умрини узайтириш учун нима керак бўлса, ҳаммасини қилишимиз лозим. Халқимиз «Ҳаёт – бу оқар дарё», дейди, яъни ҳаёт ҳеч қачон бир жойда тўхтаб турмайди. Ҳаётнинг қонуни шундайки, туғилиш бор экан, ўлим ҳам ҳақ. Бу нарса инсоннинг ихтиёрига боғлиқ эмас. Демоқчиманки, бу дунёга ҳеч ким устун бўлмаган. Лекин Худо одамга бу ҳаётни, бу умрни инсоний бурчини адо этиш учун буюрган. Умр мазмунни қилингандай эзгу ишлар ва яхшиликлар билан ўлчанади. Эй инсон, ҳаётнинг давомида бу бурчингни қандай бажаряпсан, бу дунёда сендан қандай из қоляпти, деган саволларга биз ҳар куни, ҳар дақиқа жавоб излашимиз, ҳаёлимизнинг бир чеккасида доимо шу масала туриши керак.

«Ҳаёт – бу оқар дарё» деган иборанинг жуда катта маъноси, тўғрироғи, даъвати бор. Шу нуқтаи назардан қараганда, урушда қатнашган, бугун ҳаёт бўлган

инсонларнинг сони ҳам камайиб бораётганини катта афсус билан айтишга мажбурмиз. Лекин, начора, оқадиган дарёни тўхтатиб бўлмас экан. Бу аччиқ ҳақиқатни онгли яшайдиган ҳар қайси одам чукур англаши ва яхшилик қилишга шошилиши керак.

* * *

Биз, одатда, она тупроғимизда мангу ором топган ота-боболаримизнинг қабри олдига бориб, уларнинг руҳига тиловат қиласиз, улар билан руҳан суҳбат қурамиз, улардан худдики маслаҳат олгандек бўламиз. Азиз отажоним, меҳрибон онагинам, сизлар учун армон бўлиб қолган баҳтли ҳаёт мана, бизга насиб этди, сизлар эзилган, таҳқирланган замонлар энди ортда қолди. Озод ва обод юртимизнинг бугунги ривожи, фарзанд ва набираларингизнинг ёруғ ва баҳтли ҳаётининг гувоҳи бўлиб, азиз руҳингиз шод бўлаётганига ишончим комил. Сиз, азизларнинг дуоси билан ана шундай буюк баҳтга, толега сазовор бўляпмиз, Ватанимиз янада равнақ топмоқда, дунёдаги энг ривожланган давлатлар қаторига чиқяпмиз, деб яхшилик, эзгулик, хайрли ва савоб ишлар ҳақида суҳбат қурамиз.



АЁЛ БАХТИ – ЖАМИЯТ БАХТИ

Аёлларимизнинг турмуш шароитини енгил қилиш борасида биз учун майда нарсанинг ўзи йўқ ва бўлмайди ҳам. Аёлнинг кайфияти яхши бўлса, аёл хаётдан рози бўлса, оила ҳаётдан рози бўлади. Агар оила рози бўлса, маҳалла, бутун эл-юрт рози бўлади.

* * *

Ҳар йили 8 март байрами яқинлашиши билан юртимиз аёлларини, муҳтарама онахонларимиз, опа-сингилларимизни дунёдаги қандай энг гўзал сўзлар билан таърифласам, уларга қалбимда, юрагимда бўлган энг самимий тилакларимни қандай ифода этсам экан, деб ўйлайман, тўғриси, улар учун муносиб сўзларни то-полмасдан қийналаман.

Мен нима учун аёллар ҳақида гапиришдан ҳеч қачон чарчамайман? Негаки, улар тўғрисида сўзлаганда, мўътабар, нурли сиймоси доимо менинг қалбимда, юрагимда яшаб келаётган мунис онамни эслайман, кўнглимга яқин бошқа опа-сингилларимизни хотирлайман, Қашқадарёда ўз фарзанди, турмуш ўртоғи учун қанчалар азоб чеккан аёллар, ноҳак қамалганларнинг қизлари кўз ўнгимга келади.

Мен Қашқадарёда раҳбар бўлиб ишлаганимда ви-лоятда қанча одам қамалган бўлса, барчасининг онаси, хотини, опа-сингиллари, қизлари бор эди. Ўша оғир дамларда ўзбек аёлининг ўз оиласи, севимли ёрига садоқати нақадар буюк эканини кўп-кўп мисол-

ларда ўз кўзим билан кўрганман ва аёл зотининг иродаси, меҳру муҳаббатининг кучига, унинг маънавий жасоратига тан берганман. Ва шундай гўзал ва олижаноб, муқаддас аёлларимизни эъзозлаш, ардоқлаш, уларнинг ҳаётдан рози бўлиб яшashi учун барча-барча ишларни қилиш бизнинг асосий вазифамиз бўлиши керак, деб ҳисоблайман. Чунки, буюк Алишер Навоий айтганларидек, жаннат оналарнинг оёғи остидадир.

* * *

Ортда қолган оғир йилларда мен ўзбек аёлларининг ўз ёри, ўз оиласига бўлган бекиёс вафо ва садоқатини айнан қашқадарёлик опа-сингилларимиз тимсолида ўзим учун қайтадан қашф қилдим. Турмуш ўртоқлари, фарзандлари ёки ака-укалари ноҳақ қамалиб ётганида, бу муштипар аёллар ёрдам сўраб обком биносига бош уриб келарди. Уларнинг улкан сабр-бардоши ва чидамини, бошига қандай оғир мусибат тушган бўлмасин, Худо бор, ҳақиқат бор, деган умид билан яшагани, адолатга ишончи, оиласига меҳри, садоқати нақадар кучли бўлганини ўз кўзим билан кўрганман ва уларнинг инсоний фазилатларига тан берганман...

Балки улар умид билан бир ёстиққа бош қўйган умр йўлдошига ҳеч қачон «Мен сизни севаман, яхши кўраман», деб айтмагандир, лекин бутун қалби, вужуди билан ўз ёрига фидойи бўлган ана шу аёллар тимсолида мен ҳақиқий севги ва садоқат намунасини кўрганман, десам, ишонинглар, бу – айни ҳақиқат.

Юзлари офтобда қорайиб кетган, қўллари меҳнатда қадоқ бўлган бу аёлларнинг қалби, юраги шунчалар гўзал, шунчалар беғубор эканини кўриб, дунёда

ҳақиқатан ҳам ўзбек аёлига тенг келадиган аёл йўқ, деган фикрга яна ва яна бир бор ишонч ҳосил қилганман. Шу маънода, эркакларга қарата айтмоқчиман: шуни билиб қўйинг, бундай аёлларни бошқа ҳеч жойда то-
полмайсиз.

* * *

Мен қачон ва қаерда бўлмасин, ҳурматли опа-син-
гилларимизнинг шаънига энг самимий сўзларни ай-
тиш, уларнинг ҳурмат-эътиборини жойига қўйишга,
уларнинг оғирини енгил қилишга даъват этишдан,
шу мақсадда қўлимдан келган барча ишларни амалга
оширишдан ҳеч қачон чарчамайман.

Қарши шахрининг 2700 йиллик байрами муносабати билан бунёд этилган «Эл-юрт таянчи» ҳайкали тимсолида ҳам аввало ана шундай эзгу фикрларни музжассам этганимиз, ўйлайманки, сизларга яхши маълум.

Бундай жонкуяр, меҳнаткаш ва фидойи опа-сингилларимиз бугунги кунда ҳам турли соҳаларда самарали меҳнат қилиб, оила, маҳалла, эл-юрт ўртасида тинчлик, ўзаро ҳамжиҳатлик ва меҳр-оқибат мухитини мустаҳкамлашга катта ҳисса қўшаётганини барчамиз яхши биламиз ва юксак қадрлаймиз.

* * *

Агар бизнинг аёлларимиз бошқа давлатларда бўладиган гўзаллик танловларида қатнашгудек бўлса, билиб қўйинглар, биринчи-иккинчи ўринлар, албатта, бизнинг аёлларимизники бўлади. Бу мана шундай

мехнат, мана шундай тинимсиз ҳаракат ҳисобидан. Авваламбор, бизнинг наслимиз, палагимиз тоза.

Аёлларнинг нияти холис, юраги, қалби тоза. Чиндан ҳам энг кўп меҳнат қиладиган, оилани энг севадиган, оилани ҳақиқий оила, эркакларни эркак қиладиган ҳам аёлларимиздир.

* * *

Нафақат уйда, даладаги ишларнинг ҳам катта қисми аёлларимиз елкасига тушаётганини қўлимизни қўксимизга қўйиб айтишимиз керак. Таълим-тарбия, соғлиқни сақлаш соҳасида ҳам, биринчи навбатда, ким хизмат қиляпти – аёллар.

* * *

Одатда, биз гўзал деган сўзни кўп ишлатамиз. Ҳар ким бу сўзнинг мазмун-моҳиятини ўзича тушунади. Лекин гўзал деганда мен, авваламбор, аёлларни тушунаман. Агарки шоир бўлсан, сизларга атаб, албатта, энг гўзал шеърни ёзган бўлардим.

* * *

Аёлларнинг оғир меҳнати нафақат ишхонада, аввало, уйда, рўзғорда бўлади. Агарки кимдир аёл кишининг бир кунда уйида неча километр йўл босишини ҳисобласа, стадионларда югурадиган спортчилар ҳам уларнинг олдида ҳеч нарса бўлмай қолади.

Ҳақиқатан ҳам, аёлларимиз далада ёки корхонада ишласа, ундан кейин уйида ундан ҳам кўпроқ ҳаракат қилишига тўғри келса, уларнинг оғирини енгил қилиш барчамизнинг, аввало, эркакларнинг вазифаси эмасми?

* * *

Бир пайтлар биз қишлоқларимизда гўзаллик салонларини қуриш ташаббусини бошлаган эдик. Бу ташаббус барча вилоятларда кенг қўллаб-куватланаётгани эътиборга лойик. Жойларда бу ишларни, албатта, давом эттиришимиз керак. Нега деганда, аёл гўзал бўлса – олам гўзал, аёл баҳтли бўлса – оила, бутун жамият баҳтли бўлади.

* * *

Агар аёллар учун, уларга алоҳида эътибор қаратишимииз учун байрам бўлмаганида, уни, албатта, ўйлаб топишимиз керак бўлар эди.

* * *

Биз ҳеч қачон унумаслигимиз зарур – аёlinи эъзозлаган эркак баҳтли бўлади, аёlinи ҳурмат қилган миллат кам бўлмайди.

* * *

Аёлни ҳурмат қилсак, миллатни ҳурмат қилган бўламиз. Фақат байрам куни эмас, бир йилда 365 кун бўлса, шунинг жуда бўлмаса 50 фоизини аёлига бағишилаган эркакнинг ўзи ҳам, аёли ҳам баҳтли бўлади.

* * *

Қиз болани коллежни битирмасидан, ҳунар эгалламасидан кимки турмушга бермоқчи бўлса, билиб қўйинглар, мен бунга мутлақо қаршиман. Қиз бола,

аввало, касб эгалласин, ўз фикрига эга бўлсин, ҳаётни англасин. Шундан кейин у ҳаётда ўз ўрнини топади, йўлини йўқотмайди.

Юртимиздаги ҳар бир қиз бола – бу менинг қизим, менинг набирам ва уларни хафа қилишларига мен ҳеч қачон йўл қўймайман.

* * *

Қиз бола – бу бўлғуси она, фарзандларимизнинг тарбиячиси. Эртанги авлод – бу Ўзбекистоннинг келажаги дегани. Қишлоқларимизда агар қиз бола ўзига муносиб иш топа олмаса, дардини ҳеч кимга айтолмаса, ўз орзу-ниятларини амалга ошира олмаса, бу ҳоким бўладими, прокурор бўладими, бошқа мутасаддилар бўладими, шуни билиб қўйиши керак, бу худдики қонунга менсимай қарагандек қабул қилиниши зарур. Ана шу ёш қизларимизнинг ниятларини, албатта, рўёбга чиқариш керак, улар, албатта, баҳтли бўлиши керак.

**ФАРЗАНДЛАРИМИЗ БИЗДАН КҮРА
КУЧЛИ, БИЛИМЛИ, ДОНО
ВА АЛБАТТА БАХТЛИ
БҮЛИШЛАРИ ШАРТ**

Мустақил фикрлайдиган, замонавий илм-фан ва қасб-хунарларни пухта әгаллаган, ўз юрти, ўз халқига фидойи, биз бошлаган ишларни давом эттиришга қодир бўлган, ҳар томонлама соғлом авлодни енгиб бўладими? Бугун биз ўз олдимизга қўйган юксак мақсадларга етишда ана шу навқирон авлодимиз ҳал қилувчи куч бўлиб майдонга чиқаётгани барчамизга ғурур ва ифтихор бағишлайди.

Яна бир бор таъкидлайман, доимо ўрганиш, изланиш, янгиликка интилиб яшаш керак. Бугунги кунда қайси давлат юксак тараққиётга эришган бўлса – бу Жанубий Корея ёки Япония бўладими, Европа давлатлари бўладими – буларнинг барчасидан ўрганиш керак. Бу борада биз учун ҳеч қандай мафкуравий чеклашлар йўқ. Биз учун ягона мафкура – бу Ўзбекистоннинг тараққиёти, Ўзбекистоннинг равнақи, Ўзбекистоннинг дунёда ҳеч кимдан кам бўлмаслигидир.

* * *

Бугунги кунда катта умид, орзу-мақсадлар билан, Ватаним тараққиётига ҳисса қўшаман, деб белини маҳкам боғлаб майдонга чиқаётган, азму шижаотли ёшларимизни ҳар томонлама қўллаб-қувватлаш барчамизнинг нафақат вазифамиз, балки бурчимизга айланиши керак.

* * *

Янги авлодни тарбиялаш – халқни тарбиялаш деганидир.

* * *

Юртимизда таълим соҳасида ўқув муассасалари ни қуриш, реконструкция қилиш ва капитал таъмирлаш борасидаги ишлар изчил давом эттирилмоқда. 2014 йилда ҳаммаси бўлиб 540 дан зиёд объект, шу жумладан, 380 та мактаб, 160 дан ортиқ қасб-хунар коллежи ва академик лицей тубдан янгиланди. Мазкур мақсадлар учун қарийб 550 миллиард сўм сарфланди. Ушбу маблағларнинг 120 миллиард сўмдан ортиғи таълим муассасаларини ўқув, лаборатория ва ишлаб чиқариш ускуналари, компьютер ва мультимедиа воситалари билан таъминлаш учун ажратилди.

2011–2016 йилларда олий таълим муассасаларининг моддий-техник базасини модернизация қилиш дастури доирасида 19 та олий таълим муассасасида қурилиш, реконструкция қилиш, капитал таъмирлаш ва жиҳозлаш бўйича қиймати 230 миллиард сўмлик ишлар бажарилди. Андижон давлат университети, Бухоро мұхандислик-технология институти, Ўзбекистон Миллий университетида янги ўқув бинолари барпо этилди.

2014 йилда бир қатор янги институт ва факультетлар, ўқув-илмий марказлар очилди. Тошкент тиббиёт академиясининг стоматология факультети ва худудлардаги тиббиёт олий ўқув юртлари негизида Андижон, Бухоро, Самарқанд ва Нукус шаҳарларида филиалларига эга бўлган Тошкент давлат стоматология институти ташкил этилди.

Тошкент давлат шарқшунослик институтида хитойшшунослик факультети очилди, шунингдек, ушбу

институт қошида Абу Райҳон Беруний номидаги Шарқ қўлёзмалари маркази ташкил қилинди.

Жанубий кореялик шериклар билан ҳамкорликда Тошкент шаҳрида Инха университети ташкил этилди. Мазкур олий ўқув юртида ахборот-коммуникация технологиялари соҳасида, биринчи навбатда, дастурий таъминот маҳсулотлари ишлаб чиқариш, ахборот тизимлари ва компьютер тармоқларини бошқариш бўйича халқаро стандартлар даражасида юқори малакали мутахассислар тайёрланади.

Ўтган йили олий таълим муассасаларига қабул қилишнинг такомиллаштирилган тизими жорий этилди, яъни тест синовларига информатика бўйича саволлар киритилди, мутахассисликка оид фанлар бўйича баҳолаш баллари оширилди. Бу эса олий ўқув юртларига танлаган касбини ҳисобга олган ҳолда, энг яхши тайёргарлик кўрган аббитуриентларни саралаб олиш имконини беради.

* * *

Таълим-тарбия ва тиббиёт муассасаларини янада ривожлантириш, уларнинг моддий-техник базасини мустаҳкамлаш ва бугунги кун талаблари асосида жиҳозлаш даражасини ошириш, ижтимоий инфратузилма обьектларини жадал ривожлантириш, аҳолини сифатли ичимлик суви ва замонавий санитария тозалаш тизимлари билан таъминлаш биз учун устувор йўналиш ҳисобланади.

Ушбу мақсадлар учун 2015 йилда давлат бюджети жами ҳаражатларининг қарийб 60 фоизи

йўналтирилади. Бу ўтган йилга нисбатан 4 триллион 100 миллион сўм ёки 22,5 фоиз кўп демакдир. Жумладан, таълим ва илм-фан соҳасини ривожлантиришга 34,3 фоиз, соғлиқни сақлаш тизимиға 14,2 фоиз маблағ сарфланади.

* * *

Жисмоний тарбия ва спорт билан мунтазам шугулланиш аҳолимиз, аввало, ёш авлодимизнинг соғлиғини мустаҳкамлашда муҳим ўрин тутишини инобатга олиб, бу соҳага алоҳида эътибор қаратмоқдамиз. Бу борада спорт иншоотларини ҳар томонлама ривожлантириш ва уларни замонавий инвентарлар билан жиҳозлаш учун барча зарур шароитлар яратилмоқда.

2014 йил мобайнида фақат Болалар спортини ривожлантириш жамғармасининг маблағлари ҳисобидан 18 та намунавий спорт обьекти ва 73 та мактаб спорт зали барпо этилгани, 24 та обьектда қарийб 100 миллиард сўмлик реконструкция ва капитал таъмирлаш ишлари амалга оширилганини қайд этиш лозим.

Бугунги кунда Ўзбекистонда 2 миллионга яқин фарзандларимиз, шу жумладан, 840 мингдан ортиқ қиз болалар спортнинг 30 дан зиёд тури билан мунтазам шугулланмоқда.

Нуфузли халқаро мусобақаларда мамлакатимиз спортчилари эришаётган ғалабалар тобора кўпайиб бормоқда. 2014 йилда спортчиларимиз 849 та медални қўлга киритди, уларнинг 266 таси олтин медаллардир.

Бу ҳақда гапирганда, ўтган йилнинг кузида Жанубий Кореяда бўлиб ўтган, 45 давлатдан 13 минг спорт-

чи қатнашган XVII Осиё ўйинларида спортчиларимиз 61 та, жумладан, 12 та олтин медални қўлга киритиб, Ўзбекистон терма жамоаси энг кучли ўнта мамлакат қаторидан жой олганини мамнуният билан таъкидлашни истардим. Спортчиларимиз ана шундай ютуқлари билан Ватанимиз шуҳратини дунёга тараннум этишга муносиб ҳисса қўшдилар ва уларнинг қўлга киритган мэрралари билан ҳар қанча фахрлансак арзийди, албатта.

* * *

Одамлар адолат учун жон беради, адолат учун куршади, адолат учун ўзини ҳам аямайди. Ҳозирги кунда Ўзбекистонда ана шундай мардлар ўсиб, вояга етмоқда. Мен бугунги ёшларимизни кўрсам, хаёлимга шундай фикрлар келадики, эй, сизлар бошқача тарбия оляпсизлар! Мутлақо бошқача! Бизнинг ёшлигимизда бундай имконият ва шароитлар йўқ эди. Чунки биз бошқача даврда яшаганмиз, бошқача мафкуранинг маҳсули бўлганмиз.

* * *

Фараз қилинг, мана шу 24 йилда туғилиб вояга етганлар эски замонни билмайди. Уларнинг ҳаммаси, айтайлик, ҳозирги кунда компьютерда ишлаш бўладими, инглиз тилини ўрганиш бўладими, чет мамлакатлардаги ўз тенгдошлари билан беллашиш бўладими, спорт, илм-фан, маданият соҳаларида ўзини шундай кўрсатяптики, буларнинг барчасини кўрганда, одам беихтиёр ғуурурланиб кетади. Шахсан менга шундай пайтда бамисоли қаддим анча ўсгандек

туюлади. Керак бўлса, девор ёнига бориб, қанчалик ўсганимни ўлчаб кўришга ҳам тайёрман. Балки ким гадир кулгули кўринади, лекин биласизми, ҳакиқатан ҳам одам шуни ҳис қиласди. Бундай ишларда менинг ҳам меҳнатим, ҳиссам бор, деган ҳиссиёт одамнинг кўнглини ҳам, қаддини ҳам кўтаради.

Бугун Ўзбекистонда 31 миллион халқ яшаяпти. Ёшларнинг, мисол учун 30 ёшга кирганларнинг улуси тахминан 60 фоизни ташкил этади. Бу авлодни, ўзингиз тасаввур қилинг, мана шундай хислатларга, мана шундай фазилатларга, хусусиятларга эга бўлган ва катта-катта мэрраларга интилаётган болаларни тўхтатиб бўладими?

* * *

Бировга яхшилик қилган одамга, албатта, яхшилик қайтади, ўзига қайтмаса боласига, набиралариға қайтади. Бу фикр, бу ғояни айниқса энди катта ҳаётга кириб келаётган ёшларимиз унутмасдан, умр бўйи бунга амал қилиб яшаса, ҳеч қачон кам бўлмайди.

* * *

Мен ёшларимизга, менинг болаларимга қарата, ўрганишдан ҳеч қачон чарчаманглар, деб айтмоқчи-ман. Ўрганиш, интилиш ҳеч қачон айб саналмайди. Ниманидир билмасанг, уни ўрганиш зарур. Аввалимбор, энди ҳаётга кириб келаётган ёшларга нима лозим? Ўрганиш, ўрганиш ва яна бир бор ўрганиш керак. Касб ўрганган, илм ўрганган киши, ўзбекона айтганда, ҳеч қачон кам бўлмайди.

* * *

Бу дунёда одам факат қорин тўйдириш учун яшамайди. Одам аввало одам эканини амалда намойиш қилиши керак. Шундай экан, биз ўз тарихимиз билан, буюк аждодларимиз билан ғурурланишимиз лозим. Шунга таяниб, янги-янги уфқларга отланиш зарур. Белни маҳкам боғлаб – «мана, мен борман», деб майдонга чиқишига тайёр бўлиб туриш керак. Мана шундай ҳиссиёт билан яшайдиган болаларни мен ўзимнинг фарзандларим деб гапиришдан ҳеч қачон чарчамайман.

* * *

Аҳоли бандлигини таъминлаш, биринчи навбатда, қасб-хунар коллежлари битирувчиларини ишга жойлаштириш ижтимоий-иктисодий тараққиётимизнинг энг муҳим устувор йўналиши бўлиб қолмоқда.

Маълумки, биз учун ғоят муҳим аҳамиятга эга бўлган аҳоли бандлигини оширишга қаратилган дастур асосида хар йили мамлакатимиз бўйича салкам 1 миллионта иш жойи ташкил этилмоқда.

Андижон вилояти мисолида кўрадиган бўлсак, ўтган йили 80 мингдан зиёд янги иш ўрни яратилгани, жумладан, қарийб 41 мингга яқин коллеж битирувчи-си ишга жойлаштирилганини қайд этиш ўринлидир.

* * *

Андижон ўзининг дунё микёсида ном қозонган спортчилари ва уларнинг минглаб издошлирага, айниқса, машхур бокс мактабига эга вилоят ҳисоб-

ланади. Бундай натижаларга эришишда бу ерда жисмоний тарбия ва спорт соҳасига берилаётган катта эътибор мустаҳкам замин бўлиб хизмат қилмоқда.

Ана шундай ишларимизни кучайтириш мақсадида вилоятда келгуси 5 йилда Болалар спортини ривожлантириш жамғармаси маблағлари ҳисобидан 65 та объектда қурилиш, таъмирлаш ва жиҳозлаш ишларини амалга ошириш мўлжалланмоқда.

Шу борада мен яқинда Тошкентда бўлиб ўтган Жамғарма Ҳомийлик кенгашининг йиғилишида айтилган муҳим бир фикрни сизларга етказмоқчиман. Биз ана шу мажлисда мамлакатимизнинг барча 14 та субъектида, жумладан, Андижон вилоятида ҳам халқаро миёсдаги спорт усталарини тайёрлаш бўйича маҳсус спорт мажмуаларини барпо этиш ҳақида келишиб олдик.

* * *

Ҳаммамиз яхши биламизки, оддий гимнастика зали ёки мактаб спорт залида Олимпиада ғолиби, жаҳон чемпиони ёки китъада етакчи бўладиган спортчиларни тарбиялашни ўйлаш хомхаёлдан бошқа нарса эмас. Нега деганда, бугун замон, ҳаёт шундай тез ўзгаряптики, чемпионлар етиштириш учун кўпроқ эътибор ва шарт-шароит талаб қилинмоқда. Мана, Хитойни олинг, бу мамлакатда 5–7 ёшдан бошлаб иқтидорли болалар саралаб олинади ва тарбияланади. Мақсад – уларнинг орасидан Олимпия чемпионларини тайёрлаш. Агар йигит-қизлар болалигидан бошлаб ўз севган спорт тури билан шуғулланса, малакали мурраббийнинг кўлига тушса, бу йўлда унинг учун ҳамма

имкониятлар яратилса, албатта, натижа ҳам шунга яраша бўлади.

Биз ҳам спортчи ёшларни тайёрлашда шу йўлдан боришимиз керак, бизга ҳам жаҳон миқёсида энг юксак шоҳсупаларга кўтариладиган, ҳаммани қойил қиласидиган чемпионлар керак. Андижонлик Мухаммадқодир Абдуллаев 2000 йили Сидней Олимпиадаси чемпиони бўлганида, мен худдики ўзимнинг болам чемпион бўлганидек хурсанд бўлганим ҳали-бери хаёлимда туради.

Ана шу фикрларнинг барчасини ҳисобга олиб, айтмоқчиманки, Андижонда ҳам замонавий спорт мажмуалари қуришимиз керак ва энг малакали, фидойи спорт усталарини болаларимиз билан ишлашга жалб қилсак, керак бўлса, чет элдан моҳир тренерларни олиб келсак, чемпионларимиз, албатта, янада кўпаяди.

* * *

Сизларга маълумки, мустақиллик йилларида юртимиизда соғлом ва баркамол авлодни вояга етказиш йўлида амалга оширган улкан, том маънода тарихий ишларимиз бугунги кунда мамлакатимизни жадал тарақкий топтириш, бошқалар ҳавас қилаётган юксак мэрраларга эришишда ҳал қилувчи омилга айланмокда.

Бухоро вилоятида келгуси беш йилда 95 миллиард сўм маблағ ҳисобидан ўнлаб янги мактаблар, лицей ва коллежларда, маданият ва санъат, спорт масканларида янги қурилиш ва реконструкция ишларини амалга ошириш белгилангани ана шу эзгу

ишлиаримиз давом этаётганинг далилидир. Шулар қаторида Бухоро давлат университетининг ўқув биносини капитал реконструкция қилиш ишлари 2016 йилда якунланади.

Биз таълим-тарбия соҳасидаги кенг кўламли ислоҳотларимизни, албатта, охирига етказишимиз, бундай таълим даргоҳларини нафақат қуриш, таъмирлаш ва жиҳозлаш, балки фарзандларимизни замон таълаблари асосида камол топтириш учун энг юксак макалали ўқитувчи ва домлаларни жалб этиш, уларнинг билим ва тажрибасини мунтазам ошириб боришга энг муҳим, ғоят масъулиятли вазифа деб қарашимиз зарур.

* * *

Ҳаммамизга яхши маълумки, халқаро мусобақаларда, бу Олимпия ўйинлари бўладими, жаҳон чемпионатлари бўладими, бундай муросасиз беллашувларда шоҳсупага чикиш, медалларни кўлга киритиш осон эмас.

Мамлакатимизда Олимпия чемпионларини кўпайтиromoқчи бўлсак, умуман, нуфузли мусобақаларда Ўзбекистоннинг байроғини баланд кўтаришни истасак, ёш спортчиларни тайёрлаш тизимини мутлақо ўзгартишимиз керак. Биз ташкил қиласиган халқаро миқёсдаги спорт усталарини тайёрлаш бўйича маҳсус мажмуалар ана шу максадга хизмат қилиши керак. Ана шундан кейин мана шу Жиззах вилоятидан битта-иккита эмас, балки ўнлаб Олимпия чемпионлари етишиб чиқиши мумкин. Мана, шахмат бўйича чиқяпти! Бундай спортчиларни қанча кўп етиштир-

сак, миллатимизнинг салоҳиятини шунча юксалтирган бўламиз.

* * *

Бугун хорижий ҳамкорларимиз бизнинг ёшларимизни кўриб, уларга ҳар томонлама қойил қолмоқда. Улар бизнинг ёшларимиз билан сухбатлашиб, қани энди, ўз касбини пухта эгаллаган, хорижий тилларда бемалол гаплаша оладиган бундай ёшларни бошқа мамлакатларда ҳам кўрсак ва улар билан ишласак, деб орзу қиласди. Бир сўз билан айтганда, улар Ўзбекистон ёшларининг салоҳиятини юксак баҳолайди.

Бугунги кунда хорижий ҳамкорларимизнинг, «Сизларнинг ёшларингиз, болаларингизнинг кўзи ёниб туради» деган сўзларини ҳар қадамда эшитиш кийин эмас.

Мана яқинда АҚШнинг «Женерал моторс» компанияси раҳбарлари билан учрашувда – сизлар яхши биласиз, бутун дунёга машҳур бу компания билан ҳамкорликда Асакада автомобиль ишлаб чиқаряпмиз, Тошкент вилоятида мотор заводини барпо этиб, ишга туширдик – улар айни шу гапларни менга айтди.

Ҳақиқатан ҳам, бу бирон-бир соҳада ҳеч кимдан кам бўлмаган, янгича фикрлайдиган янги авлоднинг майдонга чиқаётганидан далолат беради. Бундай минг-минглаб, соф ният билан олдинга интилишга, ўзининг Оллоҳ берган имконият ва салоҳиятини Ўзбекистонимиз равнақи учун сафарбар қилишга, шунинг ҳисобидан, авваламбор, унинг ўзи рози бўлиб, ҳаётда ўрнини топиб яшашга бел боғлаган йигит-

қизларимизга нисбатан ана шу иборани ишлатиш ҳар томонлама ўринли бўлади. Яъни, бундай ёшларнинг қўзи ҳам ёниб туради, ҳаракати, интилиши ҳам шундай қатъий ва дадилки, менга имконият беринглар, мен ўзимни кўрсатаман, деб ғурур билан яшайдиган бундай болаларни, қани, айтинглар, севмаслик, яхши кўрмаслик, улар учун барча-барча шарт-шароитларни яратиб бермаслик мумкинми, деб мен ўзимга ўзим савол бераман.

* * *

Мен доим бир нарсага эътибор бераман: болаларимиз, қизларимизнинг кийинишига қаранглар, улар қандай кийинади? Қаранглар, ким бизнинг болаларимиздек чиройли кийинади? Бу бир қарашда майда нарса бўлиб туюлиши мумкин. Аслида бу майда гап эмас. Мана, колледжларга, лицейларга қатнайдиган болаларнинг кийинишига қаранглар, галстукни шундай боплаб боғлайдики, мен гоҳ-гоҳ ойнанинг олдига келиб, улар қандай боғлар экан, деб машқ қиласман. Коллежда ўқиётган, эндиғина 16 ёшга кирган бола мана шундай бежирим кийинади.

Қизлар-чи? Бизнинг чиройли қизларимизни бошқалар билан солиширишнинг ҳожати йўқ. Улар барибир биринчи ўринда туради, дунёда бизнинг қизларимизга teng келадигани йўқ.

Мен охирги чиқишиларимдан бирида, «Айтинглар, бундай олижаноб, бундай бағрикенг, бундай меҳроқибатли халқ яна қаерда бор?» деган саволга жавоб бериб, аминман, бундай халқни қидириб-қидириб ҳеч

жойдан тополмайсиз, деганим эсимда. Шу фикрни гуур биан такрорлашга доимо тайёрман. Бизнинг 24 йиллик мустақил ҳаётимиз шуни кўрсатдики, биз тўғри йўлни танлашда шошилмадик.

Мен шу ҳақда кўп ўйлайман, кечалари уйқу билмасдан, қаерда биз нимани хисобга олмадик, кайси масалага етарли эътибор бермадик, деган саволлар доимо одамни қийнайди. Шуларни умумлаштириб, тақрор айтмоқчиман, биз тўғри йўлни танлашда шошилмадик. Баъзилар, эй, мана, биз унга етиб бордик, биз бунга етиб бордик, деган бақир-чакирларни кўп гапиради. Биз ҳеч қачон шошилмадик. Энди бизга ҳавас қиласиган пайт келди. Ҳатто дунёдаги энг ривожланган, манаман деган давлатларнинг вакиллари ҳам келиб биздан нимани сўрайди? Бу болаларни қаердан топдинглар, деб сўрайди.

Мен шу ҳақда алоҳида айтмоқчиман, юртимиздаги бутун борлиғи билан ишга берилиб, эртанги кунга ишониб, астойдил меҳнат қиласиган одамларни, айниқса ёшларни кўриб, хорижлик ҳамкорларимиз бизга катта ишонч билан қарамоқда.

Ҳақиқатан ҳам, биз ёшларимиз, фарзандларимизнинг ёниб турган кўзлари, ғайрат-шижоати, билимга интилиши, дунёда ҳеч кимдан кам бўлмайман, деган ҳаракатини ёруғ келажагимизнинг, эзгу мақсадларимизга эришишнинг асосий омили ва гарови сифатида кўрамиз.

* * *

Албатта, ёшларимизнинг нималарга қодир экани, қандай имкониятларга эга экани, ҳаётга қандай

тайёр бўлаётгани, керак бўлса, қандай босқичлардан ўтаётганини мен яхши биламан. Мана энди турли давлатларнинг мутахассислари билан, тенгдошлари билан баҳслашишга, беллашувга тайёр бўлган ёшларимиз дунёни кўряпти. Энди улар бошқалардан ўrnак олиб, кучига куч қўшиляпти. Энди уларни тўхтатадиган бирон тўсик деган нарсани топиш қийин. Фақатгина тўғри йўлни кўрсатсак, болаларимиз босади. Ўзбекча айтганда, маҳаллий шевада айтганда, босади. «Босади» деганим – янги-янги марраларни эгаллайди, деганим.

Авваламбор, билимга интилиш, иккинчидан, ҳеч тортинмасдан бошқалардан ўрганиш керак. Мен болаларимга айтмоқчиман: азиз фарзандларим, ҳеч қачон ўқиш-ўрганишдан, изланишдан уялманглар. Одамзод бор экан, умрининг охиригача ўрганади. Мен ҳамма нарсани биламан, деб бошқаларни писанд қилмасдан юрадиган одамнинг ҳеч қачон бири икки бўлмайди.

Мен болаларимизни шунинг учун ҳам яхши кўраманки, уларда ғўдайиш, осмонда парвоз қилиш деган нарсалар йўқ. Ва Худодан сўрайман, бундай ҳолатлар уларда бўлмасин ҳам. Биз доим ўрганишга, тинчликни қадрлаб, тарихдан сабоқ чиқариб яшашга тайёр бўлган халқмиз. Бугун биз айни шундай ёшларни, ҳаммани ҳайратда қолдирадиган ёш авлодни тарбияляяпмиз.

* * *

Жисмоний ва маънавий жиҳатдан соғлом авлод бизнинг энг катта бойлигимиз. Яқин қўшниларимиз бўлган айрим давлатларда ёшларнинг 50–60 фоизи саводсиз. Эртага улардан нима кутиш мумкин? Улар эр-

танги қунини ниманинг ҳисобидан қуради? Шу маънода, Ўзбекистоннинг энг катта бойлиги нима деса, ҳеч иккиланмасдан айтишга ҳақлимиз – энг катта бойлигимиз бизнинг ёшларимиз, болаларимиз. Бугунги авлод биз бундан 18 йил олдин қабул қилган Кадрлар тайёрлаш миллий дастурининг меваси бўлиб, ўша пайтлар биз мақсад қилган «портлаш эффиқти» рўй бермоқда.

Бугун юртимизда барпо этилган энг замонавий корхоналарда ўзимизнинг фарзандларимиз ишляяпти, улар энг мураккаб технологияларни бошқармоқда. Асакадаги автомобиль заводимизда ҳозир бирорта чет эллик мутахассис борми? Йўқ, ҳаммаси ўзимизнинг қоракўз болаларимиз. Бундан фахрланмай, ғуурланмай бўладими ахир?

* * *

Ўз ҳаёти, ўз тақдирини она Ўзбекистонимиз билан чамбарчас боғлаб, келажак сари катта ишонч билан интилаётган болалар – бу менинг болаларим.

Бундай азму шижаатли, кўзлари ёниб турадиган, замонавий билим ва касб-ҳунарга эга, дунё майдонида ўз тенгдошлари билан беллашувга қодир бўлган ёшларни ҳимоя қилишга, уларга мадад беришга, уларга ҳар қандай амалий шароит ва имконият туғдириб беришга мен доимо тайёрман.

Азиз фарзандларимизни ҳеч кимдан кам бўлмайдиган, соғлом ва баркамол инсонлар этиб тарбиялаш мақсадида келгуси 5 йилда Навоий вилоятида ўнлаб мактаблар, мактабгача таълим масканлари, лицей ва коллежлар, болалар спорти обьектлари, мусиқа

ва санъат мактабларини қуриш, реконструкция қилиш, таъмирлаш ва жиҳозлаш кўзда тутилмоқда. Шулар қаторида, Навоий шаҳри марказида Навоий давлат кончилик институти учун муҳташам ўқув биноси бар-по этилади.

* * *

Мамлакатимизда 2009–2014 йилларда 136 та янги мусиқа ва санъат мактаби қурилди. Айни вақтда 142 та ана шундай мактаб капитал реконструкция қилиниб, қайта жиҳозланди. Миқёси ва кўламига кўра ғоят ул-кан бўлган ушбу ишларни амалга ошириш учун 634 миллиард 4 миллион сўм ҳажмида маблағ сарфлангани бу соҳага қандай катта эътибор қаратा�ётганимизни кўрсатади.

Наманган вилоятида кейинги етти йилда 27 миллиард 2 миллион сўм маблағ эвазига 15 та замонавий болалар мусиқа ва санъат мактаби фойдаланишга топширилгани ҳам шу йўлда катта қадам бўлди.

Шу борада муҳим бир масалага эътиборингизни жалб этмоқчиман.

Мусиқа мактабининг вазифаси – дейлик, фақат бир асбоб чалишни ёки нота саводини ўргатиш дегани эмас. Бу мактабларнинг бош вазифаси – авваламбор, болаларимиз, ёш авлодимизнинг мусиқа ва санъатга бўлган меҳр-муҳаббатини уйғотиш ва ривожлантиришдан иборат.

Мақсадимиз – болаларимиз жаҳон санъат оламига чукурроқ кириб борсин, унинг сир-асрорини, буюк мусиқа ижодкорларининг ўлмас меросини – бу Бетховен бўладими, Шопен бўладими, Моцарт бўладими,

ҳар томонлама англаб етсин, юксак маданиятли инсонлар бўлиб камол топсин.

* * *

Бугунги кунда Ер юзининг айрим нуқталарида қандай сиёсий можаролар, уруш ва қонли тўқнашувлар содир бўлаётганидан барчангиз хабардорсиз, албатта. Мисол учун, Ирок, Сурия ва бошқа мамлакатларда халифалик тузишга қаратилган ҳаракатлар амалга оширилмоқда. Чет давлатларда сиёсий вазият шундай қалтис бўлиб турган бир пайтда, болаларимизни йўлдан уриб, хорижий мамлакатларга олиб чиқиш учун ҳаракатлар бўлиши – биз учун жуда катта хавф. Бундай маккор ишларнинг ҳам ташкилотчилари бор. Уларнинг турли алдовлар, ёлғон ваъдалар билан болаларимизни чалғитишлирга ҳеч қачон йўл қўймаслигимиз керак.

* * *

Бугунги кунда инсон, давлат ва жамият ҳаётига энг катта зиён етказадиган нарса бу – сохта ва ёлғон информация. Бу – одамларни йўлдан уришнинг энг хавфли усули. Айниқса, ёшларни чалғитиш, керак бўлса, оёғини ердан узиб, турли чўпчак ва афсона гапларни уларнинг онгига қўйишда бу усул кенг қўлланмоқда.

* * *

Мамлакатимизда соғлом ва баркамол авлодни вояга етказишининг энг муҳим шарти бўлган таълим-тарбия масаласи ҳақида сўз борганда, биз қўпинча соҳанинг

моддий-техник базасини мустаҳкамлаш, янги мактаблар, лицей ва коллежлар, олий ўқув юртлари барпо этиш, уларни замонавий жиҳозлаш ҳақида кўпроқ гапирамиз. Ҳолбуки, айни шу ишларимиз билан бирга, таълимнинг мазмуни, сифати ҳам тубдан ўзгармоқда.

* * *

Бугунги кунда Сирдарё вилоятида яшаётган 780 мингга яқин аҳолининг қарийб 300 мингини ёки 38 фоиздан ортигини 18 ёшгача бўлган ёшлар ташкил этмоқда. Бу эса, табиийки, ана шу фарзандларимизни соғлом ва баркамол қилиб тарбиялаш, уларнинг ҳаётда муносиб ўрин топишини таъминлаш учун олдимиизга қўп-қўп долзарб вазифаларни қўяди. Шу кўз билан қараганда, вилоятда таълим-тарбия соҳасида амалга оширилаётган катта ишлар, айниқса, эътиборлидир.

Бу ҳақда сўз юритганда, сўнгти етти йилда 8 та янги мактаб қурилиб, 140 та мактабда капитал реконструкция ва таъмирлаш ишлари амалга оширилганини айтиш ўринлидир. Келгусида ҳам яна кўплаб замонавий мактаблар, академик лицей ва касб-хунар коллежлари, маданият ва санъат, спорт масканларини қуриш, реконструкция қилиш ва жиҳозлаш ишлари давом эттирилади.

* * *

Биз фарзандларимизга чет тилларни ўргатишни такомиллаштириш бўйича қамрови ва мазмун-моҳияти бўйича катта ишларни бошладик. Жумладан, 2012 йилда шу борада маҳсус қарор қабул

қилдик. Шу қисқа даврда бу ишларимиз ўзининг ижобий натижаларини бермоқда. Бошлиган ишларимизни изчил давом эттирсак, насиб этса, бу борада ҳам «портлаш эффицит»га эришамиз. Шунда дунёда бизнинг фарзандларимизнинг олдига тушадиганнинг ўзи бўлмайди. Ишонинглар, бу шунчаки ҳавойи, баландпарвоз гап эмас, биз бошлиган иш чуқур ва мустаҳкам асосга эга бўлиб, у, албатта, эртага юксак натижасини кўрсатади.

Биз бугун эришаётган муваффақиятларимизни давом эттирсак, амалга ошираётган ишларимиз эртага қандай самара беришини ҳисобга олиб, шу йўлдан катъият билан борадиган бўлсак, Ўзбекистоннинг келажаги, албатта, буюк бўлади.

* * *

Энг муҳими, замонавий билим ва тафаккурга, соғлом дунёкарашга эга, ривожланган давлатлардаги тенгдошлари билан беллашишга тайёр бўлган, кўзи ёниб турадиган навқирон авлодимиз катта ишонч билан ҳаётга дадил кириб келаётгани барчамизни кувонтиради.

Бу дунёда ҳар қайси ота-она, авваламбор, болалирини ўстириш, вояга етказиш, уйли-жойли қилишдек эзгу ниятлар билан яшайди. Айниқса, ўзбек халқининг болажонлиги, ўз боласини жонидан ҳам яхши кўриши, бу борадаги фидойилиги ҳар қандай таҳсинга сазовордир.

Бугунги кунда юртимизда эртанги кунимизни ўз кўлимиз билан қурамиз, деган ёшларни кўрганимда, менда худди қанот пайдо бўлгандек бўлади. Биз бунёд

этаётган бу гўзал ҳаётни эртага кимнинг қўлига топширамиз? Албатта, ҳеч кимдан кам бўлмайдиган ёшларимиз, фарзандларимизнинг қўлига! Ўзбекистонда янги авлод пайдо бўлаётганини дунё тан оляпти. Бундай авлод билан эртага, албатта, мақсадларимизга етамиз.

* * *

Бугун Сурхон эли спортда ўзини кўрсатмоқда. Сурхоннинг нафақат полвон йигитлари, ҳатто қизлари ҳам спортда биринчилар қаторида, десам, айни ҳақиқатни айтган бўламан.

Сурхондарёлик йигит-қизларнинг кийиниши ҳам кишини ўзига тортади. Бу бизнинг қадимдан ўзимизга хос, ўзимизга мос миллий кийимларимизга эга бўлганимиздан далолат беради. Бу шунчаки гап эмас. Инсон ўзини хурмат қиласиган бўлса, шундан кейин бошқалар ҳам уни ҳурмат қиласи...

Бизнинг эртанги авлодимиз биздан кўра кучли, билимли, ақлли, доно ва албатта баҳтили бўлиши шарт, деган шиорни мен 90-йилларда айтган эдим. Мана, энди натижасини кўряпмиз. Бизнинг болаларимизнинг кўриниши илгари қандай эди-ю, ҳозир қандай?

Армиядан муддатидан олдин кетишга мажбур бўлган йигитларни 80-йилларнинг охирида мен ўзим Тошкентда, Марказқўм биносида кутиб олардим. Қаддини кўрсангиз, бир ярим метрдан баланд эмас. Қандай қилиб уларни жазодан олиб қолиш, қандай қилиб вақтинча армиядан озод қилишни ўйлардим. Энди ҳозирги болаларимизни кўринг. Кеча

Қашқадарёда бўлган эдик. Шундай келишган йигитлар, қизлар ўтирибдики, уларнинг қадди-қоматини кўриб, ҳавасингиз келади.

Бизнинг фарзандларимиз ҳар томонлама соғсаломат бўлса – бу, аввало, халқимизнинг баҳти эмасми?

Шунинг учун, мана, Тошкентда қанча-қанча янги клиникалар қуряпмиз. Яқинда яна келишиб олдик, турли туғма касалликлари бор ёки шундай касалга дучор бўлган bemорларни даволаш учун ҳозир биз шундай замонавий шифохоналарни қуряпмиз ва энг нозик операцияларни ҳам ўзимизда ўтказяпмиз. Бугунги кунда даромадимиз ҳам, ҳаёт даражамиз ҳам ўсиб бормоқда, одамларимиз яхши яшаяпти. Яхши яшаш ўз йўли билан, лекин ҳар қайси оилада соғлом ҳаёт тарзи ҳукмрон бўлса, бола ҳам соғлом бўлиб туғилади. Бундан катта баҳт борми ўзи?

* * *

Барчамиз бугун чуқур англаб олдик – фақатгина замонавий асосда таълим-тарбия олган, жаҳоннинг манаман деган мамлакатларидағи тенгдошлари билан беллаша оладиган, жисмоний ва маънавий жиҳатдан баркамол ёшлиар биз бошлаган ишларни муносиб давом эттириш ва янги босқичга кўтаришга қодир бўлади.

Шу сабабли юртимизда янги-янги мактаблар, лицей ва коллежларни, маданият, санъат ва спорт объектларини қуриш, реконструкция қилиш, замонавий талаблар асосида жихозлаш ишларига бундан буён ҳам устувор эътибор қаратилади.

Тошкент вилоятида 2015 йилда 23 миллиард 500 миллион сўм маблағ ҳисобидан ўнлаб болалар спорти обьектларини янгитдан қуриш, реконструкция қилиш ва замонавий жиҳозлаш бўйича катта ишлар олиб борилаётгани ана шу мақсадга хизмат қиласди.

Келгуси беш йилда янги мактаблар, спорт заллари, бассейнлар, маданият ва санъат масканларини барпо этиш ҳам шу борадаги режаларимиздан ўрин олган.

* * *

Ёшлиар ҳақида мен бошқа вилоятларда ҳам кўп гапираман. Бугун Тошкент вилоятининг ёшларига қарата, болаларим, сиз шундай бир замонда яшаяпсизки, ўзингизни кўрсатишингиз, бор имконият ва салоҳиятингизни ишга солишингиз мумкин, деб айтмоқчиман. Ўзингиз қаранг, сизларнинг бугун ҳар қадамда ташаббус кўрсатишингиз учун қандай имкониятлар яратилган. Яъни, сизнинг қалбингизда ўз юртини севиш, шу юрт учун ёниб яшаш туйғуси бошқача бўлиб, бу – сизларнинг баҳтингиз, десак, тўғри бўлади.

Юртимиздаги кенг кўламли янгиланишлар, бунёдкорлик ва ободончилик ишларида сиз, азиз фарзандларимиз узоқдан кузатувчи эмас, балки бу жараёнларнинг фаол иштирокчиси бўлмоқдасиз.

* * *

Мен вилоятларда бўлганимда жисмонан бақувват, келишган, чиниккан болаларимизни кўриб, жуда фахрланаман. Улар, менга фотиха беринг, Бразилияда чемпион бўлмоқчиман, деган кўтаринки фикрларни билдириди. Ўзбекистон заминида чемпионликка таш-

на бундай йигит-қизларимиз кам эмас. Уларга халқаро мөъёрлар асосида шарт-шароит яратиб берсак, уларни юқори малакали чет эллик тренерлар, мутахассислар билан таъминласак, юртимиздан яна кўплаб чемпионлар, халқаро мусобақалар ғолиблари чиқади. Биз шунга ҳаракат қилишимиз керак.

Эътибор берсангиз, ҳозирги кунда оналар ўз фарзандларини спорт залларига, мусиқа мактабларига етаклаб келмоқда. Фарзандининг ана шу масканларда таълим олиши ва камол топиши учун вақтини ҳам, маблағини ҳам аямаяпти. Бу Ўзбекистонда илгари кузатилмаган ҳолат. Сизларга айтсам, бу – юртимизда янгича фикрлайдиган авлод пайдо бўлаётганинг ифодаси эмасми? Мен ишонаман, бундай авлодни ҳеч қандай куч ўз йўлидан тўхтата олмайди. Бизнинг, албатта, буюк давлат қуришимизнинг асосий шарти ва гарови аслида шу эмасми?

* * *

Халқимиз кечаги тарихимизди қандай оғир кунларни қўрганини ёшларимизга ким тушунтириб беради? Агар бу ҳақиқатни болаларимизга биз етказмасак, ким етказади?

Авваламбор, ён-атрофга очик кўз билан қараб хулоса чиқариш, ўзининг мустақил фикрига эга бўлиш, керак бўлса, ҳақиқатдан доим рухланиб яшаш зарур. Ҳақиқатни қидириш ва ҳақиқатдан куч олиб яшаш керак.

* * *

Фақат ўз куч ва салоҳиятига таяниб, ўзлигини англаб, бошини баланд кўтариб яшайдиган халқни дунё аҳли ҳурмат қиласади.

Менинг истагим битта – ёшларимизга, фарзандларимизга шуни етказсак бўлди. Менинг армоним колмайди. Нега деганда, ҳар қайси миллат, ҳар қайси халқ ўзидан билимлироқ, кучли, қудратли ва баҳтили авлодни тарбиялашга ҳаракат қиласди. Бугунги кунда болаларимиз шундай руҳда, шундай даражада тарбияланяпти, шундай даражага кўтариляпти.

Фарзандларимиз илм-фан сирларини ўрганиш бўладими, замонавий билим ва касб-хунарларни эгаллаш бўладими, ахборот-коммуникация технологиялари, интернетдан фойдаланиш бўладими, барча-барча соҳаларда юксак чўққиларни эгалламоқда. Бугун беш ёшли бола интернетнинг у ёғидан кириб, бу ёғидан чиқадики, шахсан мен уларнинг ҳаётини ўзимнинг шу ёшдаги ҳаётим билан солишириб, ҳайратда қоламан. Бир сўз билан айтганда, бугунги авлод жуда тез ўсяпти. Буни тан олишимиз ва айни шундай натижаларга эришганимиздан фақат хурсанд бўлишимиз керак. Бугун талабаларимиз кўпгина соҳаларда профессор ва ўқитувчиларимиздан анча илғор эканини ҳеч ким инкор эта олмайди. Ҳозир домлаларимизда ўз устида тинимсиз ишлаши учун яна битта туртки – мен болалардан, талабалардан орқада қолаётган бўлсам, уларга дарс беришга ҳаққим йўқ, ўз устимда янада кўпроқ ишлашим керак, деган фикр пайдо бўляпти.

Шу ҳақда сўз кетган экан, ҳаётда кўп нарсани кўрган инсон сифатида айтмоқчиманки, профессор фақат синов дафтарчасига баҳо қўйиш, имзо чекиш билан ўзига ҳақиқий обрў топа олмайди. Профессор ва

ўқитувчининг обрўси – бу унинг билими ва салоҳияти, талабалар юрагида, қалбидаги қолдирган ўчмас изи, яхши мутахассис ва шогирдларни тарбиялаши билан ўлчанади.

Шу нуктаи назардан қараганда, бугун болаларимиз ана шундай даражага кўтарилаётган экан, бу бизнинг катта ютугимиз бўлиб, ҳақли равишда барчамизга ғурур бағишлийди.

* * *

Мен тушунаман – ёш йигит-қизларга ёқадиган, уларнинг қўнглига мос тушадиган замонавий иш то-пиб бериш осон эмас, лекин айни шу масала учун мутасадди бўлган раҳбарлар масъулиятни чукур ҳис қилиб, астойдил ишлайдиган бўлса, кўп нарсага эришиш мумкин.

Ҳозирги кунда биз касб-ҳунар коллежларини битириб чиқаётган баъзи йигит-қизларни, уларнинг истагига қарамасдан, бўш турган жойларга ишга қўйишга мажбур бўляпмиз. Мен бундай болаларга улар қандай касбни эгаллагани ва интилишига қараб иш топиб беришни ўзимнинг, давлатнинг энг асосий вазифаси деб биламан. Ҳақиқатан ҳам, фарзандларимиз қайси соҳа бўйича ўқиган бўлса, шу йўналишда ўз ишини давом эттириши учун уларга зарур шароит туғдириб бериш лозим.

Хоразм вилоятининг имкониятидан келиб чиқадиган бўлсак, нафакат қишлоқ хўжалиги, балки саноатни, хизматлар соҳасини ривожлантириш ҳисобидан бу масалани ечишимиз керак. Мисол учун,

туризмни тарақкӣӣ эттириш борасида Хоразм ви-
лоятида катта ютуқларга эришилмоқда. Хоразмлик
ёшларнинг бир эмас, икки эмас, уч-тўртта тилда
бемалол гаплашиши чет эллик меҳмонларни Хива-
нинг тарихий обидаларидан кам ҳайратда қолди-
раётгани йўқ. Уларнинг ширин тили ва муомала-
си хорижлик меҳмонларга манзур бўлаётганини
Самарқандда сайёхликка бағишлиланган ҳалқаро ан-
жуманд Жаҳон сайёхлик ташкилоти раҳбарининг
ўзи шахсан эътироф этганини эшитиб, биласизми,
кувончим, ғурурим ичимга сиғмай кетган эди.

* * *

Эртанги кунимизнинг энг катта кучи, керак бўлса,
замини нимага асосланади, деган саволга мен ёш-
ларимиз, ёшларимиз ва яна бир бор ёшларимиз-
га, деб жавоб бераман. Ана шу фикрни, бу борада
биз жойларда амалга ошираётган ишларни қўллаб-
куватлашингизни сўрайман.

Ҳозирги кунда юртимизнинг қайси шаҳар ёки
қишлоғига борманг, энг муҳташам, энг кўркам би-
нолар бу мактаблар, лицей ва коллежлар, маданият,
санъат ва спорт масканлари эмасми?

Илгари бундай иморатлар қаерда эди? Биз, ай-
тайлик, кимнидир ҳайратда қолдирмоқчи бўлсак,
меҳмонларни қаерга олиб борар эдик? Қорамоллар
боқиладиган фермага. Шунча сигиришимиз бор ва улар-
дан йилига бунча сут олинади, деб мақтанар эдик. Бу-
гун биз нима билан мақтаняпмиз, мақтаниш обьекти
ва субъекти ким бўлди? Бизнинг таълим-тарбия мас-
канларимиз ва уларда ўқиётган болаларимиз эмасми?

Айни шу йүлни танлаганимиз энг түғри, тарихий қадам бўлди. Чунки, бизнинг эртанги кунимизни ким куради – болаларимиз куради, индинги кунимизни ким куради – невараларимиз қуради.

Шу нуқтаи назардан қараганда, энг түғри йўл – таълим-тарбия тизимини янада ривожлантириш, янада мустаҳкамлаш йўлидир. Биз бу йўлдан ҳеч қачон қайтмаймиз. Янги-янги мактаблар қуриш, замонавий ўқув лабораторияларини ташкил этиш, коллежларни битириб чиқаётган болаларимизни тўлиқ иш билан таъминлаш масалалари доимо эътиборимиз марказида туради.

* * *

Айни вақтда ҳаммамизга аёнки, аҳоли сони ўсяпти, минг-минглаб фарзандларимиз ҳаётга кириб келяпти, уларнинг талаб ва эҳтиёжларини қондириш, айниқса, замонавий иш билан таъминлаш – нафақат бизда, айтиш мумкинки, бутун дунёда энг долзарб, керак бўлса, ҳал қилувчи муаммога айланмокда.

Ҳеч кимга сир эмас, ишсиз, даромадсиз одам турили номаъқул кўчаларга кириб кетиши мумкин. Шу нуқтаи назардан қараганда, Қашқадарё вилоятида ўтган йили 89 мингдан зиёд иш ўрни яратилгани, жумладан, карийб 45 минг нафар коллеж битирувчиси ишга жойлаштирилганини таъкидлаш лозим.

Мен айни шу масалага алоҳида эътиборингизни қаратмоқчиман. Эндиғина катта ҳаётга қадам қўяётган болаларимизни, ўзимизнинг фарзандларимизни ишга жойлаштириш дегани нимани англатади? Бу – факат қуруқ рақам эмас.

Бу ракамлар ортида қанча-қанча одамлар, ёшларимизнинг тақдири, уларнинг эртанги куни, бахту саодати, қувонч ва орзулари мужассам. Бу болалар ишга жойлашган бўлса, бир ойдан кейин ота-онасига, мана, сизларга биринчи маошимни олиб келдим, деб айтса, оилада бундан ортиқ хурсандчилик бўлиши мумкинми ўзи?

Мен буни тасаввур қиласар эканман, худдики ўзимнинг ҳаётимда шундай воқеа юз бергандек қувониб кетаман. Бизнинг ҳар биримиз бу ҳаётда турили синовларни бошимиздан кечирганмиз. Лекин давлат нуқтаи назаридан, жамият нуқтаи назаридан, ота-оналий нуқтаи назаридан болаларимизга айни шундай шароитлар яратиб бериш бу – бизнинг, давлатимиз, ота-оналарнинг бурчидир ва биз бу бурчни, албатта, адо этамиз.

* * *

Мен қачон ва қаерда, қандай масалада чиқиш килмайин, авваламбор, ёшларимизнинг чакнаб турган кўзларини, очик чехрасини кўриб, доим бир фикрни таъкидлайман: минг шукроналар бўлсинки, Яратганимиз сизларга шундай эркин ва озод замонда яшаш имконини бердики, сизлар эски мустабид, совет тузумини кўрмагансиз.

Шу нуқтаи назардан қараганда, сизлар жуда баҳтли авлодсиз. Мана, орадан қанча вақт ўтди, кечаги тарихимиздаги фожиаларни «ўзбеклар иши», «пахта иши» деган фитна ва ўйинларни эсламаслик, бугун ёшларимизнинг бундай ноҳақликларни кўрмасдан ўсаётгани – бир томондан жуда яхши.

Фарзандларимизнинг биз мустақиллик даврида, тинч-осойишта шароитда ўсиб катта бўлганмиз, ота-бо- боларимиз кўрган қийинчиликларни кўрмадик, бунинг учун Худога ҳар қанча шукроналар айтсак, арзийди, деган фикр билан яшаши – бу, табиийки, қувончли ҳол.

* * *

Яна бир бор айтаман, болаларимиз, фарзандлари- миз асл тарихни, ҳақиқатни билиши керак. Улар ана шу асосда тарбия топиши лозим ва ана шунда халқимиз, ёш авлодимиз ҳеч қачон кам бўлмайди.

Маълумки, Соҳибқирон Амир Темур бобомиз мана шу юртда туғилгани, мана шу юртда яшаб, уни ёвдан озод қилгани, буюк давлат барпо этгани билан барча- миз ҳақли равишда фахрланамиз. Бу улуғ зотни бизга Худонинг ўзи берган. Амир Темур бизга қолдирган мерос – бу барча авлодларимизга хизмат қиласиган абадий меросдир.

Демокчиманки, мана, бугун ёшларимиз ўсяпти, уларни ҳақиқат ва яна бир бор ҳақиқат билан қурол- лантиришимиз керак.

* * *

Мустақиллик йилларида Ўзбекистонда амалга оширилган энг катта иш ҳақида сўраса, мен ҳеч иккиланмасдан Кадрлар тайёрлаш дастурини қабул қилганимиз ва амалга оширганимиз, деб жавоб берган бўлардим. Мазкур дастур устида мен жуда кўп ишладим. Мана, бугунги кунда у ўз ҳосилини беряпти, десак, тўғри бўлади. Мен ҳозирги вақтда за-

монавий мактабларимиз, лицей ва коллежларимиз, олий ўкув юртларимизда таълим-тарбия олиб, илм-фан, касб-хунар чўққиларини эгаллаб, ҳаётга ҳал қилувчи куч бўлиб кираётган болаларимиз тимсолида бунинг амалий тасдиғини кўраман ва бундай фарзандларимга ишонаман. Улар бугун замоннинг ўзи олдимизга қўяётган талабларни бажариш учун бутун борлигини бахш этишга тайёр бўлиб майдонга чиқмоқда, десам, бу фикрга сизлар ҳам қўшиласиз, деб ўйлайман.

Бир пайтлар ҳалқимиз, Ватанимизга нисбатан бўлган зулм ва зўравонлик, камситишлар ҳақида гапи-рар эканмиз, мен бир фикрни таъкидлаб айтмоқчиман: биз аламзада эмасмиз, кечаги ҳаётдан норози бўлиб, кимгадир қандайдир талаб қўйищдан ҳам йироқмиз. Кимлардир бир вақтлар юртимиздан улкан бойликларни олиб кетган бўлса, майли, бойлик топилади. Аммо шуни билиб қўйинглар, бизнинг энг катта бойлигимиз – бу ҳалқимиз, ёшларимиздир.

* * *

Бугунги кунда ҳаётимизда том маънода тарихий аҳамиятга эга бўлган, дунё жамоатчилиги ҳақли равишда эътироф этаётган таълим-тарбия соҳасидаги кенг кўламли ислоҳотларимиз қандай катта натижалар бергаётгани ҳақида ҳар қанча фахрланиб, ғуурланиб гапирсак арзийди, албатта.

Ҳақиқатан ҳам, бундан 18 йил олдин бошланган Кадрлар тайёрлаш миллий дастури ва 2004 йилда унинг таркибий қисми сифатида қабул қилинган Мак-

таб таълимини ривожлантириш умуммиллий давлат дастури ижтимоий ҳаётимизда туб бурилиш ясади.

Бу дастурлар доирасида юртимизда минг-минглаб лицей ва коллежлар, мактаблар қуриш ва уларни реконструкция килиш, энг юксак талаблар асосида жиҳозлашдек кенг кўламли вазифани қўйганимизда, бу ишларнинг қандай улкан, айтиш мумкинки, бекиёс мақсадларни кўзда тутишини камдан-кам одам ўзига тасаввур қиласиди.

* * *

Мен жойларда бўлиб, одамлар билан, фермер ва дехқонлар билан учрашганимда, қишлоқ ҳаётида бўлаётган ўзгаришлар ҳақида, пахта, ғалла ҳақида гаплашамиз, булар албатта керак. Лекин, эътибор берган бўлсангиз, бундай мулоқотларда ёшу қари ўз қишлоғи ёки туманида қурилаётган мактаб, лицей ва коллежлар қишлоқ ҳаётини тубдан ўзгартириб юборгани ҳақида тўхталиб, гапни авваламбор шундан бошлайди.

Мен юртдошларимизнинг бундай тўлқинланиб, қувониб гапиришини табиий, деб ўйлайман. Чунки халқимизнинг қонида, табиатида бўлган эзгу фазилатга кўра одамларимиз кўпроқ ўзини эмас, балки фарзандларини, уларнинг келажагини, бахту саодатини ўйлаб яшайди.

Шу нуқтаи назардан қараганда, биз танлаган тараққиёт йўлининг таркибий қисмига, аниқроқ айтадиган бўлсақ, келажагимизнинг мустаҳкам пойдеворига айланиб бораётган таълим соҳасидаги буюк дастурларимизни ўз вақтида, узоқни кўзлаб ишлаб чиққанимиз ва амалга оширганимиз нақадар тўғри

бўлганини бугун мамлақатимиз эришган юксак марра ва натижалар яққол намоён этмоқда.

* * *

Биз, яъни халқимиз ва давлатимиз, ҳар қайси инсон ниманики ўз олдимизга мақсад қилиб қўйган бўлмайлик, қандай буюк ишларни амалга оширишга интилмайлик, барча олижаноб ҳаракатларимизнинг негизида нима туради?

Бу саволга ҳаммамиз, табиийки, барча эзгу ниятларимизнинг марказида фарзандларимизни ҳам жисмоний, ҳам маънавий жиҳатдан соғлом қилиб ўстириш, уларнинг бахту саодати, фаровон келажагини кўриш, дунёда ҳеч кимдан кам бўлмайдиган авлодни тарбиялаш орзузи туради, деб жавоб берамиз.

Ҳақиқатан ҳам, ҳаётимизнинг маъно-мазмуни шунда эмасми?

* * *

Агар биз ўз вақтида узоқни кўзлаб, катта умид билан ҳаётга кириб келаётган ёшларимизнинг чукур билим ва касб-хунар эгаллаши учун замин яратмасак, уларни замон талаб қиласидиган мутахассис кадрлар этиб тайёрламасак, бугунги кунда бутун дунёни қамраб олган молиявий-иктисодий инқироз даврида юртимизда тинчликни сақлаб, иқтисодиётимизнинг барқарор ўсиш суръатларини таъминлашга, айни шундай огир шароитда халқимиз ҳаётининг тобора юксалишига эриша олармидик?

Йўқ, албатта.

Ҳаммамизга чукур бир ҳақиқат аён бўлиши керак – биз юртимизнинг эртанги ривожи йўлида қандай чукур ўйланган дастурларни тузмайлик, бу режаларни бажариш учун қандай моддий база ва имкониятларни яратмайлик, бунинг учун қанча кўп сармоя сафарбар этмайлик, уларнинг барчасини амалга оширадиган, рўёбга чиқарадиган қудратли бир омил борки, у ҳам бўлса, юқори малакали иш кучи ва юртимизнинг эртанги куни, тараққиёти учун масъулиятни ўз зиммасига олишга қодир бўлган етук мутахассис ёшларимиз, десак, ўйлайманки, ҳеч қандай хато бўлмайди.

Шунинг учун ҳам бу ўта муҳим масалани доимо давлатимиз, жамиятимизнинг асосий вазифаси сифатида кўришимиз даркор.

* * *

Бугунги кунда фарзандларимизнинг маънавий оламини юксалтириш, уларни миллий ва умуминсоний қадриятлар руҳида тарбиялаш масаласи биз учун энг долзарб вазифа бўлиб қолмоқда..

Айниқса, ҳозирги мураккаб ва таҳликали замонда миллий ўзлигимиз, азалий қадриятларимизга ёт ва бегона бўлган турли хил хуружлар, ёшларимизнинг онги ва қалбини эгаллашга қаратилган ғаразли интилишлар тобора кучайиб бораётгани барчамизни янада хушёр ва огоҳ бўлишга даъват этийдир.

Шу сабабли ёшлар ўртасида соғлом турмуш тарзи тамойилларини қарор топтириш, уларни гиёхвандлик, ахлоқсизлик, четдан кириб келаётган ҳар хил заарарли таъсирлардан, «оммавий маданият» никоби остидаги

таҳдид ва хатарлардан асраш масалалари бир зум ҳам эътиборимиздан четда қолмаслиги даркор.

* * *

Бугун ҳеч кимга сир эмаски, биз яшаётган XXI аср – интеллектуал бойлик ҳукмронлик қиласидиган аср.

Кимки бу ҳақиқатни ўз вақтида англаб олмаса, интеллектуал билим, интеллектуал бойлика интилиш ҳар қайси миллат ва давлат учун кундалик ҳаёт мазмунига айланмаса – бундай давлат жаҳон тараққиёти йўлидан четда қолиб кетиши муқаррар. Буни чукур англаб олган давлат, бундай холосани чиқарган, ҳалқаро ҳамжамият ва тараққий топган мамлакатлар қаторига кўтарилиш учун ҳаракат қилаётган жамият, биринчи навбатда, бугун униб-ўсиб келаётган фарзандларининг ҳар томонлама баркамол авлод бўлиб ҳаётга кириб боришини ўзи учун энг улуғ, керак бўлса, энг муқаддас мақсад, деб билади.

* * *

Бугунги учрашувимизда мен ёшларимизга қараб айтмоқчиман: агарки қачон биз хоҳлаган замон келса, ана ўшанда муродимизга етамиз, деган фикр билан бемалол юрадиган бўлсак, билиб қўйинглар, бундай замон ҳеч қачон ўз-ўзидан келмайди. Ўзимиз истаган замон учун курашиш, керак бўлса, ўзимизни, бутун борлиғимизни беришимиз лозим. Шундай интилиш билан яшасак, нафақат ўз ҳаётимиз, балки келажак авлодларимиз ҳаётини, уларнинг эртанги ёруғ кунини ўзимиз, ўз қўлимиз билан барпо этган бўламиз.

Ҳақиқатан ҳам, ҳаёт ҳеч қачон бир жойда тўхтаб турмайди ва ҳаммамиз буни хәёлимиздан чиқармаслигимиз керак. Биз эртанги кун учун бутун куч-ғайратимиз билан ҳаракат қилсак, ўзимиз орзу қилган ҳаёт шунчалик тез келади. Бугунги кунда ҳаётимизнинг мана шундай тез суръатлар билан ўзгариб бораётгани, турмушимиз тобора фаровон, одамларимизнинг бадавлат бўлаётгани бу фикрниңг амалий тасдиғи эмасми?

* * *

Болаларимизнинг тарбиясини маҳкам ушлашимиз лозим. Йўқ, болам, бундай эмас, мана бундай, сен кимнинг, қандай буюк зотларнинг авлодисан, қандай бебаҳо маънавий мероснинг ворисисан, деган гапларни уларнинг қулоғига қутиш керак. Бугун яхши яшаяпмиз, деб талтайиб кетмаслигимиз, оёғимиз ердан узилмаслиги зарур. Аслида бу ҳам жиддий бир хавф.

Шу боис мен ҳамиша таълим-тарбия соҳасида ишлайдиган юртдошларимизни ўзимга яқин тутаман, уларнинг машақкатли меҳнатини қадрлашни ҳеч қачон эсимдан чиқармайман.

Давлатимизнинг мукофотларини беришда, авваламбор, ўқитувчи ва мураббийларга эътибор қаратаман. Ўзбекистон Қаҳрамони унвонини олганлар орасида айнан ўқитувчилар кўпчиликни ташкил қилиши бунинг тасдиғи эмасми?

* * *

Ота-онаси, фарзанди учун, эл-юрт, она Ватан учун ўзини фидо қилишга тайёр бўлган инсонни ҳақиқий

ўғлон дейдилар. Ўғлон деган сўз билан ўғил деган сўзниң фарқи бор. Ўғлон деган сўзниң маъноси жуда катта. Яъни, ўғилларнинг энг сарасини, мард йигитларни халқимиз ўғлон дейди. Шу маънода, бугун униб-ўсиб келаётган ёшларимиз ҳам ўз юртини мана шундай севса, унга фидойи бўлиб яшаса, биз бугун ҳам, келажакда ҳам ҳеч қачон, ҳеч кимдан кам бўлмаймиз, ўз мақсад-муддаоларимизга албатта етамиз.

**ХАЛҚИМIZГА ТИНЧЛИК
ВА ОМОНЛИК КЕРАК**

Бугун биз ғоят мураккаб, таҳликали ва қалтис бир замонда яшаётганимизни барчангиз яхши биласиз.

Хозирги вактда дунёнинг узок-яқин турли худудларида юз бераётган ташвишли воқеалар, жумладан, бизнинг минтақамизда, ён-атрофимизда кучайиб бораётган хавф-хатарлар, қонли тўқнашувлар, сиёсий ва иқтисодий қарама-қаршиликлар, терроризм, радикализм, наркотрафикнинг тобора авж олаётгани тинчлик ва барқарорликка қандай катта таҳдид туғдираётгани ҳақида, ўйлайманки, ортиқча гапириб ўтиришнинг ҳожати йўқ.

Мана шундай тобора кескинлашиб бораётган бир вазиятда, биз хушёрлик ва сергаклигимизни йўқотмасдан, кимлар бизга хайриҳоҳ, кимлар ғаразли қўз билан қараётганини, бугунги ҳаёт, бугунги давр бизнинг олдимизга қандай ўткир талаб ва вазифаларни қўяётганини чукур англаб, огоҳ, сезгир ва сафарбар бўлиб яшашимиз талаб қилинмоқда.

* * *

Бугунги кунда дунёда содир бўлаётган воқеаларни холисона баҳолар эканмиз, кескинлик ва хавф-хатарларнинг тобора ўсиб, геосиёсий қарама-қаршиликлар, ўз таъсир доирасини кенгайтиришга қаратилган курашнинг, радикализм, терроризм ва экстремизм каби таҳдидларнинг кучайиб бораётгани барчамизни ташвиш ва хавотирга солмасдан қўймайди, албатта.

Кўпчилик давлатлар қаторида Ўзбекистонимизда ҳам айни мана шундай таҳликали вазиятнинг олди-

ни олиш, останамизга қўймаслик, юртимизда бугун хукм суроётган тинчлик ва баркарорлик, меҳр-оқибат муҳитини асраш, шу билан бирга, юз бериши мумкин бўлган ҳар қандай хатарли бурилишларга тайёр бўлиш мақсадида ўзимизнинг қатъий позициямиз ва сиёсатимизни аниқ белгилаб олганмиз.

Шулар қаторида 2012 йили қабул қилинган «Ўзбекистон Республикасининг Ташқи сиёсий фаолияти концепциясини тасдиқлаш тўғрисида»ги конституциявий қонунда белгилаб берилган, бизнинг хавфсизлигимиз билан боғлиқ бўлган принциплар ва позицияларимиз бугунги кунда жаҳон жамоатчилигига яхши аёндир.

Авваламбор, узок ва яқин қўшниларимиз билан тил топишиб, улар билан ўзаро ҳамкор ва ҳамжиҳат бўлиб яшаш ва, энг муҳими, ҳеч қандай ҳарбий блокларга қўшилмаслик, муқаддас юртимиз тупроғида чет мамлакатларнинг ҳарбий базаларини жойлаштиришга ва ҳарбийларимизнинг чегараларимиз ташқарисига ўтишига йўл қўймаслигимиз шулар жумласидандир.

Бугун юзага келаётган ҳалқаро вазиятда айни шу йўл, шу сиёсат биз учун мақбулдир.

* * *

Бизга узок ва яқин жойларда пайдо бўлаётган зиддият ва муаммоларни қандай ечиш керак, деган масалада ҳозирги вақтда кўп гапирилмоқда.

Бундай таҳликали вазиятда бизнинг ёндашувимиз ва қарашларимиз Бирлашган Миллатлар Ташкилотининг Низомида, ҳалқаро қонун ва нормаларда белгилаб, муҳрлаб қўйилган асосий принципларни сўзсиз бажаришдир, зўравонликка, куч ишлатишга йўл қўймаслиkdir.

Юзага келадиган қарама-қаршиликни, низоларни фақатгина сиёсий йўл, тинч воситалар билан ҳал этиш, давлатларнинг сиёсий суверенитети ва чегараларнинг дахлсизлигини бузишга йўл қўймасликдир.

Ҳар қандай тўқнашув, ҳар қандай қарама-қаршилик, ҳар қандай зиддият, авваламбор тинчлик йўли билан, сиёсий музокаралар йўли билан ҳал этилиши керак. Мустақил давлатларнинг мустақиллигига зиён етказмаслик керак. Зўравонлик йўли билан, куч ишлатиб, бу масалаларни ҳал қилиб бўлмайди. Агар уруш-жанжал бошланадиган бўлса, унинг охири кўринмасдан колади.

Халқимиз хотиржам бўлсин – Ўзбекистон бундай баҳслар, қарама-қаршилик ва зиддиятлар, қон тўкишга қаратилган уринишларга асло қўшилмайди ва бундай ҳаракатлар оstonамизга етишига биз асло йўл қўймаймиз. Бунинг учун кучимиз ҳам етади, курдатимиз ҳам етади, керак бўлса, ақлимиз ҳам етади, десам, ўйлайманки, одамларимиз менинг гапларимни тўғри тушунади ва тўғри англайди.

* * *

Юртимизда ҳукм суроётган тинчлик ва барқарорлик, миллатлараро ва фуқаролараро ҳамжиҳатлик, ўзаро ҳурмат муҳитини саклаш, хуқуқий саводхонлини, юртдошларимиз, айниқса, ёшларимизнинг сиёсий маданияти ва фаоллигини оширишни таъминлашда фуқаролик жамияти институтларининг ролини янада кучайтириш муҳим вазифа бўлиб қолмоқда.

* * *

Биз учун тинчлик ва омонлик керак. Ҳақиқатан ҳам, юртимиздаги қайси хонадонга кирманг, қарияларимиз

дуога қўл очиб, Яратгандан, аввало, эл-юртимизга тинчлик ва омонликни сўрайди. Тинчлик бўлсин, хотиржамлик бўлсин дейди. Турли бало-қазолар бизга яқин келмасин, останамизга йўламасин дейди. Фарзандларига, набираларига узок умр ва баҳт тилайди. Чунки халқимиз тинчлик бўлса, фаровонлик ва таракқиёт бўлишини яхши билади, тинчликнинг қадрқимматини яхши англайди.

* * *

Мен ҳар йили 9 май – Хотира ва қадрлаш кунига бағишлиб ўтказиладиган маросимда халқимиз ўртасида машхур бўлиб кетган «Ўзбекистонга тинчлик ва омонлик керак» деган иборани такорлайман. Биз бугунги кунда айни шу мақсадга жавоб берадиган сиёсатни олиб бормоқдамиз ва бу йўлдан ҳеч қачон қайтмаймиз.

Агар давлат кимнингдир ишорасига ё буйруғига қараб ёки унинг сиёсатини ўзига маъқул топиб, ўзиникини эмас, айнан унинг манфаатларини кўзлаб сиёсат олиб борадиган бўлса, хато қиласи. Бундай бирёқлама сиёсатни совет даврида, керак бўлса, ундан кейинги даврларда ҳам кўпгина қўшни давлатлар мисолида кўрдик.

* * *

Дунёда яшаётган кўпчилик халқлар қатори бизнинг халқимиз ҳам уруш қайтарилимаслигини истайди. Уруш ҳеч қачон қайтмасин, деб барча-барча момоларимиз, боболаримиз ҳам, опаларимиз, акаларимиз, болаларимиз ҳам – ҳамма битта нарсани истайди: эй одамзод, бу

машъум уруш бошқа қайтмасин, останамизга бу бало яқин йўламасин, деб ҳар сафар дуойи фотиҳани шундан бошлайди. Шунинг учун бизнинг қилаётган барча-барча ҳаракатларимиз, давлатимиз, ҳукуматимиз, раҳбарият амалга ошираётган ишлар, албатта, нимага қаратилган, деб сўрасак, мана шу тинчликни сақлаш учун, деб жавоб бериш ҳар томонлама тўғри бўлади.

* * *

Агар тинчлик-осойишталик бўлмаса, меҳр-оқибат бўлмаса, биз орзу қилган ва интилаётган эркин ва фаровон ҳаётни қуриб бўлмайди.

* * *

Ҳаммамизнинг ниятимиз янада ёруғ кунларни кўриш, болаларимизнинг, невараларимизнинг баҳти ни кўриш. Бизга аввало ана шу оддий-оддий нарсалар керак.

* * *

Мен бугунги имкониятдан фойдаланиб, бутун халқимизга қаратса айтмоқчиман: мана шундай ўта таҳликали замонда биз ташқи сиёсатимизни ўтказишда огоҳ ва сезгир бўлиб, шу йўлда бир мушт бўлиб ҳаракат қилишимиз ҳар қачонгидан ҳам муҳимдир. Чунки ён-атрофимизда бўлаётган воқеалар биздан шуни талаб қилмоқда. Мана, Афғонистонда ҳали-бери тинчлик ўрнатилгани йўқ. Бу мамлакатда ўтган йили сайлов ўтди-ю, унинг ижобий натижалари амалда кўринмаяпти. Ироқ ва Сурияда Ироқ ва Шом ислом давлатини ўрнатамиз, деган ғоя билан ёвуз, ваҳший бир куч пайдо бўлди. Уларнинг жирканч қиёфасини

оммавий ахборот воситаларида берилаётган лавҳалар орқали кўриб турибмиз. Улар муқаддас ислом дининг бутун дунёда обрўсини тўкмоқда. Аслида бу ёвуз кучларнинг мусулмончиликка ҳеч қандай алоқаси йўқ. Ваҳшийлик, одам ўлдириш, одамларни қўрқитиш, гаровга олиш ислом динига тамоман ёт нарсалар.

Бундай кучларнинг ёшларимизни алдаб, ўз кармоғига илинтиришига ҳеч қандай имконият бермаслигимиз керак. Мана, қўшни мамлакатлардан кўплаб ёшлар билиб-билмай уларга қўшилиб, мана шундай «ўйин»ларда қатнашяпти. «Ўйин» деб мана шу ваҳшийликларни айтаяпман. Биз бундан доимо огоҳ бўлиб, масаланинг моҳиятини, биринчи навбатда, оналарга етказишимиз мухим. Оналаримиз ўз болаларига тўғри йўл қўрсатиши, мен сенга оқ сут бериб катта қилганман, мени рози қилишни истасанг, бундай йўлларга юрмайсан, деган гапларни айтиб, ёшларнинг қўзини очиб бериши керак. Ана шунда бизнинг ёшларимиз ҳеч қачон бундай йўлларга кирмайди.

Лекин вақтни йўқотиб, лоқайдлик ва бепарволик кайфиятига бериладиган бўлсак, биз кўп нарсани бой берамиз.

Мана, каранг, қандай эркин ва обод Ватанда қандай гўзал ва ширин ҳаёт кечиряпмиз. Оддимизда яна кўплаб янги имкониятлар очиласяпти. Эл-юртимиз тинчлигини, мусаффо осмонимизни ҳимоя қилишда, юртимизни янада тарақкий эттириш ва ислохотларимизни изчил амалга оширишда мен, авваламбор, кимга суюнаман? Она халқимга суюнаман, кўпни кўрган муҳтарам қарияларимизга, биринчи навбатда, ёшларимиз, менинг фарзандларимга таянаман.

* * *

Биз нимани истаймиз – она Ватанимизда тинчлик ва омонлик бўлишини истаймиз. Бошқаларга ҳам шуни тилаймиз.

* * *

Халқимизнинг «Емаган сомсага пул тўлашнинг нима кераги бор?» иборасини эслаш ҳар томонлама ўринли бўлади, деб ўйлайман. Баъзан кўполдек бўлиб туюлса-да, бу ибора замирида чуқур ҳаётий маъно, катта асос бор.

Эй, барака топкур, бизнинг мамлакатимизда тинчликни ҳимоя қилиш керак бўлганда, ким бизга ёрдамга келди, ким бизга мадад берди?

Энг муҳими, кимдадир ана шундай хоҳиш бўлган, Ўзбекистонга келиб ёрдам бераман, деган тақдирда ҳам, Ўзбекистон, ўзбек халқи ҳеч қачон, ҳеч кимнинг ёрдами, кўмагига муҳтож эмас.

* * *

Айрим сиёсий қучлар ва катта давлатларнинг баъзи бир раҳбарлари шундай ният билан юрадики, қандай қилиб бўлса-да, ўзига обрў топиш, керак бўлса, қандай қилиб, кимларнинг ҳисобидан ўзига манфаат топиш ва янада кўпроқ куч-кудратга эга бўлиш. Бундай «мусобақа» кимга керак, билмадим, лекин шундай ҳаракатлар ҳали-бери давом этмоқда.

* * *

Мен Ўзбекистон учун, унинг сиёсати учун жавобгарман. Кимдир бизни ўз тўдасига олиб, етакчилик

килмоқчи бўлса, адашади. Биз у ёққа борамиз, бу ёққа борамиз, деган гапларни совет даврида кўп эшиттганмиз. Лекин бу гапларнинг нималарга олиб келганига ҳаммамиз гувоҳмиз. Шундан холоса қилиб, биз фақат ўз ақлимиз билан яшаймиз, бизга манфаат берадиган ишларни қиласиз. Биз атрофимиздаги давлатлар билан фақат дўстона алоқаларни боғлашга тайёрмиз.

* * *

Бизнинг қарияларимиз, юздан ошган мўътабар отахон ва онахонларимиз – юртимиз тинч ва осойишта, ҳаётимиз фаровон бўлсин деб, бугунги кунимизга шукроналар айтади. Чунки ўзбек халқига тинчлик ва омонлик керак.

* * *

Биз бошимиздан кечираётган замон барчамииздан, ҳар биримиздан огоҳ ва сезгир бўлиб яшшимизни, бугунги ва эртанги кунимизни, тинч ҳаётимизни ўзимиз асранишимизни талаб этади. Фақатгина тинчликни ният қилиш, орзу қилиш эмас, балки тинчлик, осуда ҳаёт учун, мусаффо осмон учун албатта баҳоли қудрат курашишимиз даркор.

**ЎЗБЕКИСТОН РЕСПУБЛИКАСИ
ПРЕЗИДЕНТИ ЛАВОЗИМИГА
КИРИШИШ ТАНТАНАЛИ
МАРОСИМИГА БАҒИШЛАНҒАН
ОЛИЙ МАЖЛИС
ПАЛАТАЛАРИНИНГ ҚЎШМА
МАЖЛИСИДАГИ НУТҚ**

Азиз ватандошлар, мухтарам Олий Мажлис депутатлари!

Қадрли меҳмонлар!

Аввало, сиз, ҳурматли Олий Мажлис Қонунчилик палатаси депутатлари ва Сенат аъзоларига, сизларнинг тимсолингизда бутун халқимизга мурожаат қилиб, менинг Ўзбекистон Республикаси Президенти бўлиб сайланишимга ўз ишончини билдирган юртдошларимга ўзимнинг самимий миннатдорлигимни изҳор этишдан баҳтиёрман.

Айни шу фурсатдан фойдаланиб, сиз, азизларимга ўзимнинг чуқур ҳурмат ва эҳтиромимни билдириб, ҳаммангизга соғлик-омонлик, баҳт-саодат тилайман, қалбимдаги энг эзгу орзу-тилакларимни қабул килишингизни сўрайман.

Менга билдирилган ишончни ўзим учун, аввало, улкан масъулият ва катта шараф деб биламан ва яна бир бор айтмоқчиман – бундай юксак, ҳеч нарса билан ўлчаб бўлмайдиган халқ ишончини оқлашга, бажо келтиришга бутун борлиғимни сафарбар қиласман.

Қадрли дўстлар!

Биз эски, ўзини оқламаган мустабид, зўравон тузумдан бутунлай воз кечиб, тақдиримизни ўз қўлимиизга олиб, биз учун янги демократик давлат ва фуқаролик жамияти барпо этиш, ҳеч кимдан кам бўлмайдиган озод ва обод ҳаёт қуришни ўз олдимизга мақсад қилиб қўйиб, амалга ошираётган қатъий

Ўзгариш ва ислоҳотлар натижасида бугун эришаётган юксак марра ва ютуқларимизни ҳеч ким инкор этолмайди.

Буларнинг асосий омили ва мезони сифатида, ҳеч шубҳасиз, биз танлаган ва дунёда «ўзбек модели» деб ном олган, машхур беш тамойил – принципга асосланган, тадрижий – эволюцион, босқичмабосқич ривожланишнинг Ўзбекистон йўли нақадар тўғри эканини ҳаётнинг ўзи бугун тасдиқлаб бермоқда.

Бу моделнинг афзаллиги ва бугун ўзини бутунлай оқлаганини Ўзбекистонга хос бўлган турли табиий, тарихий, миллий, демографик ва экологик хусусиятларни тўла ҳисобга олганида қўрамиз.

Мисол учун қишлоқ хўжалигини оладиган бўлсак, бу соҳада аренда – ижара мулкига асосланган фермерлик ҳаракатини ривожлантиришга катта эътибор берганимиз, уни ҳар томонлама қўллаб-қувватлаганимиз эвазига бу ҳаракат, ҳеч шубҳасиз, яқин тарихимизда ўчмас из бўлиб қолади, десам, айни ҳақиқатни айтган бўламан. Фермер хўжаликларимиз бугунги кунда қишлоқ хўжалиги маҳсулотларининг нафақат 90–92 фоизини ишлаб чиқармоқда, балки қишлоқ ҳаётининг тараққиётини ўз зиммасига олган ижтимоий-сиёсий ҳаракатга айланиб бормоқда.

Ёки бугунги кунда мамлакатимиз ялпи ички маҳсулотининг 56 фоизини ишлаб чиқараётган кичик бизнес ва хусусий тадбиркорлик ҳақида гапирадиган бўлсак, ҳозирги вақтда иш билан банд аҳолимизнинг 75–77 фоизи бу соҳада меҳнат қилмоқда.

Ўз-ўзидан аёнки, кўп нарсадан далолат берадиган ана шундай кўрсаткич ва ракамлар биз олиб бораётган ислоҳотларни янада чуқурлаштириш, эртанги кунимиз, тараққиётимиз йўлида мустаҳкам пойдевор бўлиши мукаррап.

Шуни тўлиқ асос билан айтишимиз мумкин – айни шу каби ислоҳотларни амалга ошириш ҳисобидан биз Ўзбекистон иқтисодиётининг барқарор ўсиш суръатларини таъминлашга эришмоқдамиз. Яъни, охирги 10 йил давомида мамлакатимизда ялпи ички маҳсулотнинг ўсиш суръатлари 8 фоиздан ошиб келаётгани ва 2015 йилда ҳам – шунга ишончимиз бор – бундан кам бўлмаслигини инобатга олсак, барча нарса ўз-ўзидан аён бўлади.

Албатта, мамлакатимиз ялпи ички маҳсулотининг ана шундай юксак суръатлар билан ўзиши ўз-ўзидан бўлаётганий йўқ. Бу мустақиллигимизнинг ilk кунларидан бошланган чуқур тайёргарлик ишларимиз, аввало – шуни яна бир бор айтишга тўғри келади – тараққиётнинг «ўзбек модели»нинг самарасидир. Биз ён-атрофимиздаги баъзи мамлакатлар каби, мана, ўз йўлимизни танлаб олдик, фалон йилга бориб, энг ривожланган давлатлар рўйхатининг бошига чикамиз, деб катта-катта минбарлардан мақтанганимиз йўқ ва хеч қачон бундай килмаймиз.

Бундай ютуқларнинг сабабларини биз, аввало, мард ва матонатли, кўпни кўрган халқимизнинг, одамларимизнинг дунёқараши, сиёсий онги ва савияси тобора юксалиб бораётганида кўрамиз. Ва энг муҳими, бунинг сабаби бугунги кунда ҳал килувчи куч бўлиб майдонга чиқаётган, замонавий билим ва касб-хунарларни пух-

миз йўл қўйган, кечириб бўлмайдиган катта хатога айланниб кетиши мумкин.

Биз XXI асрда – интеллектуал меҳнат ва Интернет даврида, глобаллашув замонида яшаётганимизни, ҳаёт тараққиёти ҳеч қачон бир жойда тўхтаб турмаслигини унутмаслигимиз зарурлигини ҳаётнинг ўзи тақозо этмоқда.

Бунинг устига, жаҳон миқёсида иқтисодий-момлиявий инқироз давом этаётгани, рақобат, қарамақаршилик тобора бешафқат тус олаётгани, радикализм, терроризм, экстремизм каби таҳдидлар кучайиб бораётгани **барчамиздан, аввало, бир ёқадан бош чиқариб, сафарбарлигимизни янада оширишни талаб қиласди**.

Шу борада амалга ошираётган ишларимиз қаторида ҳаётимизни кескин ўзгартираётган демократик ислоҳотларни тезлаштириш, уларнинг самарасини ошириш бугунги кунда, ҳеч шубҳасиз, энг долзарб вазифамизга айланмоқда, десам, янглишмаган бўламан.

Хорижлик ҳамкорларимиз, дунёдаги энг тарақкий топган давлатларнинг вакиллари, бугунги мажлисимида иштирок этаётган чет мамлакатларнинг муҳтарам элчилари мустақиллик йилларида Ўзбекистон барча соҳаларда улкан муваффақиятларга эришганини, айни пайтда олдимизда бундан ҳам катта вазифалар турганини ўзаро мулоқот ва сухбатларда доим эътироф этишади.

Мана, яқинда АҚШ Президенти жаноб Барак Обаманинг менинг Ўзбекистон Республикаси Президентлигига қайта сайланганим муносабати билан йўллаган қутлов телеграммаси билан бутун халқимиз оммавий

ахборот воситалари орқали танишди. Ана шу телеграммада айни шу мавзу ҳакида ҳам сўз юритилган.

Чиндан ҳам, агар биз дунёдаги ривожланган давлатлар каторига кириш йўлида янада юксак мэрраларни эгалламоқчи, ҳаётимизни янги босқичга қўтармоқчи, авваламбор, эркин, озод ва фаровон яшамоқчи бўлсак, демократияни ҳаётимизга татбиқ этишда ҳеч кимдан, ҳеч қачон оркада қолмаслигимиз керак.

Мен шуни истайман ва барчангизни шундай мақсадлар сари даъват этаман.

Шулар ҳакида гапирав эканмиз, энг аввало, биз учун тўсиқ бўлиб турган, эски мустабид тузумдан қолган асоратларга барҳам бериш ва бугун ҳамон ўз ечимини кутаётган турли муаммоларни ҳал қилишимиз, қабул қилган қонунларимизни изчил амалга ошириш, олиб бораётган ислоҳотларимизни янада чуқурлаштириш алоҳида аҳамият касб этади. Шу жумладан, биринчи навбатда, ахборот ва сўз эркинлиги, инсон хукуқ ва эркинликларини таъминлаш, судхукуқ тизимини янада такомиллаштириш, фуқаролик жамияти институтларини ривожлантириш ва ҳимоялаш каби ислоҳотларни янги, юксак босқичга қўташиб – айтиш мумкинки, бу соҳаларда ҳали қиладиган ишларимиз кўп.

Ҳеч кимга сир эмас, иқтисодиётимизнинг рақобатдошлигини таъминламасдан туриб, яъни ишлаб чиқариш соҳа ва тармоқларини модернизация ва диверсификация қилмасдан, технологик ва техник нуқтаи назардан янгиламасдан туриб, биз ишлаб чиқарадиган маҳсулотларни жаҳон бозори, эртага эса ички бозоримиз ҳам қабул қилмайди.

Бу ҳақиқат ҳаммамизга аён бўлиши керак. Бу ҳақиқатдан биз ҳеч қачон кўз юма олмаймиз.

Бугунги кунда дунёда шафқатсиз кураш кетяпти. Шундай экан, ҳаётнинг ўзи талаб қилаётган, ҳар томонлама асосланган янги стратегик йўлни ҳаётимизга жорий қилмасдан, барча жабҳаларда янги ғалабаларни қўлга киритмасдан туриб, бу курашда ютиб чиқа олмаймиз. Агар бизга бўлаверади, деган кайфият билан яшайдиган бўлсак, жуда катта хатога йўл қўямиз ва қелажак авлодларимиз бизни ҳеч қачон кечирмайди.

Шунинг учун ҳам эртанги кунни, қелажак истиқболимизни ўйладиган бўлсак, бугун иқтисодиётимизда амалга ошираётган кенг кўламли ислоҳотларни, **авваламбор, таркибий ўзгаришларни янада чуқурлаштириш, янги, замон талаб қиласидиган даражага қўтариш масаласини ҳал қилмасдан туриб, очиқ айтишимиз керак, биз ўз мақсадларимизга – тараққий топган демократик давлатлар қаторига қўтарилишимиз хақида гапиришнинг ҳожати қолмайди.**

Биринчи навбатда, Конституциямизда муҳрлаб қўйилган қўптармоқли иқтисодиётимизнинг устувор соҳаси бўлмиш хусусий мулк ва хусусий тадбиркорлик йўлидан барча ғов ва тўсиқларни йўқ қилиш – биз учун ҳал қилувчи, устувор вазифага айланиши даркор.

Айтиш керак – ўтган йиллар давомида мамлакатимизда хусусий мулк ва мулқдорларни ҳимоялашга қаратилган ишончли меъёрий-хукуқий асос ва кафолатларни, жумладан, кичик бизнес ва хусусий тадбиркорликка зарур шароит ва имтиёзларни яратиб бериш

бўйича кўпгина ишлар бажарилди ва бажарилмоқда. Лекин минг афсуски, хусусий мулкнинг давлат мулкига нисбатан устуворлиги барчамиз учун аён бўлишига қарамасдан, бу йўналишда амалга ошираётган ишларимиз, аввало, мулкдорларга эркинлик бериш ма-салалари тўла ечилмаяпти, ўзининг кутилган са-марасини бермаяпти.

Эркинлик деганда, биз нафақат инсоннинг озод яшаши, эркин нафас олишини, балки, аввало, мулкдорлар ва тадбиркорларга ҳақиқий эркинлик беришни, фаолият эркинлигини тушунамиз. Мулк эгаси ва тадбиркорларнинг қўл-оёғига турли баҳоналар билан ки-шан кийдирадиган зўравонлар – бу назорат қиласидиган вазирлик ва идоралар бўладими, рухсат берувчи, банк, молия ҳамда бошқа хизматлар кўрсатадиган тузилма-лар бўладими, ер ажратиш, зарур ресурсларни олиш йўлидаги ҳали-бери ўз ечимини топмаган муаммолар бўладими – бундай ғов ва тўсиқлар бу соҳага фақат за-рар келтиради, унинг ривожини бўғиб, эркин ҳаракат қилишига қўймайди. Бундай адолатсизликка энди чи-даш мумкинми? Йўқ, ҳеч қачон.

Кичик бизнес ва хусусий тадбиркорлик соҳаси ва-киллари, мулкдорлар синфи нафақат ўзини, оиласини бокаётган, айни пайтда халқимиз фаровонлигини таъ-минлашга, миллий армиямизни қўллаб-кувватлашга, бир сўз билан айтганда, миллий тараққиётимизга ҳисса қўшаётган экан, улар, авваламбор, эркин ва яна бир бор эркин бўлиши шарт. Бундан кейин мутасадди вазирлик ва идоралар, жойлардаги бошқарув идоралари фаолиятига айни шу талаб ва мезон асосида баҳо берамиз. Агар қаерда кимдир ўз ишини ҳалол ва виж-

донан бажараётган тадбиркорларга ишонч билдириш, уларни ҳар томонлама қўллаб-қувватлаш ўрнига, уларга ола қўз билан қарайдиган бўлса, билиб қўйинглар, биз бунга бошқа тоқат қилмаймиз. Баъзи бир одамларнинг онгида шундай бир бемаъни тушунча ва тасаввур қотиб, ўрнашиб қолганки, ундан ҳанузгача кутула олмаяпмиз. Яъни, текширувчи, албатта, хато ва камчилик топиши ва кимнидир, албатта, жазолаши керак. Барака топкур, бу – эски мустабид тузумдан қолган сохта қарап эмасми?

Аслида, текширишдан асосий максад шундай бўлиши керакки, у, авваламбор, камчиликни топиш ва уни бартараф этиш, келгусида бунга йўл қўймаслик учун хизмат қилиши керак.

Мутасадди идоралар айни шу фикрни ўзига шиор қилиб олишини истардим. Агар кимда-ким текширишларни ўзининг шахсий манфаатини кўзлаб ташкил қилаётган ва амалга ошираётган бўлса, бундай одамлар билан биз – раҳбарлар, яъни давлат курашиши керак.

Шу нуқтаи назардан қараганда, иқтисодиётимизда давлатнинг улуши ва ўрнини стратегик ҳамда иқтисодий асосланган даражага қадар қисқартиришимиз даркор.

Яна бир бор айтаман, давлатнинг иқтисодиётдаги иштирокини сезиларли даражада қисқартиришимиз керак. Нега деганда, иқтисодиётда давлатнинг улуши кўп бўлса, бу факат зиён келтиради. Мен ўзим давлат раҳбари, давлатнинг вакили бўлиб, шу гапни айтаётган эканман, бунинг учун барча асосларим,

илмий ва амалий жиҳатдан мустаҳкамланган хулосаларим бор.

Бугун ким фойдали иш қиляпти-ю, кимдир эса номига ишлаб, бунинг учун ойлик оляпти – биз ҳаммасини яхши биламиз. Мансабдор одамлар орасида ўз манфаатини давлат манфаатидан, ҳалқимиз манфаатидан устун қўяётган одамлар бор экан, уларни масъул лавозимга, вазифага қўйиб, биз хато қилганимиз. Хали ҳам кеч эмас, биз бу борадаги ишларни, албатта, тартибга олиб, жойига қўямиз. Ким янгича ишлашни хоҳламаётган, кун ўтса бўлди-да, деб юрган бўлса, шуни билсинки, уларнинг ўрнига интилувчан, ишга, меҳнатга чанқоқ ёшларимиз келади.

Фарзандларимиз – бизнинг эртанги кунимиз, деб кўп гапирамиз. Ҳақиқатан ҳам, қаерда, қайси соҳада, мана, мен борман, бу ишни, бу масъулиятни ўз зиммамга оламан, деб майдонга отилиб чиқадиган ёшлар бўлса, улар – эртанги кунимиз, улар – менинг болаларим. Агар шундай ғайрат-шижоат билан ўзингизни намоён этмасангиз, ўйлайманки, вақтингиз бекор кетаяпти, азиз болаларим. Сизларга, мана, мен Президент сифатида айтяпман: сиз – менинг суюнчим ва таянчим, ҳеч қачон қўрқманг, маррани баланд олиб, олдинга босинг.

Албатта, бугун бизнинг янада жадал олдинга боришимизга халақит бераётган, йўлимизда тўсиқ бўлаётган ғовлар кўп. Айниқса, коррупция деган балонинг олдини олиш ва унга қарши қатъий курашиш лозим. Дунёда коррупцияни енгиб бўлмайди, деган гап кенг тарқалган. Мен бунга қўшилмайман. Тўғри, коррупцияни охиригача енгиб бўлмайди, деган гапда

жон бор. Лекин ҳаммамиз, бутун ҳалқимиз бир ёқадан бош чиқариб, бир тану бир жон бўлиб курашсак, уни енгиш мумкин.

Давлат идораларида лавозимда ўтирганлар, аввалимбор, ўзининг манфаатини эмас, балки давлат манфаатини ўйлаши керак. Аммо совет давридаги хусусий мулкни бутунлай рад этган мафкуравий қараш ҳам қайтмаслиги керак. Ўша мустабид тузум даврида давлат манфаати учун минг-минглаб одамларнинг нафақат мол-мулки, балки ҳаёти ҳам барбод қилинган. Бугун бу ҳақда мисол келтиришнинг ҳожати йўқ деб ўйлайман.

Ўзбекистон Конституциясида инсон, унинг ҳаёти, эркинлиги, шаъни, қадр-қиммати ва бошқа дахлсиз хуқуклари олий қадрият экани мустаҳкамлаб қўйилган. Давлат манфаати ёки давлат мулкининг хукмронлиги белгилаб қўйилмаган. Давлат, аввало, инсон манфаати, унинг хуқуки ва эркинликларини таъминлаш учун хизмат қилиши лозим. Бошқача айтганда, биринчи навбатда, одамлар рози бўлса, бой бўлса, шундан кейин давлат манфаати ҳам таъминланади, давлат ҳам бой бўлади.

Олдимиизда турган яна бир муҳим вазифа – маъмурий буйруқбозлик тизимининг ҳамон сақланиб қолаётган ҳар қандай шаклларидан воз кечиб, давлат органлари, бизнес ва хусусий сектор ўртасидаги вазифа ва ваколатларни аниқ белгилаб қўйишимиз, савдо операцияларини, чакана савдодан ташқари, асосан, биржа орқали амалга ошириш тизимиға ўтишимиз керак.

Биз бу борада кўп-кўп ютуқларни қўлга киритганимиз барчамизга қанот беради, албатта. Шу йўлда бошлаган ишларимизни янги босқичга кўтариб, биржа савдосини ривожлантирадиган бўлсак, бюрократия, керак бўлса, коррупциянинг пайи анча кирқилади.

Аксинча бўлса, дейлик, харидор ва ўз маҳсулотини таклиф этаётган томоннинг вакили учрашиб, шахсий манфаати йўлида ўзаро келишиши мумкин. Биржада эса бундай ўзбошимчалик бўлмайди, факат конун асосида иш юритилади. Шундай экан, биз бу борадаги ишни яна ривожлантиришимиз керак, албатта.

Айниқса, кичик бизнес соҳасида бу ўзини тўлиқ окламоқда. Бугунги кунда кичик бизнес субъектларининг камида 50 фоизи биржа савдоларида қатнашиб, зарур ресурсларга эга бўлмоқда. Шу нуқтаи назардан қараб, биз бу масалада кичик бизнесга бу борада яна-да кенг йўл очиб беришимиз керак.

Шулар қаторида корпоратив ёки акциядорлик бирлашмалари фаолиятига ҳам кўпгина хорижий фирма ва компаниялар тажрибаси асосида тегишли ўзгартиришлар киритиш зарур.

Бу борадаги амалий тажрибамиз шуни кўрсатадики, Ўзбекистонда маҳаллий акциядорлар билан бирга, чет эллик инвесторларнинг ҳам акцияларга эга бўлиши мулкчиликнинг энг маъқул, самарали, ўзини оқлаётган йўлидир. Бунинг афзаллиги, аввалимбор, шундаки, хорижлик акциядорлар – муассислар қўшма корхоналарга, аввало, илфор, юқори технологияларни олиб келиш билан бирга, ишлаб чиқариш-

ни замонавий асосда ташкил этиш ва бошқаришни жорий этади.

Шу аснода биз хорижий давлатлар ва компаниялар билан ҳамкорликни янада ривожлантириш учун очиклигимизни билдириб, бу борада янги йўл ва имкониятлар очиб беришга тайёрмиз, десам, ўйлайманки, барчангиз бу фикрга қўшиласиз.

Айни шу йўлни биз ўзимизга маъкул, деб биламиз ва бу борада амалий ишларни бошлаганмиз. Мамлакатимизда бу соҳадаги ҳозирги ҳолат, афсуски, қониқарли эмас. Кўпчилик компания ва бирлашмалар номигагина акциядорлик жамиятларига айлантирилган. Ўйлайманки, ўз вақтида бу масалага юзаки қаралгани ва чукур текширмасдан туриб рухсат берилгани бунга сабаб бўлган.

Шундай экан, мутасадди вазирлик ва идораларнинг бу борадаги фаолиятини яна бир бор танқидий баҳолаб, айбдорларни, керак бўлса, жавобгарликка тортиш керак. Чунки Ўзбекистонда бундай ўйинлар кетмайди. Афсуски, биз бу масалада пала-партиш ишларга йўл қўйдик. Акциялар ҳам номига чиқарилган, улар деярли иш бермаяпти.

Бу борадаги амалий тажрибамиз шуни кўрсатмоқдаки, маҳаллий акциядорлар билан бирга чет эллик инвесторлар ҳам акцияларга эга бўлган компаниялар ўзини оқляяпти.

Шунинг учун биз барча компанияларни ана шундай шаклга ўтказишни энг тўғри йўл деб биламиз. Чет мамлакатларнинг вакиллари ўз сармояси билан келиб, компанияларимизнинг акцияларини сотиб олса,

акциядор бўлса, бунинг нимаси ёмон? Шундай йўл тутсак, авваламбор, юртимизга замонавий технология келади, иккинчидан, маҳсулотларимизни жаҳон бозорига чиқариш осонрок бўлади.

Бугунги кунда дунё бозорида рақобат шу даражада шафқатсиз тус олмоқдаки, унда мустаҳкам ўрин эгаллаш осон эмас. Майли, энг юксак технологияни юртимизга олиб келиб, юкори сифатли маҳсулотлар ишлаб чиқардик ҳам дейлик. Лекин уларни эртага қаерда сотамиз? Жаҳон бозорида бизни ҳеч ким, келинг, марҳамат, деб кутиб олмайди. Бу бозор тўлиқ бўлиб олинган, унда бўш жойнинг ўзи йўқ. Аммо биз бу бозорда ўзимизга хос ва ўзимизга мос ўрин эгаллаб, шунинг ҳисобидан маҳсулот сотиб, валюта ишланишимиз зарур. Биз бунга қандай эришишимиз мумкин? Качонки маҳсулотимизга талаб катта ва у юкори сифати билан бошқалардан устун бўлсагина жаҳон бозорида ўз ўрнимизни топишимиш мумкин. Сифатли маҳсулот чиқариш учун эса энг замонавий технологиялар керак. Шу маънода, ана шундай технологияларга эга бўлган хорижлик инвесторларни корхоналаримизга шерик сифатида жалб қилсак, улар акция эгаси бўлса, биз кўп нарса ютамиз.

Шулар қаторида Интернетнинг имкониятларидан кенг фойдаланишимиз зарур. Бугунги кунда дунё бозорида нима янгилик бўляпти, қайси маҳсулотга қанча талаб бор, нарх-наво қандай, эртага нима бўлиши кутилмоқда, деган саволларга жавоб беришга ҳар биримиз – катта компаниялар раҳбарларидан тортиб, менежерлар, фермерлар, ҳар бир ишлаб чиқарувчи ва

хизмат кўрсатувчи тайёр бўлиши лозим. Бу – ҳаёт талаби.

Айни вақтда шуни ҳам яхши билиб олиш керакки, жаҳонда юксак технологияларга эга бўлган давлатлар кўп эмас. АҚШ, Германия, Япония, Жанубий Корея, Хитой каби бу соҳада катта салоҳиятга эга бўлган давлатлар билан яқин бўлиб, улар билан ҳамкорликда қўшма корхоналарни қўпайтирасак, фақат фойда қўрамиз. Бу борада ҳар қандай мафкуравий қарашларни четга суриб қўйишимииз керак.

Рухсатингиз билан яна бир муҳим масала юзасидан ўз фикр-мулоҳазаларимни баён этмоқчиман. Ҳозирги кунда жаҳонда иқтисодий кураш билан бирга, мафкуравий қарама-қаршилик ҳам кучайиб бормоқда. Мафкуравий кураш – бу, аввало, сиёсий кураш дегани. Ҳар бир мамлакатнинг сиёсий, иқтисодий, маънавий нуқтаи назардан манфаати бўлиши табиий ҳол. Буларнинг орасида маънавият соҳасидаги манфаат ва кураш энг муҳим жабҳа ҳисобланади. «Юксак маънавият – енгилмас куч» номли китобимда бу масалалар ҳақида атрофлича фикр юритилган.

Маънавият аслида нима эканини ҳаммамиз чукур англаб олсак, уни болаларимизга ҳам ўргатсак, биз киммиз, қандай буюк зотларнинг авлодимиз, қандай бебаҳо маънавий мероснинг ворисларимиз, деган саволларни олдимизга қўйиб, уларга жавоб бериб яшайдиган бўлсак, хеч нарсадан қўрқмасак бўлади. Чунки бундай ишонч ва эътиқод билан яшайдиган халқни хеч ким енга олмайди.

Халқимизнинг эзгу ҳаёт талабларига жавоб берадиган, унинг туб манфаатлари, орзу-интилишларини ҳар

томонлама акс эттирадиган миллий ғоя, миллати, тили ва динидан қатыи назар, ҳар бир юртдошимизнинг ўз ғоясига айланса, уларнинг қалби ва юрагидан чукур жой олса, – мен ишонаман – ана шунда биз кўзлаган юксак мақсадларимизга албатта етамиз.

Бугунги кунда биз, эртага нима бўлишини олдиндан айтиб бўлмайдиган, кўп жихатдан ноаниқ, бекарор бир замонда яшаётганимизни ҳисобга олган ҳолда, аввало халқимизнинг ўз қучига бўлган ишончи, иймон-иродасини янада мустаҳкам қилиш ҳақида ўйлашимиз керак.

Бир ҳақиқатни барчамиз, биринчи навбатда ёшли-римиз аниқ-равshan тушуниб олишини истардим: мамлакатимизда янги ҳаёт, янги жамият қуриш мақсадида бошлаган ишларимизни мантиқий якунига албатта етказиш – бу биз учун тарихимизнинг ўзи исботлаб бераётган энг тўғри йўл ва биз шу йўлдан ҳеч қачон ортга қайтмаслигимиз шарт. Шуни унутмаслигимиз керакки, мустақиллик, бугунги эркин ҳаёт, бугунги бекиёс имконият ҳар қайси миллат, ҳар қайси авлод тарихида факат бир марта бериладиган улуғ ва ноёб неъматdir.

Агарки биз учун ҳақиқатан ҳам ҳаёт-мамот масаласи бўлган ана шу имкониятни бой берсак, зиммамизга юклатилган буюк тарихий масъулият ҳиссини йўқотсак, ўз олдимизга қўйган олий мақсадларга етиш учун юртимизда яшаётган ҳар қайси онгли инсон бор куч-ғайрати, ақл-заковатини бағишилашига эриша ол-масак, очиқ айтиш керак, биз эл-юртимиз олдида, ёш авлодимиз, жондан азиз фарзандларимиз олдида хиё-

нат қилган бўламиз. Ўз-ўзидан равшанки, бунга йўл қўйишга бизнинг ҳеч қандай ҳаққимиз йўқ.

Бу фикрни барча ватандошларимиз, ёшларимиз он-гига чуқур сингдириш аввало биз – раҳбарлар, етакчилар учун ҳам қарз, ҳам фарз, деб ҳисоблайман.

Бугунги кунда амалга ошираётган ва 2015 йил ҳамда келгуси йиллар учун белгилаб олган ислоҳотларимизни айни шу талаблар асосида янада чуқурлаштириш, иқтисодиётимизнинг барқарор ўсиш суръатларини давом эттиришимиз, ҳеч шубҳасиз, давлат бошқаруви таркибини ва иқтисодиётимизнинг рақобатдошлигини янги босқичга қўтаришга, жаҳон миқёсида Ўзбекистонимизнинг муносиб ўрин эгаллашига хизмат қиласиди.

Қадрли дўстларим, юртдошларим!

Рухсатингиз билан яна бир ўта муҳим ва барчамизни ўйлантирадиган масалага тўхталиб ўтишни зарур, деб биламан. Яъни, бугунги кунда барчамиз қандай ўта таҳликали, тобора кескинлашиб бораётган, турли хавф-хатарларни олиб келиши мумкин бўлган замонда яшамоқдамиз.

Айни шундай вазиятни ҳисобга олиб, бугун юртимизда ҳукм сураётган тинчлик-осойишталикни, халқимизнинг осуда ҳаётини, чегараларимизнинг дахлсизлигини асраш мақсадида биз узоқ ва яқин атрофимиздаги барча давлатлар билан дўстона муносабатларни ва ўзаро манфаатли ҳамкорликни янада мустаҳкамлашни ўзимизнинг энг устувор вазифамиз, деб билишимиз керак.

Яна ва яна бир бор айтишни ўзимнинг бурчим, деб биламан – Ўзбекистон ҳеч қандай ҳарбий-сиёсий блокка қўшилмайди, ўз ҳудудида чет эл ҳарбий базаларини жойлаштиришга, бизнинг ҳарбийларимизнинг мамлакатимиз ташқарисида бўлишига мутлақо йўл қўймайди.

Бугун яқин атрофимиизда вужудга келаётган ўта мураккаб вазиятда айни шундай йўлни, шундай сиёсатни биз учун энг тўғри, энг маъқул, деб биламиз. **Илгари ҳам айтганимдек, бизга, халқимизга тинчлик ва омонлик керак**, бунинг учун курашишимиз керак.

Фурсатдан фойдаланиб, бизга яқиндан ёрдам ва кўмак бериб, ҳамкорлик қўлини узатиб, доимо хайрихоҳ бўлиб келаётган хорижий давлатлар ва халқаро ташкилотларга, уларнинг мана шу залда ўтирган вакилларига, барча чет эллик меҳмонларимизга ўз номидан, халқимиз номидан самимий ташаккур изхор этишга рухсат бергайсиз.

Мен чет давлатлардан келган ҳамкорларимиз, аввалимбор, дипломатик корпус, бизнес вакиллари билан кўп учрашаман. Улар орасида уруш ҳақида, қарама-қаршилик тўғрисида гапирган биронта одамни учратмадим.

Айниқса, дипломатларга қойил қоламан. Улар ўзини шундай тутадики, ҳеч қачон бирортаси билан ёмон кайфиятда хайрлашганимни эслай олмайман. Элчиларнинг ваколат муддати тугагач, улар билан хайрлашаётганимда ўзимни бамисоли яқин дўстимни кузатаётгандек хис қиласман.

Чунки хорижий давлатларнинг элчилари юртимизда ишлаган вақтлари мобайнида биз билан шундай

яқинлашиб, дўстлашиб кетадики, хайрлашишнинг ўзи оғир бўлади. Биронта элчини кўрмадимки, мана, мен ниҳоят кетяпман, бундан мамнунман, деган бўлса. Шу боис бугун юртимизда фаолият кўрсатаётган чет мамлакатларнинг элчиларига бутун халқимизнинг хурмат ва эҳтиромини етказмоқчиман.

Менга қолса, маҳсус бир мукофот таъсис этиб, Ватанимизда ўз фаолиятини якунлаётган дипломатларни у билан тақдирласак, айни муддао бўларди.

Ўйлайманки, бу залда ўтирган катта-кичик барча раҳбарлар, парламентимиз палаталари аъзолари муҳтарам элчилар билан учрашса, мулоқотлар олиб борса ёки улар билан ҳамкорлик тўғрисида келишувларга эришиш пайтида уларнинг ўртасида айни шундай кайфият ҳукмронлик қилса, мақсадга мувофиқ бўлар эди.

Дипломатнинг энг катта ютуғи нима, деб сўрасангиз, мен улар кўп ишлатадиган ибора билан, урушни бошламасидан туриб уни ютишида, деб жавоб берган бўлардим. Мана шундай хусусият ва аломатларга эга бўлган одамлар, албатта, тасодифан Ўзбекистонга келмайди.

Шуларни ҳисобга олиб, марказда бўладими, виляятларда бўладими, барчамиз чет давлатларнинг муҳтарам вакилларига шундай хурмат-эҳтиром билан муносабатда бўлсак, бу бизнинг қоидамизга, айланса, ҳаммамиз, авваламбор, Ўзбекистонимиз учун маъқул иш бўларди.

Менинг Ўзбекистон Республикаси Президенти этиб сайланишим муносабати билан ўз табрик ва қутловларини йўллаган барча давлат раҳбарларига,

сиёсат ва жамоат арбобларига чукур миннатдорлик билдираман.

Менга юксак ишонч билдирган она халқимга бош эгиб, яна ва яна бир бор таъзим қиласман.

Мана шундай олижаноб, бағрикенг халқимизга фарзандлик меҳри ва садоқати билан хизмат қилиш – мен учун энг юксак шараф, олий саодатдир.

Доимо соғ-омон бўлинглар, қадрдонларим!

МУНДАРИЖА

Сўзбоши ўрнида	3
Бизнинг мақсадимиз – эркин ва фаровон, демократик ҳаёт куриш (<i>Тадбиркорлар ва ишибилармоналар</i> ҳаракати – Ўзбекистон либерал-демократик партиясининг VII съездидаги маъруза)	37
Мустақиллик – тогдек таянчимиз, кудратли заминимиздир	67
Ким эдигу ким бўлдик? Эртага ким бўлишимиз, қандай янги марраларни эгаллашимиз керак?	77
Сайлов – демократиянинг олий шаклидир	97
Тарих – бамисоли кўзгу	107
«Ўзбек модели» – амалда ўзини оқлаган, ёруғ истиқболимизни белгилаб берган тараққиёт йўли	123
Қишлоқ тараққий топса, юртимиз обод, ҳаётимиз янада фаровон бўлади	171
Ободлик кўнгилдан бошланади	189
Замонавий раҳбар доимо олдинга интилиб яшаши керак....	205
Кексалар – хонадонларимизнинг файзу фариштаси.....	215
Аёл бахти – жамият бахти	225
Фарзандларимиз биздан кўра кучли, билимли, доно ва албатта бахтли бўлишлари шарт	233
Халқимизга тинчлик ва омонлик керак	271
Ўзбекистон Республикаси Президенти лавозимига киришиш тантанали маросимига бағишланган Олий Мажлис палаталарининг қўшма мажлисидаги нутқ	281

Каримов И.А.

K25 Она юртимиз бахту иқболи ва буюк келажаги йўлида хизмат қилиш – энг олий саодатдир / И.А. Каримов; – Тошкент: «O’zbekiston» НМИУ, 2015. 304 б.

ISBN 978-9943-28-344-2

УЎК: 323(575.1)
КБК 66.3(5Ў)

Расмий нашр

Ислом Абдуганиевич Каримов

**ОНА ЮРТИМИЗ
БАХТУ ИҚБОЛИ ВА БУЮК
КЕЛАЖАГИ ЙЎЛИДА
ХИЗМАТ ҚИЛИШ –
ЭНГ ОЛИЙ САОДАТДИР**

Нашр учун масъул *Х. Султонов*

Нашрга тайёрловчилар: *С. Ашурев, М. Қаршибоев, И. Бўрибоев, О. Тўракулов*

Нашриёт мухаррирлари: *И. Аҳмедов, Б. Ақбаров*
Рассом *Ш. Ходжсаев*

Бадиий мухаррир *Х. Кўтмуқов*

Техник мухаррир *Л. Ҳижсова*

Кичик мухаррир *Д. Холматова*

Мусаххилар: *М. Ишонхонова, С. Салоҳутдинова*
Компьютерда тайёрловчи *К. Голдобина*

Нашриёт лицензияси АИ № 158, 14.08.2009.

Босишига 2015 йил 7 августда руҳсат этилди. Бичими $60 \times 90^{1/16}$.

Офсет қозози. «Times» гарнитурасида оғсет усулида босилди.

Шартли босма табоги $19,0 + 0,13$ фронтис. Нашр табоги 15,18.

Адади 25000 нусха (1- завод). Буюртма № 15-502.

Ўзбекистон Матбуот ва ахборот агентлигининг «O’zbekiston»
нашриёт-матбаа ижодий уйи. 100129, Тошкент, Навоий кўчаси, 30.

ISBN 978-9943-28-344-2



9 789943 283442